

THE  
WILLIAM R. PERKINS  
LIBRARY  
OF  
DUKE UNIVERSITY



Rare Books



coll. w. pt. 5.  
8°. [XVI], 123, [5] + [II],  
195, [3 blank] ff











IVSTI CALVINI VETERA-  
CASTRENSIS

PRO SACRO-  
SANCTA CATHO-  
LICA ROMANA ECCLESIA,  
PROQVE SVA ADEAM TRANS-  
migratione

APOLOGIA.

EX

SACRIS LITERIS, VENERANDA  
ANTIQUITATE, ATQVE IPSIS SECTARIO-  
rum principiis ita adornata, ut facilem lecto-  
ri viam ad veritatem muniat.

ACCESSIT

EPISTOLARVM CATHOLI-  
CARVM EIVSDEM VOLV MEN VNVM:  
nec non ex S. Augustino Epist. 48. ad Vincentium,  
& Epistola 50. ad Bonifacium, de latitudine Ec-  
clesiæ DEI, & moderata coërcitio-  
ne hæreticorum.

S. HIERONYMVS.

*Legant prius; & postea despiciant, ne videantur  
non ex iudicio, sed ex odii presumptione igno-  
rata damnare.*

MÖGUNTIAE,

Ex officina Typographica Ioannis Albini.

anno clb cl. CIL.

S. AUGUSTINVS Tom. I. de vera Religionē cap. 7.

*Tenenda est nobis Christiana Religio, & eius Ecclesia communicatio, quæ Catholica est, & Catholica nominatur, non solum à suis, verum etiam ab omnibus inimicis. Vellet enim nolint ipsi quòq; heretici & schismatici alumni, quando nō cum suis, sed cum extraneis loquuntur, Catholicam nihil aliud quam Catholicam vocant. Non enim possunt intelligi, nisi hoc eam nomine discernant, quo ab uniuerso orbe nuncupatur.*

Idem libro I. de moribus Ecclesie Catholicæ. cap. 18.

*Brevi dicam, quod sentio: Audite doctos Ecclesie Catholice viros, tanta pace animi & eo voto, quo vos ego audiui: nihil opus erit nouem annis, quibus me ludificastis. Longè omnino, longè breuiori tempore, quid intersit inter veritatem & vanitatemque cernetis.*

RRR  
C168II



ILLVSTRISSI-  
MO ET REVEREN-  
DISSIMO D. CINTHIO CAR-  
DINALI ALDOBRANDINO  
Tit. S. GEORGII, &c. Pa-  
trono suo meritissi-  
mo

*IUSTVS CALVINVS VETERA-  
castrensis S. D.*



VIBVS & quàm grauibus ex  
causis præsentem Apologiam  
scribere aggressus sim, CAR-  
DINALIS ILLVSTRISS. NO-  
runt ii, qui præsentibus aliquot mensium ca-  
lamitates meas inspexerunt, quàmque va-  
riis telis & machinis meus ad Catholi-  
cam ingressus impetitus fuerit, cogno-  
runt. Horret animus meminisse variarum  
tempestatum, nec fortè periculũ pericula  
commemorare sinit. Missis igitur illis, quæ  
qualiacunq; & quatulacunq; pro nomi-  
ne suo perferenda benignè Dominus im-  
):( 2. posuit,



## E P I S T O L A

posuit, acerbissimum dolorem meum non aliter quàm leni & placida Apologia consolandum duxi. Quanquam vix quicquam huiusmodi mēdelâ apud animos tam exulceratos profici solet. Tamen ne silentio culpâ aliquam agnoscere, aut causam sincerissimâ malitiosè prodere videar, libellum hunc operis subcisiuis conscripsi, & nunc publicè excusum aduersariis legendum propono, vt vel hinc, quod sæpè requisuerunt, causas mutatæ fidei meæ cognoscant, mihiq; æquiores deinceps se iudices præbeant. Enimuero multi me hoc nomine quotidie conuenerunt, mecumq; acres etiam conflictus de fide instituerunt. Quibus etsi multa commodè pro mea tenuitate respondi, multa feliciter persuasi, & redditis documentorum testimoniis firmiter demonstraui, vt vel hinc nō mediocre aliquando fructum expectem: tamen vel propter pertinaciam aliquorum, vel propter infirmitatem aliorum multa respondere, vel persuadere nō potui, vt consultum omninò putarim, deinceps stylo quoq; causam meā agere, eaq; quæ propter transuolantium verborum festinationem non attenderentur, clauo quasi trabali



## DEDICATORIA.

bali constantis scripturæ figere, quò diutius firmitusq; sensum occuparent. Quod si infracta sit quorundam pertinacia (quemmodum multos ex isto genere suis erroribus mordicus inhærentes noui) non propterea operam hoc opere lusisse iudicandus ero.

Primùm enim extare volui publicum benignissimi ac misericordissimi erga me DEI beneuolentiæ testimonium, qui miris me modis in vtero matris formatû, in hoc splendidissimum mundi theatrum inductum, à variis fortunæ procellis & iniuriis clementissimè protectû, è perniciosissimis errorû, hærescon & inferni labyrinthis potentissimè liberatum, tandem cum sempiternæ felicitatis spe in hunc tranquillû Ecclesiæ suæ portum traduxit, statuit & collocavit. Cuius immensa & omni verborum amplitudine maiora beneficia, si modio silentii tegam vel extinguiam, sceleratissimè in Deum impius sim, & omnis veritatis iustitiæque hostis. Quid enim maius à DEO præstari potest homini, quàm vt & sit, & beatus sit, id est, saluificæ veritatis cognitione illustratus, & pestilentissimorum errorum lue expurgatus? Dominus creauit

## E P I S T O L A

nos, magnum est: Dominus ratione & sensu instructos aluit pauitque, maius est: Dominus errantes reuocauit & conuertit, & ad spem hæreditatis filiorum suorum traduxit, maximum est. Iam modus reparationis, modus conuersionis, etsi multorum animos & aures grauitè læsurus ac vulneratus est, *quorum ex culmine Babylonicæ dignitatis quasi ex cedris Libani, quas nondum contriuit Dominus, grauitè ruituras in me inimicitias præuideo*: tamē à me taceri vel occultari nec debuit nec potuit, Verus enim est, sincerus est, nec obscura mirificæ bonitatis Dei vestigia continet. *Sacramentū ergo Regis abscondere bonum, opera autem Dei reuelare & confiteri honorificum est. Tob. 12. 7. Quod considerans D. Augustinus lib. 12. confess. ca. 25. Domine, inquit, tremenda sunt iudicia tua, quoniam veritas tua nec mea est, nec illius, aut illius, sed omnium nostrum, quos ad eius communionem publice vocas, terribiliter admonens nos, ut nolimus eā habere priuatam, ne priuemur ea. Nam quisquis id, quod tu omnibus ad fruendū proponis, sibi propriè vendicat, & suum vult esse quod omnium est, à communi propellitur ad sua, hoc est à veritate ad mendaciū. qui enim loquitur mēdaciū, de suo loquitur.*

Altera huius cōsiliī ratio est domus Dei  
profe-

## DEDICATORIA.

profectus & incrementum: quæ quemadmodum scandalis destrui, ita pietatis & constantiæ exemplis mirificè augeri atq; confirmari solet. Nam ut Augustini iterum verbis utar, 8. confess. cap. 4. qui ex profundiore tartaro cecitatis ad Dominum redeunt, & lumen recipiunt, si minus noti sint populis, etiam minus de illis gaudent qui nouerunt eos. Quando enim cum multis gaudetur, & in singulis uberius est gaudium, quia feruefaciunt se, & inflammantur ex alterutra. Deinde quod multis noti, multis sunt authoritati ad salutem, & multis præcunt securis, ideoque multum de illis & qui eos præcesserunt, letantur, quia non de solis letantur. Absit enim ut in tabernaculo Domini præ pauperibus accipiantur personæ diuitum: aut præ ignobilibus nobiles: quando potius infirma mundi elegit, ut confunderet fortia, & ignobilia huius mundi elegit & cōtemptibilia; & ea quæ nō sunt, tanquā quæ sunt; ut ea quæ sunt euacuaret. Sic maxima Ecclesiæ gloria Augustinus, audita ex Simpliciano Victorini Rhetoris conuersione, quāuis inter mare & portū adhuc fluctuās exarsit ad imitandū, exclamauitq;: O Domine Domine, qui inclinasti cælos; & descendisti, tetigisti mōtes & fumigauerūt, quibus modis te insinuasti illi pectori, quod tāquā inexpugnabile receptaculum

## E P I S T O L A

lum Diabolus obtinuerat? Rex noster alligauit fortem, & videmus vasa eius erepta mundari & aptari in honorem Dei, & fieri vtilia Domino ad omne opus bonum. Sic duo Imperatorii Palatii milites apud Treuiros inter deambulandum inuēto codice, in quo scripta erat vita Antonii, eoq; lecto mirari cæperunt & accendi, & inter legendum meditari arripere talem vitam, & relicta militia seculari seruire Deo. Quo enim, inquit, omnibus laboribus nostris ambimus peruenire? Quid quarimus? Cuius rei causa militamus? Maior ne esse poterit spes nostra in palatio, quam vt amici Imperatoris simus? Et ibi quid non fragile plenumque periculis? Et per quot pericula peruenitur ad grandius periculum, & quamdiu istud erit? Amicus Dei si voluero, ecce nunc fio. Dixit hoc vnus, & turgidus parturitione nouæ vitæ, reddidit oculus paginis, & legebat, & mutabatur intus vbi tu videbas, & exuebatur mundo mens eius, vt mox apparuit. Namq; dum legit & voluit fluctus cordis sui, infremuit aliquando & discreuit, decreuitque meliora: Iamque tuus, ait amico suo: ego iam abrui me ab illa spe nostra, & Deo seruire statui, & hoc ex hora hac in hoc loco aggredior. Te si piget imitari, noli aduersari. Respondit ille, adherere se socio tantæ mercedis, tantæque militiæ. Etambo am-



## D E D I C A T O R I A.

*bo iā tui ædificabant turrim sumptu idoneo, relin-  
quendi omnia & sequendi te. O si quis meo ta-  
lem affectum exemplo caperet, quanta  
beatitudine se, quanto gaudio Deum, An-  
gelos, Ecclesiamq; afficeret! Nam, vt Euan-  
gelium quoq; docet, in rebus humanis ita  
comparatum est, vt plus gaudeamus de sa-  
lute desperatę animæ, & de maiore pericu-  
lo liberatę, quā si spes ei semper affuisset  
aut periculum minus fuisset. Triumphat vi-  
ctor imperator, ait Augustinus 8. confess. cap. 3. &  
nō vicisset nisi pugnauisset. Et quanto maius peri-  
culum fuit in prælio, tantō maius gaudium est in  
triumpho. Iactat tempestas nauigantes, minaturq;  
naufragium, omnes futura morte palleſcunt. Trā-  
quillatur cælum & mare, & exultant nimis, quo-  
niam timuerunt nimis. Ager est charus, & vena  
eius malū renunciat: Omnes qui eum saluum cu-  
piunt, egrotant simul animo. Fit ei rectē, & non-  
dū ambulat pristinis viribus, & fit iam tale gau-  
dium, quale non cum antea saluus & fortis am-  
bularet. Sic ubiq; maius gaudium molestia maiori  
præceditur. Nam ipse quoq; misericors pater plus  
gaudet de vno pœnitente, quā de nonaginta no-  
uem iustis, quibus non est opus pœnitentia. Et nos  
cum magna incunditate audimus, cū audimus,  
quā exultantis pastoris humeris reportetur ovis*

## E P I S T O L A

*quæ errauerat: & drachma referatur in thesauros tuos collatantibus vicinis mulieri quæ inuenit: & lachrymas excutit gaudium solennitatis domus tuæ, cum legitur in domo tua de minore filio, quoniam mortuus erat & reuixit, perierat & inuentus est. Gaudes quippe in nobis & in Angelis tuis sancta charitate sanctis. Sed si qui superbiores neq; legibus, neq; exemplis se morigeros præbebunt, illi sanè suo fastu in extremam præcipitabuntur ignominiam, & nos illorū securi, faciemus id, quod Plato olim in Diogene docuit. Quem cum gelidissimo tempore videret in aquis pene congelatis nudum stare, & magnam hominum multitudinem circumfusam mirando commiserari: si inquit, huius hominis misereri, eumq; tāta molestia liberare vultis, discedite. Sentiens fore, vt admiratoribus digressis, & fructu inanis glorię sublato, ipse stultus continētem peteret, & quæ ex salute forēt faceret. Quod non minus fortè nobis de multis infanientis sapientiæ consultis dicere fas sit.*

*Tandem præstabit & istum vsum Apologia nostra, quem in Leporio quodam Pelagiano notat Gennadius de script. Ecclesiast. & Cassianus lib. 1. de Incarnat. Is à Gallicanis Doctōribus admonitus, & in Africa per Augustinum emen-*

## DEDICATORIA.

emendatus, scripsit emendationis suæ libellum, in quo ita magnificè male conceptam opinionem damnauit, ut nō minus penè admiranda cſset correctio illius, quàm illæsa multorum fides, quia primum est errorem penitus non incurrere, secundum benè repudiare. Is ergo in se reuersus non solum in Africa tam errorem suum cum dolore, quàm sine pudore confessus est: sed etiam ad omnes admodum Galliæ ciuitates flebiles confessionis ac planctus sui literas dedit: scilicet ut ubi deniatio eius prius cognita erat, illic etiam emendatio noscetur: & qui testes erroris antea fuerant, iidem postea correctionis essent. Eodem modo & mihi præfens Apologia mea partim confessionis publicæ, partim sinceræ retractationis loco apud omnes pristini erroris testes erit: quibus etsi demonstrare non possum, an vera confitear, credent mihi tamen, quorum mihi aures charitas aperit, & credet Dominus, cuius oculis nuda est abyssus humanæ conscientie. Iam Epistolâs quod attinet, quanquam multos futuros scio, qui illarum vel scriptionem damnaturi, vel editionem miraturi, vel dedicationem denique reprehensuri sunt: tamen nullius istorum tanti apud me authoritas fuit, ut semel susceptum edendi consilium vel

tan-

## E P I S T O L A

tantillum remoraretur, nedum planè impediret aut euerteret. Scribendi enim causas puto me habuisse iustas, edendi iustiores, dedicandi iustissimas. Scripsimus ad pares, aut ad superiores. A paribus consilium, à superiorib. auxilium postulauimus, & in causa quidem optima, grauissima, sincerissima. De salute enim mea anxius, consului eos, quos consilio valere & salutis negotia intelligere iudicabam. Necessitatibus constrictus, opem imploraui eorum, quos & officio posse, & benignitate velle me iuuare, cognoram.

Iam quod ea, quæ tanquam priuatos inter parietes gesta sunt, publico nunc totius orbis theatro spectanda propono, sinceritatis argumentum est. *Qui enim malè agit, odit lucem.* At ego tantoperè causæ meæ non diffido, vt etiam in penetralia consiliorum aduersarios nunc intromittam, qui legant licet clausa, videant occulta, nil proditoriè, nil perfidè à nobis actum inuenient. Augustini Epistolas duas quasi coronidis loco huic opusculo propterea adieci, vt vel indè maior autoritas fidesq; assertionibus meis accederet, cùm sanctus Pater quasi summam totius argumenti mei hisce literis videatur complexus.

Sed



## DEDICATORIA.

Sed nunc tempus ad te veniam, Cardinalis Illust. cui quod totum hoc, quicquid est, quod certè perexiguum est, dedicare, tuiq; sub àplissimi nominis felici auspicio in lucem proferre visum, non puto mihi longè aut anxie rationes conquirendas esse. Offerunt sese vltro & quidem plena manu. Cùm enim in hoc arduo, atq; omnium quæ homini accidere possunt, grauissimo conuersionis meæ opere Dominus Zebaoth quadrigas quasi salutis meæ instructurus, ex ipso illustrissimo purpuratorum patrum collegio, patronos conciliaffet quatuor, omni divina humanaq; virtute instructissimos, deq; me longè meritos optimè: quorum singuli munificentiae iure quasi tesseram quandam gratitudinis à me efflagitarèt, muneri meo vtcunq; deinceps ordinè satisfactorius, ab illustrissima celsitudine tua, tanquam proximo S.D.N. cognato initium faciendum esse duxi. Cuius quoniam eminentissima inter ipsas Ecclesiae columnas dignitas, laus & fama toto orbe percrebrescens, admirabilis in Deū & homines pietas, veritatis Catholicae ardor incomparabilis, doctrina omnis generis profundissima atq; eloquētissima, deniq; ma-

xima

*EPIST. DEDICATORIA.*

xima erga me & incredibilia merita, humanitasq; in meo etiam planè agresti silentio iterum atq; iterum literis testata, singularem quandā ac propè diuinam gratitudinem postulare videtur, fateor me hoc leuidensi munusculo neutiquam partib. meis satisfacturum. Sed quia & pilos caprarum ad templi structuram oblatos legimus & munera non tã ex pondere suo, quã animo donantis valorem accipere solent: restat vt (quod humilimè ardētissimeq; precor) hilari vultu donantē accipiat. Celsitudo tua, & quod datur tenue vileq; æqui boniq; cōsulens, amplissimi nominis sui autoritate tanquã clypeo contra vituperatores protegat & defendat, quò liberius in hominū manus venire, atq; aliquem saltem veritati propagandæ fructum afferre possit. Numen diuinum enixè oro, vt quemadmodum Illustriss. C. T. cumulum suorum erga me beneficiorum indies augere non desistit, ita eam mihi & vniuersæ Catholicæ Ecclesiæ, multisq; adhuc per Dei gratiam è tenebris emerfuris, quam diutissime sospitem valentemque conseruet. Moguntia, 11. Septemb. anno redempti orbis 1601.

CLARISSIMO VIRO  
IVSTO CALVINO  
IN CATHOLICÆ ECCLE-  
siæ portum feliciter recepto.

IVSTVM

Deduxit ( Dominus ) per vias rectas & ostendit illi  
regnum Dei, & dedit illi scientiam Sanctorum.

Sapient. X.

**C**andida Relligio, Veterumq; antistita morum  
Et Veri dux Una fides, tuq; arbitra mundi  
IVSTITIA, optanti noua sufficit gaudia cælo.  
Ecce tuus tibi IVSTVS adest, iam iustus, apertas,  
Hæreseon surgit nubem eluctatus, in auras.  
Fallendiq; astus, abiuratasq; tenebras,  
Præterita in puro cognoscit æmna sereno.  
Talis erat dominâ postquam Memphiside pressum  
Iosephus tetro Iustus caput extulit antro,  
Vt faceret Phario terrarum arbitria curru,  
Tu dominam infamem, densæ caliginis Umbras,  
Seruitiumq; animæ iam Vindice lumine Christi  
Egressus, sanctâ cum libertate, fideq;  
Ducus inoffenso constantem transe gressum,  
Sidereamq; viam, & tritos cælestibus orbes,  
Ter sælix, solidoq; locas Vestigia VERO.  
Aspice quâ eterno tectus petra ardua calle,  
Hanc firmata super fulgenti Ecclesia cœtu,  
Immo perstat cultu immutabilis, Vnum  
Doctrina & morum seruans sincerâ tenorem.  
Non illa ancipiti mentem frustrata figurâ  
Præcipitat dubiam sensu variantē salutem,  
At recto stabiliq; gradu fida inferet astris  
Inculpatam animam, Vita aspera Vncere cuncta, &  
Subter humi stratis docet insultare periclis.  
Certa Via, & longo seclorum plana meatu.  
Et diuerticulis sectarum imperdita constat.  
Hæc quia te reducem, lent IUSTE agmine ducens

*Emeritum atherea fert admotura corona,  
 Perge alacer, quo iam tot ierunt secula ductu.  
 Neu metue, illa etiam priuatum lumine Saulum,  
 Quam sua cernentem, securius orbita vexit.  
 Huc olim AURELIUS Variis anfractibus actus  
 Dum reprobat, repetitq; vias, in pace quieta  
 Sollicitam ingemuit, raptamq; per inuita vitam,  
 Erroresq; suos, Huc errabunda Luthero  
 Contempto retulit STAPHYLVS Vestigia. Magnus  
 Te exemplo, scriptisq; grauis PISTORIUS antecit  
 Proximus, inq; viam docet auia corda reuerti,  
 Palantesq; animas Fidei, celsq; reducit.  
 Huc te etiam immensos post magni pectoris astus  
 E labyrinthis ambagibus extricatum  
 Summa Dei eduxit Clementia IUSTE; nec illum  
 Aut latuit studium, aut pia cura impensa salutis,  
 Et toties vigilas in veri indagine noctes.  
 Cum veterum crebro monumenta exacte remensus,  
 Et praecepta Patrum, magna concordia Roma;  
 Atq; aliena nouis emirabare magistris,  
 Adfuit, & blando cita pectora perculit ictu  
 GRATIA dum medio pendes discrimine rerum  
 Et verum damnas animo alternante probasq;  
 Postquam nocte animi excussa, Vinculisq; solutis  
 Aetheream toto admisisti pectore lucem,  
 Tum vero inuicta fulsit constantia scuto,  
 Et triplici Heroos artus adamante reuinxit.  
 Non graue propositum carissima pignora nati,  
 Coniugij non frexit amor, non fama malignis  
 Promior, & IUSTI virtutibus inuida mouit.  
 Et merito, patriâ, quam Christo agere exul adempto  
 Maluit, & patrio bene pro fumo astra pacisci,  
 Iam sic ille fide meritisq; adspirat olympo  
 Sic aliis praeferat iter, quos nocte profunda  
 Lux summa de luce Deo, Deus euocet Ultero  
 In regnum, & puro dei lumine posse renasci.*

A. C. M.





IVSTI CALVINI VETE-  
RACASTRENSIS

PRO SACRO-  
SANCTA CA-  
THOLICA ROMANA EC-  
CLESIA, PROQUE SVA AD  
eam transmigratio-  
ne,

APOLOGIA.



ANCTVS AVGVSTINVS, Ca-  
tholicæ Ecclesiæ decus, & præsidium firmissimum, cùm  
diruptis & derelictis Mani-  
cheorum laqueis Catholicæ veri-

ati caput submisisset, sibi quæ ex præcepto  
Domini omne negotium dari sciret, vt ipse  
conuersus confirmaret quoque fratres suos: se-  
ctam illam variis scriptis non tam acerbè  
aut biliosè carpsit, quàm humaniter erudiit,  
& propositis veritatis falsitatisque causis,  
flendo quasi, deprecando & obtestando ad  
salutem capeßendam cohortatus est. Qua  
diligentia sua & lenitate omnibus posteris  
A quasi

*Aduersarij  
quomodo  
tractandi.*

*August. de  
duabus a-  
nimabus  
contra Ma-  
nich. cap. i.*

*Luc. 22.*

quasi regulam fixit, exemplumque reliquit tractandi aduersarios suos, non biliosis inuectiuis aut acerbis sarcasmis & exprobrationibus, sed amica, placida, & humili ostensione causarum, quibus veritas innixa contrarios errores subsistere non patitur. *Ma-*

*August. con-*  
*tra Epist.*  
*fundamen.*  
*cap. 1.*

*gis enim inquit, de correctione eorum, qui imprudentius fortasse quam malitiosius heresi adhaeserunt, quam de subuersione cogitandum est. Et quanquam Dominus per seruos suos regna subuertit erroris, ipsos tamen homines, in quantum homines sunt, emendandos esse potius, quam perdendos iubet, &c. Illi ergo in vos sciant, qui nesciunt cum quo labore verum inueniatur, & quam difficile caueantur errores. Illi in vos sciant, qui nesciunt cum quanta difficultate sanetur oculus interioris hominis, ut possit intueri solem suum, &c. Illi in vos sciant, qui nesciunt, quibus suspiriis & gemitibus fiat, ut ex quantulacunque parte possit intelligi Deus. Postremo illi in vos sciant, qui nullo tali errore decepti sunt, quali vos deceptos vident.*

*Autoris in-*  
*scriptum.*

Scripturus igitur ego, iuuante Domino, Calvinianæ, quam vocant, fidei sectatoribus A P O L O G I A M, meamque ad Romanas partes secessionem à sinisterrimis quorundam suspicionibus & calumniis vindicaturus: quanquam aliud illatæ mihi iniuriæ, & clamor per orbem sparsus, & multorum in angulis susurrantium, meamque famam ementitis conuitiis rodentium iniquitas suadere videbatur: ne tamen malum pro malo

repen-

rependens, in Christi disciplinam impingam, cumque maledicis maledicus fiam, in eum ita stylum temperabo, ut neque mansuetudinis partes excessisse, neque nimium etiam pertinaciæ quorundam concessisse videar. Quod si quædam fortè incauto verbulâ duriora (quod haud spero) exciderint. Illustrissimos Principes, ac viros sapientia auctoritateque præditos obtestor, ne suæ id personæ ascribant, sed præsentium turbarum autoribus & continuatoribus, quibus cum omne mihi certamen futurum profiteor.

Primum autem ne cui mirum videatur, quo pacto ego tanto quondam intervallo à fide Catholica segregatus, tamque diuersis in studiis enutritus, præter omnium sententiam & expectationem quasi cælitus mutatus Romanam fidem profiteri, eamque ut diuinam ac cœlestem prædicare, laudibusque omnibus ac veneratione prosequi incipiâ: præludij causa præmittendum existimo, quæ me ratio ad istam mentem impulerit, quamque nulla temeritate aut præcipitantia, multo minus praua aliqua affectione, sed acerrimo conflictu atque insuperabilis veritatis vi ac necessitate eò deuenierim.

Annus iam agitur fermè decimus quartus, ex quo relictis pueritiæ studiis Theologiam sacram pro vitæ instituto amplexari cœpi: & eam quidem Theologiam, quæ Caluini & Zvinglij partes potissimum sequens, tantum alias puritate sectas, quan-

*Narratio  
de auctoris  
conuersione.*

*Pristina  
auctoris  
studia &  
religio.*

tum linguâ, doctrinâ, & acumine superare nititur. De hac fide, mea semper existimatio honestissima fuit, atque eiusmodi, esse eam quasi ex omnibus huius perturbatissimi seculi religionibus viuat quandâ medullam, & purgatissimum succum. Qua de causa in eam non solum acri studio per annos amplius quinque Heibelbergæ incubui, verum etiam, quoad plures fructus eius pervenire, utque tanquam vera atque unica salutis via omnibus innotescere posset, meâ qualicunque operâ publicè per annos novem gestis muneribus efficere conatus sum. Sed ut quod res est fatear, duo fuerunt semper, quæ hanc persuasionem meam quasi exerta manu petere, atque aliquo etiam modo conuellere videbantur. Prius est, Ecclesiæ Romanæ præ novis conventiculis antiquitas, & digna promissionibus novi testamenti amplitudo: catholicorum virorum in Deum & homines pietas, in dictis factisque constantia, in studiis & bellis fortunatissimi successus: contra novellorum doctorum in oriendo obscuritas, in docendo lubricitas & inconstantia, in ecclesiis extendendis angustia, in viuendo profanitas & mollicies: in tractandis aduersariis plus quàm barbara feritas, & scurrilis dicacitas, in pugnando infirmitas, denique in veritatis venditione plus quàm Thraonica sine teste præfidentia. Hæc etsi sæpissimè animum vellicarunt, oculosque altiùs aperire,

iulle-

*Trabs com-  
munis.*



iusserunt, tamen quia mores potius & corticem religionis, quàm interiorem medullam concernere videbantur, facili excusatione diluta euanuerunt.

Alterum igitur, quod tanquam grauissimum telum mentem meam expugnauit, & ad Romanam ecclesiam tanquam à melioribus stantem partibus, rectiusque scripturas sanctas interpretantem, impulit, sanctorum Patrum, Augustini inprimis, & Cypriani lectio est, à diuino numine clementissimè mihi suasa, & ad perpetuam animæ meæ salutem dexterrimè gubernata. Augustinum ex patris bibliotheca habebam, item Cyprianum, & nonnullos patrum alios. Magna igitur confidentia Caluinum legens *ad Augustinum tanquam ad fidelissimum atq; optimum testem antiquitatis, quin & theologorum coryphaeum prouocantem*: faciendū mihi putabam, ut ipse quoque ad eius libros tanquam ad illustre armamentarium confugerem, indeque necessaria tela contra Iesuitas & Lutheranos, quibus tum omne certamen indixeram, colligerem. Aded igitur quàm primum Augustinum, explico, benè instructam armaturam inuenio, sed non ad militiam Caluinianam. Omnia lædebant me, omnia vulnerabant, & catholicis patrocinebantur. Quod miratus, Cyprianum capesso, an fortè ille æquior meæ causæ, sed omnia similiter habebant: nihil hic de nouiter exorientibus reformatoribus, nihil de prouin-

*S. Patres  
plurimum  
momenti  
ad sapien-  
tiam affe-  
runt.*

*Cal. lib. 3.  
Inst. cap.  
3. §. 10. &  
lib. 4. cap.  
14. §. 26.  
Caluinus  
in Psal. 58.  
v. 2.  
Hyperius  
de lectio. S.  
Scriptura  
p. 51. & ope-  
rum parte  
2. fol. 62.  
S. August.*

*S. Cypria-  
nus.*

cialibus angustiiis: doctrina, regimen ecclesiasticum, ritus, omnia Romana erant: omnia Romanam Ecclesiam sonabant, eiusque perpetuam durationem, & à perfidia immunitatem, valentissimis argumentis astruebant. Hic mihi cor palpitare, maleque de nostris ominari. Quamvis enim fidem meam humanis assertionibus non facile concederem, tamen & fraus Caluini me pessimè habebat, & tutius iudicabam in controuersis fidei quæstionibus antiquissimos Patres sequi duces, qui vel coram Apostolos tanquam viua scripturæ commentaria audiissent, vel alioqui miraculis & doctrina clari totius Ecclesiæ iudicio dexterrimi semper scripturarum interpretes habiti essent. *Qui denique ut Augustinus ait (lib. 2. contra Iulianum Pelagianum) Nullas nobiscum vel vobiscum amicitias attendissent, vel inimicitias exercuisset, neque nobis neque vobis irati, neque nos neque vos miserati esset: quod inuenerunt in Ecclesia retinuerunt: quod didicerunt docuerunt: quod a parentibus acceperunt, hoc filius tradiderunt.* Agitati cogitationes istas subsidio venit fortissimus seculi nostri athleta R. Bellarminus, mentemque longius in Catholicorum partes propellit. Hic enim tanquam Apelles quidam longè venustiore ecclesiæ faciem depingens, & horribiles calumniarum maculas, quibus à protestantibus conspurcata erat, eluens, nec non doctrinæ singula capita accuratiùs explicans, & mustitantes contra hæreticos fortissimè repel-

S. Patrum  
exheret. 11.

Bellarmini  
11/16.

repellens, id apud me effecit, vt quamuis diu  
multumq; reluctarer acerrimè, tandem ta-  
men velinuitus in sententiam eius transire,  
& manus veritati præbere coactus sim. Qua  
in re non postulo, vt fidē mihi quisquā gratis  
tribuat. Faciat quæso ipse periculum: legat  
primò patrem vnum atque alterum: evol-  
uat Tertulliani præscriptiones aduersus he-  
reticos: Cypriani librum de vnitae Eccle-  
siæ: itidem Augustini eiusdem argumenti  
contra Donatistas: nec non eiusdem tracta-  
tum aureum de vtilitate credendi ad Hono-  
raturum: quin & Vincentii Lirinensis com-  
monitorium aduersus prophanas hæreseon  
nouitates. Tum his omnibus quasi plenio-  
ris confirmationis causa adiungat Baronij  
Annales Ecclesiasticos, fidissimos antiqui-  
tatis testes, Bellarmini disputationes accu-  
ratissimas, adeoque curiositatis saltem cau-  
sa inquirat, quænam sit illa Fides prisca, qui-  
bus fundamentis nixa, à qua superiori secu-  
lo maiores nostri magna sua infamia defece-  
runt, & contra quam hodiè tam imperitè  
multi dicaculi ministri deblaterant: fidem  
depono, si non multi (omnes enim asserere  
nolim, quia *fides non omnium est*, neque par  
etiam omnium in legendo dexteritas aut in-  
telligentia) breui sententiam mutaturi, &  
cum illis Donatistis apud Augustinum di-  
cturi sunt: *Nesciebamus hic esse veritatem. nec  
eam discere volebamus. falsis rumoribus terre-  
bamur intrare ecclesiam, quos falsos esse nesci-*

*Qui patres  
primo legere  
de hærese*

*Epistola  
48. ad Vin-  
centium*

remus nisi intraremus. Gratias Domino, qui  
 trepidationem nostram abstulit, expertos do-  
 cuit, quam vana & inania de Ecclesia sua men-  
 dax fama iactauerit. Hinc iam credimus &  
 illa falsa esse, qua auctores huius hæresis crimi-  
 nati sunt, quando posteriores eorum tam falsa &  
 peiora finxerunt. Sed ad Bellarminum meum  
 redeo, virum æterna memoria dignissimum,  
 cui Dominus retribuatur mercedem, quam  
 pollicitus est iis, qui errantes à via mala con-  
 uerterint, & ad iustitiam cohortati fuerint  
 plurimos. Illi quanquam leoni intrepido im-  
 belles quidam & timidi lepusculi barbam  
 vellicare, & confarcinatis hinc inde cento-  
 nibus aureas ipsius disputationes, si Diis pla-  
 cet, cōfutare aggressi sunt. Quo euentu? qua  
 laude? Vidi omnes ac legi, vereque testari  
 possum, nihil vel ex Anglia, vel ex Galliis,  
 vel ex Germania aut Belgio in hoc genere  
 editum aut scriptum esse, quod ego non au-  
 de cōimptū legerim, & priuata collatione,  
 vel inde etiam subsidium sperans, cū causa &  
 argumentis Bellarmini studiosissimè contu-  
 lerim. Sed bone Deus, quā frigida ac tenuia  
 omnia! ἀμυσία τὸ πλεον μέρ, λόγων τε  
 πλῆθ. Alij conuitiis scenam ingressi no-  
 men tantum & famam aduersarij lacerant,  
 & de fraudibus scilicet lectorem præmo-  
 nent, vt quæ inuicta occurrunt argumenta,  
 fraudibus annumerentur. Alij tenuiter qua-  
 sitionem extremis quasi digitis attingentes  
 nihil

Daniel. cap.  
 12.  
 Bellarmi-  
 ni Anta-  
 gonista.

Lactantius in  
 Cleobulo.



nihil reponunt, nisi veterem crambem, & quod in quæstione est, sua auctoritate minutis intermixtis argutiis, tanquam imperatorio edicto confirmant, & vel lectori inuito obtrudunt. Noui quendam ex ista classe, quem sæpe vix precibus adducas, vt præter argumentum generale instantias vel minimo digitulo attingat, contentum pompâ & minis asseruisse, suam sententiam esse veram, & quæcunq; dicantur contra, sophisticæ & Antichristianis fraudibus accensenda. Cuius hominis ineptiæ vt clarius patefcant, quemadmodum & aliorum, suo id loco, Deo coadiuuante, testatum faciemus.

Nunc in viam redeo, vbi commemorare poteram, quæ prætereà abiiciendi erroris mihi adiumenta accesserint. Sed ne prolixus sim, Baronii quædam scripta omitto, Stapletoni disputationes, Fabricii Harmoniam Augustanæ Confessionis prætereo: exterorum tantum populorum consensum adiicio: in iisque præter Æthiopes, Ruthenos, Ieremiæ præsertim Patriarchæ Constantinopolitani iudicium, quod Tubingensium laceffitu ante annos circiter xxv. de Augustana confessione scripsit: quo *Censura* certè plurimum meam de Romana ec- *Oracorum.* clesia sententiam confirmatam esse fateor. Ita enim omnia in potissimis doctrinæ capitibus conueniunt, vt mirer summo opere, non eodem Patriarcham loco quo Pontificem Romanum à nouatoribus haberi. Si

enim vnus Antichristus est, necesse est & alter sit, quia neruum doctrinæ communem habent. Tantòque magis dolenda est quorundam ex aduersariis simplicitas, qui nescio quem cum Ecclesia Græca consensum adhuc somniantes, eumque sibi falso à pecuniæ cauponibus persuaderi sinentes, scriptis literis & missis Catechesibus animum orientis explorare non cessant. Itane obliti sunt factorum Augustanæ confessionis? nesciunt quomodo excepta, & quàm grauiter in aula Patriarchæ comprobata fuerit? Abeant Tubingam, quærant, Crusius narrabit. Aut si piget viæ, orationem Chytræi legant, quam de statu ecclesiarum in Græcia, Asia, Boëmia &c. Francofurti edidit. ibi p. 113. 115. 116. 129. 133. quædam ad hanc causam pertinentia inuenient. Præcipuè autem p. 132. vbi ex Crusio summam censuræ pauculis hisce aphorismis commemorat:

Summa

Censura

Græcorum.

Error Græcorum.

- 1 Nititur Patriarcha fortissimè demonstrare, Spiritus S. ex solo Patre processionem.
- 2 Libero arbitrio plus iusto tribuit.
- 3 Per fidem & charitatem & spem iustificari hominem contendit.
- 4 Septem Sacramenta ponit.
- 5 Sanctos defunctos, & Mariam Dei genetricem, & S. Angelos inuocat, & sacras eorum imagines adorat, non latriæ cultu (soli enim Deo debetur.) sed coniunctiuè, seu respectu, non materia, sed sanctorum, qui per materiam significantur, et affectione quædam

ROM. ECCLESIA APOLOGIA. II

*dam amica, & venerationem ac honorem erga sanctos ostendente.*

6 *Pro monastica vita instituto tanquam angelica conuersatione propugnat.*

7 *Probationes ex patribus & synodis sumptæ sunt: & c.*

8 *Hortatur nos humaniter ad assensionem.*

Hæc Crusio autore totius censuræ summa est: quam si quis integram nobiscum legerit, plura & maiora ad damnandam fidem nouam inueniet: inprimisque ista quæ tanquam colophonis loco Patriarcha scribit responso tertio. Pag. 350.

Omnino tacere nobis propositum fuit ad ista *Patriarcha* vestra, nec respondere vobis quicquam: qui adeo *Vale nunciat. Tubi* aperte tum scripturam, tum doctorum sancto- *gensibus* rum interpretationes ad vestram voluntatem *tanquam* transferatis: cum Paulum habeamus nos sic *desperati.* hortantem: Hæreticum hominem post vnā atque alteram admonitionem reiice. Verum quia silentio nostro futurum fuisset, ut vobis assentiri videremur tanquam fortasse rectè opinantibus, & intelligentibus, hac ipsa <sup>q</sup> scriptura & sancti à vobis stare in hac parte: ideo ad defensionem horum, nunc etiam hac exarare voluimus: licet certa nobis ex scriptis vestris fides factō sit, vos nunquam nobiscum, vel potius cum veritate sentire posse.

Ibidem in fine 3. responsi pag. 370. Rogamus itaque vos, ne posthac labores nobis exhibeatis: neque de iisdem scribatis, & scripta mittatis. Nam theologos, qui Ecclesia lumina fuerunt

runt, aliàs aliter tractatis: Et verbis quidem honoratis eos, extollitisq; factis verò reiicitis: armaque nostra inutilia nobis efficere vultis excutere, scilicet de manib. nostris, verba illorum sancta Et diuina, quibus nos ad scribendum, Et contradicendum vobis, uti potuissimus. Quamobrem quantum ad nos attinet, liberaſtis nos curis. Vestram erga viã euntes, ne amplius de dogmatibus, sed amicitia tantum causa, si volueritis, scribite.

*Censura  
Græcorum  
ſuppreſſa,*

Atque hinc patet, cur censura iſta tam ægrè à capitibus VVirtembergensis Ecclesiæ in lucem emiſſa fuerit: quod Crusius bis ſignificat citata oratione Chytræi pag.131.& 133. *Ut Græcorum ſcripta edantur, inquit, Et noſtra metuo. Nihil enim illi de veteribus erroribus remittunt. Dei opus eorum conuerſio. Et iterum pag.107. Hi quinque libelli ſi excuderentur, una cum conuerſione latina è regione eſſet pulchrum Et utile opus. Hos omnes libellos habeo ego, Et paratus eſſem ſuſcipere laborem editionis, ſi aliquando me viuente τῶς ἡμῶν ἡ ἐκκλησίας Φωτῆροι placeret. Sed adhuc nemo tale quid cogitat, Et ſunt Διλαβεῖς καὶ ἐφελκυσί. Profectò meritò ἐφελκυσί. Parum enim ſubſidii cauſæ ſuæ in iſta editione reſtare videbant. Et fortè nunquam iſta ſcripta lucem vidiffent, niſi Socolouius arte in medium protraxiffet.*

*Socolouius.*

Quamquam igitur nescius non ſum, quo loco ſchiſmatica iſta Eccleſia habenda ſit, nemini tamen tam vaſti in oriente ſpatii reſtimo-



testimonium vilescere debet: ubi Chytræus *Latitudo*  
 saltem veras Iesu Christi Ecclesias esse, & per *Ecclesia*  
 immensos tractus dilatatas profitetur. Nam in *Grecæ.*  
 media Turcia, Gracia, Asia, Armenia, Iberia, *Chye in o-*  
 & Intimis Asiæ regnis latissimè Christiani ha- *rat pas 6*  
 bitant. Et ex quatuor Patriarchis, qui nostro et- *7. 13 14 17.*  
 iam tempore orientalibus ecclesiis præsent, la- *23 32*  
 tissimè patet Byzantini Patriarchæ diecœsis,  
 qua in Europa totam Graciam, Mysiam, seu  
 Seruiam & Bulgariam, Thraciam, VValachi-  
 am, Moldaniam, Russiam, Moscouiam, Insulas  
 Aegæi maris, & Asiam minorem complectitur.  
 In Asia autem Syri & Georgiani veterem Ibe-  
 riam, & Albaniam incolentes: quos ad Boream  
 Caucasus, ad occasum Colchi, ab ortu mare Ca-  
 spium, à meridie Armeni ambiunt: in octodecim  
 Episcopatus diuisi, uni Catholico parent, &  
 Græcorum doctrinam ac ceremonias in vniuer-  
 sum sequuntur. Armeni verò à finibus Cappa-  
 docie & Cilicie, in qua Terasa, Sancti Pauli  
 patria, Tarsus olim appellata, hodie floret, usq;  
 ad Iberiam, mare Caspium, Mediam & Assy-  
 riam longissima terrarum spatia occupant.

Quorum omnium populorum confes-  
 siones & sententias vnica ista Patriarchæ  
 censura complexa est: vt qui tanta autho-  
 ritatum nube non mouetur, planè deplora-  
 tæ aut stultitiæ, aut arrogantia sit. Nam vt  
 Tertulliani verbis arguam, age nunc omnes  
 errauerint, deceptus sit & Apostolus de testimo-  
 nio reddēdo quibusdam: nullam respexerit Spi- *Tertul. de*  
 ritus sanctus, uti eam in veritatē deduceret, ad *præscrips.*  
 hoc *cap. 28.*

hoc missus à Christo, ad hoc postulatus de patre, ut esset doctor veritatis: neglexerit officium Dei villicus, christi vicarius, sinens Ecclesias aliter interim intelligere, aliter credere, quam ipse per apostolos predicabat: ecquid verisimile est, ut tot ac tanta in unam fidem errauerint? nullus inter multos inuentus est, unus exitus, variasse debuerat error doctrina ecclesiarum. Ceterum quod apud multos unum inuenitur, non est erratum, sed traditum. Audeat ergo aliquis dicere, illos errasse qui tradiderunt.

Statu pro  
Romana  
Ecclesia, cō-  
tra omnes  
quascunq;  
Synagogas.

Quid ergo? ut summam dictorum faciam, his tot tantisque præceptoribus iam annos complures vsus: Sanctorum patrum auspi-  
ciis de vera & genuina scripturarum inter-  
pretatione monitus, de controuersis quæ-  
stionibus catholicorum disputationibus  
rectius eruditus, de sinceritate atque inte-  
gritate Romanæ ecclesiæ manifestissima ve-  
ritate conuictus? de omnibus fidei capitibus  
exterarum quoque ecclesiarum consensu  
confirmatus: iam dudum feci, & iterum fa-  
cio Deo duce iudicium: quotquot ab uni-  
tate & communione Romanæ ecclesiæ, vel  
diuersæ religionis instituto, vel morum  
disciplina, & pacis vinculo separati sunt, ex-  
tra Christum, & à corpore ipsius tanquam  
palmites à vite præcisos atescere, & æterno  
camino reseruari.

Quotquot autem hanc Romanam ca-  
tholicam ecclesiam (de qua tam multa falsa  
& odiosa passim ab imperitis sparguntur, &

à lim-

à simplicibus perniciosissimè creduntur) & fidei, & communionis vnitatem sequuntur, in vera, viuam & dilectam Christi ecclesiam esse, quam semel in hisce terris fundatam firmissimè contra portas inferorum defendit hactenus, & in posterum defensurus est: & in qua tanquam templo Dei salutaris Sacramentorum communio extat: In qua omnes hactenus ab apostolicis temporibus electi & fideles fuerunt, & ad quam deinceps omnes tanquam ad arcam Noe contra æterni ignis diluuium confugere est necesse.

Quæ tam odiosa nouis theologis ac durasententia, quò debito robore muniatur, actanquam caput causæ firmissimis prædiis fulciatur, necesse nunc est in campum confirmationis excurrere, & tela argumentorum, quibus hoc tam hostiliter obsessum castellum defendatur, promere.

*Confirmatio iam facta præpositi Testimonio. aduersariorum ipso- rum. Et s.*

Argumentorum genera multa sunt, quæ *patrum* fusè tractari solent ab iis, qui ex professo controuersias fidei explicandas suscepunt. Nos ut hostium respectum habuisse videamur, duobus tantum in præsentia utemur: quorum prius desumptum ab ipso-  
rummet aduersariorum *κεκτηναις*, quæ religioni diiudicandæ præscripserunt: Po-  
sterius ab orthodoxæ antiquitatis consensu: quem hac in re plurimum momenti habere, nemo sanus negarit. Si enim Irenæo teste, de aliqua modica quæstione disceptatio orta Lib 3. c. 4.  
fuerit,

*fuert, nonne oportebit in antiquissimas recurrere ecclesias, & ab eis sumere de presenti questione, quod certum & re liquidum est? Et quemadmodum Tertullianus inquit, quid prædicauerint Apostoli, quid illis Christus reuelauerit, & hic præscribam, non aliter probari debere, nisi per easdem Ecclesias, quas ipsi Apostoli condiderunt. Si hac ita sunt, constat proinde omnem doctrinam, qua cum illis Ecclesiis Apostolicis & matricibus & originalibus fidei conspiret, veritati deputandam, reliquam verò omnem de mendacio praiudicandam.*

*Zacharias  
Vrsinus.*

Quid ergo ab hostibus testimonii habes veritas Catholica, sapientia sancta? Plurimum profecto. Nam ut sine ambagibus arenam ingrediar, Zacharias Vrsinus Theologus Calvinianus haud ignobilis, magno apud suos loco habitus, & multorum quasi Chrysippus, in prolegomenis explicationum suarum Catechetarum, cum de *κεϑηγοίς* Christianæ religionis disserit, ita disserit, ut quasi sui oblitus Catholicis arma suppeditet robustissima, quibus ipse & tota causa nouatorum misere inguletur. Nam attendat lector, quæ ipse pro religione Christiana contra Iudaicam, Turcicam, Ethnicam adfert argumenta, an non iustissimè à Catholicis contra omnes omnium aduersantium ordines adhiberi & vrgeri queant? Quod ut re ipsa fiat perspicuum, rationes auctoris ordine subducamus.



## ARGVMENTVM I.

ZACH. VRSINVS.

**A**rgumenta veritatem ac certitudinem doctrinae Ecclesiae confirmantia, sunt plurima: quorum alia conscientias de veritate conuincunt: ut priora XII. alia etiam persuadent atque conuincunt, ut postremum.

Argumenta 14. pro Catholica, ex ipsa sectariorum Theologia.

Primum est integritas & puritas legis. Impossibile est enim religionem fingentem idola, vel approbantem scelera contra legem Dei, & iudicium rectae rationis, veram & diuinam esse. Atqui omnes religiones praeter eam, quae in sacris literis est tradita, & ab Ecclesia colitur, manifestè illud faciunt. Omnes enim primam legis diuinæ tabulam de vno vero Deo, & de huius veri Dei cultu, vel omnino abiiciunt, vel suis mendaciis contaminant: secundam verò aliquam tantum partem de externa honestate, & de officiis ciuilibus retinent, ut supra est dictum. Sola Ecclesia utramque legis tabulam puram & integram secundum scripturam amplectitur. Quare sola Ecclesia doctrina est vera & diuina.

IVSTVS CALVINVS.

Primum hoc Vrsini *κρίτηριον*, quod pro religione Christiana verum certumque agnoscimus, primum Catholicae Ecclesiae contra nouatores testimoniū praebet: quod sic argumento eiusdem cuinco.

B

Vera



Vera Ecclesia proponit integram & incorruptam legem Dei.

Sola Ecclesia Catholica proponit integram & incorruptam legem Dei: non noua.

Ergo,

Sola Ecclesia Catholica, est vera ac germana Dei Ecclesia.

Assumptum pro diuersis membris particulatim à nobis exponendum ac confirmandum est. Primùmque diuinæ legis integritatem, nemo in Catholica desiderare potest.

Sine discrimine enim vtramque legis tabulam vrget, ac scholis Ecclesiisque discendam proponit. Sine discrimine ab omnibus omnino præceptorum obedientiam flagitat, & homini renato per auxilium diuini spiritus possibilem docens, verbis factisque legis auctoritatem tuetur. Sine discrimine omnes legis tabulas, vniuersum veteris ac noui testamenti corpus retinet, atque in culmine sequendæ authoritatis cum maioribus relinquit: quæ omnia in nouatoribus contraria grauissimam reprehensionem merentur. Nam quid inauditæ olim insanix ad Antinomis motum est? qui etsi communes omnium hostes, nouæ tamen fidei progenies fuerunt, nec clementius vllis à Catholicis haberi debent. Sanè non alterutram tantum, sed vtramque legis tabulam  
fu-

*Antinomi.*

furiôsè sustulerunt, legem curiæ, Moſen  
 furcæ addicentes. Quos etſi grauitè repre- *Lutherus*  
 hendit Lutherus tomo 6. fol. 493. & to- *legimus*  
 mo 5. fol. 253. tamen idem ipſe docuerat an- *quæ.*  
 te, vel ſemina grauiffimi erroris imprudens  
 ſparſerat. Sic enim ſcribit Tomo 1. VVite-  
 berg. folio 189. 190. 200. *Oportet cor huma-*  
*num legem DEI atque adeo DEVM ipſum*  
*ſupra modum odiſſe.* Et ibidem folio 201.  
*quicunque dicunt, ſe amare legem, mentiun-*  
*tur, & quid dicant nesciunt.* Item in libro de  
 libertate Chriſtiana: *Chriſtiano, inquit, ne-*  
*que opera, neque lex neceſſaria eſt, quia per fi-*  
*dem liber eſt ab omni lege.* Et in ſecundum  
 caput ad Galat. *Legi mori nihil aliud eſt, quàm*  
*ad legem non eſſe obligatum, ab eaque liberum*  
*eſſe, ſiue ceremonialis ſit, ſiue moralis, vt ex-*  
*preſſè addit in quartum caput ad Galatas.*  
*Clarum eſt, decalogum ſolis Iudeis datum, &*  
*non nobis, nec ſectarii ſine mendacio aliter do-*  
*cere poſſunt.*

*Sectarii o-*  
*mnes oblo-*  
*quæ legem*  
*abrogant.*

Iam etſi in iſta ſectæ aliæ non conſen-  
 tiunt, tamen nec ipſæ illibatam Dei legem  
 tenent. Tollunt enim, cùm ab operibus  
 eius ſiue excuſantibus, ſiue accuſantibus  
 fideles liberos pronunciant, nullumque  
 credenti peccatum obefſe ſtatuunt. Vnde  
 iſte dialogiſmus crebro in ore populi, & do-  
 ctorum: *Conſcientia dicente peccaſti, reſponde,*  
*imo peccaui: Ergo Deus puniet & condemna-*  
*bit. Non. At lex hoc dicit. Sed nihil mihi cùm lege.*

*Lutherus*  
*in 2. cap. ad*  
*Galat.*  
*Caluinus*  
*lib. 3. Inſtit.*  
*cap 19. §. 2.*  
*4 7.*

Rom. 3.

Lib. 3. contra 2. epist.

Pelag. c. 4.

Luth Tom.

3. Ienens. f.

455 & Tomo 6. VVst.

fol 503.

Matth. 11.

1. Ioan. 5.

Obiectio, de precepto secundo a

Catholicis sublato.

*Quare? quia libertatem habeo.* Quod quàm orthodoxum, quàm purum & defecatum sit, æquus lector videat. Paulus longè aliter, *Legem, inquit, abrogamus per fidē? absit. Imò verò stabilimus.* Et S. Augustinus. *Quis, inquit, ita impius est, ut dicat, se propterea præcepta non servare, quia Christianus sit, non sub lege, sed sub gratia?*

Deinde nonne hoc securis in iugulo legis, cum præcepta eius graua, difficilia, atque adeò impossibilia statuunt: contra discretam Christi, & charissimi eius discipuli vocem? Cùm tabulas eius tam misere discerpunt, plurimosq; veteris testamenti libros è canone eiiciunt? Qua de realibi commodior dabitur disputandi occasio.

Sed hic in procinctu stant aduersarii, præceptumque secundum nobis de imaginibus erasum exprobrant: cuius sacrilegii tuendi causa postea decimum in duo diuiderimus: quæ res tanquam grauis momenti silentio hic prætereunda non est.

Cæterùm iniuriam faciunt insignem Catholicis, cùm de castrato decalogo quiritantur. Neq; enim præceptum de sculptilibus sublatum est, sed honoratiori à nobis sede constitutum, primoq; tanquam manifesta appendix additum: quod & ratio & maiorum autoritas suadet. Nam quis nescit, vnâ eandemq; religionis virtutem, summi videlicet Dei vnus cultum, vtrouique præcipi, & ad idem peccatû sacrilegii transgressio-

gressionem vtriusq; referri? Vnde D. Augustinus appositè: *Reuera*, inquit, *quod dictum est, non erunt tibi dii alij præter me*, hoc ipsum *perfectius explicatur, cum prohibentur colenda figmenta. Et postea. Quo pertinet, non facies tibi idolum, neq; ullum simulachrum, quacunque in cælo sunt sursum, & quacunque in terra deorsum, & quacunque in aquis sub terra, nõ adorabis illa, neq; seruias illis: nisi ad illud, quod dictum est, non erunt tibi dii alij præter me?* *Augustin. quest. 71. supra Exadum.*

Iam noni & decimi præcepti distinctionem secundum Catholicos, etsi quidam non sequuntur, (vt Iosephus 3. Antiquit. cap. 6. & 8. Origenes homilia 8. in Exodum. Ambrosius & Hieronymus in c. 6. ad Ephes. Procopius & Rupertus in cap. 20. Exodi:) tamen alij non minoris authoritatis doctores omnino approbant & confirmant: quemadmodum videre est apud Clementem Alexandrinum lib. 6. Strom. cap. 8. apud Augustinum quæst. 71. in Exodum. & Epistola 119. cap. 11. Et in Psal. 32. Concione 1. Libro de decem Chordis 3. cap. 5. 6. 9. Et communiter Scholasticos in 3. Sentent. distinct. 37. Nec causa distinctionis obscura est. Præterquam enim, quod ipse tenor verborum, vt D. Augustinus notauit, duo ista præcepta distinguit, cum bis concupiscendi vocabulum repetitur: planum est etiam, præceptum decimum latius esse nono, cum hoc vnius speciei, illud vniuersæ rei alienæ concupiscentiam prohibeat: Et vitia ipsa prohibita in

*Noni & decimi præcepti distinctio.*



genere turpitudinis plurimum differre, cum concupiscentia rei alienæ ad furtum spectet, præceptoque septimo contineatur: concupiscentia autem vxoris alienæ ad fornicationem, & præcepto sexto vetita, propter crebritatem delicti denuò repetatur.

*Catholici  
ab idolola-  
tria crimi-  
ne vindi-  
cantur.*

Quocirca de integritate legis diuinæ puri sunt Catholici, & rei potius nouatores, vt vidimus. Puritatem quod attinet, deinceps videbimus, vtra ex parte sit castior doctrina.

*Calvinus  
lib. 1. Instit.  
2. 11. §. 11. &  
c. 12. §. 1. 2.  
Centur. Ma-  
gdeb. Cent.  
1. lib. 2. c. 4.*

Enimvero Catholicis magna hic lis de idololatria mouetur, sed frustra. Neque enim vllum Deum agnoscunt, præter vnum solum & verum Deum, Patrem Domini nostri Iesu Christi, qui fons vitæ & bonitatis solus intimi cordis fiduciam ac reuerentiam sibi flagitat, nec gloriam suam alteri dabit.

*August. 20.  
contra Fau-  
stianum. 21.*

Interim colimus martyres eo cultu dilectionis, & sociæatis, quo & in hac vita coluntur sancti Dei homines, sed illos tantò deuotius, quantò securius, post incerta omnia superata. Imagines verò, quod habemus, ac sanctos amica & familiari prece ad iuuandum nos laceessimus, nulla idololatria, nullum sacrilegium est. Distinguatur fons ab riuulis: Internoscat-  
ur rex à subditis, auditor à precantibus: videbis Domino honorem tribui gloriæ, hominibus mercedem gratiæ. Nec finge nunc surdos vel cæcos cœlites. Sanè vident in luce domini prostratos, audiunt clamantes, iuuant deuotos: nesciunt verò eos, quo-  
rum



rum opera nesciendo improbant, improbandoque à throno Domini repellunt. Neque imagines sanctorum idola vocares, nisi *Imaginis & idoli differentia.* Copronymum magis patrem, quàm Catholicam matrem agnosceres. Iste enim primus decretum fecit, ut sacræ imagines idola vocarentur, & eorum cultores idololatræ. At mater omnium nostrum Ecclesia Synodo 7. sess. 7. *Qui venerandas, inquit, imagines idola appellat, anathema.*

Ac sanè intolerabilis est ista confusio, *Origen. hom. mil. 8. in Exodum.* cum longe aliud sit, facere idolum, aliud similitudinem. Si quis enim quolibet metallo auri, vel argenti, vel ligni, vel lapidis, faciat speciem quadrupedis, vel serpentis, vel avis, & statuatur illam adorandam, non idolum, sed similitudinem fecit: vel etiam si picturam ad hoc ipsum statuatur, nihilominus similitudinem fecisse dicendus est. Idolum verò facit ille, qui secundum Apostolum dicentem, quia idolum nihil est, facit quod non est. Quid est autem, quod non est? species quam non vidit oculus, sed ipse sibi animus fingit, verbi gratia, ut si quis humanis membris caput canis aut arietis formet: vel rursus in uno hominis habitu duas facies fingat &c. idcirco hac sciens Apostolus dicit: quia idolum nihil est in mundo. Eodè modo Oecumenius & Theodoretus idolum & imaginem distinguunt: ut imago sit rei alicuius possibilis similitudo: idolum verò rei minimè subsistentis nec possibilis simulachrum. Quanquàm secundum Sanderum, Omne id quod vocatur idolum, quod etià *Oecum in 1. Cor. 8. Theodoret. q. 38. in Exodum. Vazquez. lib. 2. de ador. diff. 1. cap. 1. Sanderus lib. 1. de imag.*

*si rem subsistentem repræsentet, non tamen earatione, quæ illi secundum naturam aut gratiam inest. quemadmodum imago Veneris aut Saturni, quæ illos tanquam deos deasue repræsentat, cum illud neque natura neque gratia fuerint. In quam acceptionem con-*

*August. li. 6. quest. 6. rer. Testa.*

*quest. 41.*

*Tertul. lib.*

*de idol. cap.*

*4 Euthim.*

*in Panopli.*

*tit. 23.*

*Vazquez.*

*lib. 2. de*

*adorat. dist.*

*put. 1. cap. 3.*

*sensit quoque Augustinus, Tertullianus & Euthimius. Sed benè monent authores, latiori quoq; significatione idoli vocabulum vsurpari, pro omni eo, quod non est Deus, & tanquam Deus colitur, siue sit imago & simulachrum, siue res alia quæcunq; , quia adoratione huiusmodi idololatriæ crimen cōtrahitur. At imago est similitudo alicuius exemplaris veri, quæ si rem dignam veneratione repræsentet, cum ipso exemplari, suo modo honorari potest.*

Quare integritatem ac puritatem legis in Catholica sartam tectam esse, liquidò demonstrauimus. Vnum enim Deum & trinum, proculcatis omnibus idolis, diuino cultu solum prosequitur; scelera contra rationem & legem admissa, seuerissimè quantum potest, plectit & prohibet: de omnibus Christianæ fidei articulis, prout à scriptura, & sanctis patribus conciliisq; edocta est, rectè sentit atq; loquitur; nullâ superbiâ tumida, nullâ perniciâ turbulenta, nullâ nouitate corrupta, quemadmodum apud nouatores videre est.

*Antitheses*

*doctrinæ*

*aduersa-*

*riorum.*

Illi enim etsi verbotenus scelera nulla præcipiunt, & non nisi vnū verū Deum se colere pro-

re profitentur, tamen fidei suæ vanitate ac falsitate ab illo vno Deo tātoperè aberrant, vt meritò Deum factis negare, atque idolum cerebri sui colere dicantur. Quod etsi alij *Philippus* acerbius vehementiusq; ostendere conati *Nicolas.* sunt: tamen nos maledicentiam aduersus hostem etiam improbantes, paulò maiori modestia & humanitate demonstrare aggrediemur, capitibus quibusdam doctrinæ in medium adductis, quibus admiranda Dei puritas quasi labe aspersa maculari, deque gloriæ suæ solio deturbari videtur.

Primùm enim quale illud est, quod Calvinus cum sua schola asserere non dubitat, Deum, quem scriptura dicit iniquitatē nolle, omnesque qui ab eo fornicantur, odisse, *Psal. 5.* peccata non tantum permittere, sed velle etiam fieri, quæcunque fiunt ab hominibus *Psal. 78.* sceleratè? sic enim i. Institut. cap. 18. §. 1. *Ab-* *surdum* inquit *videtur, volente ac iubente* Deo *excecari hominem, qui mox cecitatis suæ* pœnas daturus est. Tergiuersando itaque effugiunt, Dei tantum permissu non etiam voluntate hoc fieri. Ipse verò palam se facere pronuncians, effugium illud repudiat. Et in libro de æterna Dei prædestin. pag. 944. Hinc certè iam colligere promptum est, quam inane & fluxum sit illud diuinæ iustitiæ patrociniū: quæ mala sunt, non eius voluntate, sed permissu duntaxat fieri. Et pag. 946. Ergo cū iusta de causa licet nobis ignota, à domino procedant, quæ sceleratè ab hominibus maleficia perpetrantur

*etiamsi rerum prima causa sit eius voluntas, peccati tamen eum esse authorem nego.* Theologiam miram! Deus author peccati non est, & tamen voluntate ac iussu eius homines mox mactandi excæcantur. Quasi verò permissionis voluntas voluntatē peccati euincat: cūm utiq; volens permittere possim id, quod fieri nolo, factumq; contra ius fasq; libera voluntate, punire constitui. Nec vsquā se facere Deus peccatū restatur, nisi quatenus est causa rerum generalis & indifferens, quæ nullā particulari agenti necessitatē affert, sed ab ea potius liberē ad hāc vel illam facti speciē determinatur: quemadmodū solis influxus ad maturitatē & putredinē, ad mollitiem & indurationē, pro diuersi subiecti ratione.

Deinde nunquid hoc ad veri Dei purissimam facit naturam, quod porrò addit Calvinus, non solū velle eum fieri, sed etiā ab  
 // omni æternitate decreuisse vt fierent, quæ-  
 // cunq; fiunt ab hominibus peccata: inprimis-  
 // que hominis primi lapsū, quem ab omni  
 // æternitate voluerit & decreuerit, non antē  
 præuisa determinatione humanæ voluntatis, sed ex mero & absoluto beneplacito, adeò vt Adam necessitate quadam lapsus sit, neq; lapsū euitare potuerit. Calvinus 3. instit. cap. 23. §. 7. *Disertis verbis hoc extare negant, decretū fuisse à Deo, ut sua defectione periret Adam, quasi vero idem ille Deus, quē scriptura prædicat facere, quæcunq; vult, ambiguo fine condiderit nobilissimā creaturam.* Et paulo post. *Decretū*

qui-



quidem horribile, fateor: inficiari tamen nemo potest, quin præsciuerit Deus, quem exitum esset habiturus homo, antequam ipsum conderet, & ideò præsciuerit, quia decreto suo sic ordinauerit. & §. 8. Cadit homo Dei prouidentia sic ordināte. & §. 9. Excusabiles peccādo haberi volunt reprobi, quia euadere nequeāt peccandi necessitatem, præsertim cū ex Dei ordinatione sibi iniiciatur huiusmodi necessitas. Sic in libr. de æterna Dei prædest. pag. 906. *Ad iustā hominis damnationem satis erat, in via salutis cū esset collocatus, inde spontè excidisse. At fieri aliter non potuit. quid tum? an ideò culpa liberatur, quæ tota incius voluntate refidet?*

Pròh Deum immortalē, quid horribilius? Dominus Deus misericors & lōganimis, qui non vult mortem peccatoris, sed omnes vult saluos fieri, ille non præuidit solūm lapsum hominis, sed præordinauit quoq;, vt necessariò fieret, atq; ab homine euitari nō posset. quis vnquā Christianus hoc sensit? Augustinus lōgè aliter, *Deus inquit ordinator & creator omnium rerum naturalium: peccatorū autem tantūm non ordinator.* Et alibi. *Omnes naturas atq; substantias, quæ nō sunt quod tu es, & tamen sunt, tu fecisti: & hoc solum à te non est, quod nō est, motusq; voluntatis à te, qui es, ad id quod minus est, quia talis motus delictum atq; peccatum est. Et quod nullius peccatum, aut tibi nocet, aut perturbat ordinem imperii tui, vel in primo, vel in imo. Præuidit ergò sanè Deus; hominē à se in isto statu condendū, lapsurum: sed*

*August. i.  
confess. cap.  
10.*

*August. 12.  
confess. cap.  
11.*



sed non ut laberetur, præordinavit: nec aliter prævidit, quàm lapsus est, liberâ scilicet voluntate, nullo occulto impulsu aut inspiratione, aut infallibili necessitate. Et quoniam visio illa Dei simplex decretum præcessit, sanè admissurum se lapsum hominis decrevit, verùm haud aliter, quàm quomodo futurum præviderat: non præordinatum à se, sed à liberrima hominis voluntate contingenter conceptum. Quod autem contingentia etiam certò prævidet Deus, exquisitam eius naturam arguit, non creaturarum necessitatem.

Tertiò adhuc gravius in naturam veri Dei impingit Caluini schola, cùm insuper Deū imperare Satanæ atque improbis statuit, ut maleficia cōcipiant, eosq; ad hoc inclinare, impellere, cogere ac trahere. Aretius in caput 1. ad Romanos, & in problematibus, loco de tentatione, Calvinus itidem 1. institut. cap. 17. §. 11. *Verum ubi in memoriam reuocant, diabolus totamque improborum cohortem sic omnibus partibus manu Dei tanquam fræno cohiberi, ut nec concipere vllum aduersus nos maleficium, nec conceptum moliri, nec ad perpetrandum, si maximè moliantur, digitum mouere queant, nisi quantum ille permiserit, imò nisi quantum ille MANDARIT: nec compedibus tantum eius teneri ligatos, sed etiam ad obsequia præstanda fræno cogi: habent unde se prolixè consolentur. Nam ut domini est eorum FVROREM ARMARE, & conuertere, destinareq;*  
quo

*quò libuerit, &c. Ibidem cap. 18. §. 2. de sceleribus Assyriorum: apparet certa destinatione Dei fuisse impulsos. & §. 4. Homo iusto Dei impulsu agit, quod sibi non licet. Zuinglius sermone de prouidentia cap. 6. Nec dicet quisquam, innocens igitur est latro: Deo enim impulsore egit. Nam contra legem peccauit. At inquires, coactus est ad peccandū. Permitto inquam, coactus esse, sed in hoc, ut & alter transferretur, & alter cruci adfigeretur.*

Heu fatum! cogit Deus homines ad peccandum, operatur in mentibus eorum, ut maleficia concipiant: & peccantibus tamen tam graues pœnas irrogat. Quis hoc de numine optimo sibi persuadeat? Sanè verum est, refrenare sæpius Deum maligna impiorum consilia, eosque à sceleribus exequendis prohibere, ne furore suo pios conculcent: sed ut maleficia indat mentibus, *vacantes* quasi aliquò trahat, inclinet, & flectat, quocūque fine bono, aut malo, nulla unquam religio vel mutire ausa est. Longè aliter Paulus, *Non sunt facienda mala, ut ueniant bona.* Nec cum scriptura vspiam præcipere Deum improbis dicit, tam asperè mandati voce utitur. Præcipit pœnam Dauidi ad correctionem; non præcipit maledictum Simei ad reatum: nec aliter nisi finendo & gratiam subtrahendo præcipit, cum iustè peccatis hominū, propria voluntate conceptis ad iustitiæ vindictam utitur.

Sed pergunt aduersarii, suamque de Deo  
fidem

fidem latius explicant, operari Deū in mentibus hominum impiorum nō generali tantum, sed speciali quoq; motione, & per eos tanquam per sua instrumenta velut primariam causam agere, quæ respectu hominum dicuntur, & sunt verè peccata. Calvinus lib.

1. Instit. cap. 18. §. 1. *quod autem nihil efficiant homines, nisi arcano Dei nutu, nec quicquam deliberando agitent, nisi quod ipse iam apud se decreuit, & arcana sua directione constituit, innumeris & claris testimoniis probatur.* Et §. 2. *à Deo ipso manat efficacia erroris, ut mendacis credant, qui rennunt parere veritati.* Et libr. 2. Instit. cap. 4. §. 2. *Omitto hic vniuersalem Dei motionem, unde creatura omnes ut sustinentur, ita efficaciam quiduis agendi ducunt.* De illa SPECIALI ACTIONE tantum loquor, quæ in unoquoque facinore apparet. Idem ergo facinus Deo, Satana, homini assignari, videmus non esse absurdum.

Beza in responsione ad Sebast. Castalionem de æterna Dei prædestinat. aphorismo 22. *Sic autem agit per illa instrumenta (mala) ut non tantum sinat illa agere, nec tantum moderetur euentum, sed etiam excitet, impellat, moueat, regat, atque adeò, quod omnium maximum est, etiam creet, ut per illa agat, quod constituit.*

Quod quid aliud est, quàm manifestè Deum, & quidem solum (quod sine horrore dicere non possū, nec in vlla ciuitate dici

dici debere, gentes ipsæ agnouerunt ) peccati authorem constituere? Nam si impij sunt instrumenta Dei in facinoribus malis: & verum est, quod ipsi Calvinistæ nobiscum fatentur, *quod ab administra vel instru-* *Amianthus Polanus la.*  
*mentali causa factum est, id causæ principali* *1. logica*  
*imputari, & acceptum ferri: vt 2. Sam. 12. v. 9.* *pag. 12. &*  
*cum ait Propheta Nathan Dauidi, Vriam* *13.*  
*Chittæum percussisti gladio, vt uxorem eius as-*  
*sumeres tibi in uxorem. Nam occidisti eum gla-*  
*dio Ammonitarum: Quis ita cæcus est, quin*  
*omnia vniuersi mundi grauissima scelera in*  
*vnum Deum authorem refundenda cogno-*  
*scat? Quod ita clarè ex prædictis hypothe-*  
*sibus sequitur, vt Zuinglius ipse abnuere*  
*non potuerit, nec voluerit. Vnde eius tam*  
*præclara vox in sermone de prouidentia*  
*cap. 5. Porro iniustitiam in sese nobis ostende-*  
*re numen cum nullaratione posset, vt quod vn-*  
*dique verum, bonum, sanctum naturâ sit, per*  
*creaturam iniustitiæ exemplum produxit.*  
*Non quasi illam creatura suo Marte produxe-*  
*rit, quæ nec est, nec viuit, nec operatur sine nu-*  
*mine, sed quod* NUMEN IPSVM AVTHOR  
EST EIVS, QVOD NOBIS EST INIV-  
STITIA, ILLI VERO NVLLATENVS  
EST. O inconsideratam vocem! quis vſ-

quam tam ferox aut vecors est populus, qui vel in mediis Idolomanix tenebris hoc vnquam asserere ausit? Non verum Deum colunt, qui sibi tale numen imaginantur: sed horrendum idolum humani cere-

bri



bri, quo & religio omnis, & virtus, & quicquid vspiam sacrum sanctumque est, vno quasi ictu prosternitur, & pedibus conculcatur.

## ARGVMENTVM II.

ZACH. VRSINVS.

*Euangelii  
congruen-  
tia cum iu-  
stitia Dei.*

II. *Euangelium ostendens exitum & liberationem à peccato & morte. proculdubio enim ea doctrina & religio, quæ modum euadendi ex peccato & morte citra violationem iustitiæ diuinæ ostendit, & firmam consolationem de vita æterna conscientis prabet, vera est & diuina.*

IVST. CALVINVS.

Alterâ hac notâ ex Euangelio desumptâ quod citra vllam diuinæ iustitiæ violationem exitum & liberationem à peccato & morte ostendat, non minus protestantium doctrina erronea, quàm Catholica vera demonstrabitur. Nam quia salus hominis in iustificatione consistit, eaque à Catholicis ita distinguitur; quod propter sufficientissimum Christi *λύτρον* in Baptismo quidem plenissima omnium debitorum remissio fiat, sine vlllo interueniente hominis merito, ex sola Dei in Christo gratia: quod etiam ibidem noua homini dona ac virtutes diuinitus ad nouam vitam infundantur; quæ neglecta postea, minusque ad pugnam exercita  
denuò



denuò hominem reum faciant offensæ Dei, à qua pœnitentiæ Sacramento restaurandus 3. & de nouo quasi saluandus est, aliter tamen quàm antea, interueniente nimirum propter admissæ culpam negligentia, ipsius hominis dolore ac contritione, confessione quoque, & explicatione debita temporalis mulctæ, quæ remissa propter Christum gratis, etiam sine vlllo hominis merito, pœna æterna, & reconciliata Dei gratia, luenda tamen superest: nulla hic nobis diuinæ iustitiæ perturbatio obiici potest. At illi enormiter in diuinam iustitiam impingunt, dum eandem iustificationis in Baptismo, & pœnitentiæ Sacramento rationē statuunt, vtramque nudè sine vllius operis interuentu, fide sola fieri contendentes. Quam sententiam D. Chrysostomus refellit lib. 3. de sacerdotio, & Cyrillus lib. 12. in Ioannem cap. 56. & Clemens Alexandrinus apud Eusebium lib. 3. historiæ cap. 17. vbi manifestè duos illos remittendi modos distinguunt: & ad hunc *Seff. 13. cap. 18.* posteriorem lachrymas, orationes, ieiunia flagitant. Qua de causâ rectè Concilium Tridentinum. *Diuina inquit iustitiæ ratio exigere videtur, vt aliter ab eo in gratiam recipiantur, qui ante Baptismum per ignorantiam deliquerunt, aliter vero, qui semel à peccati & demonis seruitute liberati, & accepto Spiritus Sancti dono scientes templum Dei violare, & Spiritum Sanctum contristare non formidauerint.* Cuius rei causam manifestè satis indicat

Dominus Lucæ 12. *Servus qui cognovit voluntatē Domini sui, & non preparavit, neque fecit secundum voluntatem eius, vapulabit multis.*

## ARGVMENTVM III.

ZACH. VRSINVS.

*Antiqui-  
tas*

III. *Antiquitas huius doctrina, quæ reperitur vetustissima. Sola enim Ecclesia doctrina in scripturis tradita, originem suam ad ipsum Deum referre potest, & propagationem continuam ac certam inde ab initio mundi ostendere. Alias verò religiones omnes aliis temporibus, post illam exortas ac recentiores esse, collatio historiarū, totius mundi, cum historia sacra ostendit. Cum igitur antiquissima religio haud dubiè sit verissima (primam enim religionem homines à Deo acceperunt) sequitur, Ecclesia doctrinam solam veram & diuinam esse.*

IUST. CALVINVS.

Tertia hæc nota, Antiquitas, latum nobis dicendi campum aperit. Sed nolumus esse in re manifesta prolixi. Summa est, antiquissimam doctrinam esse verissimam. Sicut enim Deus prior est diabolo, & Ecclesia prior hæresi: sic Catholica doctrina tempore & auctoritate omnes omnium hæreticorum larvas exsuperat. Et possumus per Dei gratiam facile originis nostræ initiū ad ipsum Christum, per intermediam successionem, atque omnium ordine seculorum consensum, re-  
ferre

ferre: cùm de hæreticis quibuscunque huius seculi certum sit, vbi, quo tempore, qua occasione, quibus auctoribus nati atque educati sint, quamque dubio passu huc vsque suum curriculum deduxerint. Lutherus tuba huius sacri belli, anno 1517. sonare cœpit. Sectatores suæ doctrinæ inuenit multos, sed paucos Præceptores. Hunc insecuti Zuïnglius & Calvinus, totaque illa seditiosorum familia, qui etsi magnoperè professionis suæ antiquitatem prædicant, quod sit Catholica, quod Apostolica, quod Orthodoxa: nullo tamen vinculo intermedij consensus cum Christo & Apostolis eam connectere possunt. Alioqui quæ illos intemperies ad tantum patrû contemptum impellere posset? Veræ enim doctrinæ propagatio per legitimos fit pastores & Episcopos, ab Apostolis per legitimam successionem & ordinationem descendentes: quibus quia nouatores certissimè destituuntur, meritò illis cum Tertulliano insultabimus: *posterior de præscrip. nostrares non est, imò omnibus prior est: hoc erit cap. 35. testimonium veritatis ubique occupantis principium. Ita ex ipso ordine manifestatur, id esse Dominicum & verum, quod sit prius traditum. Id autem extraneum est & falsum, quod sit posterius immisum.* Et ibidem. *Edue origines Ecclesiarum vestrarum, euoluite ordinem Episcoporum vestrorum, ita per successionem ab initio decurrentem, ut primus ille Episcopus aliquem ex Apostolis vel Apostolicis viris habuerit authorem*

*Et antecessorem. Hoc enim modo Romanorum Ecclesia Clementem à Petro ordinatū refert, &c.*

Propterea frustra non est, quod in linea illa successionis recitanda, tam studiosi fuerunt sancti Patres. Irenæus lib. 3. cap. 3. enumerat omnes Episcopos Romanos à Petro ad Eleutherium vsque, ac dicit, *per hanc successionem confundi omnes hereticos.* Eusebius in historia & in chronico: nec non Hieronymus ac Prosper in eiusdem chronici continuatione idem diligentissimè præstiterunt.

*August. e-  
pist. 165. ad  
Generosum  
In Psalmo  
contrapar-  
tem Dona-  
ti.*

Optatus Mileuitanus lib. 2. contra Parmenianū, simili instituto enumerat omnes Romanos Pontifices, à S. Petro ad Syricium vsque, qui tunc sedebat: Et sanctus Augustinus à Petro ad Anastasium vsque: concludens alibi. *Numerate sacerdotes vel ab ipsa sede Petri, & in ordine illo patrum, quis cui successerit videte. Ipsa est petra, quam non vincunt superba inferorum porta.*

*Cypr. lib. 1.  
epist. 6.*

Quid iam de Luthero, Caluino, & similibus? Rectissimè in illos quadrabit istud Cypriani: *In Ecclesia non est Novatianus, neq; Episcopus computari potest, qui Apostolica traditione contempta nemini succedens, à seipso ordinatus est.* Et in fine. *Aut pastor haberi quomodo potest, qui manente vero pastore, & in Ecclesia Dei ordinatione succedanea presidente, nemini succedens, & à se ipso incipiens, alienus fit & prephanus.*

*Calvinus  
prefat. in-*

At nostra, inquiūt, doctrina nihilominus antiqua & Apostolica est, etiamsi per istam succes-



successionis pompam non fuerit ad nos pro-  
 pagata. Illud enim Antichristi Tyrannide fa-  
 ctū est, qua pressa Ecclesia caput erigere non  
 potuit. Interim in mediis tenebris semper  
 aliquos conseruauit Dominus, qui rectè cre-  
 derent, & publicis etiam erroribus reclama-  
 rent. At inquam ego, semper ne pressa fuit  
 Ecclesia vestra ab Apostolorum tempore, an  
 aliquando erecto capite stetit? Si hoc vultis,  
 ostendite vllius seculi doctores, qui vobiscū  
 faciant, & vestros ritus institutaque similiter  
 tenuerint? Quod si facere possetis, non tot  
 vobis scopuli & nāui in patribus quibuscun-  
 que viderentur. Magdeburgenses certè Cen-  
 turiatores, in omnium centuriarum quarto  
 capite circa finē, vel inuiti annotant, qui au-  
 tores nostra dogmata defenderint: vel poti-  
 us quā constanter & publicè ab omnib.  
 religio Catholica defensa fuerit. Vestra autē,  
 quod vnquam ab orthodoxis defensa fuerit  
 doctrina, Illyricus quidem magno opere de-  
 monstrare conatur: sed pueriliter & frustra,  
 vt infra audiemus. Quod si illud magis pla-  
 cet, cogitate quā iniurii sitis veritati, quā  
 iniurii promissionibus Christi, qui nunquam  
 portas inferorū præualituras Ecclesiæ suæ di-  
 xit. Quod si enim tot annorum centurias sub  
 Antichristi iugo detenta fuit captiua Ecclesia;  
 quod si in penerralibus & angulis cōtinuò la-  
 tuit, quomodò nō præualuerunt portæ infe-  
 rorū? quomodo non miserior Christianorū,  
 quā ipsorum Iudæorum conditio est, qui

*fitur. ad  
 Regem Gal-  
 lia.*

*Centuria-  
 tores.*



Rom. 10.

& olim in Veteri Testamento publici cultus splendore viguerunt: & hodie semper aliquibus conuenticulis solennitates suas celebrare potuerunt, vt taceam *Ecclesiam sine pastoribus & sacerdotibus consistere non posse*: quemadmodum rectè B. Hieronymus contra Luciferianos asserit: neque etiam sine confessione: quæ si non publica sit, ne confessio quidem erit. *Corde enim creditur ad iustitiam, ore fit confessio ad salutem.*

Neque hic nobis scripturam vel Apostolos ingeminate: quæ vana gloriatio est: cum in eo ipso controuersia cardo vertatur, vtrum malè vel benè scripturas Canonicas interpretemini: qua de re postea vberius.

## ARGVMENTVM IV.

ZACH. VRSINVS.

*Miracula.*

IV. *Miracula, quibus Deus inde ab initio mundi hanc doctrinam confirmauit, & quæ diabolus non potest imitari, ne per speciem quidem, vt sunt suscitatio mortuorum, status & regressus solis, diuisio maris & fluminum, partus virginis & similia. Quæ cum solius Dei sint opera, ad confirmandam Prophetarum & Apostolorum doctrinam edita: Deus verò mendaciorum testimonium non perhibeat: doctrinam eam à Deo profectam & verissimam esse euincunt.*

IVSTVS CALVINVS.

Non minus hæc nota, quàm præcedentes doctrinae.

doctrinæ Catholicæ sinceritatē, & sectariæ  
 falsitatem coarguit. Et si enim verū agnosci-  
 mus illud Augustini, *necessaria fuisse miracu-* lib. 22. de  
*la*, priusquā crederet mundus, ad hoc, ut crede- *ciuit. De*  
*ret mundus: ut qui nunc adhuc prodigia, ut cre-* cap. 8  
*dat*, inquit, magnum sit ipse prodigium, qui  
 mundo credente nō credit. Christus enim primo *August. l. 1.*  
 afferens medicinā, quæ corruptissimos mores sū- *bro de d. di-*  
 natura esset, miraculis conciliauit auctoritatē, *ta. e. cre. 1.*  
 auctoritate meruit fidem, fide contraxit multi- *di. cap. 14.*  
 tudinem, multitudine obtinuit vetustatem, ve-  
 rustate roborauit religionem: quam non solum  
 hereticorum ineptissima nouitas fraudibus a-  
 gens, sed nec gentium quidem veterinosus error  
 violenter aduersans, aliqua ex parte conuelle-  
 ret: tamen quemadmodum olim Aposto-  
 lis prædicantibus cooperatus est Dominus, eo- *Marci 16.*  
 rumq; sermonem sequentibus signis confirmauit:  
 sic nunquam Ecclesiæ Catholicæ virtutes &  
 signa defuerant, quibus increduli ad fi-  
 dem conuerterentur, & doctrinæ puræ di-  
 uinitas comprobaretur. Magdeburgenses *161.*  
 ipsi singulis centuriis capit. 13. vel inuiti ex  
 historiis annotant, quibus singula sæcula a-  
 pud Catholicos miraculis claruerint. Quæ  
 quamuis audacter pro dæmonum illusioni-  
 bus, vel falsis narrationibus respuant & con-  
 demnent: tamen nihil argumenti, præter o-  
 pinionem suam adferunt, & quod Lutheri  
 Zuingliue Euangelio aduersentur. At val-  
 dè iniquum est, seræ potius impudentiæ,  
 quàm priscae & admirandæ vetustati crede-

re. Quæ si ratio inualescat, omnium libro-  
rum fides peribit, neque ullius authoris hi-  
storia certam merebitur fidem: quemadmo-  
dum rectè olim Augustinus paganis mira-  
cula Christi & Apostolorum negantibus re-  
stitit. Quod verò dæmonum præstigiis an-  
numerant Catholica miracula, vetus blas-  
phemia est Scribarum & Phariseorum, qui

*lib. 10. de ci-  
uit. Dei.  
cap. 18.*

*Matth. 12.*

*Dominum quoq; per Beelzebub demonia eiice-  
re criminabantur.* Et Pagani olim Martyres  
ob miracula *Magos & Necromantas* voca-  
bant: nec minus ipsi quoq; hæretici Catho-  
licorum miracula multis nefariis calumniis  
inceſſebant: quemadmodum Hieronymus  
& Ambrosius testantur.

*Hierony-  
mus contra  
Vigilant.*

*Ambros. ser-  
mone de  
SS. Gerua-  
sio & Pro-  
tasio.*

*2. Theſſ. 2.*

Non exspecto nunc, vt Antichristi futura  
miracula recenseant: quæ si valdè vrgent,  
totum suum argumentum eneruant, & ab  
Apostolo disertè falsa & mēdacia nuncupari  
ignorant. Nec aliter Augustinus Donatista-  
rū mira reiicit, quàm quod vel occulta in vi-  
sionibus, vel mendacia, & extra Ecclesiam ef-  
sent: quæ ipsi tā nota omnibus videbatur esse  
debere, vt etiā scribere auderet, *quacumq; ta-*

*de Unitate  
Ecclesie  
cap. 19.*

*lia in Catholica fiūt, ideo sunt approbanda, quia  
in Catholica fiunt, nō ideo ipsa manifestatur Ca-  
tholica, quia hæc in ea fiūt:* quæ tamē cū grano  
salis accipiant aduersarii, ne suas ipsi oues fla-  
geliēt. Nam alioqui plurimi fecisse Augusti-  
nū miracula patet ex libro eius 22. de ciuitate  
Dei, vbi contra Paganos plurima miracula ad  
reliquias sanctorū, Stephani in primis proto-  
martyris,

*Legelētor  
siud caput,  
ſapies me-  
lus.*

martyris, facta commemorat. Et in libro de utilitate credendi ad Honoratum, nec non contra epistolam Fundamenti. cap. 4. dicit, *ſe in Eccleſia vinculis miraculorum teneri.*

Quod ſi hodie nobis defectum miraculorum opponant, respondebimus cum S. Augustino, *Talia illo tempore facta eſſe, quo Deus in vero homine, quantum ſat erat hominibus, apparebat: nunc autem non fieri, quia non mouerent, niſi mira eſſent, & ſi ſolita eſſent, mira non eſſent.* Et tamen vt obturetur os Scribarum & Phariſæorum, etiam hodiè nonnulla ſunt. Exorcismos creberrimos quiſ ignorat? publicis literis proclamati ſunt. Nationes memoriarum nemo negat, niſi hæretica larua indutus. Noui orbis miracula ita teſtata ſunt, vt ne ipſi quidem hoſtes ſine rubore inſicientur.

Quæ autem proteſtantium ſunt miracula? Lutheri, Caluiniſque portenta iam in admiratione ſcilicet omnium. Curantur obſeſſi, excitantur mortui, nec tamen vſquam conatus reliquit effectum. Vt rectè concludamus cum Tertulliano: *Si alium Deum prædicant, cur eiſdem rebus & literis vtuntur, contra quem prædicant: ſi eundem, quomodo aliter? alioqui probent ſe nouos Apoſtolos, dicant CHRISTVM iterum deſcendiſſe, iterum ipſum docuiſſe, iterum crucifixum, iterum mortuum, iterum reſuſcitatum. ſic enim Apoſtolus ſolet facere, dare illis præterea virtutem, eadem ſigna edendi, quæ & ipſe. Volo igitur &*

*De utilitate credenda cap. 16.*

*Vide Stapletonum prompt. moral. parte 1. p. 63. 64.*

*Surius & Hieronym. Boſſec. in vita Calvini.*

*De præſcri. aduerſ. har. cap. 30.*



*virtutes eorum proferre, nisi quod agnosco maximam virtutem eorum, qua Apostolos in peruersum emulantur. Illi enim de mortuis viues faciebant, isti de viuis mortuos faciunt.*

## ARGVMENTVM V.

ZACH. VRSINVS.

*Prophetia.*

*V. Oracula & predictiones rerum futurarum euentibus comprobata. Eiusmodi plurimæ in vtriusq; Testamenti libris continentur, & cœlestem eorum originem euidenter confirmant, cum oracula vera edere Dei sit proprium.*

IVST. CALVINVS.

Hanc ipsam quoque notam præcedenti affinem in Catholica Ecclesia demonstrare, apud hæreticos ne inuenire quidem possumus. Quid enim vnquam veri prædixit Lutherus, Zuinglius, Calvinus, & similes Prophetæ Euangelici, per quos non potuit stare verum de præteritis, nedum innotescere verum de futuris? Lutherus aliquando vini plenus, inflatis buccis prædixit, si prædicatio eius pauculos durare annos posset, ad internecionem Papatum periturum, nec vllum templi vel altaris vestigium remansurum. Sed quàm verè, euentus comprobauit. Prædicat potius illud cum Caluino, posteritatem tandem fraudes nouatorum sensuram, & antiquis viis instituram: habebit vaticinio suo indices per Dei gratiam in omnibus ditionibus respondentem euentum.

*Simile habet. Tom. 6. VVit. fol. 432. p. 1.*

*Calvinus præfat. catecheses.*

*Luth. Tom. 1. VVit. f. 285. p. 2.*



At Catholicis hoc quoque Christianæ fidei insignem nunquam defuit. Præter eos enim, qui primis quingentis annis vaticinati sunt, vt Agabus, Gregorius Thaumaturgus, Antonius, Abbas Iohannes: posterioribus quoque seculis, quæ ob Pontificum authoritatem suspecta habentur, verissimi quidam prædictores futurorum fuerunt: S. Benedictus apud Gregorium lib. 2. dialog. cap. 15. S. Bernhardus in vita ipsius lib. 4. cap. 3. S. Franciscus in eiusdem vita, & multi alii diuersis seculis. Quo dono deinceps Ecclesiam suam perpetuo ornaturam dominum confidimus: cum certæ sint illæ promissiones Ioëlis. 2. & Actorum 2. nec nascenti demum, verum etiam crescenti maturæque Ecclesiæ factæ.

*Act. 11.  
Basilius de  
spiritu san-  
cto cap. 29.  
Athanas.  
in vita S.  
Antonii.  
August. lib.  
5. de ciuit.  
Dei cap. 26.*

## ARGVM. VI.

ZACH. VRSINVS.

*VI. Consensus partium doctrina Ecclesia. Doctrina enim sibi contraria, non est vera nec diuina, cum verum vero consonet, & Deus sibi non contradicat. At præter solam propheticam & Apostolicam doctrinam religiones aliæ omnes a se ipsis & inter se variè dissident, etiam in fundamento & præcipuis capitibus. Sola igitur Ecclesia doctrina vera est & diuina.*

Præclara iterum nota & utilis ad omnis spiritus diiudicationem : nec ad religionis magis Christianæ contra incredulos confirmationem, quàm ad hæreticorum fluxam & fragilem fidem condemnandam. Nam quod

*Lib. 3. moralium exposit. in Iob. cap. 19.*

S. Gregorius de hæreticis scribit, *habere eos hoc proprium, quod in eo gradu, in quo de Ecclesia exeunt, diu stare non possint, sed ad deteriora quotidie ruant, & sentiendo peiora in multis se partibus scindant, atque à semetipsis plerumque longius confusionis suæ altercatione diuidantur*: id tam dextrè hisce hominibus competit, ut nemini dexterius. Primum enim quis varias variorum sectas recenseat? quis germinantes adhuc hodie puluerulentarum arborum ramos commemoret? Sectæ plurimæ sunt, nec tamen vlla secta est, quin iterum in minutissimas partes dissecta: quemadmodum Augustinus olim de Donatistis & Maximianistis conquestus est.

Iam reformatorum ipsorum, quæ secum domestica pugna sit, paulo accuratius commemorare libet. Turpissimam inconstantiam varia variarum editionum exemplaria produnt.

Lutherus in assertionem articuli 36. summam rerum suarum in doctrina de arbitrii servitute constituit, aitque: *In cæteris articulis de Papatu, de conciliis, de indulgentiis, aliisque non necessariis nugis, ferendam esse lenita-*

tem & stultitiam Papa & suorum. Sed in hoc articulo de seruitute arbitrii, qui omnium optimus, & rerum suarum summa sit, dolendum ac flendum esse, miseros sic insanire.

Et in libro aduersus regem Angliæ iactat, adeò se certum esse de sua doctrina, ut si quis aliter doceat, aut damnet, quæ ipse scripserit de fide, de operibus, de libero arbitrio, & similibus, is damnet Deum, atque oporteat eum filium gehennæ manere.

Nunc videamus, quàm in hoc doctrinæ suæ capite constans fuerit. In assertionem articuli 36. loquitur: *Liberum arbitrium est figmentum in rebus, & titulus sinere, quia nulli est in manu quippiam cogitare boni, vel mali, sed omnia (ut VViclef articulus Constantiæ damnatus rectè docet) de necessitate absoluta eueniunt. Quod & Poëta voluit, quando dixit, certa stant omnia lege. Et Christus Matth. 6. Folium arboris non cadet in terram sine patre vestro. Et infra. Non est dubium Satana magistro in Ecclesiam venisse hoc nomen, Liberum arbitrium.*

Vbi apertè Lutherus simpliciter liberum arbitrium in omnibus rebus tollit, iuxta hæresin VViclef, ideoque etiam nomen liberi arbitrii damnat. Ex quo factum, ut & librum aduersus Erasmus inscripserit, *De seruo arbitrio*. Iam aduerte, quàm se firmum in hac statione præstiterit. In libro de visitatione Saxonica, posterius scripto, in articulo de Libero arbitrio, hanc cantilenam canit:

nit: *Multi de libero arbitrio indiscretè loquuntur* (intellige ipsum Lutherum, Philippum, & alleclas eorum qualescunque) *idcirco hanc breuem informationem adscripsimus: Homo habet ex propria virtute liberum arbitrium, ad faciendum & omittendum opera externa, per legem & poenas adactus. Quapropter potest & secularem probitatem, & bona opera facere, ex propria virtute à D E O ad hæc data & obtenta. Paulus enim vocat eam iustitiam carnis, hoc est, quam caro aut homo ex propria virtute facit. Si ergo operatur homo ex propria virtute ullam iustitiam, utique habet electionem & libertatem, & fugiendi malum, & faciendi bonum. Ibidem. Voluntas humana est vis libera, ut facere possit iustitiam carnis, seu iustitiam civilem, ubi lege & vi agitur, ut non furari, non occidere, mœchari, &c.*

En constantiam Lutheri? Homo liberum arbitrium nusquam habet, & tamen alicubi habet: quæ ipsa quoque Philippi mutabilitas fuit, ut Bellarminus in hac disputatione demonstravit. Quare si austeriores nos iudices causæ huius præstare vellemus, utrumque suo gladio iugulare, & horrendis diris ad ipsa tartara deuovere possemus. Sed ad alia properamus.

Hominum ipsorum cothurnos versatiles vidimus: Nunc doctrinæ genium exploremus, quàm arctè inter se partium singularum vincula cohæreant.



Primum profitentur omnes, se nobiscum credere Deum omnipotentem. Et tamen Calvinistæ negant, *Deum vlla vi efficere posse, ut corpus Christi sit realiter presens in Sacramento.* quæ manifesta antilogia est. Qui enim omnia potest, plus & ultra quàm sensus & cogitationes nostræ capiunt, quare hoc non possit, quod promisit? Nec magis cum natura veri corporis pugnat, verè in Sacramento inuisibiliter & illocaliter esse, quàm amisso pondere aquis inambulare, deposita crassitie clauso vtero & monumento egredi, & clausis ianuis intrare: & quæ præterea mira in hoc miro atque omni humano ingenio imperscrutabili corpore acciderunt.

*Contradictiones aliquot hereticorum. Martyr in dialogo de cana.*

Deinde antilogia est, cum iidem dicunt, Deum esse iustum & misericordem, & tamen sine peccati respectu, mero & absoluto beneplacito, quosdam ad æternam damnationem infallibiliter destinasse.

*Beza in respons. ad Sebast. Castalio de æterna Dei prædest. refut. 2. calum.*

At inquam ego, præter quam quod crudele est, creaturam sua manu faciendam innoxiam, æterno cruciatui mancipare, ne iustitia quidem Dei hoc admittit. Sicut enim iniustum est in executione damnare hominem nihil mali merentem; ita iniustum est in decreto, decernere hominem damnare, cuius nullum malum extat meritum, ne in præuisione quidem. Deinde magis iniustum est, velle & ordinare integri-

*Et in resp. ad acta col. loquii Mompelga. pag 155 164*

*M*

ho-



hominis lapsum, ut habeas quos iustè puni-  
as, quàm simpliciter absque culpa punire.

// Vtiq; enim maius malū est culpa quā pœna:

// & ideo maior iniustitia, nihil mali merito au-  
thorem culpæ esse quàm pœnæ. Vnde Au-

*lib. 3. ad-  
versus Iu-  
lian. cap. 18.  
De gratia  
& libero  
arbitrio  
cap. 23.*

gustinus, *Bonus est Deus, iustus est Deus: po-  
test sine bonis meritis liberare, quia bonus est:  
non potest sine malis meritis damnare, quia ius-  
tus est.* Et alibi. *Deus reddit mala pro malis,  
quia iustus est, bona pro malis; quia bonus est:  
bona pro bonis, quia bonus & iustus est: saltem  
non reddit mala pro bonis, quia iniustus nō est.*

Tertiò antilogiam faciunt, cū regnum  
Christi æternum inuictumq; , Ecclesiam etiā  
Catholicam atq; omnium seculorum pro-  
vinciarumque fatentur: Et tamen pro pu-  
dendæ nouitatis suæ velo obtendunt, à tem-  
poribus Gregorii magni ad Lutherum, vel  
nullam, vel planè angustam, misereque An-  
tichristi tyrannide oppressam, ac tantū non  
extinctam Ecclesiam fuisse, quam ipsi è cine-  
ribus reuocatam, nouo spiritu animarint.

*Luc. 1.*

*Matth. 12.*

Quod si verum est, quomodo stabit illud,  
*Regni eius non erit finis?* quomodo rata pro-  
missio, *Porta inferi non praualebunt aduersus  
eam?* Nam quod latuisse fingunt Ecclesiam,  
maior stulticia est. Si enim latuit, iam aliqua-  
tenus victor est Satan. Et si à temporibus  
Gregorii magni latuit, sanè longiori spatio  
latuit, quàm aperta luce incessit: quæ intol-  
lerabilis in noui Testamenti gloriam contu-  
melia est.

Quar-

Quarto antilogiam committunt, cūm hominē sola fide, seu fiduciā diuinæ misericordiæ iustificari dicūt, & tamen fidem illam iustitiā posteriorem faciunt. Nam si fides illa specialis non posterior iustificatione censeatur, falsa esse conuincitur. Quæro enim, cūm incipio credere, Deum mihi esse propitium, seu quod eodem redit, me propter imputatā, vt loquuntur, Christi iustitiam ex misericordia Dei à peccatis absolutum ac iustum esse, vtrum nō illam iustitiā, meam præcedere intelligentiam necesse sit? Nisi enim præcedat, falsum credidero, & per mendaciū saluabor. Si verò præcedit, quomodo fide iustificor, qui ante fidē, quod credendum proponitur, iustificatus sum? Neq; est, quod dicas, fide speciali non credi, peccata de præterito esse remissa, sed remitti in præsens. Præterquam enim quod Calvinus omnia ad vim æternæ electionis referre solet, & pueros etiam vix natos, nec dum baptizatos, isto prædestinationis iure sanctos saluosq; contendit: Remissio sanè obiectū est fidei meæ, adeoq; necessario prior: quia nunquam fit, vt obiectum per actum suum producat, cūm obiectū actui essentiam det, non actus obiecto.

Tandem antilogiam multiplicē faciunt, in doctrinā Sacramentorum. Primū enim Sacramenta tantū Euangelii appendices, & fidei excitandæ confirmandæque instrumenta vocant. Et tamen ne Anabaptistis accenseantur, sedulò cauent, ne nuda signa nominent:

minent : viderique volunt omninò coniunctam rerum signatarum exhibitionem credere. Hinc in Baptismo peccata ablui, & in sacra cœna ipsissimæ Christi carnis & sanguinis comunionem admittunt. At nomine ista coniuncta exhibitio cum principali isto Sacramentorum fine, quem statuunt, pugnat? aut si non pugnat, & vtrumque sit, fidei scilicet confirmatio, quod minus est, & gratiæ Christi collatio, quod longè maximum est, quare non à digniori ac principaliori effectui sacramentis denominationem indunt?

Pari ratione cum fine isto Sacramentorū pugnat pædobaptismus. Nam si Sacramentorū proprium munus & officium est, fidem excitare & confirmare: quo iure infantibus // aqua conceditur, quibus nec fides nec ratio-  
// cinatio aut iudicium vllum est? quis verò sine mentis discursu & symbolorum ad signū relatione fidei suæ vllum argumentum fecerit? Hoc argumentum ita vrsit Lutherum, ut manifesto errore scriberet, *paruulos, cum baptizantur, verbum Dei audire, Deum cognoscere ac diligere, adeoq; indubitatè credere.* Quod qui credit, necesse est cum ratione infan-  
faniat.

*De captiui.  
Babyl. cap.  
de Baptism.  
Et in lib.  
contra Co-  
chlaum an-  
no 23.*

*Calvinus  
in 26. cap.*

*Matth. &  
lib. 4. Insti.  
ca. 17. §. 32.*

*Calvinus  
in libro de*

Similis antilogia est, cū in sacra cœna nuda signa esse inficiantur, vereque nobis cum symbolis corpus Domini in salutarem animæ cibum dari admittunt, ita ut substantia carnis Christi pascantur animæ nostræ, & verè vnum cum eo efficiamur : & tamen alibi

alibi corpus Christi tanto intervallo ab ele- *suo cum*  
 mentis collocant, quanto abest terra ab altif- *Tigurinis*  
 simis cœlis: negantque in nos ingredi Chri- *consensu.*  
 sti carnē, quemadmodū videre est apud Cal- *Beza in*  
 uinum libro quarto Institutio. cap. 17. §. 32. *summa do-*  
 Nūquid etiā hæc aduersis frontibus inter *ctrina Sa-*  
 se pugnant, cū corpus CHRISTI non ore, *cram. qu. 6.*  
 sed fide tantum manducari contendunt, ab- *Caluin. 4.*  
 utentes dicto S. Augustini, *crede & mandu-*  
*casti*: & tamen alibi manifestè manducatio- *Instit. c. 17.*  
 nem à fide distinguunt, tantumque inter illa *§. 32.*  
 interesse dicunt, *Beza in*  
*quantum inter manum & ap-* *summa do-*  
*prehensionem, qua manu fit?* *ctrina Sa-*  
 Caluinus expres- *cram. q. 9.*  
 sè dicit contra Zuinglium, comedere car- *10. 11. 13.*  
 nem CHRISTI, non esse solum credere, sed *Beza in lib.*  
 verè participem fieri carnis eius: ponitque *de cœna do-*  
 exemplum: *quemadmodum*, inquit, *minicontrâ*  
*non aspe-* *Vestphaliæ*  
*ctus, sed esus panis alimentum corpori sufficit:* *cap. 9.*  
*ita verè ac penitus participem CHRISTI ani-* *Lib. 4. in-*  
*mam fieri conuenit.* *stit. cap. 17.*  
 Conciliet ista qui potest, *§. 5.*  
 edere esse solum credere, & edere non esse  
 solum credere: in nostra sanè logica aduersis  
 ista frontibus pugnare videntur.

Nec magis ista cohærent, cū verba  
 cœnæ *Hoc est corpus meum*, per tropum  
 exponunt, facillimumque illis sensum  
 affingunt, Hic panis est figura corporis  
 mei, quā reuocetis vobis in memoriam pas-  
 sionem meam & mortem, quaque excitati  
 fide in me toti feramini: quem sensum ipse *Pagina 4.*  
 Martyr in dialogo suo oppidò quàm facilem  
 & expeditum vocat: & tamen alibi magnum



hic mysterium fingunt, magnamque sententiae suae difficultatem prætendunt : quemadmodum Calvinus libro quarto institutionū capite 17. §. 71. *nihil restat, inquit, nisi ut in eius mysterii admirationem prorumpam, cui nec mens planè cogitando, nec lingua explicando par esse potest.*

At si nulla fit realis Christi coniunctio nobiscum, sed per cogitationem tantum, vel respectum, nullum hic mysterium est, nullum miraculum, nulla difficultas intelligendi. Quis enim non facile capiat, panem esse signum corporis, vinum signum sanguinis CHRISTI, non minus quàm circumcisio, pascha, sacrificia signa futurorum fuerunt? quis non capiat, fidem hisce signis, in CHRISTVM absentem ferri, ac tanquam tessera de amore eius confirmari debere? facilia sunt illa omnia, & humanis sensibus accommodata. At sancti Patres, *ea quæ Christus hoc Sacramento instituit, omnem admirationem, omnem mentem, omnemque sermonem excedere scribunt: imò sensui ac cogitationi nostræ planè absurda videri.* Æstimet nunc humanus lector ex hisce pauculis partium doctrinæ nouæ consensum, & spiritum contradictionis tanquam ex vngue leonem agnoscat. Plura antilogiarum exempla instituti breuitas afferre non patitur: nec opus est, cùm in *bello quinti Evangelii* diligentissimè quasi integris fasciculis comportata reperiantur. Quid ergo? Concludamus cum S. Athanasio in decre-

S. Ephrem  
in libro de  
natura Dei  
cap. 5.  
S. Chrysost.  
hom. 60. ad  
popul. An-  
tioch et ho-  
mil. 83 in  
Matthæum.

Bellum  
quinti Eu-  
angelii p r  
Andream  
Iurgienensium



decretis Synodi Ephesinæ? *Homines sunt, ut dixit Iacobus, duplici animo, & instabiles in omnibus viis suis, nec eandem habentes sententiam, sed nunc in hanc, nunc in illam sese vertentes, & nunc quidem probantes, quod dicunt: mox verò vituperantes, quod paulo ante laudauerunt. Hoc autem, ut Pastor ille dicebat, ex diabolo prognatum est. Per quod citius cognoscas caupones, quàm Doctores. Est enim, sicuti à maioribus traditum est, vera doctrina: & hoc veros Doctores arguit, si eadem inter se profiteantur, neque diuersa sentiant, vel inter ipsos, vel à suis maioribus dissidentes. Etenim qui hunc in modum affecti non sunt: improbi potius, quàm veri Doctores dicendi sunt.*

## ARGUMENTVM VII.

ZACH. VRSINVS.

VII. *Hostium confessio, quòd ipse diabolus clamare cogitur: Tu es Christus ille filius Dei: & alii hostes fateri coguntur, doctrinam nostram esse veram. Quicquidenim boni & veri in suis religionibus habent alii, id etiam, & multò clarius ac solidius, habet nostra religio, & possunt conuinci, quòd ex nostra sint suffurati, & suis figmentis admiscuerint, ut solet diabolus, Deisimia, quadam vera suis mendaciis miscere, quòd facilius hominibus imponat. Vnde quæ alii nostræ doctrinæ habent consentanea, ea non possunt refutari, quia ex nostra sumpserunt: quæ verò habent pugnancia, ea facile euertuntur, quia sunt hominum figmenta.*

## IVST. CALVINVS.

Quam hostibus Christianorum innocentissima Evangelii veritas extorsit confessionem: eandē quoque nostris capitalibus inimicis vel inuitis à DEO expressam gloriari possumus. Præterquam enim quod omnia passim collegia, cœnæ, congressiones &c. Catholicarum laudum plenæ sunt, ipsique æmuli nostri Catholicorum virorum admirandam sapientiam, doctrinam, prudentiam, pietatem & honestatem agnoscere & prædicare coguntur: ipse etiam Lutherus, qui aliàs Papatum, vt ipsum Antichristianismum, regnumque diaboli non satis insectari, lacerare, conuiciis proscindere, ac diris omnibus deuouere potuit, ita tamen contra Anabaptistas Papæ odio paruulorum baptismum reiicientes scribit: *nos fatemur sub Papatu plurimum esse boni Christiani, imo omnem bonum Christianum, atque etiam illinc ad nos deuenisse. Quippe fatemur in Papatu veram esse scripturam sacram, verum Baptismum, verum Sacramentum altaris, veras clauas ad remissionem peccatorum, verum prædicandi officium, verum Catechismū, vt sunt oratio Dominica, decem præcepta, articuli fidei. Dico in super, sub Papatu veram Christianitatem, imo verum nucleū Christianitatis esse.* Idem Tom. i. f. 12. p. 1. super Epist. ad Galatas. *Romana Ecclesia sancta est: quia sanctum Dei nomen, Evangelium ac Baptismum habet. Quæ res ubi sunt, merito populus esse sanctus populus vocatur.*

Lutheri  
confessio de  
Papatu.

Tom. 2.  
Vitteb.  
f. 229. p. 2.  
in Epist. ad  
duos pasto-  
res.

Et in postilla super Euangelium Domini.  
 1. aduentus: *mundus indies fit deterior, sunt  
 nunc magis homines vindictæ cupidi, magis au-*  
*uari, magis immodesti, & indisciplinati, mul-*  
*toque deteriores quàm fuerint in Papatu.* Si-  
 milia habet Paulus Eberus præfatione com-  
 ment. Philippi in Epistol. ad Corinthios. &  
 Caluinus sermone 10. & 30. super episto-  
 lam ad Ephesios. Denique Sarcerius in po-  
 stilla Domini. 10. *Iam ferè in prouerbiu abi-*  
*it, inquit, satius & tutius esse in rebus civilibus*  
*cum mercatore papista agere, quàm cum eo, qui*  
*se euangelicum iactat.*

Habes hostium confessionem de fide &  
 moribus nostris satis luculentam: qualem il-  
li ex nobis de se nunquàm audient. Cæterum  
 reliquias verorum dogmatum, quæ adhuc  
 nobiscum communia habent, hic commemo-  
 rare nihil attinet. Constat satis ea & pau-  
 ca esse, & passim scabie hæretica infecta: quæ  
 verò contraria tenent facilis expugnationis,  
 quemadmodum à fortissimis Catholicæ Ec-  
 clesiæ defensoribus, Baronio, Bellarmino,  
 Valentiano &c. re ipsa demonstratum est.  
 Optimè Chrysostomus, concessum est diabolo *Super Mat-*  
inquit, interdum vera dicere, ut mendacium *thæum.*  
suum rara veritate commendet.

## ARGVMENTVM VIII.

ZACH. VRSINVS.

*Odium Satana & instrumentorum eius ad-* *Odium Sa-*  
*D 4* *uersus*

*tana ac  
mundi.*

*uersus hanc doctrinam. Ea enim religio hand  
dubiè vera est & diuina, quam omnes mali &  
ipse Satan vno consensu oderunt & extinctam  
cupiunt. Nam veritas odium parit: & diabo-  
lus est mendax ab initio, & in veritate non ste-  
tit. Atqui nullam doctrinam Satan & mundus  
impensius oderunt & oppugnant, quam doctri-  
nam Ecclesiæ: quia nimirum doctrina Ecclesiæ  
longè rigidius eos accusat, mendacia eorum sub  
examen vocat, fraudes detegit, omniaq; idola  
& vitia damnat, quam alie sectæ, quæ ista con-  
cedunt, veletiam defendunt. Mundus me odit,  
quoniam testificor de eo, quod opera eius mala  
sint. Si de mundo essetis, mundus quod suum  
est amaret, &c.*

#### IVSTVS CALVINVS.

Si de hac nota pluribus dixero, & pressis  
ab aduersario vestigiis rectè institero, malam  
ab eo gratiam merebor. Ita enim multa ad-  
uersus Catholicæ Ecclesiæ hostes dura atque  
acerba occurrunt, vt si muneri nostro fatisfa-  
cere velimus, nullius istorum nomini pausu-  
ri videamur. Sed ne conuitiis nos faciendis  
delectari arbitrentur, rem ipsam nudè puta-  
bo: quamque prono ac benigno animo in  
Catholicam fidem mundus sit, considerabo.  
Turcæ persecutiones, hæreticorum machi-  
nationes, Apostatarum ludibria, scommata,  
fannas, iniurias in res & personas sacras, de-  
nique mille diaboli ad obscurandam Roma-  
næ Ecclesiæ lucem technas, quis oratione sa-  
tis



tis dignâ prosequatur? Neque Ecclesia ipsa  
 noctes diesque in excubiis stans, propulsare  
 queat virulentissima tela, ab omnibus mun-  
 di partibus & angulis cateruatim in se missa.  
 Hæretici quanto odio in rem Romanam fla-  
 grent, vel vnus ille Anglus testari potest, qui  
 sæpè pro concione gregi suo suavit, & libris  
 editis confirmare scilicet conatus est, *religio*  
*nem Romanam magis idololatricam esse Turci-*  
*ca: item Pontificem periculosiorem CHRISTI*  
*hostem esse, quam sit magnus Turca.* Testari et-  
 iam possunt illi milites Zelandi, qui bellum  
 contra Regem Hispaniæ instructuri, gesse-  
 runt in suis vexillis figuram argenteam lunæ  
 crescentis, cum hac inscriptione: *potius Tur-*  
*ca, quam Papista.* Testari deniq; poterit ipse  
 Lutherus, hodiernorum in fide tumultuum  
 tuba, quem tanquam stellam cælo delapsam,  
 clauigerum abyssi, & mortis ianitorem non  
 immeritò quis dixerit. Is quò liberius in o-  
 ues Christi sua rabie grassari, denudatasque  
 omni pastorū præsidio longius è septis pro-  
 pellere posset, non solùm in vita tam insatia-  
 bili in Papam & Papistas, vt loquuntur, odio  
 flagrauit, *ut pro verbis mera se fulgura ac toni-*  
*trua in eos vibrare posse optaret:* verùm etiã a-  
 micis in conuentu Smalkaldico, cùm lethali  
 morbo correptus discedere cogeretur, vale-  
 dicens, *amorem & benedictionem Christi, Pa-*  
*pa vero odium & detestationem summam pre-*  
*caretur.* Idque tanquam sacrum quoddam  
 oraculum collaudant, & scriptis etiam thesi-

*Horn. de*  
*Pr. matuRe*  
*gina contra*  
*Fol pag. 101.*  
*102.*

*Caluino.*  
*turcismus*  
*lib. 1. cap. 2.*

*In conui-*  
*ualib. fol.*  
*313. 4.*

*Mathesius*  
*concione 11.*  
*de Luthero*  
*fol. 122.*



*Tossanus in  
theſiſus de  
Papatu  
theſi. 1.* bus defendunt ij, qui alioqui non ſatis beni-  
gnè erga Lutherum affecti, communi amen  
odio noſtri excæcati, præda funeſtorum lu-  
porum, quàm Chriſti obedientes ouiculæ ef-  
ſe malunt. Aſt nos iſtorum hominum exul-  
ceratas mentes non longè à Caligulæ furore

*Suetonius  
in Vita C.  
Caligula  
cap 30.*

abefſe animaduertimus, qui aliquando im-  
placabili correptus ira, magnâ voce exclauit: *utinam populus Romanus vnâ cer-  
uicem haberet*, quàm videlicet ego odii ſatu-  
randi cauſa vno ictu integram amputarem.  
Sed peribit ſpes impiorum, neque dabit nos  
Dominus in opprobrium hoſtibus noſtris:  
quin potius, Chriſtus in medio inimicorum  
ſuorum, non ſeruiet, ſed dominabitur, ad  
diem vſque illum quo abrogabit omne im-  
perium & poteſtatem, regnumque dabit pa-  
tri, & ipſe erit omnia in omnibus. Nam  
nec ipſa Antichriſti tyrannis ita ſubruet re-  
gnum Chriſti, quin in ipſo deſerto vexilla  
profeſſionis ſuæ & ſucceſſionis Apoſtolicæ  
indiuulſe habiturum ſit.

## ARGVMENTVM IX.

ZACH. VRSINVS.

*Deſenſio  
mirabilis.*

IX. *Mirabilis deſenſio & conſeruatio hu-  
ius doctrine contra furores Satane & aliorum  
hoſtium. Cùm enim nulla religio grauius à ty-  
rannis & hereticis perpetuò ſit oppugnata, & ſi-  
ne intermiſſione oppugnetur, quàm hac ipſa, De-  
us nihilominus eam inuitis hoſtibus & infero-  
rum*

*rum portis mirabiliter adhuc defendit, ut sola inuicta permanferit, cum interim aliæ religiones vel omninò non, vel leuius oppugnatae, cito perierint. Hinc doctrinam Ecclesiae Deo probari & cura esse, firmissimè concludimus.*

## IVST. CALVINVS.

Rectè hæc nota præcedenti subiungitur, Non minus enim Deus in Ecclesia sua tuenda strenuus, quàm hostes in ea oppugnanda diligentes & seduli sunt: qua de re præclare iam olim S. Patres scripserunt. *Iustinus apologia 2. ad Anton. piũ: Chrysostomus homilia 34. in Matthæũ: & homilia 4. & 5. in 1. ad Corinth. Damascenus li. 4. orthodoxa fidei cap. 4. Augustinus lib. 22. de civitate Dei cap. 5.* Verùm illa doctrina tamdiu hætenus contra immania monstra, & tam sæpè repetita hostium molimina defensa, Catholica doctrina fuit, non Lutherana aut Zuingliana. Hæc enim nondum nata, neque educata, illa autem quasi sub pellibus enutrita, & persecutiones hostium perpeffa, tandem inimicis suis gloriosissimè triumphauit. Numerate cruentos imperatores, numerate fœdifragos Iudæos & hæreticos, nihil ad extremum conatum satanæ defuisse reperietis. Victrix tamen semper fuit per Dei gratiam Romana Ecclesia, & frustra hæreticis circumlatrantibus, culmen authoritatis obtinuit. Refert Theodorus ad sua tēpora septuaginta sex diuersas hæ-

*August. de  
Crist. cre-  
dendi cap.*

17.

refert

refert *Augustinus* octoginta octo, ex quibus etiam plurimas suo ævo periisse super Psalmum 57. testatur. Nos ad Lutheri tempora *ducentas hereticorum diuersas familias* numerare possumus: quæ omnes paucis in oriente // Nestorianis & Eutyrianis, in Boëmia Huf- // sitis exceptis, vt fumus & stipula perierunt, vix nominibus eorum saluis.

*Luthera-  
nis &  
Caluinis-  
mus nutat.*

*Lutheri & Caluini* schola, quãuis aliquan- diu iam durauit, non tamen sine maximis fluctuationibus stetit, & ruinam propediem minari videtur. Quod vel ipsi quodam men- tis præsagio auctores ante viderunt: vt ex *præfatione Caluini in Catechesin Geneuensem*, & *præfatione Centuriorum Magdeburgen- sium in centuriam 2. & 5. apparet.*

Diximus supra Lutherum quondam pro sua temeritate prædixisse anno 25. *Si ipsi ad- huc biennium vnum predicare liceret, fore vt Papa, Cardinales, episcopi, moniales, monachi, turres, campana, missæ & vniuersus papatus e- uanesceret.* Sed fallus est propheta, proroga- toque termino prædicationis eius, non ad duos, sed ad viginti duos annos, non tamen quod voluit obtinuit. Ecclesia stat instar mu- ri aheni: ipse autē cū fœtibus suis nutat, flu- ctuat & instar torrentis decurrit, mox cessatu- rus & exsiccandus, quemadmodum Augu- stinus in psalmum 57. loquitur.

*S. Hierony-  
mus in dia-  
logo contra  
Lucifera.*

Quid ergo? breuē apertamq; animi mei sen- tentiam proferam, in illa esse Ecclesia permanen- dum, quæ ab Apostolis fundata, ad hanc vsque diem durat.

AR-

## ARGVMENTVM X.

ZACH. VRSINVS.

X. *Pœna hostium.* Nam dubium non est, <sup>Pœna ha-</sup>  
 eam religionem a Deo approbari, & defendi, ob <sup>stium.</sup>  
 cuius oppugnationem aduersarios punit. Testan-  
 tur autem historia veteres & recentes, atrociter  
 à Deo punitos esse, qui prophetarum & Aposto-  
 lorum doctrinam oppugnarunt. Ergo eam Deus  
 approbat. Etsi autem impii aliquando in mundo  
 florent, & ecclesia oppressa iacere videtur: ta-  
 mē id neque casu fieri, neque quod illi Deo place-  
 ant, vel Ecclesia non placeat, euentus testantur,  
 & scriptura passim docet. Perpetuò enim Eccle-  
 sia in persecutionibus seruatur, & tandem libe-  
 ratur: cū contra tyrannorum & impiorum  
 breuem fecilitatem tristissimus interitus excipi-  
 at. Nec refert, quod non omnes persecutores Ec-  
 clesie tragicè hic puniuntur, sicut Antiochus, &  
 Herodes, &c. Dum enim Deus plerosq; in hac  
 vita ulciscitur, satis ostendit, quid de aliis simi-  
 libus æstimari velit: eos nimirū esse hostes suos,  
 in aternas pœnas abiiciendos, nisi resipiscant.

IVST. CALVINVS.

Tragicos hæreticorum exitus, qui priscis  
 olim seculis ecclesiam vexarunt, diligenter  
 S. Patres annotauerunt. Hac ætate quid ac-  
 ciderit, quamque luculenter ecclesiæ tur-  
 batores Deus vindicarit, etsi testatum satis  
 est, tanta tamen hominum impudentia est,  
 vt id negare audent. Ne igitur de *Luthero*,  
 Quin-

Zuinglio, Caluino, Oecolampadio, & aliis dicam, quorum alios repentina Dei manus, alios vis Martis, alios ira Diaboli perculit: intueamur casus duorum prædicatorum clandestinorum, quos è Catholicorum manibus elapsos iusta Dei vindicta ipsi ad pœnas retractos scribunt. *Petrus Brulius concionator Gallicus, cum ob sparsam Tornaci hæresin clausis portis inquireretur, nec occultari amplius posset, nocturno tempore per urbis mœnia fune dimittitur ab amicis. Vbi terram tetigit, & humi consedit, quidam ex iis qui demiserant, procumbens ex mûro salutem ei summissa voce precatur, & dum sic innititur, saxum, quod forte resoluta calce non bene cohærebat, impellit, impulsus illi aduoluitur, & sedenti crus perfringit. Itaque partim dolore casus, partim frigore afflictatus, miseriam & infortunium suum querulis vocibus & lamentando deplorat. Id exaudiunt vigilantes, & suspicati quod erat accurrunt & comprehensum in carcerem conduunt.*

*Simlerus  
in oratione  
de Vita Petri Martyris  
fol. 9.*

Idem accidit cuidam Eremitano Lucensi Augustinianæ familiæ à confessionibus. *Qui cum violatæ religionis accusatus, & iussu Romani Pontificis carcerem coniectus esset, nobiles Lucenses ipsum effractis carceribus ex urbe eduxerunt, fugaque sibi consulere iusserunt. Sed vide Dei nutum. Fugiens labitur ac crus frangit, denuoque captus Romam abducitur. Hæc si leuia videntur, intueamur omnes populos & nationes, quæ relictæ vnitate Apostolica, hisce turbatoribus aures præbuerunt, an*

non



non eorum fortuna ab eo tempore planè in contrarium mutata pluribus eos malis publicè priuatimque afflixiſſet? Reſpublicas quondam florentiſſimas languete nunc & marceſcere videmus, populos fortiſſimos effœminatos, principum ſiſcos exhaustos, & qui ſacros redditus ad ſe rapuerunt, ſic nominibus premi, vt vix ſibi ſuisque aulicis ſufficiant: ſplendiſſimas atque opulentiſſimas familias ad inopiam redactas, & qui alios ad hæreſin inſtituerunt, vel exſcindi planè, vel ad ſtipem in ſobole redigi. Vt de iis nihil nunc dicam, qui nefando ſcelere conſu-  
pratis ſororibus, pulſatis matribus, ſuppilatis gazophylaciis, vniuerſo mundo teſtatum fecerunt, ſuos fuiſſe parentes, quorum *peccata Deus zelotes in tertiam, & quartam progeniem vindicaturus ſit.*

## ARGVMENTVM XI.

ZACH. VRSINVS.

XI. *Teſtimonia & conſtantia martyrum, Martyrum qui ſuo ſanguine doctrinam Eccleſie obſignantes, inter ſæuiſſima tormenta teſtantur, ſe verè ſic ſentire, & in cordibus ſuis de veritate doctrine, quam ſunt profeſſi, firmiſſimè perſuaſos eſſe, atque eam conſolationem, quam aliis prædicarunt, ex ea verè percipere, quod propter Chriſtum verè ſint Filii Dei, & quod ſint Deo curæ in media morte. Deus igitur hac vna conſolatione eos ſuſtentans teſtatur, ſeq̃ doctrinã Eccleſie, propter quam illi patiuntur, approbare.* *conſtantia incredibiliſ.*

## IVST. CALVINVS.

*Pseudo-  
martyres  
hæreticorū.*

*Deut. 13. &  
17 & 8.*

*Epist. 167.*

*ad Festum.*

*Idem lib. 1.*

*contra E-*

*pist Parm.*

*cap. 8.*

*De Unitate*

*Ecclesia.*

Iam si martyrum iudicio disceptabitur, ne iniquum aduersarii certamen inibunt, atque equum, quod dicitur, in planitiem vocabunt. Habent quidem sua martyrologia, atque ibi nonnullos commemorant, in quos ex sententia legis diuinæ propter hæresin animaduersum est. Sed meminerint semper illud Augustini, de quo in sequentibus, *no pœnam facere martyres, sed causam: nec ex passione certam iustitiam, sed ex iustitia passionem gloriosam*: item illud Cypriani. *Talis etiam si occisi in confessione nominis fuerint, macula ista nec sanguine abluitur. Inexpiabilis & gravis culpa discordiæ, nec passione purgatur. Esse martyr non potest, qui in Ecclesia non est, ad regnum peruenire non poterit, qui eam, quæ regnatura est, dereliquit.* Et paulò post. *Cum Deo manere non possunt, qui esse in ecclesia Dei unanimes noluerunt: ardeant licet flammis, & ignibus traditi, vel obiecti bestiis, animas suas ponant; non erit illa fidei corona, sed pœna perfidiæ: nec religiosæ virtutis exitus gloriosus, sed desperationis interitus. Occidi talis potest, coronari non potest.*

*Martyrum  
Catholico-  
rum mul-  
titudo.*

Deinde quid paruus iste sutorum aliquot vel sartorum manipulus, qui Circumcellionum more ipsi sese proteruè quasi in fauces mortis abdiderunt, ad tam numerosum nobilissimorum nostrorum martyrum exercitum, qui hoc vnico seculo in Gallia, Anglia

glia, Germania, pro Christo decernentes, animosè vitam pro veritate profuderunt, ac Domino tanquã holocausta oblata sunt.

*Edmundus Campianus*, & ipse martyr, suam *Edm. Campianus de*  
& Ecclesiæ sortem in Angliã descripturus, *Martyribus Anglicis.*  
*Omnes*, inquit, *custodia nostra referta sunt Catholicis, noue parantur, nunc demum apertè*  
*pronunciant, satius esse paucos internecioni de-* *Iniquam*  
*dere proditores, quàm tot animas perdere. De* *Anglorum*  
 *suis martyribus iam tacent. Superamus enim* *de Catholicis iudiciũ.*  
*caussa, numero, dignitate omnium. Afferimus*  
*pro aliquot apostatis aut sutoribus exustis, Epi-*  
*scopos, Regulos, equites, antiquissimam nobilita-*  
*tem, spectacula doctrinæ, probitatis, prudentiæ,*  
*lectissimam iuuentutem, matronas illustres, reli-*  
*quos fortune mediocris, planè extra numerum,*  
*omnes aut semel, aut quotidie consumptos. Dum*  
*hac scribo, immanissima sauit persecutio. Mæ-*  
*sta domus. Nam aut mortem suorum prædicat,*  
*aut latebras, aut vincula, aut rapinam bonorũ,*  
*tamen pergunt animosè.*

Et sanè qui capita martyrum nostrorum *Numerus*  
numerant, commemorant in hoc ordine *omnis ge-*  
Cardinalem vnum, Archiepiscopos tres, *neris mar-*  
Episcopos octodecim, Abbatẽ vnum, Prio- *tyrum in*  
res religiosorum cõuentuum quatuor, con- *Angliã.*  
uentus integros quatuor, Decanos Eccle-  
fiarum Cathedralium tredecim, Archidia-  
conos quatuordecim, Canonicos Ecclesia-  
rum Cathedralium supra sexaginta, sacer-  
dotes minimum sexcentos: doctores Theo-  
logiæ quinquaginta, doctores Iuris octode-  
E cim,

*Martyres  
in Gallis.*

cim, doctores medicinæ nouem, Rectores collegiorum quindecim, reginam vnam, comites octo, barones decem, equestris ordinis viginti sex, nobiles minimū quadringentos: laicos inferioris ordinis extra numerum: fœminas centum viginti: præter infinitam multitudinem aliorum, qui de nomine auctori noti non sunt. In Gallis minor messis non est. Nam annis abhinc viginti, præter ciuitates exultas, præter euerfas domos & pagos, præter familias extinctas & mulieres virginesque constupratas, perierant iam homines in vniuersum 765000. & edamplius: ex quibus Ecclesiastici fuerunt 8760. Quem numerum ab eo tempore quanta putas accessione in hisce continuis, ac vix dum Sanctissimi Domini Nostri, auspicatissimi Pontificis, CLEMENTIS. VIII. nutu sopitis turbis locupletatum?

*Eusebius  
lib. 5 histor.  
cap. 18.*

*Tertull. in  
lib. de fu-  
ga.*

*Epiphanius  
heresi 80.*

*Augustin.  
ep. 50.*

*Theodoret.  
lib. 4. de ha-  
ret. fabul.*

*Epist. 68.*

Eant nunc Calvinistæ, & de martyribus suis glorientur: martyribus inquam non sapientis sed stultæ philosophiæ: quales maiori etiam numero olim Montanistæ venditarunt, nec non Messaliani & Donatistæ, qui ut martyrum nomen lucrarentur, semetipsos de montibus precipitabant, vel aquis praefocabant, vel in ignem coniciebant, vel mortem denique minabantur, & inferebant iis, qui eos occidere nollent. Vnde non immeritò Augustinus, vinebant inquit, ut latrones, honorabantur



bantur ut martyres. Sed de toto hoc argumento in sequentibus vberius.

## ARGVMENTVM XII.

ZACH. VRSINVS.

*Pietas & sanctitas eorum qui libros sacros scripserunt, & doct. inam in illis comprehensam professi sunt. Quae enim religio homines facit sanctos, Deoque placentes, eam necesse est sanctissimam & diuinam esse. At Patriarche, Prophetae, Apostoli & alii, qui doctrinam eorum serio amplexi sunt, & amplectuntur, vera virtute & sanctitate longissime superant aliarum religionum homines, id quod collatio ostendit. Quare Ecclesiae potius, quam aliarum religionum doctrinam veram esse ac diuinam, est consentaneum.*

*Sanctitas  
Gita.*

IUSTVS CALVINVS.

Hanc iterum notā Catholici totam suam esse euincunt. Ut enim prioribus olim seculis in Apostolis & Euangelistis, sic posterioribus, in episcopis, sacerdotibus, monachis, &c. Christianae doctrinae efficacia se prodidit, atq; euidentia sanctitatis suae vestigia reliquit: qua de re *Tertullianus ad Scapulam*: *Iustinus apologia 2. ad Anton. pium*: *Lactantius libro 3. Institutio. capite 26.* Præterquam verò quòd Nouatores hodie Monasticorum ordinum institutores, *Dominicum, Bernhar-*

*Catholico-  
rum in  
ta sancti-  
monia.*

*Lutherus  
de captiuit.  
Babyl. ca. 2.  
Philippus  
in Apolog.  
artic. 5. 27.*



*dum, Franciscum, &c. viros sanctos fuisse fatentur: etiam plerique religionum professores, ita se temperantiâ, continentîâ & austeritate gerunt, ut restringenda nonnullis & quasi ad humanos ea fines reuocanda videatur. Præter alios multos tanquam solis quoddam iubar Societatis IESV Patres per omnes nunc orbis prouincias radiant, simul atatem sub uno Rectore degentes, atque in orationibus, in lectionibus, in disputationibus & studiis exquisitissimis, nulla superbiâ tumidi, nullâ perniciâ turbulenti, nullâ inuidentiâ liuidi: sed modesti, verrecundi, casti & pacati, ut meritò illis tribuamus hoc Augustini libro 2. in Iulianum: isti sunt Episcopi & pastores (id est, Episcoporum & pastorum coadiutores) docti, graues, sancti, veritatis acerrimi defensores, qui Catholicam fidem in lacte suxerunt, in cibo sumpserunt, cuius lac & cibum paruis magnisq; ministrauerunt. Talibus post Apostolos sancta Ecclesia planratoribus, rigatoribus, edificatoribus, pastoribus, nutritoribus creuit crescitque, ac deinceps iuuantem Domino accretura est.*

*Societas  
IESV.  
Ex D. Augustini  
Sermonibus lib. de  
moribus  
Ecclesie  
cap. 31.*

*Antithesis  
Vita aduersa-  
riorum.*

At quibus parentibus noua illa ecclesia fata & propagata? possem hic scapham scapham vocare, & ligonem ligonem. Sed quia sic acerbitalis nomine irritare magis, quam conciliare aduersarios possem: loquatur pro me Pauli vaticinium, de hoc procul dubio seculo maximè prolatum: *erunt homines sui amantes, auari, gloriosi, superbi, maledici, parentibus non obsequentes, ingrati, profa-*

*2. Timot. 3.*

ni, charitatis expertes, implacabiles, calumniatores, intemperantes, immites, minimè amantes bonorum, proditores, præcipites, inflati, voluptatum amantes potius quam Dei, habentes formam pietatis, sed vim eius abnegantes.

TIGVRINI in responsione ad librum Lutheri contra Zuinglium *Lutherus*, inquit, *que sua sunt, querit, pertinax est, insolentia nimia effertur, & in omnibus correptionibus suis plurimum maligni, quàm minimũ verò amici & paterni animi deprehenditur.*

*Caluinista-  
rum &  
Zuingli. iu-  
diciũ de  
Luthero.*

GESNERVS in Biblio. vocat Lutherum hominem vehementis ingenii, contentiosum, impudentis oris, impatientem, qui nisi per omnia sibi consentientes ferre nesciat.

Cunradus Risius scribit propter peccatum superbia, quã se extulerit, verum Luthero spiritum subtractum, ut Prophetis illis 3. Regum 21. atque eius loco inuidum, superbum & mendacem ei spiritum datum.

*Contra Io-  
an Hessum.*

Calvinus contra VVestphalum, quibus Lutherũ ellogiis cum asseclis suis ornet, humanus Lector ibi videat.

Contra Zuinglium Lutherus ita describit, ut magna eum superbia, pernicacia arrogantiaq; incuset, qui etiam peior factus sit, quàm eum papa esset.

*Lutheri iu-  
diciũ de  
Zuinglio.  
Tom. 3. Ie-  
nensis folio  
468. 469.*

Caluino & Bezæ, quæ vulgò crimina obiciantur, publicè notũ est, ideo nolo nunc Calmerinã hanc mouere, ut parcam simplicibus qui nesciunt, pernicacibus qui negant, pro-

*Item in cõ-  
fess. de cæn.  
Item in lib.  
quod verba  
adhuc fir-  
ma stent.*

bis & cordatis qui improbant & execrantur.

*Menno de  
Vita mini-  
strorum Eu-  
angelicorū  
cap. de fide  
mulieris  
Canan.*

Vulgarium porrò ministrorum, si non omnium, saltem plerorumque, quis viuendi mos sit, appositè, *Menno in libro de Christiana fide* exposuisse videtur. Si inquit, ad predicatorum veneris, qui de verbo gloriantur, inuenies quosdam apertè mendaces, quosdam ebriosos & vinolentos, quosdam fœneratores, quosdam superbos & fastuosos, tum habitu tum gestu, quosdam calumniatores & conuictiatores, quosdam persecutores & proditores innocentum. Quo iure etiam ac fide nonnulli matrimonia contraxerint, cuius nota uxores habeant, Domino atque ipsis concedo. Agunt inertem, quietam, & ignauam vitam, aluntur meris seductionibus & blanditiis, ex Antichristi \* pradis & rapinis. Tantum docent, quantum ventri dedito magistratui placet, clesia, cuius quantumq; ille iusserit.

\* Rectius  
diceresss.  
Cathol. Ec-  
clesia, cuius  
bona dila-  
pidant.

Neque tamen hoc ita à me accipi velim, quasi omnes Euangelio nouo ministrantes, vel credentes, uno ordine habeam. Scio enim & inter ipsos quosdam ita grauiter, atque inculpate viuere, vt laudem potius, quàm vituperium mereantur. Sed plurimorum, & eorum quidem, qui suis in erroribus feruentiores videri volunt, si intueamur mores, profectò subscribere cogor. *Erasmus de smo*, qui epistola ad *Vulturium Neocomum*: circumspice inquit, *populum istum Euangelicum*.

*Erasmus de  
Vita Euan-  
gelicorum.*

licum, & observa, num minus illic indulgeatur luxui, libidini, & pecunie quam faciunt ii, quos detestamini: profer mihi, quem istud *Eu-* angelium ex comessatore sobriū, ex feroci mansuctum, ex rapaci liberalem, ex maledico benedicum, ex impudico reddiderit verecundum. Ego tibi multos ostendam, qui facti sunt seipsis deteriores.

Iam si quædam etiam Ecclesiæ zizania *Occupatio de Solceribus quibusdam Cathol. Eccles.* obiiciunt aduersarii, habent confitentes reos. *Nonimus enim & nos multos, qui profitentur quod non sunt. Sed propter illos non per-* iit pia fraternitas. In domo magna non omnia vasa sunt ad honorem; multa sunt ad dedecus.

In agris etiam cultissimis lolium enascitur, & multæ pestilentes herbulæ, ad messem usque tolerandæ. In agro igitur Dominico fruges querite, frumenta in area: apparebunt facile, seseque offerent ipsa querentibus. Quid nimis in purgamenta oculos intenditis?

Quod si forte in ipsum ordinem Episcoporum, qui ducitur ab ipso Petro, ad præsentem usque CLEMENTEM OCTAVVM, sanctissimæ vitæ Pontificem, vel ipsa inimicorum admiratione teste, quispiam traditor *Augustin. libro 1. de morib. Eccles. Cathol. cap. 35.* per illa tempora subrepisset, nihil tamen præiudicaret Ecclesiæ, & innocentibus Christianis, quibus Dominus providens, ait, de prepositis vos Pe ilia malis: qua dicunt facite, quæ autem faciunt *August. pistola 16. & libro 2. contra Irenæum, cap. 31*



*facere nolite: dicunt enim & non faciunt, ut certa sit spes fidelibus, qua non in homine, sed in Domino collocata, nunquam tempestate sacrilegi schismatis dissipetur.*

*Vide infra  
in confuta.  
& epist. 3.*

Sed de hoc argumento in sequentibus iterum atque iterum.

## ARGVMENTVM. XIII.

ZACH. VRSINVS.

*Rotunda  
proprium  
defectuum  
confessio.*

XIII. Candor eorum in detegendis suis & suorum vitiis, per quos spiritus sanctus doctrinam hanc literis commendavit.

IVSTVS CALVINVS.

*August. 2.  
Retract.  
cap. 16.  
Cyrillus li-  
bro 10. in-  
Iulianum.  
Damas. de  
100. haesib.  
Cochlæus  
descript. &  
Ecclesia au-  
thor. cap. 3.  
4.*

Qui Evangeliorum auctoritates eleuare olim studebant ( quales in primis fuerunt Ethnici, Iulianus, Apostata, Mahumetes, & nostris temporibus Otto Brunfelsius ) hac potissimum calumnia utebantur, quod etsi Evangelia ab Apostolis scripta, à veritate tamen multis in locis aliena essent; quia Apostoli partim ut homines interdum errarint, partim studiosè magistri sui gloriam confectis narrationibus ornare studuerint. Huic calumniæ præsens nota opponenda est. Nam ut de altero taceam, si in magistri gratiam Apostoli veritatem adulterasse credendi sunt, quomodo probabile est, eos in crucis ignominia, in discipulorum infirmitatibus næuis, & lapsibus tam copiosos futuros? nonne verita-



ritatem potius religiosè & candidè, quàm vanam mundi gloriam spectasse videbuntur?

Enimuerò, si de hac quoque gloriâ cum aduersariis certandum sit, nullo modo inferiore Ecclesiam deprehendemus. Nam ut *thol.* alias quidem sectas cœtuum suorum defectus & flagitia necessitas, omniumque hominum notitia fateri cogit: ita Catholica religio Christiano candore publicè priuatimque infirmitates suas ingenuè profitetur, Confessionem sacerdotalem quotidie frequentissimam omitto, ubi intimi etiam sinus conscientię libera voluntate panduntur. *S. Franciscus*, rogatus quid de se sentiret, *videor*, inquit, *mibi maximus peccatorum*. *S. Bonauentura in Seta S. Francisci cap. 5.* *Frater Egidius*, vnus ex quatuor primis comitibus sancti Francisci, illiteratus quidem, sed sapiens, rogatus quid faceret, respondit, *male, quia gratiam Dei non semper recipio, nec in ea, pro ut par est, ambulo.*

*Claudius Espencaus in epist. ad Titum cap. 1.* Sine pudore in Ecclesiasticis etiam quibusdam turpis lucri aucupia fatetur, & reprehendit. *Clerus* haud grauatè annuit, non omnes sui ordinis æquè diligenter munus suum implere, & in officio alios segnes, alios turpiter negligentes, alios scandalosè profanos esse. *Sadoletus Cardinalis exhortatione ad principes populosq; Germaniæ*, huiusmodi nœuos complures in Ecclesia etiam Romana spontè aperit & deplorat. Tandem fatentur

omnes Catholicæ Ecclesiæ ciues, se non humiliter tantum, sed etiam veraciter illud quotidie precari, *dimitte nobis debita nostra*. Ut valdè illiberaliter agant, qui pharisaicum Ecclesiæ fastum, hypocrisin, occulendorumq; peccatorum studium obiiiciunt.

## ARGVMENTVM XIV.

*Internum  
spiritus di-  
scern.*

XIV. Spiritus sancti, cuius inspiratione scriptura est tradita, in cordibus credentiũ testificatio, hoc est, *πληροφορία* seu fides, quæ est certa persuasio, scripturam sacram esse: quam fidem sequitur letitia in Deo acquiescens, & eum inuocans, cum certa spe impetrandi eum alia bona, quæ ex verbi ipsius præscripto petimus, tum ipsam vitam eternam. Hac enim *πληροφορία* & hac viua consolatio piorum, neque hominum, neque ullius creaturæ testimonio nititur, sed est effectus spiritus Sancti proprius, quem per solam Prophetarum & Apostolorum doctrinam lectam, auditam, & mentibus impressam ab eo accendi & confirmari, omnes pii viuo ac certo suorum cordium sensu experiuntur. Hac igitur testificatione spiritus sancti omnes ad Christum conuersi, de certitudine doctrinæ cœlestis firmissimè confirmantur & obsignantur. Atq; hoc argumentum, ut est reatorum proprium, ita solum corda eorum non solum de veritate & authoritate scripturæ sacra conuincit, sed etiam persuadet, ut assentiantur, & in ea firmiter acquiescant: reliqua

*omnia*

*omnia communia sunt etiam non conuersis, quos quidem etiam conuincunt, atque ora contradicentibus obturant: sed sola non persuadent, nec mouent ad assentiendum, nisi & intus testimonium Spiritus sancti accedat.*

## IVST. CALVINVS.

Quæ in hac postremâ notâ, de internâ Spiritus sancti testificatione dicuntur, ea talia sunt, vt ad publicam & solennem veritatis testificationem non nisi dubiè & infirmè referri posse videantur. Etsi enim Spiritus sancti testimonium, per se firmū certumq; est, tamen quia passim omnes Spiritum iactant, & in tam diuersis sectis nemo est, qui non interno spiritus & conscientiae testimonio niti velle videatur, fit vt circumscriptioribus ista tam diuersa & contraria testimonia non immeritò habeantur suspecta. Quæ enim homines suis ipsi animis persuaserunt, vel errore, vel amore, vel odio alioue affectu inducti, ea pertinacissimè colunt, & pertinaciam hanc spiritus dictamen interpretantur.

Sic *Anabaptista* spiritum sibi fingit, eiusque ductui se regendum tradit, quin & testimonio eius de fide sua certus est. Alioqui si incertus hæsitaret & fluctuaret, quæ eum vis tam patientem contra gladium atque incensos rogos faceret?

*Præsens nota cum qua distinctio-  
ne admit-  
tenda.*

*Anabapti-  
starum a-  
liorumq;  
vana de  
religione  
sua persuasio.*

Sic *Lutheranus*, sic *Arianus*, sic omnes  
deniq;

*Lutheri ple-*  
*rophoria.*  
*Tom. 2. le-*  
*nens. fol.*  
*522. b. & fo.*  
*39. a. Tom.*  
*3. f. 334. a.*  
*Tom. 4. fo.*  
*168. a. &*  
*280. a.*  
*Tom. 5. f.*  
*398. a. b.*

denique sectarii obfirmatâ animi duritie suis erroribus adhærescunt, eamque ipsissimum spiritus impulsu opinantur. Putasne dubium fuisse Lutherum, cum nomen sibi *fidelis Propheta, Apostoli, Evangelista, &c.* arrogaret, scriberetque, *se Evangelium suum non ab hominibus, sed de super tantum per Christum IESVM accepisse.* Item, *se tam certum esse de sua doctrina, ut si quis aliter doceat, aut quæ ipse scripserit, damnet, is damnet Deum & oporteat eum manere filium Gehennæ.*

*Luth. in*  
*conu. pa.*  
*354.*  
*In Funda.*  
*titul. de do-*  
*ctrina præ-*  
*dicant.*

Verum quis non parem in Campano plerophoriam statuatur: cum dicit, *quàm certò DEVS DEVS est, tam certò Lutherus diabolicus seductor est.* Et Menno, *verissimè noui,* inquit, *quod extra spiritum, missionem & verbum Christi sint: quodq; doctrina & factis gratiam tantum hominum, honores, fastum, reditus, splendidas domos, & voluptuariam vitam aucupentur.*

Cum ergo tam dissonantium sectarum architecti, quos necesse est præter vnam Ecclesiam omnes à vero aberrare, omnes tamen fidei suæ certitudinem iactent, & nemo non *πληροφορεῖαν* cordis possideat, quis adeò demens est, quin videat, maximam hominū partem lubrica & vana persuasione suffultâ esse? Qua de causa non immeritò aduersarius, ut hanc notam minus propriam, cæterisque dissimilem significaret, subiunxit: *hoc argumentum, ut est renatorum proprium, ita solū*



*solum corda eorum de veritate scriptura non tantum conuincit, sed etiam persuadet.*

Interim si ad causæ disceptationem veniendum sit, facile est demonstrare, non vsquequaque firmam semper & constantem aduersariis hanc *ωληροφροειαν* infuisse. *Lu. Lutheri in-*  
*therus* initio prædicationis suæ quàm varius *constantia*  
 & mutabilis fuit? Nunc seriò aduersus Pon- *maxima.*  
 tificem disputauit, nunc *nihil à se definiri, sed*  
*veri tantum inquirendi causa theses proponi*  
 commentus est. Nunc periculo urgente, se  
 & omnia iudicio Pontificis Ecclesiæq; sub-  
 iecit (apud Sleidanum lib. I. Historiæ fol. 112.  
 Papam pro vicario Christi agnouit, coram  
 testibus & scriba, consiliariis quoque cæsa-  
 ris quatuor. Ecclesiam sanctam Romanā à se  
 reuerenter coli professus est, *Et si quid alienū*  
*ab ea dixerit, nolle se ratum habere.* fol. 4. Pon-  
 tifici reconciliari petiit. fol. 5. *nimis acrem se*  
*fuisse, Et parum obseruantem dignitatis Pon-*  
*tificia fassus,* à Caietano ad Papā prouocauit.  
 folio 5. b. huic adulatoriè scripsit, *Et tum se*  
*ad Palinodiam obtulit,* tum Ecclesiam Ro-  
 manam magnificis elogiis celebrauit. fol. 7.  
 Verum ista quandiu? quandiu nudum se à  
 præsidio sensit, patronosque perfidiæ suæ  
 non inuenit. Quamprimùm autem in tutum  
 receptus, gladii secularis exolfecit fauorem,  
 mutato proposito fulmina mera & tonitrua  
 conuitiorum in Ecclesiam Romanam iacu- *Sleidanus*  
 latus est: nunc vocitans eam *sentinam im-* *lib. 1. f. 2. b.*  
*purissimam, Et locum impietati consecratum,*  
 nunc



nunc ipsissimam Antichristi sedem, à qua qui diuortium fecerint, Graci & Bohemi, felices meritò existimandi sint.

Hæccine ἀληθοφώεια Evangelica est, asserere, negare: laudare, culpare: venerari, calumniari: parere, obedientiam detractare: calidum denique & frigidum eodem guttore spirare? Neque hic trepidantis conscientiae stimulus vnquam in Luthero ad mortem vsque conquieuit: quemadmodum multa eius testimonia docent.

Morsus conscientia in Luthero.

Tom. 2. l. 1. fol. 9.

Præfatione libri de abusu missæ, Quàm sæpe, inquit, cor mihi palpitauit, meq; coarguit atq; obiecit, tu ne solus sapiens, ceteri omnes errent, ac tanto tempore errarint? quid si tu erres, ac tot in errorem seduceres, perpetuo supplicio con-

Sermo. con- uers. fol. 10.

demnandos? Et alibi. Pergrauis mihi fuerunt istæ cogitationes, tu solus purum atque immaculatum Dei verbum habes? ceteri omnes eo destituuntur? quod Christiana Ecclesia decreuit, totque annos credidit, tu impugnas, ac tanquam falsum euertis: quin & tua doctrina politicum atque Ecclesiasticum regimen conturbas. Ibidem fol. 158. istas cogitationes nunquam ex animo dimiit, quin optem hanc me causam nunquam incepisse. & folio 273. nunquam maiores grauioræque tentationes habui, quàm ex meis concionibus. Cogitabam enim, ista tu solus incepisti. Ista tentatione sæpe ad infernum vsque demersus sum. Quo & factum, vt alibi libros suos aeterna obliuione sepultos optarit, Addens sperare se, ubi horum temporum curio-

Præfat.

Tom. 1.

*seriositas saturata fuerit, breui monumenta sua interitura.*

Similes ac maiores etiam cōscientiæ mortuus Philippus sensit, cū aliās, tum inprimis *Philippi trepidatio.*  
*Chyrenus in historia August.*  
*confess.*  
*Tom 6. lem. fol. 522. a.*  
 anno 30. in comitiis Augustanis, vbi propter nimiam timiditatē & in Catholicis impugnandis lenitatē Lutheri literis fulciendus, & quasi flabello iterum ad insaniam inflammandus fuit. *Articulos Schmalkaldicos* cum qua exceptione subscripserit, notum est. Nobili cuidam, Ioanni Bartholomæo à Velbergk suasse dicitur, ut in veteri Catholica precandi ac communicandi ratione persisteret: sibi vehementer dolere addens, q̄ relictā Philosophia in Theologicis scribere cœperit. *Volfgangus Agricola concione de matrimonio.*  
Nullius se digiti iacturam refugere, si istum renocare laborem posset. Sed nunc se nimis profundè causā immersum nullum regressum inuenire.

*Zuinglii et Oecolampadii incertitudo.*  
 Zuinglius quā timidè ac dubitanter suam de cœna sententiam in lucem protruserit, cuiusque spiritus testimonio firmarit, testis est ipse, & Kemnitius in libello de cœna Domini fol. 216. De Oecolampadio notius est, quā vt verbis egeat. *Selneccerus* in morbo hac eum p̄catione vsū scribit, *Iesu Christe* *Parte 1. comment. in ps. fol. 215.*  
*patefac mihi veritatē tuam, an etiam hætenus de sacra tua cœna rectè docuerim & scripserim.*

Eant nunc sectarii, fidei quæ *ωληροφορίαν* iactent: cum tot tamq̄; luculentis testimoniis ipsi *ὀλιγοπισίαν* suam atq; incertitudinē turpissimam abūdantissimè prodant.

Et

Et quidem certū esse potest apud eos, qui tutissimo Ecclesiae portu relicto, vela ventis sine gubernaculo dederunt, sapissimèq; naufragi ad mentem sanam redire noluerunt? O utinam saperent tandem, securissimoque Ecclesiae portui fiderent, quàm tuti, quàm tranquilli, quàm certi intus & extrà forent: Intus testante spiritu, extrà loquente Ecclesia, de qua D. Paulus *Columna est & firmamentum veritatis*: de qua D. Cyprianus, *Adulterari non potest sponsa Christi, incorrupta est & pudica: unam domum novit, unius cubiculi sanctitatem casto pudore custodit*: de qua denique Augustinus contra Donatistas: *Cū in scripturis non inueniamus aliquos ad Ecclesiam transisse ab haereticis, & sicut ego dico, aut sicut iudicis, esse susceptos: puto si aliquis sapiens existisset, cui Dominus Iesus Christus testimonium perhibet, & de hac questione consuleretur à nobis, nullo modo dubitare deberemus id facere, quod ille dixisset, ne non tam ipsi quam Domino Iesu Christo, cuius testimonio commendabatur, repugnare iudicaremur.* **PERHIBET AVTEM TESTIMONIUM CHRISTVS ECCLESIAE SVAE.** Ecce Evangelium lege ubi ait, &c. *Quod si non vis, non mihi aut cuiquam hominum, qui vult ita suscipere, sed ipsi Saluatori contra salutem tuam perniciosissimè reluctaris, qui te sic suscipiendum esse non vis credere, quemadmodum suscipit illa Ecclesia, quam testimonio suo commendat ille, cui fateris nefarium esse non credere.*

1. Tim 3.  
de unit. Ec-  
cles.  
D. unit. elo.  
cap. 22.

Deficiente  
scriptura,  
Ecclesia  
consulenda.

Qui Eccle-  
sia reluctat-  
ur, Christo  
ipsi reluctat-  
ur.

Non

Non ergo est, quòd nouatòres ita leuiter Catholicos veritatis tantùm aliqua opinione imbutos iudicent, qui arundinum instar fluctuantes, modò huic, modò illi sententiæ palmam deferant: cùm loquantur potius & sentiant cum Richardo de S. Victore: *Domine si error est, à te decepti sumus. Nam ista in nobis tantis signis, & prodigiis confirmata sunt, & talibus, quæ non nisi per te fieri possunt.* *Lib. 1. de Trinit. 6. 2.*

Atque hæc de primo instituti nostri fundamēto, quod in ipsis aduersariorum principiis positum esse diximus. Vbi pro nostra mediocritate liquidò demonstratum speramus, 14. illa *κρίτηρια* Vrsini pro Religionis Christianæ veritate allata, totidem Catholicæ Ecclesiæ sincerissimæ puritatis infallibilia testimonia præbere: ipsorumque errorum documenta certissima, vt si deinceps Catholici esse noluerint, suis ipsi decretis immorigeri deprehendantur. *Conclusio 1. rationu.*

Alterâ nunc ratio explicanda sequitur, quæ ab authoritate & consensu sumitur eorum, qui ante nostemporibus minus suspectis vixerunt, Christianamque fidem tutati sunt: *qui nullas nobiscum vel vobiscum amicitias attenderunt, vel inimicitias exercuerunt, neq; nobis vel vobis irati sunt, neq; nos vel vos miserati sunt: quod inuenerunt in Ecclesia, retulerunt, quod didicerunt, docuerunt, quod à parentibus acceperunt, hoc filiis tradiderunt.* *Ratio altera breuior, è pauculis SS. Patrum Testimoniis. August. lib. 2. in Iulian. Pelagia.*

Primùm igitur S. Irenæus lib. 3. cap. 3. *Quoniam, inquit, valde longum est, in hoc tali Ecclesia volumine* *S. Irenæus de Romanâ Ecclesia*



volumine omnium Ecclesiarum enumerare  
 successiones, maxima & antiquissima & omni-  
 bus cognita à gloriosissimis duobus Apostolis Pe-  
 tro & Paulo Romæ fundata & constituta Eccle-  
 sia, eam quam habet ab Apostolis traditionem  
 & annunciatam hominibus fidem per successio-  
 nes Episcoporum pervenientem usque ad nos in-  
 dicantes, confundimus omnes eos, qui quoquo  
 modo, vel per sui placentiam malam, vel va-  
 nam gloriam, vel per cœcitatē & malam sen-  
 tentiam, præter quam oportet, colligunt. Ad

*Successio  
 Romanorū  
 Episcoporum  
 confutatio  
 omnes here-  
 ticos.*

*Roma caput  
 Ecclesiarū  
 universarū.*

hanc enim Ecclesiam propter potentiorē prin-  
 cipalitatem necesse est omnem convenire Eccle-  
 siam, hoc est, eos qui sunt undique fideles, in qua  
 semper ab his qui sunt undique conservata est  
 ea, quæ est ab Apostolis traditio. Fundantes igitur  
 & instruētes beati Apostoli Ecclesiam, Li-  
 no Episcopatū administranda Ecclesia tradide-  
 runt. Succedit autem ei Anacletus, post eum  
 tertio loco ab Apostolis Episcopatum sortitur  
 Clemens, qui vidit ipsos Apostolos, & contulit  
 eum eis, cum adhuc insonantem predicationem  
 Apostolorum, & traditionem ante oculos habe-  
 ret, &c. Huic autem Clementi succedit Euaris-  
 tus, & Euaristo Alexander, ac deinceps sextus  
 ab Apostolis constitutus est Sixtus, & ab hoc Te-  
 lesphorus, qui etiam gloriosissimè Martyrium  
 fecit, ac deinceps Higinus, post pius, post quem  
 Anicetus. Cum autem successisset Aniceto Soter,  
 nunc duodecimo loco ab Apostolis Episcopatum  
 habet Eleutherius. Hac ordinatione & succes-  
 sione, ea quæ est ab Apostolis in Ecclesia traditio

*usus suc-  
 cessionis*

& ve-



Et veritatis præconatio pervenit usq; ad nos. Et <sup>continua in</sup> est plenissima hac ostensio, unam & eandem <sup>Romana</sup> <sup>Ecclesia.</sup> unificatricem fidem esse, qua in Ecclesia ab Apostolis usq; nunc sit cōservata & tradita in veritate.

Tertullianus de præscript. cap. 36. Si Italia Tertullia-  
adiaces, habes Romam, unde nobis quoq; autho-  
ritas præstò est. Statu felix Ecclesia, cui totam  
doctrinam Apostoli sanguine suo profuderunt:  
ubi Petrus passioni dominica adequatur, &c.

S. Cyprianus lib. 1. epist. 3. Post illa adhuc S. Cypria-  
in super Psendoëpiscopo sibi ab hæreticis consti-  
tuto, navigare audent, & ad Petri cathedram,  
atq; ad Ecclesiam principalem, unde unitas sa-  
cerdotalis exorta est, à Schismaticis & profanis  
litteras ferre: Nec cogitare, eos esse Romanos, quo-  
rum fides Apostolo predicante laudata est: ad  
quos perfidia non possit habere accessum.

Idem lib. 4. Epist. 8. de Cathedra Rom.  
Pontificis loquens: scimus hortatos nos esse, ut  
Ecclesia Catholica matricem & radicem agno-  
scerent & tenerent.

Idem lib. 3. Epist. 11. formulam Palinodia  
recensens eorum, qui à Schismate ad Eccle-  
siam redibant: Nos Cornelium episcopum,  
sanctissimæ Catholicæ Ecclesiæ electum à Deo o-  
mnipotente & Christo Domino nostro scimus.  
Nos errorem nostrum confitemur, nos impostu-  
ram passi sumus &c. Nec enim ignoramus v-  
num Deum esse, & unum Christum esse Domi-  
num, quem confessi sumus, unum Spiritum san-  
ctum, unum episcopum in Ecclesia Catholica es-  
se debere.

Formula  
Palinodia  
Veterum ad  
Ecclesiam  
redientium

S. Athana-  
sius.

S. Athanasius & Ægyptii Episcopi in epi-  
stola ad Marcum Papam: *Domino sancto & A-*  
*postolici culminis venerando Marco sanctæ Ro-*  
*mana Apostolica sedis, atq; uniuersalis Eccle-*  
*sia Papæ, Athanasius & uniuersa Ægyptio-*  
*rum salutem, &c.*

Ibidem. *Optamus ut à vestra sanctæ sedis*  
*Ecclesiæ autoritate, quæ est mater omnium Ec-*  
*clesiarum, ea ad correctionem & recreationem*  
*fidelium orthodoxorum percipere per præsentis*  
*legatos mereamur, &c.*

S. Hiero-  
nymus.

S. Hieronymus Epist. 57. ad Damasum.

*Quoniam vetusto oriens inter se populorum fu-*  
*rore collisus, indiscissam Domini tunicā, & desu-*  
*per textam minutatim per frustra decerpit, &*  
*Christi vineam exterminant vulpes, ut inter la-*  
*cus contritos, qui aquam nō habent, difficile ubi*  
*fons signatus & hortus ille conclusus sit, possit in-*

Cathedra  
Petri in du-  
bus consu-  
lenda.

*telligi: ideo mihi cathedram Petri, & fidē Apo-*  
*stolico ore laudatam censui consulendam: inde*  
*nunc mea anima postulans cibum, unde olim*  
*Christi vestimenta suscepi. Neq; verò tanta va-*  
*stitas elementi liquentis, & integra longitudo*  
*terrarum me à præciosa margarita potuit inqui-*  
*sitione prohibere. Vbicunq; fuerit corpus, ibi*  
*congregabuntur aquila. Prostrigato à sobole ma-*  
*la patrimonio, apud vos solos patria seruatur hæ-*  
*reditas. Ibi cespitem terra fecundo dominici semi-*  
*nis puritatem centeno fructu refert &c. Quan-*  
*quam igitur tui me terret magnitudo, inuitat*  
*tamen humanitas: a sacerdote victimam salu-*  
*tis, à pastore præsidium ouis flagito: faceßat in-*  
*uidia,*

uidia, Romani culminis recedat ambitio, cum  
 successore piscatoris, & discipulo crucis loquor.  
 Ego nullum primum nisi Christum sequens Bea-  
 titudini tua, id est cathedra Petri communionem  
 confocior: Super illam Petram adificatam Ec-  
 clesiam scio. Quicumque extra hanc domum a  
 gnum comederit, profanus est. Si quis in arca  
 Noe non fuerit, peribit regnante diluvio. Qui-  
 cumque non tecum colligit, spargit: Hoc est, qui  
 Christi non est, Antichristi est.

Extra Ro-  
 manam  
 Ecclesiam  
 nulla salus.

S. August.

S. Augustinus in psalm. contra partem  
 Donati: Venite fratres, si vultis, ut inseramini  
 in vite: dolor est, cum vos videamus praeisosa  
 iacere. Numerate Sacerdotes vel ab ipsa Petri  
 sede, in ordine illo patrum quis cui successerit,  
 videte: ipsa est petra, quam non vincunt su-  
 perba inferorum porta.

Sedes Petri  
 insuperabi-  
 lis.

Idem Epist. 162. Qui posset non curare cox-  
 spirantem multitudinem inimicorum, cum se  
 videret Romana Ecclesia, in qua semper Apo-  
 stolica cathedra viguit principatus, per commu-  
 nicatorias literas esse coniunctum?

Romana  
 Ecclesia  
 principa-  
 tus.

Et Epist. 165. Evangelizatum tibi est per  
 Propheticas & Apostolicas literas, quod Abraha  
 dicta sunt promissiones & semini eius, quod est  
 Christus, cum ei diceret Deus, in semine tuo be-  
 nedicientur omnes gentes. Has ergo promissiones  
 tenenti, si tibi angelus de caelo diceret, dimitte  
 Christianitatem orbis terra, & tene partes Dona-  
 ti, cuius ordo tibi exponitur in epistola episcopi  
 tuae civitatis, anathema esse deberet: quia te  
 a toto praecludere, & in partem contrudere cona-

Ecclesia &  
 universali-  
 tas.

Ordo Ro-  
manorum  
Episcoporum.

retur, & alienare à promissis Dei. Si enim or-  
do Episcoporum sibi succedentium consideran-  
dus est, quando certius & verè salubriter ab i-  
pso Petro numeramus, cui totius Ecclesiæ signi-  
ficanti Dominus ait: Super hanc petram  
edificabo Ecclesiam meam, & porta inferorum  
non vincent eam. Petro enim successit Linus,  
Linus Clemens, Clementi Anacletus, Anacleto  
Evaristus &c. In hoc ordine successionis nullus  
Donatista Episcopus inuenitur.

Cathedra  
Petri pro-  
pter pecca-  
ta homi-  
num non  
constituan-  
dum.

Idem contra literas Petiliani Dona. libro  
secundo cap. 51. Cathedra tibi quid fecit Ec-  
clesiæ Romana, in qua Petrus sedit, & in qua  
hodie Anastasius sedet: vel Ecclesiæ Hierosoly-  
mitana, in qua Iacobus sedit, & in qua hodie Io-  
hannes sedet, quibus nos in Catholica unitate  
connectimur, & à quibus vos nephario furore  
separastis? Quare appellas cathedram pestilen-  
tiæ cathedram Apostolicam, si propter homines  
quos putas legem loqui & non facere, nunquid  
Dominus IESVS Christus propter Phariseos  
de quibus ait, dicunt enim & non faciunt, ca-  
thedra in qua sedebant, ullam fecit iniuriam?  
Nonne illam cathedram commendavit, & illos  
servato cathedra honore redarguit? ait enim,  
cathedram Moysi sedent, quæ dicunt facite, quæ  
autem faciunt, facere nolite: dicunt enim &  
non faciunt. Hæc si cogitaretis, non propter ho-  
mines, quos infamatis blasphemaretis cathedrā  
Apostolicam, cui non communicatis. Sed quid  
est aliud quàm nescire quid dicere, & tamen  
non posse nisi maledicere?







esse collatam, in qua sederit omnium Apostolorum caput Petrus, unde & Cephias appellatus est: In qua una cathedra unitas ab omnibus servaretur, ne ceteri Apostoli singulas sibi quisque defenderet, & iam schismaticus & peccator esset, qui contra singularem cathedram alteram collocaret. Ergo cathedra unica, quae est prima de dotibus, sedit prior Petrus, cui successit Linus, Lino Clemens, Clementi Anacletus &c. Vestra cathedra vos originem reddite, qui vobis vultis sanctam Ecclesiam vindicare.

S. Bernhar.

Praclarum  
Romani  
Pontificis  
ellogium.

S. Bernhardus ad Eugenium Papam, *Quis es? sacerdos magnus, summus Pontifex. Tu princeps episcoporum: tu haeres apostolorum: tu primatu Abel, gubernatu Noë, Patriarchatu Abraham, ordine Melchisedech, dignitate Aarō, authoritate Moses, Iudicatu Samuel, potestate Petrus, unctione Christus. Tu es cui claves tradita, cui oves credite sunt.*

Conclusio  
rationis se-  
cunda.

Ex his & similibus infinitis aliorum patrum testimoniis manifestè liquet, quàm honorificè pia antiquitas de Romana Ecclesia senserit & locuta sit, quidque nos etiam nunc sentire conveniat. Non enim ea praeferant tantum tempora, sed nostram quoque aetatem, & uniuersum seculi decursum concernunt. Alioqui infirmæ Patrum ratiocinationes, & non magis tunc, quàm nunc hereticos convicturæ fuissent: si vlla temporis diuturnitas vel peruersitas exceptionem facere possit. Nec aliud quàm uniuersæ religionis incertitudo sequeretur, labascente simplicium

placium fulcro, qui hæresibus vrgentibus nõ alio, quàm Ecclesiæ solius præsidio se tutos norunt.

Sed nunc, quid ad hæc aduersarii respondeant, videamus. *Humana* inquiunt, isthæc *testimonia sunt, dubia fidei & fallibilis auctoritatis. Nos habemus firmiorem propheticum sermonem, cui attendimus, quasi lucernæ lucenti in caliginoso loco, donec dies elucescat, & lucifer oriatur in cordibus nostris.*

*Confutatio  
Vulgarium  
effugiorum*

2. Pet. 1. 9. 19

Huic prætextui specioso, omnibus hæreticis familiarissimo olim *Tertullianus* respondens, seridò admonet, ne Catholici cum hæreticis de fide disputaturi, fucum scripturarum admittât, sed ad maiorum potius traditionem prouocent, & ex illa germanam fidei sinceritatem petant. *Nihil enim proficit, inquit, congressio scripturarum, nisi planè ut aut stomachi quis ineat euersionem aut cerebri.* *Ista hæresis non recipit quasdam scripturas: & si quas recipit, adiectionibus & detractationibus ad dispositionem Instituti sui interuertit: & si recipit, non recipit integras: Et si aliquatenus integras præstat, nihilominus diuersas expositiones commentata conuertit. Tantum veritatè obstreperit adulter sensus, quantum & corruptor stylus.* Et paulò post. *Quid promonebis experientissime scripturarum, cum si quid defendere negetur: è diuerso, si quid negaueris defendatur. Et tu quidem nihil perdes, nisi vocem in contentione: nihil consequeris, nisi vilem de blasphamatione laudem.*

*Tertull. de  
prescript.*

cap. 16. 17. 18

*Scriptura  
abusus a-  
pud hære-  
cos.*

*Ibid. cap. 17.*

2. Pet. 2. 6.  
17. 18.

Scriptura  
non est pri-  
uata inter-  
pretationis

Frustra igitur ouillam hanc pellem ostentatis, Nouatores; nec scripturam sequimini ducem, sed somnia capitem vestrorum, & deliria præceptorum vestrorum, qui abrepti ambitione, vel spiritu vertiginis conuulsi, tam tetra mundo monstra pepere-  
runt; vt rectissimè vobis applicetur alterum illud Petri: *Hi sunt fontes sine aqua, & nebulae turbinibus exagitatae, quibus caligo tenebrarum reservatur. Superba enim vanitatis loquentes, pelliciunt in desiderijs carnis luxuria eos, qui paululum effugiunt, qui in errore conuersantur. Libertatem illis promittentes, cum ipsi serui sint corruptionis. Ne autem quisquam se fallat Apostolici dicti deprauatione, attendat restrictionem ibidem discretissimè additam: Hoc primum intelligentes, quòd omnis prophetia scripturae propria interpretatione non fit. Non enim voluntate humana allata est aliquaado prophetia: sed Spiritu sancto inspirati locuti sunt sancti Dei homines. En verum scripturarum vsum & neruum. Non hoc de scripturis est, quod hic vel ille tenebrius ex verbulis aliquot pressis & detortis comminiscitur, sed quod in mente authoris fuisse Spiritus sanctus per publicam & vnanimem Ecclesiae vocem & praxin ab exordio huc vsque durantem testatur: contra quam pugnare vt dementissimae insaniae est, ita in fide periculosissimum. Non enim cuius datur donum intelligentiae, aut prophetiae, sed multi temeraria inter-*

interpretandi prælumpione grauiter se & salutem suā vulnerarunt: quemadmodum ipse Petrus sequenti cap. 3. epistolarum Paulinarū exemplo ostendit: *in quibus inquit, sunt quedam difficilia intellectu, quæ indocti & instabiles deprauant, sicut & ceteras scripturas, ad suam ipsorum perditionem.* Hinc Augustinus epist. 222. ad Consentium, *intellectum valdè ama, quia & ipsa Scriptura sancta, quæ magnarum rerum ante intelligentiam suadent fidem, nisi eas rectè intelligas, utiles tibi esse non possunt. Omnes enim heretici quæ eas in auctoritate recipiunt, ipsas sibi videntur sectari, cum suos potius sectentur errores, ac per hoc non quòd eas contemnant, sed quòd eas non intelligant, heretici sunt.*

2. Petri 3.  
9. 16.

Scriptura  
intelligenda  
sectanda.

Et sanctus Hieronymus contra Lucifer. cap. 9. *Nec sibi blandiantur, si de scripturarum capitulis videntur sibi affirmare quod dicunt; cum & Diabolus aliqua de scripturis sit locutus, & scriptura non in legendo consistant, sed in intelligendo.*

*At hæc omnia nihil ad nos, inquit, quæ verum scripturæ sensum tenemus & tuemur. Quo vero id iudice, inquam. S. scriptura inquit, quæ vel ita per se manifesta est, ut cuius pateat: vel aliorum locorum collatione facile patefcit. Prius illud quàm falsum sit, iam Petrus docuit exemplo & ratione. Si enim epistolæ Paulinæ magna ex parte obscuræ, si in genere scriptura priuatæ interpretationis non est, quid opus de ista tam lucida perspicuitate*

Scriptura  
difficilis.



cuitate oggannire? Aliter longè *Augustinus* Epist. 3. ad *Volusianum*: tanta est Christianarum profunditas literarum, ut in eis quotidie proficerem, si eas solas ab incunte pueritia usque ad decrepitam senectutem, maximo otio, summo studio, meliore ingenio conarer addiscere.

Et Chrysost. homil. 40. in Iohan. Christus inquit, Iudeos ad scripturarum non simplicem & nudam lectionem, sed ad investigationem per quam diligentem relegavit. Non dixit, legite scripturas, sed scrutamini, divina enim summa indigent diligentia. In umbra enim maioribus illis non absre locutus est, idcirco effodere profundius iubet, ut quæ aliè delitescent, inuenire possimus. Non enim rem in superficie, & in promptu positam effodimus, sed quæ tanquam thesaurus profunde reconditur, qui enim huiusmodi querit, nisi summam adhibeat diligentiam & laborem, nunquam quesita inueniet.

*Collatio lo-*  
*corum si-*  
*milium.*

Iam posterius illud de collatione, quæro quo fundamento nitatur. Aut enim collatio illa certam & præscriptam in scriptura regulam habet, aut priuato fit cuiusque conferentis arbitrio. Si illud, ostendatur. Si hoc, res eodem redit, nec maioris authoritatis collatio duorum dictorum est, quam nuda vnus interpretatio: cum norma semper priuati hominis sit iudicium.

*Analogia*  
*Fidei.*

Fidei, inquiunt, analogia regula est utriusque, & interpretationis & collationis. Rectè inquam: sed non quæuis à quouis grege consarcinata analogia, sed vera, prisca, Catholi-



ca, quæ semper & vbique ab exordio prædicationis Apostolicæ apud orthodoxos obtinuit. *Qui enim non credit id, quod semper & ubique, & ab omnibus ab Ecclesia exordio creditum est, Catholicus non est*, inquit Vincentius Lirinensis in commonitorio. Hinc aliam facit interpretationem & collationem Arianus, aliam Samofatenianus, aliam Lutheraus, aliam Anabaptista, quia aliam singuli analogiam sequuntur: & tamen omnes errant, quia ab vna incommutabili Ecclesiæ confessione discesserunt.

Iam postremò *quod de Spiritus Sancti in interpretando ductu & regimine excipere solent*, verum quidem est, sed nihil ad ipsos. *Qui enim Christi non sunt, quomodo spiritum Christi possidebunt? Quomodo autem Christi sunt, qui in corpore eius non sunt, quod est Ecclesia, ubi membra per unitatis charitatem sibi copulantur, & per eandem capiti suo coherent, quod est Christus Iesus. Totum enim quod annuntiatur de Christo, caput & corpus est, caput est ipse unigenitus Iesus Christus filius Dei vivi, ipse Saluator corporis, qui mortuus est propter delicta nostra, & resurrexit propter iustificationem nostram. Corpus eius est Ecclesia, de qua dicitur, ut exhiberet sibi gloriosam Ecclesiam, non habentem maculam aut rugam, aut aliquid huiusmodi.*

Quod si ergo hoc telo pugnare vultis, Nouatores, quæro, num arbitremini, maiorem Spiritus sancti afflatum in seditiosis vestris

*Catholicum quid.*

*cap. 3. & 25*

*Ductus Spiritus sancti.*

*Rom. 8. & 9.*

*August. de Unitate Ecclesie cap. 2. & 17.*

*Comparatio veterum & novorum Doctorum.*

S. August.  
epist. 3. ad  
Volusian.

stris tribunis & nouatoribus fuisse, qui ne honestæ quidem vitæ testimonium habuerunt, *Et cum pro sua superbia nimis affectarent plurimum posse, ad suatamen vitia sananda, vel refrenandam maledicentiam Et liuorem nihil potuerunt*: quàm in sanctissimis illis, doctissimis & celeberrimis Ecclesiæ Patribus & Pontificibus, quorum plerique etiam sanguine suo veritatem cœlestem obsignarunt, & stupendis miraculis suam apud Deum gloriam & beatitudinem testati sunt? Nonne his dicentibus potius & facientibus, illustrissimisque rationibus probantibus Spiritum sanctum incubuisse fatebimur: quàm illis nugantibus, & vita semetipsum refellentibus? *At patres inquit, nobiscum faciunt, Et à nostris stant partibus.* Hoc sanè Calvinus audacter affirmat: *Si patrum inquit auctoritate dirimendum certamen esset, melior victoria pars ( ut modestissimè etiam loquar ) ad nos inclinaret.* Et paulò post. *Si id presentis instituti esset, nullo negotio mihi liceat meliorem eorum partem quæ hodie à nobis dicuntur, patrum suffragiis comprobare.*

S. Patres  
ab extra stent  
parte.  
Calvinus  
prefat. instit.  
ad regem Gallia.

Verùm quàm horribile & impudens illud sit mendacium, ego longè minori negotio, si huius instituti esset, contra Calvinum demonstrarem: Ita enim omnia, quod legenti prima fronte patet, sunt *ὁς ἀγῶνα*, vt non immeritò alibi tam inhumaniter Patribus barbas vellicent: quemadmodum *Wuttackernus* Hieronymi laudes præclare

Wuttackernus  
indispl.

clarè scilicet canit, cum scribit *Augustino malim cat contra*  
*similior esse quàm Hieronymo, quem* Τύφω *Stapletoni*  
*Romanus & triumlinguarum rara tum scien-* *Constituta*  
*tia & solitudo Bethlehemitica morosiores fecit,* *in S. Pa-*  
*ut nonnunquam lingua & calamo minus tem-* *tres.*  
*perarit, quàm talem virum & tantam sancti-*  
*monia professionem decuerit. Et contumelio-* *Lutherus*  
*sus adhuc Lutherus. Homo fuit nullius neque* *de S. Hiero-*  
*iudicii neque diligentia. Multa impie scribit* *nymo.*  
*ea fuit oscitantia & hebetudo eius in scripturis*  
*intelligendis, more suo Iudaicas cecitates pro hi-*  
*storico sensu, deinde suas ineptias pro allegoria*  
*obtrudit. Non honestiora de aliis iudicia fe-*  
*runt alii, quæ tanquam impuram sentinā li-*  
*benter intacta relinquo. Plurimum autem*  
*admiror Flaccii Illyrici temeritatem, qui in* *Flaccius Il-*  
*præiudicium Romanæ Ecclesiæ* CATALO *lyricus.*  
*gum scilicet TESTIVM VERITATIS colligere*  
*conatus est, hoc animo, ut ostenderet singu-* *Catalogus*  
*lis seculis aliquos extitisse, qui papatui con-* *Testium*  
*tradixerint, eiusque doctrinam coarguerint.* *Veritatis.*  
*Quasi verò nouum & insolitum sit hæreses*  
*exitere, & diabolum ambiciosa vel irrequieta*  
*excitare ingenia, qui Christo contradicant,*  
*præsertim cùm scriptura doceat, hunc esse po-* *Luc. 2.*  
*situm in signum contradictionis, eumque domi-*  
*naturum in medio inimicorum suorum. Quan-*  
*quam falsos etiam sæpe testes citat. Aut enim*  
*hos affert, qui cū causa eius nihil quicquam*  
*habent commune: aut eos qui simili scabie*  
*infecti, ab omni antiquitate iam olim hære-*  
*seos condemnati sunt, ac ne testium quidem*  
*nomen*

nomen merentur: aut denique sanctorum quorundam Patrum, ac constantium Ecclesiæ filiorum defensorumque, seuerioribus ad morum correctionem spectantibus inuectiuis pro sacrilega sua dispersione abutitur. Sed sciat aliud esse mores carpere, aliud fidem condemnare: Sciat testibus fide dignis, non hæreticis aut refractariis obedientiæ contemptoribus hic locum esse: Sciat denique fidem Catholicam non ex vnius atque alterius in hoc vel illo angulo tenebrionis intempestiuabile, sed ex constanti scripturarum, vetustatis ac totius orbis Christiani consensione diiudicandam. Rectissime igitur ad hunc totum catalogum, emendatam atq; emendicatam nouæ Ecclesiæ defensionem respondēbimus, quod *Lucullus* olim apud *Ciceronem* 4. *Academica* aduersus nouam Philonis, Arcesilæ, Carneadisque Academiam, veterum quorundam philosophorum autoritate sese venditantem respondit, *Primum mihi videmini*, inquit, *cum veteres Physicos nominatis, facere idem quod seditiosi ciues solent, cum aliquos ex antiquis claros viros proferunt, quos dicant fuisse populares, ut eorum ipsi similes esse videantur. Repetunt iam à P. Valerio, qui exactis regibus primo anno consul fuit; commemorant reliquos, qui leges populares de prouocationibus tulerint, cum consules essent: tum ad hos notiores (Flaminium, qui legem Agrariam aliquot annis ante secundum Punicum bellum Tribunus Pleb.*

*tulerit*

*Lucullus.*



tulerit inuito senatu, & postea bis consul factus sit, &c. Horum nominibus tot virorum atque tantorum expositis, eorum se institutum sequi dicunt. Similiter vos cum perturbare, ut illi Rem-pub. sic vos philosophiam bene iam constitutam velitis, Empedoclem, Anaxagoram, Democritum, Parmenidem, Xenophanem, Platonem, &c. Socratem profertis. Profectò viua nostrorum Arceſilarum imago, qui cum firmis Theologiæ suæ fundamentis destituantur: fictitiæ antiquitatis robore se saluos sperant: cum alioqui veram antiquitatē, quam Vincent, sic sequimur, si ab his nullatenus sensibus rece-Lirinenſis damus, quos Sanctos maiores ac Patres nostros contra ha- celebraſſe manifestum est. Veram vniuerſita- reſes cap. 3. tem, quam sic sequimur, si hanc noſtram fidem veram eſſe fateamur, quam tota per orbem terrarum conſitetur Eccleſia: Veram conſenſionem, quam ita sequimur, si in ipsa vetuſtate, omnium vel certè penè omnium ſacerdotum pariter & magiſtrorum definitiones ſententiasque ſectemur: Non tantum rideant, verum etiam horribili audacia condemnent, & pedibus proculcent. Si vel totum inquirunt, Sen- VVittache- natum Patrum in nos commoueritis, niſi quod rus contra dicitur Dei non hominum voce comprobetur, de Anti- Sanderum nihil comprobabis. Quid ita vero? Patres enim chriſto ad in multis inſigniter erraſſe, nemo niſi inſigniter demon- ſtrat. 7. indoctus neſcit. O fatum pariter mortuorum Ibidem. & viuorum! Quasi verò non hoc agatur, magis de Dei ſenſu eſſe, quod diuinæ iſtæ animæ nobis ab Apoſtolis acceptum tradide-



runt: quàm quod distorta & inflata ingenia hodie vel heri de priscorum hæreticorum lacunis resorptura mundo ad interitum propinarunt. Atqui homines fuerunt Patres lapsi sæpius & prauaricati. Quidni homines: modo non bestię. Lutherus verò tuus, Calvinus, Zuinglius, Beza, nunquid Dij sunt, extra aleam infirmitatis & erroris positi? Quid tu, qui tuo pte iudicio scripturas legis, vertis, interpretaris, fidei controuersias disceptas, ac priuato quasi nisu in cælum tendis, nunquid non ipse quoq; homō es, errorum vile mancipiū & tenebrarum abyssus? S. Patres quod attinet, fatemur sanè illos pro cōmuni infirmitatis lege humani interdū aliquid passos, & vel incommodius sensisse, vel imprudentius locutos esse, quod ipsi postea corrigerent & retractarent. Sed quid hoc ad infringendam ipsorum grauissimam auctoritatem. Et si enim aliqui in quibusdam aliquando dogmatibus errauerunt, nunquam tamen omnes simul in eodem errore conuenisse demonstrabis. Et sunt plerunq; errores isti in minutioribus capitibus, quæ fidei summam & analogiam non concernunt: & in quibus salua vnitae Ecclesię etiam sanctissimi inter se discrepare possunt. Attende igitur & sequere saluberrimum *Thomę Waldensis* in hoc casu consilium. Si quid inquit, quisquam Patrum per se solum in aliqua re opinando decreuit, illo dimisso solum hoc astruam, quod maior pars Patrum à tempore, Aposto-

*Patrum errores quales.*

*Vide Vincent. in common. cap. 9. & 59.*

*In princip. doctrinæ fides.*

3

*Apostolorum successivè ad nos usq; sensit & tradidit: a qua professione nullus sub pœna perfidiæ potest declinare fidelis.* Sed hic iterum duo gravissimi doctrinæ & morum Ecclesiæ Catholice quasi scopuli incidunt, quibus omnis hereticorum infidelitas alliditur, & à salutis portu non absterretur tantum, sed & repellitur. Vah inquit, quid tu nobis Romanâ Ecclesiam, quæ tam multa falsa & adulterina, à cõmuni sensu & scripturæ veritate abhorrètia continet: cuius *tectum stramineum, parietes lutei, fundamentum arenaceum.* Illiq; rei ut si dē aliquam faciāt, capita nonnulla accersunt calūniæ opportuna, quibus exagitādis imperitæ plebeculæ stomachum movent, cornutafq; *beluas in Romanâ Ecclesiâ graviter pri- tant.* Predestinationis inquit causas ex p̄iis hominū meritis distinguunt Papistæ. Fidem & conuersionem libero arbitrio ascribunt: Septem Sacramenta ponunt: Ex omnibus idola faciunt: opus operatum sine fide vrgent: Missæ sacrificio vnicum sacrificium Christi repetendo abolent: Iustificationem promiscuè operibus tribuunt: Matrimonium damnant: ciborum dierumq; discrimina statuunt: sanctis defunctis cultū & inuocationem assignant: animas in purgatorium relegant: traditionibus omnia probant, & scripturam sanctam pedibus conculcant.

Hæc tam putida & virulenta conuitia, quibus omnis Catholicorum insectatio tanquam fasciculo comprehenditur, si ordine

nobis refellenda, & veritas à scoriis mendaciorum separanda foret, integram huc Theologiam accersere cogeremur, quod nec huius instituti, nec præsentis temporis est. Ut tamen aliqua hic attingam, & cum istis hominibus paulò familiarius agam, id est, sicut ego possum, non sicut doctissimos viros posse miratus sum: Vnum hoc dico, triplici ab iis ratione in doctrina Catholica trutinanda peccari. Primùm nuda imperitia & infidelitate, cùm ea quæ re vera à Catholicis creduntur, & vera, bona, ac salubria dogmata sunt; turpi infidelitate damnant & reiiciunt. Deinde mendacio aperto, cùm ea quæ à Catholicis non creduntur, sed damnantur, ab illis credi & sentiri existimant, iisque impudenter ascribunt. Tertiò calumnia, cùm quædam quæ credunt, sinistrè interpretantur, & à genuino sensu detorquent, quo dira & fugienda existimentur. Primi generis sunt ista, quæ de 7. Sacramentis, de sacrificio Missæ, de purgatorio, de cultu & inuocatione Sanctorum obiiciunt, quæ & in scripturis & Patribus, & Conciliis, & vniuersæ Ecclesiæ praxi fundamentum habere, suo loco iuuantem Domino ostendemus. Secundi & tertii generis sunt plurima: quæ vel à ministrellis imperitis confinguntur, vel de genuina sententia in alienam detorquentur, ut non tam Catholicorum dogmata, quàm protestantium mendacia dici debeant. Audiui profectò ego interdum conciones, quas Catholi

*Triplex  
causa erro-  
ris apud  
Protestan-  
tes.*

cus vno verbo refutasset; MENTIRIS: non sic credimus: non sic docemus: sententiam nostram nunquam rectè percepisti, nunquam legisti, rationibus friuolis tanquam gladio plumbeo pugnas. Et sane quotus quisque nouorum Theologorum in Catholico ita puluere exercitatus est, vt non rudibus tantum batuere, sed acuto etià ferro cum aduersario congrediauit? Noui plerosque indulgere affectibus, Catholicorum scripta ne de limine quidem salutare, sed cane peius atque angue odisse: In disputationibus plus quam frigidos & nudos esse: quoties vrgentur, vel ira ebullire, vel antiquam cantilenà repetere: susque deque ferentes, quicquid centies millies ex scriptura, Patribus, Conciliis, vniuersæ Christianæ Ecclesiæ, etiam in remotissimis terræ partibus consensu responsum sit.

His ductoribus quis se tutò committere auit? an nō metuitis boni, ne vobis eueniat illud Euangelicum, *Cecus cūm cecum ducit*, *Matth. 18. vterque in foveam cadit*. Quin ergo ipsi potius curam animarum vestrarum suscipite, ipsi libros Catholicorum legite, ponderate, iudicate: caput depono, si non quàm primum ignorantiam vestram damnaturi, & causæ meæ æquiores vos iudices præbituri estis. Nam vt eadem similitudine vtar, qua quondam *Martyr* vester vltus est. *Si quis fortè per aprica deambulans è longinquo mulieres viris mixtas saltare videat, nec sonū ullū audiat*,  
In Vita G. leacis carae. Vice Marchio- nis.



*stultas eas indicabit, sed si propius accedat, ita ut numeros ad quos saltant, audire possit, mutata de iis sententia non solum delectabitur, sed etiam commoueri desideriumque accendi in se sentiet, cum eis pariter saltandi. Eodem modo multi nunc stultum me & perditum iudicantes, ubi harmoniam & concentum Catholicæ fidei sanis auribus perceperint, facile in idem mecum choragium iuuante Domino descendant. Nec quenquam à sancto proposito absterreant imperitæ stultorum vocolæ, Papistas sophistas esse, patrum corruptores, Antichristianismi defensores & incrustatores. Cogitet ipse quorum hæ voces sint, infensissimorum nempe inimicorum, quorum testimonia paruiducenda vel ipsi mente capti norunt. Præclare Augustinus Epist. 227. ad Albinum. *Multi sunt inquit, qui detrahendo nobis caterorum animos, à quibus diligere videmur, aduersus nos perturbare conantur, ut locum in eis Diabolo faciant. Cum autem irascuntur nobis, de quorum salute satagimus, magnum illis consilium vindicandi est libido moriendi, non in corpore sed in corde, ubi funus occultè prius suo putore sentitur, quam nostra cogitatione perspicitur. O quam verè ego vobis charissimi bona conscientia testari possum, quod multorum annorum lectione, & nunc aliquantuli temporis usu deprehendi, Papistas, quos vocatis, & in primis Iesuitas viros esse omni laude dignissimos, humanitate, sanctitate, morumque facilitate illustrissimos.**

*Conuicia  
in Catholi-  
cos & Iesui-  
tas præfer-  
unt.*

*Laus Catho-  
licorum ipso  
more teste.*

mos. Denique non humaniori tantum literatura, sed theologica in primis eruditione, veterum Patrum & historiarum cognitione instructissimos: ut si quos de aliqua quaestione consulere velis, hic quasi omnem eruditionis thesaurum defossum reperiās. Legite quale ipsi Calvinistæ de unico Bellarmino meo (quem honorificentissimæ memoriæ causa nomino) iudicium ferant, ex quo cæteros faciliè cognoscetis. *Vittackerus* præfat. disput. de Verbo Dei ad Wilhelmum Ceciliū: De quo inquit, (Bellarmino) *cum meam vir honoratiss. opinionem quereres, respondit quemadmodum sensi*, ME ILLVM IUDICARE VIRVM SANE DOCTVM, INGENIO felice, iudicio ro. subtili, lectione multiplici præditum, qui soleret etiam apertius ac simplicius agere, quam reliqui consueverunt Papistæ, & argumentum pressius urgeret, & arctius ad causam adheresceret. Sic enim homo eruditus in scholis, & controuersias ex instituto tractans, in argumento totus, missis circuituionibus atq; ambagibus versari, harere, habitare debuit, &c. Idem præfat. 2. ad lectorem duplicatione aduersus Stapletonū: Sunt Iesuite humaniores Stapletono, qui propter præfractam atq; intractabilem naturam non potuit fieri Iesuita. Bellarmini quidem agnosco, quemadmodum in controuersiarum præfatione scripsi, felix ingenium subtile iudicium, lectionem multiplicem. Ista tamen in Bellarmino eiusmodi sunt, ut commendationem potius quam admirationem mereantur.

*Laus Bellarmini ex Vittacker.*

Ex Francis-  
co Iunio.

Iam *Franciscus Iunius* quondam Præceptor meus, quàm prolixus est in commemorandis eiusdem Bellarmini laudibus? paginas sanè multas complet in præfatione suarum in Bellarminum Notarum: quas etsi inuitus, tamen in vestri gratiam ascribam Notuatores, ut si aures vestræ aduersus preces meas clausæ sint, voci doctorum vestrorum pateant. *Reuera ardua multa* (inquit) *in isto opere instituto, ac velut pilatas acies agmine facto oportet homini occurrisse, quum in tantis rebus argumētisque, accuratè & condignè scientiam a Deo multiplicem desiderari putauerit, ut hereticos non vnius generis, sed varia variorum examina strenuè una acie prosterneret.*

Quapropter cum gratias illi ago & habeo maximas, quod tantum spatii tanto suo & collegarum suorum τὸ καὶ αὐτῶς συνεργασθέντων labore in accumulando & coagmentando vasto illo controuersiarum & disputationum corpore consumpserit; tum ab omnibus bonis Christianisq; deberi iudico. Nam siue ea quæ rectè & ex veritate ab eo dicta sunt, respexeris aduersus falsa errantium & hereticorum dogmata, labor est sua laude dignus; siue ea quæ præter veritatem constabiliendis Ecclesiæ Romanæ Ὡδωρύμως dicta & Pontificia, dogmatis propugnandisq; attulit saltem eo nomine videtur non malè de nobis meritis, quòd capita illa doctrinæ, in quibus a vero aberrant, dissident, aut instabiles sunt Pontificii, in unum compegit atq; concinnauit, mul-

Loquitur  
aduersari-  
us ex suo  
sensu.

tasq;

tasq; multorum sententias, summa pontificum  
Academiarumq; Pontificiarum approbatione  
munitas comportauit & conclusit sententia sua.

Aceorum quidem omnium, quæ verè & san-  
ctè aduersus hæreses ab illo dicta sunt, laudem ius-  
tam ut præcerpamus aut deminuamus, neq; est  
viri boni & Christiani officium, neq; est nobis a-  
nimus, aut unquam fuit. Etenim quicquid bo-  
num, verum, sanctum, & iustum est, cum à Deo  
sit, id tanquam à Deo oportet accipi atq; asser-  
uari; ac non superciliosè attendi, per quos, aut  
etiam quomodo nobis offeratur. Bonum, verum,  
sanctum, iustum, homini semper thesaurus ius-  
tus est; quem ab instrumento quolibet non dedi-  
gnantur percipere boni & prudentes viri, sed ul-  
trò quasi rem à Deo per instrumenta, licet alie-  
na, inepta, indignaq; oblatam accipiunt, quali-  
cunq; modo offeratur. Quæcunque  $\omega\epsilon\iota\ \omega\acute{o}\delta\alpha\varsigma$   
sunt (ut vulgo dictum est) à quocunque homine  
sint, laudare iubemur natura duce, ut à sutore  
quamuis cetera ineptissimo nos patimur cal-  
ceari, si pedem calcei non vrant, non follicent,  
non sint incommodi, Hæc de iis, quæ rectè Bellar-  
minus scripsit, bona fide profiteor, æquo animo  
cenſeo, & bonos mecum sensuros confido, ne in-  
bonum, verum, sanctum, iustum iniquo animo  
propter aliquam si forte hominis cuiusquam  
iniquitatem dicamur  $\epsilon\mu\pi\alpha\theta\acute{\omega}\varsigma$  inuehere, aut  
ob alienum vitium doctrinam Deo bonisq; ex  
natura & ratione & fide probatam respuere.

Sed in altero illo argumentorum genere, quæ



*Errores tri-  
bus Bellar-  
mino, sed  
falso.*

*præter veritatem stabiliendis Pontificum suo-  
rum dogmatis ab eo perscripta fuisse arbitra-  
mur, suam quoq; aureolam ( ut loquuntur ) ipsi  
ex animo ultro concedimus, nec eum omninò  
abiici è manibus aut contemni putamus oportere. Cum enim veri illius, quod inuestigare nos  
omnes profiteamur, duplex sit modus, prout ve-  
rum est in sese, & pro ut est in mente & intelle-  
ctu nostro, Omne quidem tulisse punctum vide-  
tur is, qui verum priore illo modo assequitur,  
& perceptum potest exponere: veruntamen,  
quia id per omnia facere diuinitatis potius  
quàm humanitatis est ( ut Imperator loquitur )  
is etiam punctum aliquod tulisse putandus est,  
qui cum veri aliquid attulit ( ut à Bellarmi-  
no factum agnoscimus ) tum si quando per  
inscientiam infirmitatemque humanam ab eo  
abest, quod secundum Deum & naturam ve-  
rum est, tamen quod in animo & intellectu con-  
cepit, siue verum, siue falsum, ex veritate sui  
conceptus enunciat.*

*Prætor vero  
non iudi-  
cat.*

*Non enim diffiteor multa esse, adeoq; pluri-  
ma, in quibus Bellarminum iudico à vero, quod  
proprie & per se verum est, aberrare; prout &  
nos quoq;, dum hic viuimus in ista labe peccati  
& tenebris carnis nostræ, ex parte solum cogno-  
scimus, atq; ex parte prophetamus, ut optime do-  
cet Apostolus 1. Cor. 13. Ex eo enim id omnino se-  
quitur, nos ex parte quoq; multa non cognoscere,  
sed tenebris erroris obductos falsum pro vero plu-  
rimum amplexari. Sed duo hic nobis occurrât,  
& in animo insideant omni tempore necesse est:*

*unum*

unum errare, labi, decipi humanum esse, & neminem hominem esse (quod aiebat ille) ex omni parte beatum: alterum infirmitatem atq; inscientiam humanam a bonis humaniter accipi oportere; idq; ea lege, ut quod bonū verumq; est, ac dicitur a quouis homine teneas, quod malum aut falsum abiicias, & virumq; certo iudicio probes ex regula veritatis. Sic quod verè Bellarminus adfert, probamus verè: quod falsò, tamē quia ex vero sensu mentis eum dicere præsумimus, discernetes humana illius ignorantie & infirmitatis vitium, a quo animo ferimus, donec melius ipsi reuelet Deus: & cum ipsius, tñ populi Christiani causa (de cuius salute laboramus quotquot membra sumus de corpore Christi.) sine iracundia aut perturbatione animi refellimus. Nam ut statuamus eñ præter veritatē sensus interni sui dicere ea, in quibus ipsum à verò abesse indicamus, nec charitatis officiū patitur, ad quod vocati sumus, & in quo alii debemus aliis prælucere, nec sensus conditionis nostræ. Videt ipse in corde suo quid sentiat; videt ille maior corde ipsius, & nostro Deus: cuius solius videre est, perfectò diuinòq; visu, & perfectà diuinàq; iustitia ab eis, qui contra conscientiam veniunt, reposcere. Stat aut cadit quisq; domino suo; in cuius oculis omnia sunt peruia, atq; (ut Apostolus ait Hebr. 4.) ὁπταρχηλισμῶα. Atque hæc de primo obstaculo, quo Nouatores omnes à fide Catholica amplectenda abstineri nouimus, plus satis,

Alterum

*Alteri Ob-  
iectioni à  
moribus  
Catholico-  
rum occurr-  
itur.*

Alterum iam sequitur quod prisca omnium hæreticorum consuetudine à moribus Catholicorum desumunt, quos virulenta lingua incessere, ac modis omnibus tãquam Epicuri familiam exagitare nunquam desistunt. Quid, inquit, nos Romanã Ecclesiã, quæ tantis vndiq; vlceribus scatet? Quæ pontifices sæpe habet non admodum probæ notæ, clerum incontinentem, sacerdotes concubenarios, Episcopos auaros ac sanguinolentos, plebem etiam non satis bene moratam, ac multis turpissimis vitiis delibutam.

At tu inquam, vir pie, quàm rigidus es, quàm largus vitiorum exprobrator, quam certus incertorum asseuerator? Quo vero ista testimonio comprobas? Si accusare sufficiat, quis innocens erit? & qui paratus est in alium dicere, carere debet omni vitio. Miseri homunculi in multis labimur omnes. Et qui sine peccato est, primum lapidem tollat. Forte festucæ fratrum intenti nostras trabes obliuiscimur, & quæ in aliis accusamus, nos liberius perpetramus. Sed ne paria delicta paribus opponendo, vulneremus causam magis, quàm propugnemus: age Scripturam adeamus medicam, & quomodo huic vulneri medendum sit, audiamus. Pharmaca illa tria nobis suppeditat, quorum primum est æquitatis, vt ne seueros aliorum iudices nos præbentes, veritatem lædamus & innocentiam. Alterum mansuetudinis, vt aliorum delicta & infirmitates patienti animo sustineamus,

neamus, & misericordiæ affectu superemus. Tertium sapientiæ, vt nihil nos ex aliorum casibus detrimenti vel contagionis percipere cognoscamus. Quæ tria si diligenti vsu versauerimus, nihil planè ex aliorum lapsibus afficiemur. Vel enim dexterrima quæq; de fratribus cogitabimus, & quæ alii mala exagitant, falsa esse suspicabimur: Vel ea, quæ consciis nobis perperam gesta sunt, humanæ infirmitati, grauibque Diaboli tentationibus ascribemus: Vel denique ea quæ nulla ratione excusari possunt, & vel DEI vel hominum castigatione digna iudicamus, suis authoribus luenda, non nostræ curiositati exagitanda relinquemus. Nullius facinoris culpa in te redundabit, nisi quod vel ipse admiseris, vel iusseris, vel probaris. Purum animum nulla peregrina labes inficit. *Tu ergo quis es, qui indicas alienum seruum? Domino suo stat aut cadit. Stabit autem. Potens est enim DEVS statuere illum.* Nonne memores eius, quod Dominus præcedit: *Nolite indicare, vt non indicemini. In quo enim iudicio iudicaueritis, indicabimini: Et in qua mensura mensi fueritis, remetietur vobis. Quid autem vides festucam in oculo fratris tui, & trabem in oculo tuo non vides?*

Et D. Paulus, *Propter quod inexcusabilis es homo omnis, qui indicas. In quo enim indicas alterum, te ipsum condemnas. Eadem enim agis qua indicas. Scimus enim quoniam iudicium Dei est secundum veritatem in eos, qui ta-*



lia agunt. Existimas autem hoc ô homo, qui iudicas eos, qui talia agunt, & facis ea, quia tu es fugies iudicium Dei?

S. Cyprianus.

Epist. 165.

Quàm sapienter Cyprianus Epist. 51. ad confello. *Et si videntur in Ecclesia zizania esse, non tamen impediri debet, aut fides, aut charitas nostra, ut quoniam Zizania esse in Ecclesia cernimus, ipsi de Ecclesia recedamus. Nobis modo laborandum est, ut frumentum esse possimus, ut cum coeperit frumentum dominicis horreis condi, fructum pro opere nostro & labore capiamus.* Huius vestigiis insilens Augustinus: *In illum autem ordinem Episcoporum inquit, qui ducitur ab ipso Petro usque ad Anastasium, qui nunc eandem cathedram sedet, etiamsi quisquam traditor per illa tempora subrepsisset, nihil praeiudicaret Ecclesiae & innocentibus Christianis: quibus Dominus providens, ait de prepositis malis: quae dicunt, facite, quae autem faciunt, facere nolite: dicunt enim & non faciunt. Ut certa sit spes fidelibus, quae non in homine, sed in Domino collocata, nunquam tempestate sacrilegi schismatis dissipetur: sicut dissipati isti sunt, qui legunt in codicibus sanctis Ecclesias, quibus Apostoli scripserunt, & nullum in eis habent Episcopum.*

Idem de moribus Ecclesiae Catholicae, cap. 32. *Perpetienda sunt vitia multitudinis, ut curentur, & prius toleranda, quae sedanda est pestilentia.* Ibidem cap. 34. 35. *Nunc vos illud admoneo, ut aliquando Ecclesia Catholica ma-*

ca maledicere designatis, vituperando mores hominum, quos & ipsa condemnat, & quos quotidie tanquam malos filios corrigere studet. Sed quicumque illorum bona voluntate DEIQVE auxilio corriguntur, quod amiserant peccando, poenitendo recuperant.

Qui autem voluntate mala in pristinis vitiis perseverant, aut etiam addunt graviora prioribus, in agro quidem Domini sinuntur esse, & cum bonis seminibus crescere, sed veniet tempus, quo zizania separentur. Aut si iam propter ipsum Christianum nomen magis in palea, quam in spinis esse arbitrandi sunt, veniet etiam qui aream purget & à frumentis paleam separet, & singulis partibus pro suo cuiusque merito, quod oportet summa æquitate distribuatur. Vos interea quid sentitis, quid excecaminis studio partium? quid tanti erroris longa defensione implicamini? Fruges in agro, frumenta in area quarite, apparebunt facile, se seq<sup>3</sup>, offerent ipsa querentibus. Quid nimis in purgamenta oculos intenditis? Quid ab opimi horti ubertate imperitos homines sepium asperitate terretis? Est certus aditus, quamvis paucioribus notus, quàm possit intrari, quem vos aut esse non creditis, aut inuenire non vultis. Sunt in Ecclesia Catholica innumerabiles fideles, qui hoc mundo non utantur, sunt qui utantur, tanquam nō utentes, ut ab Apostolo dicitur, quod illis temporibus iam probatum est, quibus ad idolorum cultum Christiani cogebantur. Quot enim tunc pecuniosi homines, quot patres famili-

familiâs rusticani, quot negotiatores, quot militares, quot primates urbium suarum, quot denique senatores, utriusq; sexus hæc omnia vana & temporalia relinquentes, quibus utique quamvis uterentur non detinebantur, mortem pro salubri fide ac religione subierunt, demonstraveruntq; infidelibus, à se potius illa omnia, quàm se ab eis esse possessos.

Resortio.

Quod si autem omnino placet Aristarchi, hanc aleam subire, vestramque causam periclitari gravior, videte ne proprio gladio iugulemini. Neque enim immemores estis, Aedib. in propriis, quæ prava aut recta gerantur.

Ac primum si ἀταξία vestrarum Synagogarum inspiciamus, numquid non rei estis eius, quod apud Tertullianum de præscriptionibus annotatum est, cap. 41. Non omittam ipsius etiam conversationis hæretica descriptionem, quàm futilis, quàm terrena, quàm humana sit, sine gravitate, sine auctoritate, sine disciplina, ut fidei suæ congruens. In primis quis Catechumenus, quis fidelis, incertum est, pariter adeunt, pariter audiunt, pariter orant. Etiam Ethnicis si supervenerint sanctum canibus & porcis margaritas, licet non veras, iactabunt: *hæc*, simplicitatem volunt esse prostrationem disciplinæ, cuius penes nos curam lenocinium vocant. Pacem quoque passim cum omnibus miscent, nihil enim interest illis licet diversa tractantibus, dum ad unius veritatis expugnationem conspirent. Omnes tument, omnes scientiam pollicentur. Ante sunt perfecti Catechumeni, quàm edocti.

edocti. Ipsæ mulieres hereticæ quàm procares,  
quæ audeant docere, contendere exornissimos a-  
gere, curationes repromittere forsitan Ettingue-  
re? ordinationes eorum temerariæ, leues, incon-  
stantes: nunc neophytos collocant, nunc sarculo  
obstrictos, nunc apostatas nostros, ut gloria eius  
obligent, quia veritate non possunt. Nusquam  
 facilius proficitur, quam in castris rebelium,  
 ubi ipsum esse illic promereri est. Itaq; alius ho-  
 die Episcopus, cras alius: hodie diaconus, qui  
 cras lector: hodie presbyter, qui cras laicus. Nam  
 & laicis sacerdotalia munera iniungunt. Et  
 cap. 42. De verbi autem administratione quid  
 dicam, cum hoc sit negocium illis, non Ethnicos  
conuertendi, sed nostros euertendi, hanc magis  
gloriam captant, si stantibus ruinam, non si in-  
centibus eleuationem operentur: quoniam &  
ipsum opus eorum non de suo proprio adificio ve-  
nit, sed de Veritatis destructione: Nostra suf-  
fodiunt, ut sua edificent.

Et paulò post: Mentior si non etiam à regu-  
 lis suis variant inter se, dum unusquisq; proinde  
 suo arbitrio modulatur, quæ accepit, quemad-  
 modum de suo arbitrio ea composuit ille, qui tra-  
 didit. Agnoscit naturam suam, & originis sue  
 morem profectus rei. Idem licuit Valentinianis,  
 quod Valentino. Idem Marcionitis, quod Mar-  
 cioni, de arbitrio suo fidem innouare. Deniq;  
 penitus inspecta hereses omnes in multis aucto-  
 ribus suis dissentientes deprehenduntur. Pleriq;  
 nec Ecclesias habent, sine matre, sine sede, orba  
 & de extorres, quasi sibi, latè vagantur.



Iam politicam conuersationem quod attinet, etsi experientia plus satis docet, quantis plerique virtutibus fulgeant, quàm crassis, & manifestis turpitudinibus populus sit delibutus, quanta magistri & præsules, exemplaria scilicet gregis, ambitione, æmulatione, superbia & inuidia diuexentur, ut cum nullo vsquam homine in fidam se coalescere amicitiam posse ipsi conquerantur: tamen ne videar maledicentia delectari, & homines magis quam vitia odisse, presso guttore meo apponam, quæ ipsi ornamenta asseclis suis ascribunt.

Erasmus ad Fratres inferioris Germaniæ scribit, *Lutheranos auditores sic à suis concionibus domum redire feros, arrogantes & audaces, ac si non ab Ecclesia Christiani, sed à pralio milites reuerterentur.*

Lutherus postilla domestica Ienenſi, anno 59. Conc. 2. Dom. 1. aduent. *Mundus, inquit, indies ex hac doctrina peior fit. Homines uno antea, nunc septem diabolis obsidentur, Diabolus nunc plena cohorte homines inuadit, ut sub clara Euangelii luce multò sint, quam antea sub Papatu, auariores, astutiores, fraudulentiores, crudeliores, libidinosiores, procaciores ac peiores.*

Similia habet Tom. 1. fol. 289. in 5. cap. Galat. Tom. 2. fol. 471. adhortatione ad preces contra Turcam. Tomo 3. fol. 351. in Psal. 51. & folio 529. præfat. in psal. 3. Tomo 4. folio 62. in caput 6. Matthæi. Tomo sexto, folio

lio 57. in explicatio. secundi præcepti. Tomo octauo folio 304. Explicatione in Holeam, & folio 350. in Ioelem.

Paria & maiora etiam habet Caluinus in Epistol. ad Ephes. serm. 10. & 30. Andreas Musculus libro de Prophetia Christi. Iacobus Andreæ Concione 4. planet. folio 140. 141.

*Quid ergo nunc hypocrita festucam vides in oculo fratris tui, trabis autem in oculo tuo obliuisceris? Extrahere prius trabem tuam, deinde manum admone proximo, an festuca eum liberare queas. O quam facile poteramus conuenire, nisi odiorum acerbitates vtrinque tam late animos dispescerent?* Matth. 7. 3. & seq.

Vnica restat querela, quam Romanomastiges cum maioribus suis Donatianis ad nauseam vsque repetere, & singulis concionibus odiosissime exaggerare solent. Patimur, inquit, grauissimas ubiuis terrarum à Papistis persecutiones. Infestant nos ferro flammisq; Pontifices, & quos possunt crudelissime mactant. Martyrologia nostra referta sunt, & procul dubio sumus illi, quos Christus consolatus est dicens, Beati qui persecutionem patiuntur propter iustitiam: quoniam ipsorum est regnum cœlorum. Ultima querela de persecutione. Matth. 5. 10

Hanc ad querelam sedandam, etsi multa dici poterant, vereque ostendi, communem omnium hæreticorum hanc aduersus Catholicos criminationem fuisse, Donatistarum, Nouatianorum, Bogomilum, Messalianorum,

norum, qui etiam propter crebritatem suppliciorum Martyriani vocati sunt : Inprimis verò circumcelliorum, quos S. Hieronymus eruditè *Martyres stulta Philosophia nominat* : Etsi etiam liquido argumento demonstrare poteram, non inferre hodie Ecclesiam persecutiones istis, sed perferre potius ac pati ab istis : qui passim bona eius diripuerunt, templa diruerunt, monasteria solo æquarūt, aut in haras & stabula conuerterunt, multa hominū millia in Gallis, Germania, Belgio, seditioso mucrone peremerunt, in Anglia non tantum exules multos, sed plurimos quoq; martyres doctos & indoctos, nobiles & plebeios, principes & subditos, Reginam quoq; nobilissimam, quod publicis scriptis annotatum est, fecerunt : tamen ne odiosis exemplis pugnare, & stomachū cuiquā mouere velle videar, missis istis ius inquiramus : an quod facit Catholica Ecclesia in plectendis hæreticis, vel disciplinæ, vel tutelæ, vel correctionis causa, rectè facere putanda sit. Quam quæstionem nisi solidissimè ab Augustino iam olim contra murmuratores tractatam scirem, maiori hic conatu explicare aggrederer. Sed miror inprimis in dubium venire posse apud eos, qui eandem & legib. & exemplis abundantissimè confirmarunt. Quis enim leges Anglicanas nescit, sanguine scriptas ? Quis Bezae librum non vidit ? quis Seruetti, quis Valentini Gentilis, aliorumq; supplicia non audiuit ? Tempus me  
desice-

deficeret, si equuleos omnes Anglicanos etiam in ipsos Catholicos incensos commemorare vellem. Cùm ergo ipsi sibi potestatem sumant vindicandi tam in bonos, quàm in malos: cur virgulam censoriam Ecclesiæ inuident, necessitate præscriptam, vtilitate sancitam, multorum seculorum vsu confirmatam, diuino deniq; iure permissam. Quid enim illud est, quod *Psalmes* ait, 149. Psalmo. *Exultabunt Sancti in gloria, latabuntur in cubilibus suis. Exultationes Dei in gutture eorum, & gladii ancipites in manibus eorum, ad faciendam vindictam in nationibus, increpationes in populis, ad alligandos reges eorum in compedibus, & nobiles eorum in manicis ferreis, ut faciant in eis iudicium conscriptum. Gloria hæc est omnibus sanctis eius.*

Ac sanè si leges sinunt, fures pecuniarum, vel latrones corporum furca suspendere, ne aliis molestiâ periculumue facessere pergant: quid iuris erit in furibus ac latronibus animarum, qui repagula conscientiarum infringunt, atque ipsi perpetuæ hominum saluti violentas manus inferunt? Statuit Dominus iam olim, cùm angustioribus terminis circumscripta esset Ecclesia: *Qui superbierit, nolens obedire sacerdotis imperio, qui eo tempore ministrat Domino Deo tuo: ex decreto iudicis morietur homo ille, & auferes malum de Israël, cunctusque populus audiens timebit, ut nullus deinceps intumescat superbia.*

*Deut. 173*



*Augustini  
sen. enia  
de persecu-  
tione ha-  
reticorum.*

Sed nunc ipsum *Augustinum* videamus, elegantissimè hanc causam pertractantem. Epistola 48. ad Vincentium sic scribit: *D*o-  
natista nimium inquieti sunt, quos per ordina-  
tas a Deo potestates cohiberi atque corrigi mihi  
non videtur inutile. Nam de multorum iam  
correctione gaudemus, qui tam veraciter uni-  
tate Catholicam tenent atque defendunt, & a  
pristino errore se liberatos esse letantur, ut eos  
cum magna gratulatione miremur. Qui tamen  
nescio qua ut consuetudinis nullo modo mutari  
in melius cogitarent, nisi hoc terrore perculsi so-  
licitam mentem ad considerationem veritatis  
incenderent, ne forte si non pro iustitia, sed pro  
peruersitate & presumptione eorum, ipsas tem-  
porales molestias infructuosa & vana tolerantia  
paterentur, apud *DEVM* postea non inueni-  
rent, nisi debitas poenas impiorum, qui eius tam  
lenem admonitionem & paterna flagella con-  
tempserint.

Et paulò post. Si quisquam inimicum suum  
periculosis febribus phreneticum factum, curre-  
re videret in præceps, nonne tunc potius malum  
pro malo redderet, si eum sic currere permitte-  
ret, quam si corripiendum ligandumque cura-  
ret, & tamen tunc ei molestissimus & aduer-  
sissimus videretur, quando utilissimus & mi-  
sericordissimus extitisset? sed planè salute re-  
parata tanto uberius ei gratias ageret, quan-  
tò sibi eum minus pepercisse sensisset. O si possem  
tibi ostendere ex ipsis *Circumcellionibus* quam  
multos iam Catholicos manifestos habeamus,  
damnan-

*damnantes suam pristinam vitam & miserabilem errorem, quo se arbitrabantur pro Ecclesia Dei facere, quicquid inquieta temeritate faciebant: qui tamen ad hanc sanitatem non perducerentur, nisi legum istarum, quæ tibi displicent, vinculis tanquam phrenetici ligarentur, &c.*

*Idem Epist. 167. ad Festū. Si pro errore homines & damnabili dissensione & convicta modis omnibus falsitate tanta presumunt, ut eorum salutem requirenti Catholica Ecclesia tam audacter insidiari minariq; non cessent: quanta magis equū est, & oportet eos, qui pacis & unitatis Christiana asserunt veritatē, omnib. etiam dissimulantibus & confuentib. manifestā, satagere instanter atq; impigrè, non solū pro eorum munimine, qui iam Catholici sunt, verū etiam pro eorum correctione, qui nondū sunt? Nam si pertinacia insuperabiles vires habere conatur, quantas debet habere cōstantia, qua in eo bono, quod perseveranter atq; infatigabiliter agit, & Deo placere se novit, & procul dubio non potest hominibus prudentibus displicere. Quid autem infelicius atq; peruersius, sicut Donatistæ faciūt, qui se persecutionem perpeti gloriantur, quam de coercitione iniquitatis suæ non solū nescire confundi, sed etiam velle laudari, ignorantes cecitate mirabili, vel animositate damnabili se scire dissimulantes, quod Martyres veros non faciat pœna, sed causa, &c.*

*Idem lib. I. contra Epist. Parmen. cap. 8. Quin etiam audet conqueri Parmenianus, quod*

*eos Constantinus ad campum, id est, ad supplicium duci iussit: qui victi apud Ecclesiasticos Iudices nec apud ipsum quæ dicebant probare potuerunt, & adhuc in sancta Ecclesia præfisione sacrilego furore ferebantur, &c. Quid enim non isti iuste patiuntur, cum ex altissimo Dei præsentis, & ad cauendum ignem æternum flagellis talibus admonēis iudicio patiuntur, & merito criminum, & ordine potestatum? prius enim probent se non esse hæreticos, vel schismaticos, tum demum de indignis pœnis suis liuidam emittant vocem, tum demum sese audeant, cum mali aliquid patiuntur, veritatis martyres dicere. Alioqui si quisquis ab Imperatore, vel à Iudicibus ab eo missis pœnas luit, continuo martyr est, omnes carceres martyribus pleni sunt, omnes catenæ iudiciariæ martyres trahunt, in omnibus metallis martyres ærumnosi sunt, in omnes insulas martyres deportantur, in omnib. pœnali-bus locis iuridico gladio martyres feriuntur ad omnes bestias martyres surriguntur, aut iussioni-bus iudicum viui ignibus concremantur.*

*Et paulò post. Et tamen quid tale isti patiuntur, quale faciunt, nisi quia hominum multitudo non in corde cor habet, sed in oculis. Nam si sanguis exit de carne mortali, quisquis aspicit exhorrescit, si pro hac pace Christi præcisa anima atque separata in hæresis vel schismatis sacrilegio moriuntur, quia non videtur, non plan-gitur, imò verò mors tetrior atq. luctuosior, & ut plane dixerim, verior, iure consuetudinis de-videtur: cum authores tantarum mortium pub-licè*

licè insultât, & nec veritatis manifestande causa sermonem nobiscum conferre dignantur, &c.

Ibidem cap. 9. Non ergo quisquis in aliqua religionis quæstione fuerit ab imperatore punitus, martyr efficitur. Neque enim vident, qui talia sentiunt, in eum locum se progredi, ut ipsos etiam demones martyrum sibi gloriam vindicare posse contendant : quia istam patiuntur persecutionem per Imperatores Christianos, ut penè toto orbis terrarum eorum templa euertantur, idola comminuantur, sacrificia subtrahantur, qui eos honorant, si deprehensi fuerint, puniantur. Quod si dementissimum est dicere, non ergo ex passione certa iustitia, sed ex instiui passio gloriosa est. Ideoq; Dominus, ne quisquam in hac re nebulas offenderet imperitis, & in suorum damnatione meritorum laudem quæreretur martyr, non generaliter ait : Beati qui persecutionem patiuntur : sed addidit magnâ differentiam, qua vera à sacrilegio pietas secernatur. Ait enim, Beati qui persecutionem patiuntur propter iustitiam. Nullo modo autem propter iustitiam, qui Christi Ecclesiâ diuiserunt, & cum ea quasi simulata iustitia conantur ante tempus à palea separari, ac frumenta eius falsis criminationibus insectantur, dum ipsi ab ea potius tanquam leuissima palea variis rumoribus flatibus separati sunt.

Sic epistola 171. contra Donatistas. Si propterea iusti estis, quia persecutionē per Imperatores passi estis : Iustiores vobis sunt isti Maxi-

Plura vide  
apud S. Cy-  
prium  
de Unitate  
Ecclesiæ ob-



*lectione 2.  
Et apud S.  
August. de  
Cant. Eccle-  
sia cap. 12.*

*mianista, quos per indices ab Imperatoribus Ca-  
tholicis missos vos ipsi persecuti estis.*

Sed quid opus plura coaceruare? modus sit, ne videamur sanguinolenti, & vitæ sicientes imperitorum, quos benè instructos & Catholicos optaremus. O vtinam Christe misericordia fiat ouiculis tuis, quæ sunt foris, & iudiciū lupis intus, breui purgabitur area tua, atq; ex iis qui longè sunt, fiet grex vnus nobiscum, & pastor vnus, & vnum ouile: Eritq; pax in terris, & gladij in vomeres conuertentur. Neque enim volumus cum zizaniis euelli triticum, vel desperatorum loco haberi simplices, quos vasa electionis facere potest Dominus, qui ex lapidibus excitare filios Abrahæ nouit.

*Conclusio  
serm. Apo-  
logia.*

Tandem ergo, vt finem faciamus Apologia nostræ quid dignum assertis Nouatores pertinacia vestra? quid dignum errore? Nihil habetis, quo vos tegatis, nihil quo muniat. Separauistis vos à communione orbis terræ, nec tantum crimen vel minima ratione excusatis. Fidem Catholicam impetitis: frustra. Mores carpitis imprudenter, scripturam trahitis, sed contra vos est. Si à vobis, detorta & malè intellecta. Scriptura autem malè intellecta, scriptura non est, sed commentū vanum, & humanis digitis fictū idolum, quod qui adorant, sacratissimæ Dei maiestati perfidè iniurii sunt. Quod ne vobis accidat, ita scripturam sequimini, vt gladiū sensus cōiungatis cum vagina verborū: sensumq;

sensumq; quærite nō in tenebricosis capitibus  
 Tribunorum vestrorum, sed in publico  
 & aprico Ecclesiæ Catholicæ campo, quæ se  
 ipso satis nomine prodit. Eò enim se promissio-  
 ne certa & infallibili astrinxit Christus,  
 cum ait: *Ego rogabo patrem, & alium paracle-*  
*tum dabit vobis, ut maneat vobiscum in ater-*  
*num, spiritum veritatis, quem mundus non po-*  
*test accipere, quia non videt eum, nec scit eum.*  
*Vos autem cognoscetis eum, quia apud vos ma-*  
*nebit, & in vobis erit. Hic docebit vos omnem*  
*veritatem. Non enim loquetur à semetipso, sed*  
*quacunque audiet, loquetur, & quæ ventura*  
*sunt, annuntiabit vobis.* Huius Ecclesiæ gre-  
 minio quid nos dubitabimus condere fratres,  
 quæ ita fossa valloq; circumdata, & contra  
 erroris procellas, & contra hæreticorum ho-  
 stiumq; circumlatrantium technas in æter-  
 num tuta liberaq; futura est. Ah plus quàm  
 stultè timidos & ὀλιγοπίστους, qui se huic mu-  
 nitioni non credunt, & maternum sinum  
 Ecclesiæ ad inædificandam sibi fidem non  
 ferunt: quorum si quis piam quasi utilitatem  
 dictorum aspernatus, extra nutritorias curas su-  
 perba imbecillitate se extenderit, heu cadet mi-  
 serè. Domine Deus miserere, ne impulsim  
 pullum conculcent, qui transeunt viam, &  
 mitte Angelum tuum, qui eum re-  
 ponat in nido, ut vivat donec  
 volet.

*Iohan. 14.*  
*6. 13.*

*Iohan. 16.*  
*6. 13.*

*August. de*  
*utilitate*  
*credendi*  
*cap. 17.*

*Augustin.*  
*12. confess.*  
*cap. 17.*



S. AVGVSTINI SENTEN-  
TIAE 4. notatu dignissimæ, ex lib.  
de Fide ad Petrum. cap.

37. 38. 39. 40.

I

**F**irmissimè tenè & nullatenus  
dubites, omnem extra Eccle-  
siam Catholicam baptizatum,  
participem fieri non posse vitæ  
aternæ, si ante finem vitæ huius Catholice  
non fuerit redditus atque incorporatus Ec-  
clesiæ. Quia, si habeam, inquit Apostolus,  
omnem fidem, & nouerim omnia Sacra-  
menta, caritatē autem non habeam, nihil  
sum. Nam in diebus diluuii neminem le-  
gimus extra arcam potuisse saluari.

II.

Firmissimè tenè & nullatenus dubites,  
non solum omnes paganos, sed & omnes Iu-  
daeos, hæreticos atque schismaticos, qui ex-  
tra Ecclesiam Catholicam præsentem fini-  
unt vitam, in ignem æternum ituros, qui  
paratus est Diabolo & Angelis eius.

III.

Firmissimè tenè, & nullatenus dubites,  
quemlibet hæreticum siue schismaticum in  
nomine Patris, & Filii, & Spiritus sancti  
baptizatum, si Ecclesiæ Catholice non fue-  
rit ag-


*rit aggregatus, quantascunque eleemosynas  
fecerit, etsi pro Christi nomine etiã sangui-  
nẽ fuderit, nullatenus posse saluari. Omni e-  
nim homini qui Ecclesiæ Catholicæ non te-  
net unitatem, neque baptismus neque elee-  
mosyna, quamlibet copiosa, neque mors pro  
nomine Christi suscepta, proficere poterit ad  
salutem, quamdiu in eo hæretica vel schi-  
smatica prauitas perseuerat, quæ ducit ad  
mortem.*


*Firmissimè tenè & nullatenus dubites, IV.  
non omnes qui intra Ecclesiam Catholicam  
baptizantur, accepturos esse vitam ater-  
nam, sed eos qui percepto baptismo rectè  
viunt, id est qui abstinuerunt se à vitiis  
& concupiscentiis carnis. Regnum enim  
cælorum sicut infideles hæretici atq; schi-  
smatici non habebunt, sic Catholici  
criminosi possidere non po-  
terant.*

**LAUS DEO Virginiq̃ue matri MARIÆ.**









IVSTI CALVINI VETERA-  
CASTRENSIS,

DE VNITATE  
SACROSANCTÆ

ROMANÆ ECCLESIAE

omnibus amplectenda,

Epistolarum Catholicarum

VOLUMEN VNUM.

ACCESSIT

*Ex S. Augustino Epistola 48. ad Vincentium: & Epistola 50. ad Bonifacium, de latitudine Ecclesiæ DEI, & moderata coërcitione hereticorum.*

Lactantius libro 4. diuinarum Institutionum. Cap. 30.

*Sola Catholica Ecclesia est, qua verum cultum retinet: hic est fons Veritatis, hoc est domicilium fidei, hoc templum DEI, quo si quis non intrauerit, vel à quo si quis exiuerit, à spe vite æ salutis æterna alienus est, &c.*




MOGVNTIÆ,  
Typis IOANNIS ALBINI, anno  

---

clb. 15 CII.





*Beneuolo Lectori S.*

Scias lector, in ordine Episto-  
larum temporis non digni-  
tatis habitam esse rationem,  
idque non leuiter, sed certis  
de causis. Quod vt scires, no-  
stra tuaque interesse putau-  
mus. Vale.



## EPISTOLA I.

DE FIDEI  
CATHOLICAE

PRINCIPIIS: QVORVM

præcipuum est verbum

DEI.

REVERENDO ET DOCTISSI-

MO IN CHRISTO PATRI, D. AN-

dree Vermadio Societatis ꝛ E-

SV Theologo,

IVSTVS CALVINVS S.



IRABERIS FOR-

tasse quid sit, reuerendè ac *Excusatio*  
doctissime Pater, quod ab eo *silentis.*tempore, quo nuper fuimus v-  
nâ, placidamque de fide inter

nos συζητησιν habuimus, ego contra pro-  
missi fidem litteras tibi mittere intermise-  
rim. Quod etsi minus rectè factum agno-  
sco, tamen quia necessitate potius, quàm  
negligentia prætermisum est, spero veni-  
am dabis, meque tardius loquentem beni-

*in fidei cau-  
sis pruden-  
ter incedē-  
dum.*

gnius auidiusq; audies. Primùm autem tibi certum esse volo, quod nuper etiam manifesto argumento prospicere potuisti, iam per DEI gratiam, multorumque annorum indefessam lectionem ita mihi fidem Catholicam persuasam, vt extra eam nullam ecclesiam, nullam salutem esse, firmiter credam & statuam. Sed quia multa sæpe incidunt calumniâ quadam, & malitiosa scripturarum interpretatione, quæ vel perspicacissimis fucum facere, & tanquam nebula veritatis serenitatem offuscare queunt: magnoperè curandum existimo, vt proficiscentibus ad ciuitatem DEI planum inoffensumque iter paremus: ne hic vel illic impingentes hæreant, & dubia fide cum potestate tenebrarum congregiantur. Qua de causa meam ad vos transmigrationem neutiquam præcipitandam arbitror: donec indurata melius ad solem cornua, conflictum occurrentium hostium ferre ac superare possint. Interim si compendio agitatae hodie controuersias tractare, & quasi ruminandas nobis proponere velimus, hac diuisione, vt puto, commodissimè procedemus.

Omnis quæ de rebus diuinis cogitatio suscipitur, vel de principiis est, vel de iis quæ ex principiis illis extruuntur. Principia voco, rationes & firmamenta, quibus id, quod credendum faciendumue proponitur, verum iustumque esse demonstratur. Et si e-

nim

nim fides est ἀναπόδεικτος, vt pulchrè Na- *Naζιανζος*  
 zianzenus alicubi loquitur, & propterea de- *Fides ἀ-*  
 finitur ab Apostolo ἐλπίζομεν ὑποτάσσιναι πό-  
 πταις, ἔλεγχον δὲ βλέπομεν: δεικτος  
 tamen id magis ad demonstrationem διότι *quatenus.*  
 quam ὅτι pertinere existimo. *Heb. 11. & 1.* Ignoti enim nul-  
 la *cupido.* Nec quisquam credo inficias  
 ibit, vel generalem saltem rationem verita-  
 tis, honestatis & rectitudinis, fidei obedi-  
 entiaque veræ substratam esse oportere.  
 Quare enim hoc vel illud credam, quod  
 credendum Ecclesiæ proponis? quia verum  
 certumque id esse vel ratio sana, vel diuina  
 patefactio docet. Quare hoc vel illud faci-  
 am, quod adeò seuerè mandas & iniungis?  
 Quia iustum bonumque esse iterum vel na-  
 turæ instinctus, vel iussum diuinum osten-  
 dit. Haftenus sanè rationem procedere ne-  
 mo sanus negarit. At si iam rationis istius,  
 id est mandati aut patefactionis diuinæ  
 (quam quidem talem esse constat: ) ratio-  
 nem poscas, ibi mentem subsistere, seque  
 in obedientiam fidei subiugatis sensibus  
 submittere oportere, libens agnosco & fa-  
 teor. Neque enim rationibus nobiscum  
 DEVS agit, sed legibus. *At legem breuem Seneca.*  
*esse oportet, quæ iubeat non disputet, inquit*  
*rectè Seneca. Et Augustinus. Non intelligen-* *S. Aug. Epis-*  
*di viuacitas, sed credendi simplicitas tutissimos* *stola 95.*  
*facit.*

Cæterum principia illa fidei & morum *Principia*  
 genera- *fidei dupli-*  
 cia.



*Naturalia.*

generalissima diuisione vel naturalia sunt, vel supernaturalia. Naturalia appello, quæ vel à natura ipsa arripuimus, haulimus, expressimus, vel ab hominibus animalibus didicimus, legimus, accepimus, adeoque ad quæ partim docti & instituti, partim facti & imbuti sumus. Tametsi enim non ignoramus, vehementer peccato læsam esse hominis mentem, totumq<sup>3</sup> Adamum (vt Concilio etiam Tridentino placuit) per illam preuentionis offensam, secundum corpus & animam in deterius commutatum: palam tamen est, tantum illi naturalis luminis superesse, vt non solum veritates theoricæ & mechanicas, quæ in artibus humanis & naturalibus continentur, cognoscere possit, verum etiam bonum verumque morale, vniuersè consideratum: vt DEVM esse colendum, parentes venerandos, liberos diligendos, &c. Quid enim aliud voluit Apostolus ad Rom. i. cum ait, τὸ γνωστὸν θεῷ etiam gentibus ex mundi structura notum esse?

*Bellar. li. 4.**de grat. &**lib. arbit. c.**2. & lib. 5.**ibidem c. 1.**2. & sequentibus.**Ben. Aretius**in prob.**proble. 1. de**natur. & Dei**cognitione.*

Et sanè historiæ scripta quæ Philosophorum testantur, non vulgare meos, sed valde præclaram & illustrem DEI cognitionem habuisse: id quæ non tantum per manus accepta traditione Iudæorum, aut peculiari DEI afflatu, sed plerumque etiam naturalis ingenii solertiæque adiumento, Philosophiæque in primis ductu & auspicio. Quam neque magnum hoc mundi spectaculum ab istis subsidiis eximendum duco.

Plato



Platoenim, non immerito *mundum* Epistolam vocavit DEI patris ad genus humanum. *Plato in Tim.*  
 Et Antonius ille Eremita omnibus libris & *Histor Tri-*  
 præceptoribus destitutus, ipsam naturam *part ib 2.*  
*creaturarum* dixit sibi esse librum perpetuo  
*presentem*, in quo verba DEI relegere, quo-  
*ties* liberet, liceret. De hoc naturalium prin-  
*Antonius Eremita*  
 cipiorum genere, quod ad hanc quidem  
 causam attinet, nullam admodum litem es-  
 se existimo. fatemur enim utrique, extra Ec-  
 clesiam, & in iis qui nondum sunt diuinitus  
 illuminati, aliquid ea quidem, sed non satis  
 momenti habere, ad conuincendum ani-  
 mum, & de diuinis mysteriis erudiendum.  
 De Christo enim nihil habent, nihil de Eu-  
 angelio. In Ecclesia verò, ubi animi iam  
 perfectiori doctrina imbuti, pleneque de  
 omnibus ad salutem pertinentibus instructi  
 sunt, illa sublunaria, vel tanquam similitu-  
 dines fidem illustrant, vel tanquam secun-  
 daria & succenturiata argumenta obscure  
 infirmiterque confirmant. Iam ut ad su-  
 pernaturalia principia veniam, sunt illa te-  
 stificationes ipsius verissimi sapientissimi-  
 que DEI, qui variis modis locutus patribus in  
*Hebr. 2*  
 prophetis, nouissimè diebus istis locutus est no-  
 bis in filio, & adhuc loquitur per ministros  
 legitimè vocatos & ordinatos, ut ad con-  
 summationem usque seculi duret ædifica-  
 tio corporis Christi, omnesque perfecti fia-  
 mus eodem sensu & fide, neque sit in no-  
 bis ruga erroris, vel macula impietatis. Hi  
*Ephes 4.*  
*Ephes. 5.*

*Psal. 118.  
Rom. 1.*

θεόπνεύσει λόγοι, medicina animorum, ac lucerna pedum nostrorum, quin & potentia Dei ad salutem omni credenti, miserrimoplanè fato nostro in pomum Eridos hodie commutantur, & tanquam Helena quædam tot annos Catholicos protestantesque exercent. Capita autem controuersia, si rectè memini, nouem hisce quæstionibus continentur.

*De Verbo  
Dei qua-  
stiones no-  
uem,*

1. Vbi patefactiones illæ diuinæ olim hominibus factæ inueniantur: utrùm in solo verbo DEI, quod scripturam canonicam appellamus: an verò extra verbum Dei in reuelationibus & somniis priuatis: an denique partim verbo DEI, partim extra illud in traditionibus non scriptis, quas propterea pari pietatis affectu cum scripturis suscipi necesse sit.

2. An illæ patefactiones diuinæ, siue in scripturas siue in traditiones relatæ, fideliter ab authoribus consignatæ, & à posteris incorruptæ seruatæ sint, ita vt à nobis certam fidem autoritatemque mereantur. Quod partim contra veteres hæresiarchas, Simonianos, Basilidianos, Marcionitas &c. partim etiam contra Iudæos, Mahumetistas, & Libertinos dispiciendum est.

3. Quinam sint illi libri à DEO inspirati, & à Prophetis & Apostolis consignati, quo indicio cognoscantur, & ab aliis profanis vel Apocryphis discernantur: suane aliqua propria nota & indicio omnibus conspicio;

quo, an verò Ecclesiæ tantum discretione & iudicatu.

4. In quorum potestate istorum librorum verè sacrorum & Canonicorum lectio sit, aliquorumne perfectiorum tantum, an verò omnium promiscuè Christianorum.

5. Si omnium; qua linguatum publice & priuatim legi, tum etiam in quam scripturæ transferri possint & debeant.

6. An scripturarum qualescunque versiones parem cum authentica lingua auctoritatem habeant.

7. An istorum librorum sacrorum stylus ita perspicuus, & dilucidus sit, vt à quouis non tantum legi, verum etiam rectè intelligi, & ad controuersiarum diiudicationem securè applicari possint.

8. Si alicubi obscura, ambigua, flexiloga diuina pronunciata videantur, vnde interpretatio eorum petenda: vtrum ex ipsa scriptura, aliorum locorum facta collatione, an verò aliunde ab aliquo iudice & interprete spirituali.

9. An interpretationes & decreta Pontificum & conciliorum sint certum principium Theologicum, cui tutò fides committi possit & debeat.

Hiscæ nouem quæstionibus, reuerende ac *Petitis.*  
doctissime Pater, omnia contineri existimo,  
quæ à Theologis in hac materia controuerti  
nunc solent. Si quid præterea est, quod in dis-  
ceptationē veniat, velim moneri à te, & de

his breuiter instrui, vt quid Catholicæ fidei  
 asseclam tenere necesse sit, tuo quoq; suffra-  
 gio cognoscam. Multum est consensum vi-  
 dere piorum, & à diuersis idem doceri, non  
 postremum est veræ prædicationis argu-  
 mentum. Vale 21. Maii, Anno 1600.

EPISTOLA II.

RESPONSIO AD  
 PRÆCEDENTEM EPI-  
 stolam, qua nouem de verbo  
 DEI quæstiones soluun-  
 tur.

ANDREAS VERMADIUS, SO-  
 cietatis IESV Theologus.

IVSTO CALVINO, S. D.

MIRABAR sanè, quod scribis, silentium  
 tuum, mi Iuste, tam diuturnum præser-  
 tim tamque pertinax. Sed abundè satis fecisti  
 proximis literis tuis, quibus conceptam no-  
 bis spem de te magis magisque confirmasti:  
 tantoque nos in CHRISTO affecisti gaudio. vt  
 non possimus non plurimum gratulari tibi  
 & nobis, de tam excelso animo veritatis a-  
 mante, & auido cognitionis rerum ad æter-  
 nam salutem spectantium: quarum funda-  
 menta



menta sunt quæstiones IX. de patefactionibus diuinis propositæ. Quas etsi sufficienter Bellarminus noster explicauit, tamen quia meam etiam sententiam requiris, ne amici videar deesse officio, breuiter animi sensa aperiam, & quid hæreticis ista proponentibus respondendum putem, monebo,

## QVÆSTIO I.

*Vbi patefactiones diuina inueniantur.*

Quàm impiè de ea sentiant Schvvenckfeldiani ac Fanatici, in vulgus notū est. Profitetur autem ego cum Ecclesia Catholica, patefactiones illas, quibus DEVS notitiam mentis suæ verissimam hominibus manifestat, verbo DEI, quâ scripto, quâ tradito, contineri; nec video quo solo fundari protestantes hanc sententiam negare ausint verbis, quam re ipsa & facto veritati consonam testantur. Credunt vna mecum libros veteris & noui testamenti verè diuinos, quod sanè ex scriptura nullo modo, ex traditione autem sola constare potest. Nam vt rectè ait Bellarminus, libros Prophetarum & Apostolorum, etiamsi scriptura dicat esse diuinos, huic tamen infallibilem adhibere non possumus fidem, nisi prius crediderimus, scripturam quæ hoc affirmat, diuinam esse. Credunt vna mecum Euangelia Marci & Lucæ esse vera, Euangelia Thomæ & Bartholo-

*Verbum  
Dei scriptum  
& non scri-  
ptum*

*Traditiones probare  
eoguntur  
ipsi aduer-  
sarii.  
Confer  
Tertull:  
de pras-  
cap. 23.*

tholomei esse falsa, cum ratio potius dicat,  
magis credendum libro præferenti titulum  
Apostoli, quàm non Apostoli. Hæc autem  
fides ex scripturis haberi non potest, sed ex  
traditione constat. Credunt vnà mecum,  
quod distinctio diuinarum personarum sit per  
relationes, quod pater sit ingenitus, filius à  
patre genitus, Spiritus sanctus à filio patreque  
procedens; Sed nullam Dei patefactionem  
in sacris scripturis expressam reperimus, quæ  
hunc fidei articulum disertis verbis eloqua-  
tur, sed illæ quæ quasi per manus traditæ à  
CHRISTO & Apostolis continua successione  
ad nos usque peruenerunt. Credunt vnà  
mecum, paruulos ante rationis usum vtiliter  
baptismatis Sacramento initiari, cum tamen  
illud dogma non habeat in scripturis certa  
& manifesta diuinæ reuelationis testimonia.

*S. Augusti-  
nus de pædo  
baptismo.*

Scio D. Augustinum ad illud confirmandum  
allegoriam circumcisionis proferre, & alios  
alia; ex quibus tamen non firmam & soli-  
dam probationem desumi posse affirmat, sed  
tantum probabilem coniecturam. D. Augu-  
stini verba hæc sunt, l. 4. contra Donatistas,  
capite 23. *Traditum tenet vniuersitas ecclesiæ,  
quod paruuli infantes baptizantur, qui corde  
nondum possunt credere ad iustitiam, & ore  
cōfiteri ad salutem. Et si quisquam in hac re au-  
thoritatem diuinam querat, quanquam quod  
vniuersa tenet ecclesiæ, nec conciliis institutum,  
sed semper retentum est, non nisi auctoritate  
Apostolica traditum rectissime creditur: tamen  
veraciter*

*veraciter conicere possumus ex circumcissione carnis, quam prior populus accepit. Dum addit (veraciter conicere possumus) nihil aliud insinuat, quā firmam hanc rationem non esse, sed probabilem coniecturam; robur autem suum hoc dogma ex tradita patefactione diuina adipisci. Cū igitur hæc & similia fide teneant nobiscum, & tenenda prædicent: nihilq; credendū censeant & meritò, nisi quod DEVS reuelauit, ac patefecit, a eo cognoscere, quo fundamento nixi, traditum DEI verbum tollant, quod re ipsa ponunt.*

## QVÆSTIO II.

*An illæ patefactiones diuinæ fideliter ab auctoribus consignatæ, & à posteris incorruptæ seruatæ sint, ita vt à nobis certam fidem authoritatemque mereantur.*

Ingenue confitentur & docent, docueruntque & confessi sunt semper omnes Catholici; auctores à quibus diuinæ patefactiones consignatæ sunt, eam dignitatem, reuerentiam, authoritatem & fidem mereri, vt de eorum fidelitate dubitari disceptariue à nemine possit, multisq; rationibus falsitatis arguuntur Iudæi & Mahumetani, qui cæca infidelitatis caligine immersi, claram veritatis lucem, in dubium vocant.

*Auctoritas  
S. Literariorum  
totiusq; religionis,  
infallibilis.*

Prima ducitur ab eorum conditione & RATIO I  
aucto-

auctoritate, qui fidem Christianam olim receperunt, qua utitur LACTANTIVS, lib. 5. diuin. institut. cap. 13. & S. AVGVSTINVS, lib. 1. de vtilitate credendi, cap. 14.

Secunda ducitur à constantia Martyrum, qua IVSTINVS Apologia 1. ad senatum Romanum testatur, se maxime fuisse motum ad fidem: & ea etiam utitur LACTANTIVS lib. 5. institut. diuin. cap. 13. & 14.

Tertia ratio ducitur à mirifica mutatione animi eorum, qui fidem Christianam suscipiunt & colunt: qua vsi sunt S. IVSTINVS Apolo. 2. pro Christianis ad Antoninum pium Imper. TERTVLLIANVS lib. ad Scapulam. LACTANTIVS lib. 3. diuin. institut. cap. 26.

Quarta ducitur à modo, quo olim fuit propugnata. Hac utitur IVSTINVS Martyr. Apolog. 2. ad Antoninum pium. CHRYSOSTOMVS homilia 34. in Matth. homilia 4. & 5. in priorem ad Corinth. D. AVGVSTINVS lib. 22. de ciuitate DEI cap. 5. DAMASCENVS lib. 4. Orthodoxæ fidei cap. 4.

Quinta à miraculis, quæ vel ob eam rem maxime, quasi antonomasticos nominari solent signa, quia cum primis significant atq; declarant, eam doctrinam diuinitus probari, atque adeo veram esse, cuius ad confirmationem edantur. Hac vsus est D. CHRYSOSTOMVS, hom. 3. in secund. ad Corinthi. D. AVGVSTINVS, lib. 22. de ciuitat. Dei cap. 8. & libro de vtilitate credendi cap. 16. plures aliæ adduci possunt, desumptæ ab eorum testimoniò; qui



qui fidem nostram non receperunt, ab eorum cladibus, qui eam oppugnarunt; à Prophetis prædictionibus, à sanctitate & rectitudine doctrinæ, & similibus. Ex quibus manifestum fit, patefactiones illas à nobis indubitatam fidem mereri, & cæcos esse ludæos ac Mahumetanos, qui tam manifestam veritatis lucem non sentiunt.

### QVÆSTIO III.

*Qui nam sint illi libri à DEO inspirati, & à Prophetis & Apostolis consignati, quoue iudicio discernantur à profanis.*

Hæc quæstio, cum duarum sit partium, generalem responsionem postulat. Ad priorem *Canon scriptura.* partem, qua quæritur, quinam sint Canonici, respondeo cum œcumenica ac generali Tridentina synodo, sessione quarta: quam ipse domi priuatim legere potes. Ad posteriorem, qua quæritur, quo iudicio distinguantur Canonici ab Apochryphis: profiteor contra CALVINVM, cum Ecclesia Catholica: iudicio privati spiritus, vel internæ *Canonica- rum di- stinctio ab Apocryphis* testificationis, non posse discerni, sed Ecclesiæ iudicio & autoritate: nec illius solum Ecclesiæ, quæ temporibus Apostolorum fuit, vt LVTHERVS opinatus est; sed etiam illius, quæ Apostolos secuta est. Stat enim *1. Tim. 3. vers. 15.* D. Pauli sententia, Ecclesiam esse columnam & firmamentum veritatis.

## QVÆSTIO IV.

*Quorum sit legere, &c.**Scriptura  
à quibus  
legenda.*

Respondeo duplex esse genus hominum Christianorum, alterum quod præiudicatum errore occupatum, eo sua legendæ scripturæ studia refert, ut erroris, quò imbutum est, fulcimenta corradat, & non tam ex communi Ecclesiæ consensu, quàm suo pte iudicio per affectum corrupto sententiam sibi scripturæ confingat. Alterum verò quod mente sincera ac humili plus Ecclesiæ quàm proprio iudicio confidens, eò sedula lectione progreditur, ut signatam ante à patribus scripturæ sententiam firmiter insistat: atque hoc ipsum esse genus hominum dicimus, quod securè simul ac vtiliter sacram paginam potest euolvere. Primùm verò minimè, cùm sanam sibi conficere medicinam infani ministerio iudicii non minus queat, quàm si imperitum vulgus ex bene instructa Apotheca sorbitiunculam contra omnis generis morbos conficere præsumeret.

## QVÆSTIO V.

*De idiomate, &c.**Quo idio-  
mate scri-  
ptura le-  
genda.*

Qua lingua sacræ reddi debeant literæ ac per vulgari, si ex protestantium principio respondere quis velit, dicat necessum est, non alia

alia, quàm qua primum fuerunt conscripta. Quod enim verti debeât in aliam, nusquam præceptum legimus. Nihil autem faciendum à quoquam illi contendunt, quod scriptura sacra non præcipiatur. At vero secundum Catholicorum sententiam haud gravatè conceditur, ut eò, quo supra diximus modo, ab omnibus lingua patria legantur.

QVÆSTIO VI.

*De versionibus, &c.*

Scripturę versiones qualescunque nullus *Versiones*  
probauerit Catholicorum, nisi quas Eccle- *Scriptura*  
się authoritas comprobauerit, cuius est de- *Sarisa.*  
cernere, conueniatne patria versio cum au-  
thentica, an discrepet:

QVÆST. VII. VIII. IX.

*De interpretatione & intellectu, &c.*

Scripturam non omnibus intellectu faci-  
lem, doctorum studia & concertationes pa-  
tefaciunt, ideo quę obscura & ambigua sunt,  
si facta aliorum locorum collatione explica-  
ri possunt, rectę quidem: sin minus ad Eccle-  
siam summumque pastorem referentur. Il-  
lorum enim iudicio standum nascentis Ec-  
clesiæ praxis docuit.

Hæc sunt, quæ ad quæstiones nouem in

tanta temporis angustia & laborum distractione, qui per infirmitatem concionatoris nostri mihi impositi sunt, respondere licuit, quæq; aduersariis ista perquirentibus rectè responderi posse puto. Si quid præterea est, priuato studio facilè inuestigabis. Nostræ epistolæ modus plura ferre recusauit. Vale  
29. Iunii, Anno 1600.

---

EPISTOLA III.

DE SANCTITA-  
TE MORVM EC-  
CLESIAE.

ORNATISSIMO VIRO, D.  
*Gregorio Renato, &c.*

IVSTVS CALVINVS S.

**Q**UONIAM inter iudicia doctrinarum Ecclesiæ non postremum locum fructus obtinent: dicente Domino Matth. 7. *Caute vobis à Pseudoprophetis, qui veniunt ad vos in vestimentis ouium, sed intrinsecus sunt lupi rapaces: à fructibus eorum agnoscetis eos:* at verò fructus duabus radicibus innituntur alii doctrinæ ipsius sanæ aut corruptæ: alii liberæ hominum voluntatis, etiam præter doctrinæ genium sese efferentis & luxuri-



antis: sanè multo ex me iure quæris, Gregori dilectissime, vtri hic fructus intelligedi: & si hi vel illi, vtrum in veteri magis quàm noua Ecclesia reperiantur.

De primo quod attinet, sunt sane, qui longissime à scopo aberrâtes, fructus ipsam doctrinam interpretantur, quasi dominus eos doctores definiat veros, qui veram, falsos qui falsam doctrinam profiteantur: Quod sanè parum præsentī loco commodum est, cum nil nisi inanem circulum, & vt logici loquuntur *αἰτῆμα τὸ ἐξ ἀρχῆς* efficiat. Etenim ipsa prophetarum doctrina hic in quæstionem venit, & certo signo agnoscenda ponitur. Nihil autem sui ipsius index esse potest, sed alio & quidem manifestiori signo indiget: qualis puritas doctrinæ non est, sed fructus pœnitentiæ, & constans conspicuaq; virtutum omnium cultura: quæ in sensus hominum incurrit.

*Fructus  
non s̄ ipsa  
doctrina.*

Deinde, fructus per quos falsa doctrina à vera, ac falsi doctores à veris distingui debêt, similes sunt ficibus ac vuis, *ψ. 16.* At doctrina non habet rationem ficuum vel vuarū, sed stipitis potius ac radicis, vnde fructus enascuntur, cùm doctrina efficax sit per opera, non vicissim opera per doctrinam. Quomodo ergo fructus doctrina interpretandi erunt?

Postremò, Dominus ipse hos fructus de externis & visibilibus operibus interpretatur, *ψ. 21.* cum ait: *Non quisquis dicit mihi do-*

*Fructus  
sunt opera  
ex iis qua-  
si gēso do-  
ctrinae pro-  
minē suū: nra.*

*mine domine, intrabit in regnum cœlorum, sed qui facit voluntatem patris mei. Et v. 23. discite à me omnes qui operamini iniquitatem. Et v. 24. quisquis audiet sermones & eos præstat, hunc assimilabo viro sapienti. omnium verò apertissimè, v. 17. 18. vbi sic argumentatur. Quemadmodum se habent fructus ad arborem, sic opera se habent ad doctorem vel doctrinam, Atqui fructus mali, malam & acerbam arborem, fructus boni bonam & dulcem arborem arguunt, quapropter etiam bona opera bonum doctorem & doctrinam, mala opera falsum doctorem & impuram doctrinam arguunt.*

*Occupatio.  
Opera non  
quavis, sed  
doctrina  
affinia in-  
telligenda.  
Matth. 23.*

At inquis, opera illa externa communia sunt vtriusque, & veris & falsis Prophetis: unde etiam sæpe vestimentis ouium comparantur, quibus se lupitegunt: & Dominus nolens doctrinam discerni ex opere, cum sæpe mali bona doceant; *Quæ dicunt, inquit, Pharisei & Scribæ, facite, secundum opera verò eorum nolite facere. Rectè inquam. Ergo iam alterum quoque videamus, cuius radicis opera hic intelligenda sint. Aliqua enim voluntatum ipsarum corruptione fiunt, contra ipsius doctrinæ genium sese efferentium, & conscientiam manifesta vi cõtaminantium. Aliqua ipsius doctrinæ mollitie ita concipiuntur, fouentur & aluntur, vt secundum propheticum illud. Puluilli quasi consuantur sub omni cubito manus, & ceruicalia substernantur sub capite vniverse etatis ad capiendas animas.*

*Ezech. 13.  
Vers. 18.*

*animas.* De illis, vt certum est, hic dominum non loqui: ita de his sermonem esse, manifestatio euincit. Nam quæ doctrina ita afficit homines, vt calore pietatis indies magis magisque exardescant, & negata impietate totos se sanctimoniam mancipient, ea procul dubio sancta, pia & diuina est. Quæ verò homines ad languorem trahit, inque salute curanda facit remissiores, improbæ protinus notæ conuincitur, quemadmodum Dominus ipse arguit: *Arbor bona bonos fructus fert, mala malos, non potest arbor bona malos proferre fructus, nec mala bonos, &c.* *Matth. 7.*

Quod si iam secundo loco vetus doctrina ad nouam hac lance appendatur, facili indicio se vtriusque genius prodet. Enimvero Catholici cum fide pœnitentiam vrgent, cordis amaritudinem præcipiunt, ieiunia, preces, eleëmofynas, omniaque corpori dura ac laboriosa iniungunt. Quo fit vt teste Augustino, *Tam multi hospitales, tam multi officiosi, multi misericordes, multi docti, multi casti, multi sancti, multi vsque adeo Dei amore flagrant in Ecclesia reperiantur, vt eos in summa continentia atque mundi huius incredibili contemptu solitudo delectet.* *Catholica doctrina bonorum operum fecunda.* Nam (quod non minus hodiè quàm olim verum est) *quis nescit summæ continentie hominum Christianorum multitudinem per totum orbem indies magis magisque diffundi: quis nescit eos qui secretissimi penitus ab omni hominum conspectu, pane solo, qui eis per certa intervalla temporum as-* *August. de moribus Ecclesie Catholica lib. 1. cap. 30 & 31.*

*Eremita*

fertur, & aqua contenti desertissimas terras incolunt, perfruentes colloquio Dei, cui puris mentibus inhaerunt, & eius pulchritudinis contemplatione beatissimi, quæ nisi sanctorum intellectu percipi non potest. Quis inquam nescit hos, videntur enim nonnullis res humanas plusquam oporteret deseruisse, non intelligentibus, quantum nobis eorum animus in orationibus prosit, & vita ad exemplum, quorum corpora videre non sinimur. Tantum isti admonendi sunt, qui sese inaniter iactant, in tantum processisse temperantiæ & continentiam sanctissimorum Catholicae fidei Christianorum, ut restringenda nonnullis, & quasi ad humanos fines revocanda videatur. Vsq̃ quæ ad eò supra homines illorum animos evasisse, ab iis etiam quibus id displicet, iudicatur. Sed si hoc excedit nostram tolerantiam, quis non illos miretur & prædet, qui contemptis atq; desertis mundi huius illecebris, in communem vitam castissimam sanctissimamq; congregati, simul ætatem agunt, viventes in orationibus, in lectionibus, in disputationibus: nulla superbia tumidi, nulla pernicacia turbulenti, nulla invidentia lividi: sed modesti, verecundi, pacati, concordissimam vitam & intensissimam in Deum, gratissimū munus ipsi offerunt, à quo ista posse meruerunt. Hec est etiam vita fœminarum Deo solitè casteq; servientium, quæ habitaculis segregatæ ac remotæ à viris quàm longissimè decet, pia tantum illis charitate iunguntur, & imitatione virtutis: ad quas iuvenum nullus accessus est, neq; ipsorum quamvis gravissimorum

& pr.



et probatissimorum senum, nisi usque ad vestibulum necessaria præbendi quibus indigent gratia. Lanificio namque corpus exercent atque sustentant, vestesque ipsas fratribus tradunt, ab iis inuicem quod victui opus est resumentes. Hos mores, hanc vitam, hunc ordinem, hoc institutum, si laudare velim, neque dignè valeo, et vereor ne iudicare videar per seipsum tantummodo expositum placere non posse, si super narratoris simplicitatem cothurnum etiam laudatoris addendum putauero.

At verò Euangelici de operibus pœnitentiæ tam contemptim sentiunt, ut illa etiam ad salutem perniciosa olim censuerint. Lutherus tomo 7. V Vitteb. fol. 130. 131. bonum opus quantumuis factum benè, peccatum statuit mortale. Hinc in omnibus suis operibus, maximè tomo 6. V Vitteb. fol. 256. animos hominum tantoperè à bonis operibus ad libertatem, vel licentiam potius auocat. Quæ ex re tanta passim profanitas consecuta, ut LVTHERVUS ipse scribat, Postilla domestica Ienenfi anno 59. concione 2. Dominicæ primæ Aduentus: *Mundus indies ex hac doctrina peior fit. Homines vno antea, nunc 7. Diabolis obsidentur. Diabolus nunc plena cohorte homines inuadit, ut sub clara Euangelii luce multo sint, quàm antea sub Papatu, auariores, astutiores, fraudulentiores, crudeliores, libidinosiores, procaciores ac peiores.*

*Antirhetis  
doctrinæ ha-  
reris. que  
fran laxat  
cupidi-  
tibus.*

*Georgius  
Maior in  
libro hu-  
tituli.*

*Lutherus*

Alii etsi opera quidem laudant, fideique quo ad præsentiam adiungunt, quo ad effectum tamen gratiæ & remunerationis tollunt, & grauissimis etiam sceleribus vnicæ fiduciæ præsidio impunitatem spōdent. Quæ ex re quid aliud sequi potest, quam acerbi, & insipidi fructus impietatis? quemadmodum præclarissimè quondam Sadoletus Cardina-

Pagina 62.

lis exhortatione ad principes populosque Germaniæ scripsit, *Hac voce (sola in Deum fide homines effici iustos, ad iustitiam in nobis consuevenda bona opera nil referre) per populos promulgata, authoribusq; auditis: quis non intelligat, maximos motus animorum, id quod factum est, necessario fuisse concitandos? cum enim credere in Deum facile sit: difficile autem cupiditates suas temperare: nemo paulo mobilior atque imperitior esse potuit, qui non exiguo illo credendi negotio, liberam suis cupiditatibus inserviendi facultatem redimere sibi veller.*

Quapropter etsi interdum videas nonnullos de pietate gnauiter differentes, tamen similes putato Græcis illis, quos *Anacharsis* numismate tantum ad numerandum uti dicebat: vel similes philosophis, quos *Diogenes* pro bona valetudine sacrificantes in ipso sacro epulis ingurgitari querebatur.

Plutarchus  
in lib. de  
perfect. mo-  
rum.

Laër lib. 1.  
de vitis

Philosoph.

An cum fi-  
de, necessa-  
rio opera  
cohereant.

At inquis, fieri non potest, ut qui Christo per fidem insiti sunt, fructus non proferant gratitudinis, fidesque adeo ab operibus indiuisa manet. Hoc quam verum sit, docet Apostolus, 1. Cor. 13. *Si habuero omnem fidem, ita*

ut montes transferam, caritatem autem non habuero, nihil sum. Et Iacob. cap. 2. *Quid proderit fratres mei, si fidem quis dicat se habere, opera autem non habeat? nunquid poterit fides saluare illum?* Tandem August. de Trinit. cap. 18. *Fides sine charitate potest quidem esse, sed non & prodesse, & Tractat. 10. in Epistolam Ioannis. Iam credit aliquis in Christo, sed odit Christum, habet confessionem fidei in timore pœnæ, non in amore coronæ: adde huic fidei dilectionem, ut fiat fides, qualem Gal. 5. dicit Apostolus Paulus, fides quæ per dilectionem operatur.*

Deinde si necessario fidem sequuntur opera (addit idem Sadoletus) *quid attinuit ab ea iustitia, quæ per fidem imprimitur, opera bona seiungere? Cum ea ita complexa & cognata ipsa cum fide sint, ut simul cum ea adsint, & simul cum ea iustificent, tanquam ad rationem fidei substantiamque pertinentia. Quod enim stare per se sine altero non potest, habet illud certè quo sine non potest esse, ad naturam suam penitus adiunctum: Nec tamen difficile, debere quidem, atque in multis etiam fidem opera subsequi. Nam si Euangelium potens est ad salutem, potens quoque esse debet ad pietatem, sine qua salus nulli obtingere potest. Ideo Apostolus ad Galat. 5. talem in Christiano fidem desiderat, quæ per dilectionem sit efficax. Et Ephes. 4. negat eos Christum rectè percepisse, qui in vanitate mentis suæ ambulantes, cupiditatibus seculi*

*Vbi supra pag. 75.*  
*Occupatio.*


b s indul-

*De opere & indulgent.* Vnde D. Cyprianus. *Qui habet eleemosynas.* fidei veritatem ( inquit ) servat Dei timorem: qui autem Dei timorem servat, etiam caritatem & misericordiam erga pauperes servabit.

*Lib. 1. hist.* Et Eusebius Christianum definit, qui per *Eccl. cap. 5.* Christi cognitionem & doctrinam animi moderatione & iustitia, continentiaque vite ac pietatis confessione excellit. Atque hoc per DE I gratiam ita clarè & abundanter in Catholi-

*Aug. lib. 1. de moribus,* ca fit, vt meritò concludamus cum Augu-  
*cap. 34.* stino. Istis Manichæi (Euangelici) si potestis obsistite, istos intuemini, istos sine mendacio si audetis, & cum contumelia nominate, istorum ieiuniis vestra ieiunia, castitati castitatem, vestitum vestitui, epulas epulis, modestiam modestiæ, caritatem denique caritati, & quod res maximè postulat, præceptis præcepta conferte. Jam videbitis quid inter ostentationem & severitatem, inter viam rectam & errorem, inter fidem atque fallaciam, inter robur & tumorem, inter beatitudinem & miseriam, inter unitatem & consensionem, postremò quid inter superstitionis sirenas & portum religionis intersit. Vale, Calendis

Augusti 1600.



EPISTO-



## EPISTOLA IV.

BEATISSIMO  
AC SANCTISSIMO IN  
CHRISTO Patri ac Domino, D. CLE-  
MENTI VIII. Pontifici Maxi-  
mo, & c. Domino suo Cle-  
mentissimo.

*IUSTVS CALVINVS S.*

O Quàm multi sunt, Beatissime Pater,  
CLEMENTS VIII. Pontifex Opt.  
Max. qui hunc conatum meum extremæ  
impietatis & perfidię condemnabunt? Quàm  
multī, qui hæreseos & Apostasias mani-  
festæ? Postquam enim ego, DEI sic fe-  
rente imperscrutabili voluntate, in istis lo-  
cis natus atque educatus sum, quin & mul-  
tos annos vixi, & munera officiaque gessi;  
vbi hæretico grassante furore, pulsa veteris  
fidei soliditate, doctrina noua, atque à con-  
sensu totius orbis omnisque antiquitatis a-  
liena, sub specioso Euangelii nomine, cum  
multarum animarum æterna pernicie in  
vulgus spargitur ac disseminatur: Nuncau-  
tem collustratis diuinitus oculis meis, per-  
spectisque fœdissimis sectariorum errorib-  
us ac furoribus, ad Catholicæ Ecclesię gre-  
mium

mium iuvante Domino, nec non sanctissima Beatitudine tua approbante, transire toto pectore satago: mirum quot probra, quot conuitia, quam acerbis insectationes ac virulentas proscriptiones in me vndique iaculaturi sunt ii, quos sacrilega obstinatio, ac furor prauus extra salutare hosce Ecclesiæ carceres detinet. Ast ego, qui Christi militiæ ascriptus sum, caelesti fortitudine armatus, fideique constantia roboratus, nulla tela inimicorum pertimescere, multo minus leuissima ista hominum nec de sua, nec de aliena salute rectè sentientium, iudicia reformidare debeo. Nec fundamenta causæ meæ in arena collocata sunt, sed in firmissima Petra: Petra inquam illa, quæ est Christus, cuius gratia vocauit me è tenebris in admirabilem veritatis suæ lucem: cuius veritas & constantia

*Cypr. lib. 1.  
epist. 3.*

*Iren. lib. 3.  
cap 3.*

*Hieron epi.*

*ad Damas.*

Cathedram hic fixit in terris, ad quam perfidia non habet accessum: ad quam propter potentio-  
rem principalitatem necesse est omnem  
conuenire Ecclesiam: Extra quam qui agnum  
comedit, prophanus & sacrilegus est. Cathedram inquam Romanam, in qua olim Petrus sedit, & in qua nunc Clemens Octauus sedet, diuina prouidentia Pontifex optimus maximus, Ecclesiæ Christi munimentum, terror hæreticorum, lumen seductorum.

Ab hactam augusta sede, si me vel odiorum acerbitas, vel periculorum laruas, vel  
finister-

finisterrimorum iudiciorum ventos abster-  
rere patiar, non solum stultè verùm etiam  
impiè fecero. Quid enim? *An esse sibi cum* *Cypri. de U-*  
*nitate Ec-*  
*clesiæ.*  
*Christo videtur, qui aduersus sacerdotes Chri-*  
*stifacit? qui se à cleri eius & plebis societate*  
*secernit? Fidenter dicam, Quisquis ille est,*  
*& qualiscunque est, Christianus non est, qui* *Cypria. epi.*  
*52. ad An-*  
*ton.*  
*in Christi Ecclesia non est. Iaclet se licet, &*  
*Philosophiam vel eloquentiam suam superbis*  
*vocibus predicet, qui nec fraternam carita-*  
*tem, nec Ecclesiasticam unitatem tenuit, etiam*  
*quod prius fuerat, amisit.*

Sed fratres mei quos defero, audientes  
talìa, rident & stomachantur, meque con-  
uitiis omnibus incessunt. Infanis, inquiunt,  
neque adis Ecclesiam Dei, sed deferis. Quid  
ita inquam? Persuasum hoc vobis est, sed  
malè. Tenebar & ego quondam eodem er-  
rore, Romanam Ecclesiam maledictis lace-  
rans, communionemque Dei in sola Cal-  
uini parte remansisse credens: sed quis hoc  
euicerat? Calumniæ graues, & atrocia in do-  
mum Dei conuicia mentem meam peruer-  
so iudicio imbuerant. Itaque sequens illos,  
qui à corpore Christi præcisi properabant  
ad exitium: *Vae vae quibus gradibus descen-*  
*debam & ipse in profunda inferi. Ab aliena-*  
*bar à promissis Dei, & tetra morte inuolu-*  
*tus pulchrè me viuere existimabam. Sed tu*  
*DEVS longanimis & misericors oblitum tui,*  
*oblitus non es: tu securus mei curam gessisti,*  
*ac miseratus simplicitatem meam (neq; enim*  
desti-

*Aug. li. 3.*  
*Confess. c. 6*  
*August. 11.*  
*Confess. c. 2*

*August. 13.*  
*Confess. c. 1.*  
*¶ 22.*

destinata malitia peccabam) *præuenisti me*  
*antequam inuocarem te, & institisti crebre-*  
*scens multimodis vocibus, perrumpens surdi-*  
*tatem, & intonans voce forti in interiorem au-*  
*rem meam, vt cognoscerem super éminen-*  
*tem scientiam charitatis CHRISTI, & fir-*  
*mitudinem Ecclesiæ tuæ, quæ supra Petram*  
*fundata, vndique circumlatrantibus hære-*  
*ticis inconcussa staret. Tu demonstraisti*  
*mihi seruorum tuorum ministerio, quàm*  
*gravi crimine alligati furerent, qui rupta*  
*vnitate fidei, vtrò se apud temerarios conue-*  
*nas, sine diuina dispositione præficerent, qui*  
*se præpositos sine vlla ordinationis lege consti-*  
*tuerent: qui contemptis Episcopis, & DEI*  
*sacerdotibus derelictis, constituere auderent*  
*aliud altare, precem alienam illicitis vocibus*  
*facere, Dominicæ hostiæ veritatem per falsa*  
*sacrificia profanare. Hoc demonstraisti mi-*  
*hi DEVS meus, & gratias ago. Noui, con-*  
*fiteor tibi Domine, mecumque nouit & bene-*  
*dicat te, quisquis ingratus non est certæ ve-*  
*ritati.*

*Cypri. de V-*  
*nitate Ec-*  
*clesiæ.*

*August. 11.*  
*confess. c. 7.*

At vos fratres meos plus quam prodi-  
 gos salutis suæ obtestor, vt deposito pau-  
 lum typho deliberationem Christiani ho-  
 minis mecum suscipiatis, quàmque lon-  
 gè à DEO peregrinemini, vel limis saltem  
 oculis aspiciatis. Subducite mecum, an  
 vel vnum veræ Ecclesiæ signum apud vos  
 demonstrare possitis. Certè vnitate desti-  
 tuimini



tuimini, à consensu orbis Christiani præcisi, & in minutissimas sectas miserè dispersi. Sanctitate quanta præstetis publicè notum est. Catholicos nominare vos nec vultis nec potestis, tam angustis obscuræ alicuius regiunculæ limitibus circumscripti. *Tertull de*  
Iam si Apostolicos vos nominare libet, *prescript.*

*Ostendite ordinem Episcoporum vestrorum. Edite origines Ecclesiarum vestrarum, & in ordine illo Patrum, exorsi à S. Petro ad præsentem usque Clementem Octauum, quis cui* *Aug. epist. 165.*

*succefferit videte. Certè in eo ordine successio- nis nullus Donatista Episcopus inuenitur, nullus Lutheranus, nullus Calvinista. Quid ergo iam amplius aduersum hæc sæuitis? quid studio partium excæcamini? Venite potius ad Romanam Ecclesiam, ut inseramini in vi-* *Aug. in Es. contra patrem Donati.*

*te: dolor est cum nos videmus præcisos ita iacere. Numerate sacerdotes vel ab ipsa Petri sede, in ordine illo Patrum, quis cui succefferit videte: Ipsa est Petra, quam non vincunt superba inferorum porta. Idque ut mecum intelligatis, deponite ad tempus persuasionem sapientiæ vestræ. Audite doctos Catholica Ecclesiæ viros, tanta pace animi, & eo voto, quo vos ego audiui, nihil opus erit XX. annis, quibus me ludificastis. Longè omnino, longè breuiore tempore quid intersit inter veritatem vanitatemque cernetis.* *Aug. li. 1. de morib. Cathol. Eccles. cap. 18.*

Atque hæc fortasse paulò prolixius sanctissime Pater, commiseratione fratrum meorum:

rum: quibus consulto exponere volui, quibus ego remediis ad sanitatem adductus essem, ut quæ mihi medicina profuisset, eadem ipsi videntes conualescerent. Audiui enim ego, pro Augustini consilio, doctos Catholicę Ecclesię viros, sanctorum patrum monumenta sedulò euolui, modernorum Theologorum scripta, inprimis quę diuini viri Roberti Bellarmini (cui secundum Deum precipuas conuersionis meę partes ascribo) enucleatissimas disputationes studiosè legi: Ecclesię Gręcę consensum ex Patriarchę Constantinopolitani in Augustanam Confessionem censura sollicitè rimatus sum: coram etiam cum multis sacerdotibus sermones contuli: nihil quę adeò prætermisi, quod ad cognoscendas Catholicorum sententias facere videretur. Neque id iniuriã. Oportet enim, ut Cyprianus ait, *non tantum quid maligni atque apostatę dicant, audire, verum etiam quid modesti & graues viri sentiant faciantue, de vitę ipsorum ac disciplinę exploratione perpendere.* Hanc sollicitudinem meam si imitarentur isti, qui se magistros profitentes orbis terrarum sua plerophoria miserè decipiuntur, fortasse etiam pœnitentiam imitarentur, & mecum resiliant ab iis, qui sine vocatione ingressi, sine ratione mentiti, sine mente grassati super inferis miscuerunt, & neque vitę innocentia fratribus similes, nec fidei vnitati patribus concordēs esse voluerunt.

*Epist. 52. ad  
Anton.*

Sed ut eò iam, cuius gratia tota hæc scriptio instituta est, progrediar: vides Sanctissime Pater ex commemoratis, quis sit sensus meus & animus. Redeo ex fuga & dispersione longa: cupio reconciliari iis, qui Ecclesiæ possessores ac vitæ æternæ hæredes rectissime creduntur: Tanquam ovis perditus sto ad ostium ouilis Christi, & pulsans humiliter intromitti cupio. Hic cum nulli clauis aut spatiosi ouilis cura commissæ sit, præterquam tuæ Beatitudini soli: pro uolentibus ad pedes Sanctissimos tuos, cum multo gemitu & planctu, propter Christum supplico, ut ne spernas æstuantem hanc animam meam, nec à grege tuo repellas: quin potius apertis clementer foribus, ad Ecclesiæ sacrosanctæ communionem, & saluberrima Sacramentorum pabula admittas: Postmodum, quod reliquum est, exulem breui propter Christum relictis omnibus futurum Apostolica benedictione tua compleas, & sustentas. Quod à Beatissima Sanctitudine T. petere & sperare, non iussit impudens aliqua & proterua audacia: sed iussus & auctoritas eorum, qui suo merito Sanctitati T. à latere iuncti omniumque consiliorum conscii, hanc mihi promptissimam voluntatem tuam, in media Germania, non obscurè confirmarunt. Idque ubi eorum votis, & tua plusquam diuina ad Germanos iuuandos promptitudine impetrare licebit, mea in Deum pietas, & in Apostolicam

c

hanc

hanc sedem humilitas atque obedientia: in  
 tuenda verò Catholica vnitate firmitas &  
 constantia, ita semper constabit, vt nun-  
 quam vel nomine Catholico, vel Pontificis  
 Maximi beneficiis planè indignus fuisse vi-  
 dear. Nec dum viuam, sacrosanctam Dei ma-  
 iestatem ardentibus votis precari desinam,  
 vt T. Sanctitatem vniuersæ Ecclesiæ Chri-  
 stianæ quàm diutissimè incolumem seruare,  
 Tuumque istum Pontificatum quàm pluri-  
 morum Germanorum conuersione insi-  
 gnem facere dignetur. Vale, S. Pater. Ca-  
 lend. Decemb. Anno 1600.

---

EPISTOLA V.

**ILLVSTRISSIMO**  
**ET REVERENDISSIMO**  
 D. CAESARI BARONIO SORANO,  
 S.R.E. presbytero Cardinali, Tit. SS.  
 Nerei & Achillei, sanctæ Apostoli-  
 cæ sedis Bibliothecario, &c. Do-  
 mino suo Clementis-  
 simo.

IVSTVS CALVINVS S.

**I**Nter Romanæ Ecclesiæ præsules, interque  
 veræ ac solidæ iustitiæ præcones, qui ad-  
 uentanti nunc Antichristo diuina ingenii sui  
 acie



acie neruos incidunt, profugisq; ab Ecclesia  
tuba sonanti receptui canunt, te præcipuum  
esse, CÆSAR BARONI, Cardinalis Illustris-  
sime, & fama dictitat, & præclarissima anna-  
lium tuorum monumenta contestantur. Quo-  
circa aliquoties me has scribere ingressum,  
detruxit partim grauissimorum negotio-  
rum tuorum recordatio: partim iusta debi-  
taque Illustrissimi nominis tui reuerentia.  
Sed hæsitantem confirmauit iterum specta-  
tissima ordinis vestri humanitas, & in pri-  
mis benignissima mei ad scribendum inui-  
tatio: qui cum consultissimi viri, Iosephi à  
VVinden, Germaniæ Referendarii sermoni-  
bus, nec non Reuerendi patris Andreæ Ver-  
madii literis de mea ad Catholicam fidem  
conuersione certior factus esses, summo-  
que idem Pontifici retulisses: mirificè vter-  
que pro vestra pietate cum beatis DEI spiri-  
tibus huius animulæ inuentione vos osten-  
distis recreatos. Atque ego si affectus istius  
vestri erga me magnitudinem ullis verbo-  
rum præconiis satis celebrare, vel digna gra-  
tiarum actione prosequi me posse sperem,  
valde oblitus sim & virum mearum, & lon-  
gè maximæ dignitatis Apostolicæ. Verum vt  
tam benignis celebribusque benefactoribus  
maiorum erga me meritorum occasionem  
præbeam, paucula de rebus meis, & diu-  
turnis præsertim erroribus commemoran-  
da puto. Qua in re illud primo loco con-  
stituto, nulla me voluntate tam diu ex-

Apocal. 9.

tra Christi castra profugum, aduersus sacerdotes DEI maledicum, ab officina salutis alienum fuisse, sed patriæ partim corruptione infectum, partim peruersa præceptorum informatione inductum. Postquam enim, persolutis iam quatuor Apocalypseos tubarum pœnis, quinta tuba sonante, hæc misera Germania nostra, per illam funestam stellam cœlo delapsam, inexpiabili crimine inuoluta, & fumo tartareo, locustisque pestilentibus, in tantam fidei vitæque profanitatem adducta est. Ego quoque huius Ægypti incola, communibus, proh dolor, tenebris inuolutus, & ab regia salutis via cum aliis abstractus sum. Ac ne multus sim, videntibus publicè erroribus, illud mihi accidit, quod Marcus Cicero in Academia de stultis Philosophis commemorat. *Ceteri inquit, primum ante tenentur astricti, quam quid esset optimum, iudicare potuerunt: deinde infirmissimo tempore ætatis, aut obsecuti amico cuidam, aut vna alicuius, quem premium audierunt, oratione capti, de rebus incognitis iudicant, & ad quamcunque summi disciplinam quasi tempestate delati, ad eam tanquam ad saxum adherescunt.* Viua profecto, viua deceptionis mei imago. Parentibus enim (quod misericors DEVS in melius vertat.) haud Catholicis natus, præceptoribus haud Catholicis vsus, patriæ haud Catholicæ consuetudine imbutus, ad fidem quoque haud Catholicam me pertrahi

trahi passus sum. Eam inquam fidem, si fides dicenda est, quæ à consensu orbis Christiani aliena, Donatisticam quandam puritatem iactitat, & Catholicum nomen detestata, fidam Christi sponsam, Romanam Ecclesiam, miris verborum ludibriis subsannat, & ferro furenter persequitur. Sed quia benignus Deus simplicitatem meam & interitum miserabatur, subinde optima iam annis aliquot continuis suppeditauit remedia, quibus ad erroris & periculi sensum sanæque mentis possessionem adduci possem. Ac primum, quia me fascinatum videbat, gloriosæ Euangelicæ professionis titulo; sæpiusculè in mentem reuocauit, laceram scissamque huius synagogæ faciem, quæ nullo vnitatis vinculo copulata, in multas minutissimas partes secta, capitali inter se odio dissideret, & tanquam Babylon suis frustrata ausis, in dies suppullulantibus nouis fœtibus emarcesceret, atque extingueretur.

Deinde, ut (quod penè puer animaduerteam) fraudes & mendacia hæreticorum, in detorquendis ac sugillandis Catholicorum sententiis, manifestius aperiret, lectionem ipsorum Catholicorum authorum suasit: primumque in manus dedit sanctorum aliquot Patrum commentaria, Augustini in primis & Cypriani: qui tanquam duo fulmina belli, facile prostrauerunt preteraque nouatorum mendacia, quantaque

fide illi in tractanda antiquitate versarentur, demonstrarunt. Sed ut ad rem proprius accederem, atque ipsam quasi arcem causæ inuaderem, ad ipsos quoque recentiores Theologos consulendum incitavit. Quos ubi inspexi, tanquam Bethsaidanus ille gradatim sanatus, *primum a longe videre mihi visus sum homines tanquam arbores incedentes*, deinde continuata lectione & repetita quasi impositione manus dominicæ plenariam sanitatem recuperaui, ac dilucidè veritatem perspexi. Enimverò parentum liberorumque amor, præceptorum admiratio &c. ægrè melioribus locum dedit. Sed quia potiozem Dei quam hominum rationem habendam noueram, & apertissima veritas urgebat, coactus sum illi manus dare, nec amplius reluctari potui. *Ut enim lancem in libra ponderibus impositis deprimi, sic animum perspicuis cedere necesse est.* Et quum inconstantia fama insidiaretur, succurrebat Cyprianus, *Non inquit, quia semel erratum est, ideo semper errandum est, cum magis sapientibus & DEVM timentibus congruat, patefaciæ & perspectæ veritati libenter atque incunctanter obsequi, quam pertinaciter atque obstinatè contra fratres & sacerdotes pro hæreticis reluctari.*

*Aktor. 4.*

*Cicero in  
Academia.*

*Epistola 73.  
ad Iulianum.*

Sic itaque diuina ope sanatus, fide & intellectu interioris hominis, dudum rationes omnes quæsiui, euadendi hanc lernam, & publicè profitendi fidem meam.

*Sed*



Sed quia Dominus ipse monebat, *ne turrim*  
*adificaturus, aut hostem casurus, temere ad*  
*opus prosilirem, sed sumptibus prius subdu-*  
*ctis viderem, par ne operi perficiendo esse pos-*  
*sem, ne spe deiectus, risum ludibriūque*  
mouerem vicinis: Ego iusta me ratione  
moueri credebam, vt lentè agerem, & va-  
da prius tentarem, littoraque explora-  
rem, quàm me periculoso cum meis mari  
committerem.

Cumque hoc sollicitè mecum iam mul-  
tos menses faceret, Reuerendus & Doctis-  
simus Pater, ANDREAS VERMADIVS,  
rerum mearum & salutis studiosissimus:  
Ecce Θεὸς διὰ τὴν μὴχανὴς, nobis de ouicu-  
lis aliquibus conciliandis sollicitis, tua in-  
primis opera, Cardinalis Illustrissime, ip-  
sum Pastorem summum conciliauit, eius-  
que voce humanissima quæque pollicitus  
est. Quam tam optatam consilii perficiendi  
occasionem, vt ego è manibus dimitterem,  
nihil erat. Quin potius pro Illustrissimæ  
Celsitudinis tuæ hortatu humiles quas-  
dam, & fortasse non satis pro dignitate com-  
positas literulas ad sedem Apostolicam di-  
rexī: certa spe fretus, fore vt explicatis Pon-  
tifici Maximo longorum errorum meorum  
deceptionibus, & periculorū, in quibus ad-  
huc verſor, angustis, coadiuuante diuina mi-  
ſericordia, & ingenita Pontificis Maximi bo-  
nitate, hoc præsertim anno Iubileo & veniā  
delictorū, & Catholicæ vnitatis vinculum.

Apostolicæque liberalitatis fructum essem impetraturus. Quod votum meum, vt & Illustrissima Celsitudo tua, à qua originem ducit, suo voto comprobare, sanctissimoque Domino nostro quàm efficacissimè insinuarè velit, per sanctam Domini crucem, & viuifica ipsius vulnera ardentissimè precor. Ego quàmprimum Apostolicæ voluntatis nutum vel minima significatione percepero, me illi absque vlla cunctatione morigerum præstabo: & quidquid porrò ad Catholici nominis dignitatem, ad humillimam pro acceptis beneficiis gratitudinem, ad commissam denique quamcunque Spartam nostram pertinebit, tanta *οὐν θεῶν*, fide, curabo, vt nulla in parte meo muneri defuisse videar.

DOMINVS IESVS sanctissimum Dominum nostrum, nec non Illustrissimam Celsitudinem tuam, ad maximum Ecclesiæ suæ emolumentum, meam & plurimorum conuersorum salutem, quàm diutissimè seruet incolumem. Vale 3. Decembris. Anno 1600.

•§(o)§•

EPISTO-

## EPISTOLA VI.

ILLVSTRISSIMO

ET REVERENDISSIMO,

D. ROBERTO BELLARMINO. S.R.E.

Presbytero, Cardinali, &amp;c. Do-

mino suo Clementis-

simo,

*IUSTUS CALVINUS S.*

**T**V verò ille es, Roberte Bellarmine, Cardinalis Illustrissime, quem colit & veneratur anima mea, quem diligit & exoptat cor meum. Tu es, qui animam hanc vindicasti à morte, & plusquam Cimmeriis tenebris obrutam, diuinæ virtutis fulgore, secundum DEVM, collustringisti. Tibi vota faciam, tuumq; immortale nomen perpetuis laudibus celebrabo. Ecquid hoc est, inquis? quem insperatum Pæana audio? quis peregrino celestium acclamat? Ego ego sum, Roberte Bellarmine, dulce solatium meum, amica quies mea. Ego sum, magnus debitor tuus. Si gratiam inueni in oculis tuis, præbe aures tuas, percipe magnalia DEI, audi excellentissimos fructus laborum tuorum. Ecce sedebas quondam, & medicinam parabas ægris, quos vel tartareæ locustæ à Iohanne præsignificatæ, falsorum dogmatum aculeis læserant, vel hydrops falsæ sapientiæ inflarat, vel leuis super-

bię astra ex area Ecclesię proiecerat. His medicinam disputationibus tuis parabas, atque in vulgus prolata cunctis propinabas. Sed vide ingratos homines. Alios vis morbi obstupefecerat, alios desperatio acquirendę sanitatis abalienauerat, alios furor ad proculcandũ pharmacũ incitauerat. Mihi quid accidit, ægrorum infirmissimo? Propinatur eadem librorum tuorum medicina. Rideo, vt assuetus eram, & tamen periculi faciendi causa admitto eam, lectioneque imbibo. Hic, quod ægris quibusdam accidere solet, pharmacum primò commouet animum, ac resultum quærit. Postmodum aliquandiu retentum, occulta virtute interius cum morbo conflictu habito, sudorem toto corpore excitat. Quod vbi sensi, tum demum grauissima me lue infectũ, totaq; cura ad frequentandum antidotum opus esse animaduerti. Eoq; facto maiores indies vires colligere, & tandem, benedicente Domino, integram sanitatem recuperare cœpi, vt nunc quidem nihil amplius in votis habeam, quàm primo quoq; die abiectis pristinis errorum exuviis valetudinarium hæreticorum relinquere, & in arce Ecclesię Dei cum Catholicis sincero corde ac fide ambulare. En operum tuorum saluberrimam in me medicinam Bellarmine! En quanto me malo eripueris: quantoq; bono bearis! Laborabam periculosè, tu sanasti: moriebar lachrymosè, tu viuificasti, sepultus eram calamitosè, tu è pulueribus in-



ferni excitasti, inquē regia DEI collocasti. Onunquam commemoranda satis beneficia tua? Pro iis quid ego reponam? superat ista magnitudo omnes thesauros mundi. Nihil igitur repono, mihi quod priscis diuorum donariis inscribi solebat, *Aliud quidem non habeo.* Sed & Dominus miserationum in hac iam vita constituens te inter principes populi sui, atq; inter columnas Ecclesiæ suæ hanc tuam fidelitatem insigni laurea coronauit, & in altera longè maiori & diuiniore coronabit, rependens illud Prophetæ Danielis: *qui docti fuerint fulgebunt quasi splendor firmamenti, & qui ad iustitiam erudiunt multos, quasi stellæ in perpetuas æternitates.* O magnificum Mineruale, Bellarmino meo debitum! Qui vt misericordiæ quoq; præmium consequatur, exilio meo consolando sustentandoque, liberaliter efficere potest, Quod vt facias Cardinalis amplissime, vir æterna memoria prosequende, submisit obnixèq; oro: dumq; facis, ego tibi ac similibus tui, Baronio inprimis, canticum illud ingeminare non cessabo, quod sanctus Augustinus 13. Confessionum Capite nono de vobis quasi vaticinans protulit. *Currite ignes sancti, ignes decori, vos enim estis lumen mundi, nec estis sub modio. Exaltatus est cui adhesistis, & exaltauit vos, discurrite & innotescite omnibus gentibus.* 4. Decembr.

Anno 1600.

## EPISTOLA VII.

CLARISSIMO AC  
CONSULTISSIMO VIRO,  
D. Iosepho à VVinden, I. V. Doctori,  
ac Germaniæ in curia Romana  
Referendario, &c,

*IVSTVS CALVINVS S.*

**O**Vtinam Romæ vobis vel vnum diem coram adesse liceret, clarissime ac consultissime vir, totam mearum rerum seriem, à primo vobis ouo commemorarem, exponeremq; quibus adhuc angustiis, probante Domino, meam in recens cognita veritate constantiam, circumseptus sim. Quin & vobis pro vestra illa insigni ad me iuuandum promptitudine, gratias quantas possum maximas agerem, rogaremque, vt quam à longè ostendistis erga me hospitem beneuolentiam, deinceps ad pacem anhelanti, atq; ægrè ex hisce voraginibus emergenti, præstare non desistatis. Sed quia loci distantia, ac præsens rerum mearum status, id nullo modo sinunt, literarum ministerio vtendum; vobisq; rerum mearum statum, quantum molestissimæ occupationes sinerent, exponendum duxi. Facile autem reputare potes pro  
tua

tua prudentia, in quanto hîc discrimine ver-  
 ser, si conuersio mea publicè pateſcat. Et ta-  
 men nonnullis aliquid ſuboluit: qui magna  
 anxietate euentum rei expectant, perſuaſi  
 fore, vt temporis diuturnitate iſte meus ar-  
 dor refrigeſcat. Sed qui didici ex ore Salua- *Luc. 9*  
 toris, *non ſatis eſſe manum aratro admonere,*  
*ſed conſtantiam requiri, illoſque demum Beg-*  
*Geïoy conſecuturos, qui ad ſinem uſque perſene-* *Matth. 24*  
*rarint: nunquam iuuante Deo, committam,*  
 vt vlla me pericula, vel blanditiæ de gradu  
 conſtantia deiiciant. Nec non ſæpe lauda-  
 bo auream illam Cypriani ſententiam, *Gra-* *Epistola 52.*  
*ues viros, & ſemel ſuper petram ſolida ſtabilita-* *ad Anton.*  
*te fundatos, non dico aura leni, ſed nec vento*  
*aut turbine commoueri, ne animus dubius &*  
*incertus, variis opinionibus velut quibusdam*  
*ventorum incurſantium flatibus frequenter a-*  
*gitetur, & à propoſito ſuo, cum quadam leuitatis*  
*reprehenſione mutetur.*

Quanquam igitur minimè præcipitan-  
 dam arbitror, meam ex hiſce terris migratio-  
 nem: tamen quia ouiculam diu inter lupos  
 verſari, periculofum eſt, neceſſariò mihi ali-  
 qua ſecuritatis ratio ineūda erit, vt DEO ho-  
 minibusque fides mea conſtet, & familiam  
 meam ex hoc incendio eripere poſſim. In-  
 dies enim mihi audire videor id, quod He-  
 ctor Æneæ;

*Virgilius 2.*  
*Aeneidos.*

*Eia age nate Dea, teque his ait, eripe flammis,*  
*Hoſtiſ habet muros, ruit alto à culmine*  
*Troia.*

De fortunis meis non tam sollicitus sum  
quàm de vxore, ternaquē prole, tenella ad-  
huc, & in primis annis constituta. Vicissim  
consolatur sanctissimi nostri Benignitas &  
spectatissima liberalitas: quem pro vestro  
tuasū peculiaribus literis certius adhuc con-  
ciliare mihi volui, modo rectum cursum te-  
nuerim. Istas literas, vt & alteras ad Illustris-  
simos Cardinales BARONIUM & BELLAR-  
MINUM, vt tua amplitudo rectè curare velit,  
obnixè per CHRISTVM oro. De BARONIO  
quid velim, vobis notum est. BELLARMINUM  
salutare, prope diuina eius erga me merita  
iusserunt. Iste enim est, cuius ductu auspi-  
ciisque primum ad Catholicam ingressum  
feci: iste me erudiit, collustrauit secundum  
DEVM, fouit ac confirmauit in sanctissima  
DEI veritate: idque eruditissimis disputatio-  
nibus suis: de quibus si quis alius, certè iudi-  
ciosissimus BARONIUS veram tulit senten-  
tiam libro primo *Annalium* pagina 468. vbi  
sic scribit: *Disputationes Roberti Bellarmini,*  
*sunt instar turris illius, quam David edificauit*  
*cum propugnaculis, ex qua mille pendent cly-*  
*pei, & omnis armatura fortium.* Sed video ex-  
crescere epistolam. Finis sit, scribendi qui-  
dem, non autem amicitia, qaàm, vt veræ re-  
ligionis glutine coniunctam in multos an-  
nos protrahere possimus, DOMINVM  
IESVM precor. Vale 4. Decemb:

Anno 1600.

Baronij in-  
decium de  
Bellar. disp.



## EPISTOLA VIII.

## Clemens Pap. VIII.

*DILECTO FILIO,*

IVSTO CALVINO.

**D**ilecte fili, Salutem & Apostolicam Benedictionem. Perlectis literis tuis, quas ad nos dedisti, de tua ad fidem Catholicam conuersione, commota sunt viscera nostra, super filio nostro è regione longinqua, vbi fames ac tenebræ, & vmbra mortis ad domū paternam redeunte, hoc est, ad vnā sanctam Catholicam & Apostolicam Ecclesiam, quæ est domus DEI viuentis, columna & firmitas veritatis, & quamuis corpore longè à nobis absis, tamen in vnitatis fidei, & in vinculo caritatis, & in spiritu Christi, qui in semetipso etiam disiunctissima iungit atque conglutinat, te vt præsentem intuebamur, & cecidimus super collum tuum, teq; non iam vt alienum, sed vt filium, non vt membrum Diaboli, sed vt membrū Christi & nostrum paterno affectu complexi sumus, gaudio spiritali exultantes in Domino, quia filius noster, filius Ecclesiæ, qui perierat, inuentus est, & qui mortuus erat, reuixit. Benedict⁹ Deus & Pater Domini nostri Iesu Christi, q̄ ostendit in te abundantes diuitias gratiæ & misericordiæ suæ, qui te densissimis errorum atque hæresum tenebris obcæcatum, & planè  
mor-

mortuum, secundum interiorem hominem, excitauit, illuminauit, & conuiuificauit in CHRISTO, & dedit tibi spiritum sapientiæ, & reuelationis, in agnitione eius, vt cognosceres, & intelligeres, quia vnus est DEVS, vna fides, vna Ecclesia, non in vnius prouinciæ angulum coniecta, sed toto terrarum orbe diffusa, non in penetralibus, & locis tenebri-  
cosis abdita, sed vt ciuitas Dei supra montem posita, non heri aut nudius tertius excogitata, à paucis hominibus cupidis, elatis, superbis, qui deferentes antiquitatem, vniuersitatem, consensum, & abnegantes veritatem à Christo traditam, ab Apostolis promulgatam, à fortissimis Martyribus sanguine confirmatam, à sacrosanctis œcumenicis Conciliis declaratam, à sanctis Patribus per tot seculorum ætates vnanimi, atque admirabili sensu & consensu prædicatam, seipso solos horribili superbia & intollerabili audacia omnibus præferentes, conuerterunt se à fidei veritate ad fabulas, & adorauerunt idola manuum suarum, nimirum hæreses & impietates suas, quibus dementarunt multos, & quod sine magno dolore commemorari non potest, animas pretioso CHRISTI sanguine redemptas, secum abduxerunt in damnationem atq; interitum sempiternum. Iterum igitur & sæpius benedictus Deus, & pater misericordiarum, qui ex tenebris illis eduxit te in admirabile lumen suum, & benedictus tu, fili, qui diuinæ vocationi & Spiritui

ritui sancto non restitisse, sed aperuisti cor tuum pulsanti Deo, teque preuenienti in benedictionibus dulcedinis, quæsiuisti & inuenisti sapientiam, veritatem, vitam, tene eam, nec dimittas, & quod Deo auctore fortiter inchoasti, eodem adiutore constanter perfice: misisti manum ad aratrum, ne respicias retrò, licet te ciues, & necessarii tui, vt scribis irrideant, detestentur, proscribant, ne te vlllo humano affectu aut timore, aut terrenis, & carnalibus rationibus à tuo sancto proposito retardari, nedum dimoueri patiaris. vitæ auctor clamat ad te, qui amat patrem aut matrem plus quàm me, non est me dignus. Etiam si parentes, patria, cognati, amici deserent, & derelinquent te, Dominus & pater omnium assumet te, & nos, qui illius vicem in terris, immeriti licet, gerimus, assumemus. Vtinam illi exemplum tuum imitentur, sed si magis tenebras diligunt, quàm lucem, illi miseri in peccato suo morientur. tu fuge de medio Babylonis, & salua animam tuam, pro qua nulla commutatio dari potest. Ne ergò timeas, te enim tamquàm ouem perditam, vt scribis, ad ouile Christi pulsantem, non solum non repellamus, sed vltro accersimus, & iam nunc inuitamus, & apertis brachiis expectamus, vt complectamur, & perfectè introducamus intra gremium sanctæ matris Ecclesiæ, quæ te parturit, donec Christus formetur in te. Veni ad nos, veni ad urbem Romam, veni ad

Ecclesiam matrem, & magistram omnium Ecclesiarum, à quatuor Ecclesiæ Catholice unitas dimanat, vbi domicilium religionis, vbi fidei Petra, & Apostolica illa successio à beatissimis Apostolis Petro & Paulo, vsque ad humilitatem nostram, quæ omnes hæreses conuincit, & prosternit: nos studiis tuis suffragabimur, eaque, vt expetis, sustentabimus, vt multis prodesse possis, neque patiemur, vt quæ ad vitam, & victum necessaria sunt desideres, ea enim tibi sumministrari iubebimus, tuisque commodis benignè consulemus, omni denique amoris significatione, te in Domino prosequemur. Cuius nostræ in te voluntatis, has nostras litteras testes, & veluti pignus esse volumus. Deus autem omnis gratiæ, qui opus suum in te incœpit, ipse absoluat & perficiat, in laudem & gloriam nominis sui, vsque in diem Christi, Amen. Datum Romæ, apud Sanctum Petrum, sub annulo Piscatoris, die XVII. Ianuarii M.D C I. Pontificatus nostri Anno Nono.

*Siluius Antonianus Card.*





## EPISTOLA IX.

CINTHIVS ALDO-  
BRANDINVS, S. R. E. CARDI-  
nalis; &c.

IUSTO CALVINO, S.

**O**Rnatissime vir ac Domine; quas literas  
ad S. D. N. superiori mense Decemb. de-  
derat D. V. eas ego quoque perlegi, & qui-  
dem cum incredibili quadam animi mei  
voluptate. Erant enim huiusmodi, vt facile  
appareret, non potuisse tam præclara per-  
scribi, nisi ab eo, cuius mentem manumque  
diuinus afflatus iam regeret, penitusque oc-  
cuparet. Tantam felicitatem D. V. ex animo  
gratulor; Deum opt. maxim. præcatus, vt  
gloriosam hanc victoriam, quam de se ipsa  
iam retulit D. V. non sibi solum, sed & aliis  
quam plurimis velit esse salutarem. Quod  
quidem omnino fore confidimus, præsertim  
si, quod pollicetur, in eam curam sedulo de-  
inceps incubuerit, vt rectam veritatis viam  
aberrantibus pio officio demonstret. De pa-  
terna S. S. erga eam caritate, nihil attinet me  
plura scribere, quandoquidē eam cumulatē  
exprimit breue Apostolicum quod mitto. De  
me priuatim omnia sibi polliceatur velim,  
quæ ab homine sui amantissimo proficisci  
possunt. Valeat feliciter D. V. & quæ iā eru-  
ditionis laude (vt video) floret, ad solidā ex  
vera pietate gloriam, qua nihil illustrius, to-  
tis viribus, quod facit, contendat. Rômæ die  
20. Ianuarii 1601. d 2 EPI.

## EPISTOLA X.

CÆSAR BARO-  
NIVS SORANVS, S.R.E.  
Cardinalis, &c.

IVSTO CALVINO; S.

**A** Mantissime frater, vt perlegi literas tuas, Deo optimo maximo, *cuius sunt miserationes* (vt cecinit Dauid) *super omnia opera eius*, plurimas gratias egi, quod è tenebris te vocauerit in admirabile lumen suum. Hoc beneficio nullum maius, gratia nulla potentior vel vtilior, ob idque custodienda cautius, & sollicitius conseruanda, aliudque non tam generoso victori carmen sit triumphale canendum, quàm idem ipse monendus verbis Apostoli: *Videte quomodo cautè ambuletis, non quasi insipientes, sed vt sapientes, redimentes tempus, quoniam dies mali sunt*, & cohortandus verbis Dominicis: *Ambulate dum lucem habetis, vt non vos tenebræ comprehendant: & dum lucem habetis, credite in lucem, vt filii lucis sitis*. Victus semel Diabolus, maiori impetu solet assurgere, & validioribus virib<sup>9</sup> victorem appetere, pro vt nos exemplo illo docuit Dominus, de spiritu nequam, qui cum exit à homine, non quiescit, sed auxilares copias colligit,

assu-

assumens septem alios spiritus nequiores se, vt quam dereliquit ad tempus munitionem inuadat, aut dolis expugnet. *Circuit namque ille (monet Petrus) tanquam leo rugiens, quærens quem deuoret, cui resistite fortes in fide.*

Quærit fugituum suum, militantem iam in castris Ecclesiæ, repetit transfugam suum, ne prodat artes suas & consilia sua faciat manifesta, valdè timens, ne rursus Saulus in Ecclesiæ Catholicæ conflatorio igne diuini spiritus conflatur in Paulum, & fulmen prodeat veritatis, telum mendacii, quo ipse ad debellandas gentes est vsus. Tu verò strenue Christi miles, caue ne semel sumptum scutum fidei, abiicias indecorè; magis autem teipso potentior indies euadens, teipsum supera, te ipsum æmulans, vt erubescas nō longè maiora præstare sub Christo duce miles adscriptus, quàm sub principe tenebrarum opera exhibueris tenebrarum.

Ista ego ad te commilito tuus, cupidissimus gloriæ tuæ, absens corpore clamo, præsens spiritu auribus ingero. Spectaculum iam factus Deo, angelis, & hominibus, inter duos tuos Agonothetas, Cyprianum & Augustinum, incertaminis campum ingressus, fauente Deo, ministrantibus Angelis, coadiuantibus fratribus, sanctis monentibus & opem ferentibus, nihil est tibi timendum, sed gaudendum; magis verò exultandum, si pro fide Catholica, ipsa veritate tuenda, aliquid pati dignus inuentus fueris. Reddidi

literas tuas summò Pontifici, audit libenter iamdiu perditæ balatus ouis, quam & iudicauit dignam, vocem audire pastoris, Apostolicis te literis alloquens, quibus velut ex-tentis brachiis te complectitur, & quot cha-racteribus, tot petit osculis, imponens super humeros suos, &c. quem semper verè Pasto-rem & patrem experieris. Vale, Romæ 20. Ianuar. Anno Domini 1601.

---

EPISTOLA XI.

ROBERTVS BELLARMI-  
NVS POLITIANVS, S. R. E. CAR-  
dinalis, &c.

IVSTO CALVINO, S.

**C**Larissime Domine, quod gratia spiritus sancti cor tuum potèti sua virtute ad ve-ram lucem aspiciendam & amandam con-uerterit, & lætor ex animo, & gratias ipsi Pa-tri luminum, quantas possum, ago. Quod ve-rò ad hoc efficiendum scriptis meis proui-dentia diuina vti voluerit, exulto, mihi cre-de, pro fructu, sed inani non efferor gloria. sa-tis enim imperfectum meū noui: neq; igno-ro, *virtutem Dei*, vt Apostolus ait, *in infirmi-tate perfici*, id est, tantò illustrius Dei poten-tiam enitescere, quantò per instrumenta in-firmiora operatur. Magnum Dei donum est agnitio veræ Ecclesiæ, in qua sola reconcili-antur homines Deo, & spem solidam conci-piunt adipiscendæ salutis æternæ, hæc vide-  
licet



licet est illa preciosissima margarita, quam qui inuenit, venditis omnibus cōparare studet. Neq; metuendum est, ne si propter fidem patrimonium amittamus, fame nobis & frigore pereundum sit, cū Dominus dicat *Querite primum regnū Dei, & iustitiā eius, & hæc omnia adicientur vobis.* Sed etiam si rapinam bonorum nostrorum, vt Apostoli verbis vtar, sine spe talia rursus acquirendi pati nos oporteret, non ideò minore ardore animi in veræ fidei professionem & prædicationem incumbere deberemus. *non enim sunt condignæ passionēs huius temporis ad futuram gloriam, quæ reuelabitur in nobis.* Pontifex Maximus optimam voluntatem erga te gerit, & breui dabit operam, vt res necessarię tibi & tuis ad vitam honestè transigendam non desint. Sed si fortè diutius res differretur, quàm par esset, ob distantiam regionum, & plurima negotia, quibus optimus Pontifex quotidie pene obruitur, velim ad mentem reuoces, quod Moses populo in angustiis posito dicebat, tentat vos Dominus Deus vester, vt sciāt an diligatis eum. Ego pro mea virili non deero, tum precibus apud Deum, vt opus bonum, quod in te cœpit, ipse perficiat, tum apud homines, vt temporalia subministrent iis, quos à patre cœlesti ad regnum æternum vocari vident. Vale clarissime vir, confortare in Domino, viriliter age, omnem sollicitudinem tuam in Deum proiicito, quoniā ipsi est cura de nobis. Romæ die 18. Ian. Anno 1601.

EPISTOLA XII.  
 SANCTISSIMO AC BEATISSIMO Patri,  
 ET DN. CLEMENTI VIII.  
 Pontifici Maximo,

*IVSTVS CALVINVS sempiternam felicitatem.*

**B**EATA verò tempora nostra, sanctissime Pater, quæ te tantum Ecclesiæ præfulgentem genuere! Beatum me, qui talem, secundum CHRISTVM, animæ meæ Pastorem inueni: tam vigilem, ut balatus redeuntis ex eremo ouiculæ non obaudiat: tam fidum, ut pulsantem ad fores Ecclesiæ non repellat, tam humilem, ut voce etiam & alloquio dignetur. O quis illud sacrum Apostolicum tuum satis digno encomio prædicabit? præsens ætas mirabitur affectus humanitatem: posteritas prædicabit veritatis sinceritatem: secula omnia obstupescant religionis sanctimoniam. Ita enim clementer reducem excipis, PATER, ita sincere tyronem imbuis: ita religiosè tractas & inuitas exulem, ut & miris modis incomparabilem nominis tui famam augeas, & hæreticos omnes pudore ignominiaque suffundas.

Crepant

Crepan't multa degeneres filii, de matris desertæ inhumanitate, exagitant spiritum eius celsum: Dominici gregis pastores, summos pariter & imos, quibus possunt virulentissimis conuitiis proscindunt, & fœdissimis fictorum criminū maculis conspurcant. Sed qui tales sunt, adsint huc, aperiant oculos, pandant aures, capiant fidelissimæ matris pietatem, curam, benignitatem, sollicitudinem, humilitatem, distenta vbera, religiosissimum sinum. Et, si mentis stupor eos inuasit, vel crassis manibus tangant diuinam pastoris summi erga miseram ouiculam propensionem, cum magna eam exultatione in humeros suos recipientem, domumque reportantem. O Utinam amore tali illecti, inueniantur & ipsi, ne perditī pereant, & miseri errore, miserrimi fiant, damnatione & cruciatu sempiterno! Capiant exemplum redeuntis filii, & recipientis patris: neque pluris faciant superba mundi deserta, reluctantia & relatrancia castris DEI; quæ igneo promissionum DEI muro circumuallata, nihil damni è canum circumlatrantium rabie capiunt: gaudii autem plurimum ex salute eorum, qui ex hostibus amici facti, futuræ gloriæ consortium adipiscuntur.

Sed missis illis, ad te redeo Sanctissime Pontifex: cui quoniam omnes totius orbis Christiani diuino humanoque iure ad promptam & alacrem obedientiam deuincti sunt, dicente Apostolo, *Obedite prepositis vestris* Ad Heb. 13.

d s

qui

*qui vigilant pro animabus vestris:* Ego sanctitatis tuæ voce ( quod sine humillima animi deuotione , maximaque gratiarum actione commemorare nequeo ) non solum ex hæreseos gurgite ad sacrosanctæ Romanæ Ecclesiæ, cuius fides toto orbe prædicatur, communionem admissus , verum etiam in urbem sanctam , & domicilium religionis humanissimè euocatus: pro munere meo non possum neque debeo , quin quamprimum ad limina sanctorum Apostolorum me sistam, tuaque vltiora capeßam imperia. Sed quoniam præter viæ longinquitatem maximam, plurimæ etiam difficultates aliæ me nunc impeditum tenent , familiæ vtcunque numerosæ importunitas , valetudinis subinde recurrens imbecillitas , æstus flagrantissimi metus : nolo in eam venire opinionem, quidquam me ab officio aut sanctissimæ voluntatis tuæ nutu facturum alienum , si paululum dilato itinere , commodioris temporis opportunitatem expectaro. Quod vbi non ingratum sanctitati tuæ intellexero , faxo quamprimum me Catholici habeant alicubi socium confessionis, & æmulum pietatis. Sed quia magnam mihi calamitatum messem hac emigratione mea præparatam video, DEVM Optimum Maximum seriis votis precor, vt quam in me mentem excitauit, eandem spiritus sui robore perpetuò firmet atque alat, ne vnquam me vlla ( quod haud spero ) aduersitas de gradu constantiæ defi-



deiciat. Tua vero Beatissima sanctitudo, quem erga me semel suscepit fauorem & gratiam, ut nullo vnquam tempore abiiciat, quam possum humillimè peto. Quod ad me attinet, profiteor in conspectu DEI, quod ante hac etiam Sacramento interposito professus sum, me sincero pectore Catholicam fidem amplecti, & ad extremum vsque spiritum amplexurum, quoscumque potuerim edoctrum, & contra quosuis pro mea tenuitate verbis factisque, atque etiam si opus sit, sanguine defensurum. Sanctitatis autem tuæ erga me credibilia merita muneraque, nulla vnquam temporis obliuio ex animo meo delebit, quin quotidiana ea memoria Deo Optimo Maximo ad æternam compensationem insonem. Huius clementissima protectio Sanctissimam Beatitudinem tuam plurimos annos sospitem valentemque conseruet, atque omni spiritali benedictione corpore & animo magis magisque adaugeat. Augustæ Vindelicorum

22. Maii, Anno redempti

orbis 1601.

EPISTO-

## EPISTOLA XIII.

**ILLVSTRISSIMO**  
**AC REVERENDISSIMO,**  
 D. Octauio Parraucino S. R. E. Car-  
 dinali, Tit. S. Alexii, Germaniæ Pro-  
 tectori amplissimo, Domino  
 suo Clementissi-  
 mo,

IVSTVS CALVINVS S.

**Q**Uam miseræ sint vices rerum humana-  
 rum, Cardinalis Illustrissime, quamque  
 variè multi in hoc vasto mundi pelago, vel  
 bellorum fluctibus iactentur, vel errorum  
 & hæreseon procellis à salutari fidei portu  
 ad inhospita saxa & scopulos æternæ damna-  
 tionis allidantur, plus satis, pròh dolor, mise-  
 ra hæc Germania nostra septuaginta nunc &  
 amplius annorum suffragio demonstrat. E-  
 goq; minimus inter multos, non planè istius  
 calamitatis expers fui. Sed quanta DEI in  
 reuocandis multis ab erroribus & æterna  
 perniciæ, benignitas sit: quanta item Eccle-  
 siæ Catholicæ, quæ Christi corpus & sponsa  
 est, in recipiendis tractandisque talibus leni-  
 tas & mansuetudo, luculentissimè vel meo  
 vnus exemplo patet. Annos enim complu-  
 res

res iactatus curru inanium questionum, ut loquitur author hypognosticôn, lapsusq; in fluctus vana contentionis & hereseos, velut navis deserta gubernaculo, per diuersa & incognita littora opinionum volutus, metuens tandem naufragii, reuertens, & in portu fidei Catholicæ, ubi menulla posset fluctuosæ curiositatis, vel impietatis tempestas turbare vel mergere, anchoram meam figere cupiens, ecce Apostolicæ sedis arcem adeo, flensque cogitata mea propono. Hic non secus atque olim Æneæ sociis Dido:

*Soluite, inquit, corde metum Teucri, secl-* *Virgilius l.*  
*Aeneidos.*  
*dite curas,*

*Seu vos Hesperiam magnam, Saturniaque arua,*

*Sive Erycis fines, regemque optatis Acesten,*

*Auxilio tutos dimittam, opibusq; iuuabo.*

*Vultis & his mecum pariter considerare regnis?*

*Urbem quam statuo vestra est, subducite naues.*

Ita fanè mihi ad vnica literas tota quasi Apostolica aula in occursum venit, meque complexa vlnis caritatis, noster inquit eris, abiice curas, tabentes sale artus in littore nostro pone: nauiculas tuas subducito: quacunq; in re tibi vsui esse poterimus, apertos inuenies thesauros misericordiæ nostræ: fouebimuste auxilio, defendemus præsidio.

Ad quæ omnia ego meritò hic iam in elogio erûpere debebam, Cardinalis Illustrissime, & celsis laudibus extollere tam insignem

gnem humanitatem & beneficentiam vestram. Sed quæ tanta potest esse, præsertim penes me balbum, dicendi facultas, quæ non ad tam vastû laudum campum exhorrescat, & exarescat. Pontifex Opt. & Sanctiss. tanquam alter. pater familiâs, videns à longè redire filiû famelicum, siliquis porcorum ferè confectû, misericordia commotus accurrens ruit in collum meum, & osculatus me proferri iubet stolam, qua induar, & calceamenta, quibus muniar: *quia filius*, inquit, *meus mortuus erat, & renixit, perierat & inuentus est.* Non minus domestici eius Cardinales Illustriss. plausu replentur & gaudio, accurrunt, spectât, lætâtur, salutant, *maiusq; gaudium est super vno peccatore resipiscente, quàm super nonaginta nouem iustis, qui semper cum patre manentes pœnitentia non indignerunt.* Hanc tantam tamque excellentem erga me pietatem humanitatemq;, nondum quidem coram, sed literis tamen abundè testatâ, quibus ego verbis prædicabo? quibus laudibus efferam? Lachrymæ admirantes, singultus approbantes exoriuntur pectori meo, nec quicquam possum, nisi, *veni, vide, mirare, gratulare.* S. ANTONIVS, cum ad eum scriberet Constantinus Magnus humilitatis admiratione abreptus, *Ecce*, inquit, *etiam reges & principes terre ad nos scribunt.* Quanto magis ego miserrimus peccator, vixè fugadomum rediens, & ne comparandus quidem ANTONIO, Viro sanctitate & miraculis



culis clarissimo, tanta beatitudine affectus, exclamare debeo: Ecce etiam summi Ecclesiarum præfules, pastor summus ouilis dominici, illustrissimi eius Cardinales, viri omni virtutum genere instructissimi ac sanctissimi, ad me miserum scribunt, ad me accurrunt, me complectuntur, me in manibus gerunt, instruunt, ad beneficiorum suorum mensem inuitant. Cicerone hic aliquo laudatore opus est, nostra nimis frigent. Et fortè nō par sit ipse *Tullius Romani maximus Eloquentiæ*. Vos verò hæretici inuidentes, audete iam amplius Romæ exprobare fastum: Ecce fastuosa non est, humilima est, benignissima est, misericordissima est. Elati non scribunt ad humiles, etsi fortè benefaciant humilibus. Tu verò rumpere liuor iners, dispergere, confundere, disce pietatem habitare Romæ, non elationem. Triumphet anima mea in Domino Deo, qui tam bene mihi vult, qui auertit cæcitatem meam, tamq; liberali spe exilium meū consolatur. Iam quas Pontifici Maximo totique sedi Apostolicæ pro commemoratis beneficiis gratias debeo, vellem quidem, sed nō possum exsoluere dignas. Tuam Illustr. Parraucine in mea causa tuenda præclare nauatam operam tacitus nullo modo præterire possum. Pro egregia enim animi tui erga Germaniam nostram voluntate, non secus ac quatuor illi baiuli paralytici, *quicū non possent appropinquare Domino præ turba, nudauerunt tectum adium, funi-*  
bn q̃

*busq; demissis grabbatum ante oculos eius stauerunt : Ita tu occupatissimo Pontifici & turba negotiorum quasi presso grabbatum litterarum mearum tanquam per medios parietes insinuasti, & commendasti, vtque tam citò & benignè responderet, indefesso tuo studio effecisti. Hoc tantum beneficium, cùm velim, nec possim satis dignè celebrare, partes meas commendo tibi omnipotētissime Deus, qui diues gratia & benedictione, Beati, inquis, misericordes, quoniam misericordiam consequentur: & qui receperit Iustum in nomine Iusti, mercedem Iusti ac ipiet, Augustæ Vindelic. Anno 1601.*

---

## EPISTOLA XIV.

*DE INCOMPARABILI DAMNO GERMANIÆ PER HODIER-  
nas hereses illato.*

**ILLVSTRISSIMO  
AC REVERENDISSIMO,  
D. CAESARI BARONIO SORANO,  
S.R.E. Presbytero Cardinali, Tit. SS. Marty-  
rum Nerei & Achillei, sanctæ Apostolicæ  
sedis Bibliothecario, Domino suo  
clementissimo,**

**IVSTVS CALVINVS S.D.**

**I**Nter priscae crudelitatis exempla, Cardinalis Reuerendissime, nec non sanguinaria fauer-

fauerrimi istius aduersus genus humanum hostis stratagemata, non postremum sibi locum vendicant *Saturnaliæ gladiatorum pugnae, ac ludus matutinus Bestiariorum*. Quo- *Gladiato-*  
rum quemadmodum illi, vel ad defuncto- *res.*  
rum manium propitiationem, vel ad conui-  
uiorum delectationem, vel ad luxum & ma-  
gnificentia ostentationem, denis, tricenis,  
aut etiam millenis sæpe paribus, in foro, se-  
ptis circisue, acutissimo inter sese ferro con- *Bestiariorum.*  
currentes, de vita certabant: ita hi non be-  
nigniori fato, homines vel liberi in prælio  
capti, vel serui ad hanc lanienam educati, vel  
Christiani denique ob fidem morti dediti,  
ad oblectandos impiorum hominum ani-  
mos, oculosque crudelium tyrannorum, vel  
populi sanguinem sitientis obfaturandos,  
crudelissimis valentissimisque bestiis obie-  
cti, aduerso cum illis Marte congregi, atque  
ab iis vel mortem vel victoriam deportare  
cogebantur.

Acerbum sanè ac triste spectaculum! quod *Clades per*  
tantam cladem vastidiemque generi huma- *gladiaturâ.*  
no attulit, vt nullus mensis abierit, qui non  
*vicenis aut tricenis capitum millibus Europa* *tustus Lios.*  
*constiterit.* Quo nomine non sapientioribus *libr. I. Sa-*  
tantum Ethnicis horrore, sed Christianis in- *turnal.*  
primis imperatoribus tantæ obomationi *cap. 12.*  
fuit, vt nihil toto suo imperio execrabilius  
sibi à maioribus traditum, nihil maiori cura *Gladiatio-*  
prohibendum abrogandumque censuerint, *ra abrogat-*  
quam dira illa & funesta spectacula, *ubi* *mur.*  
*e* *homo*

*Cyp. Epist. ad Donat.* homo in hominis voluptatem occidebatur. Ac laudis quidem huius potissima pars *Constantino Magno* adscribenda venit, cuius adhuc in codice sancta hæc lex extat: *Cruentæ spectacula in otio civili & domestica quiete non placent. Quapropter omnino gladiatores esse prohibemus.*

*Dial'olus  
gladiatura  
loco hæreses  
excitat.*

Sed vide malignissimi hostis nostri fraudes & astutias. Pro lua insatiabili ad humanum sanguinem hauriendum cupiditate, præreptam sibi gladiaturæ lanienam dolens, redintegrata acie, perniciosioribusque excogitatis armis, noua mundo munera, noua spectacula edere cœpit: & tum patrum, tum nostrainfrimis memoria *Amphitheatris hærescon extructis*, talem gladiaturam instituit, quia & corpora & animi hominum perpetuo dolore confecti macerarentur. Perruptis enim ecclesiæ repagulis, sensibusque hominum à fide & vnitæ præstina deiectis, circos septaque cinxit, quibus omnis illa præstina gladiaturæ facies, mentis errore, & hæresis furore depugnaret. Atque olim quidem quos huius farinæ homines in arenam produxerit, quàm bellè illi suum latrocinando munus exornarint, publicè notum est. Nunc hac nostra ætate triplici potissimum manu orbem Christianum depopulatur.

*Lutheranus.* Atque alios quidem dedit, ut ita loquar, boreales, *Lutheri* signa sequentes, sine culta armatura cæstibus tantum pugnantes, atque



que, vt ille ait, *stipitibus duris, sudibusque pra-*  
*iustis.*

Alios australes & occiduos *Zuinglio & Caluino* sacramento obstrictos, politissimis-  
que & acutissimis instructos telis, ad inte-  
gram quasi militiam sufficientibus.

Alios denique inter medios, *Menno-* *Anabapti-*  
*ne* duce in aquis pyratarum instar prædas a-  
gentes, & vt variorum signorum, ita va-  
rio quoque ferro pugnantes, præcipue au-  
tem salutari fonte submergentes, quos è  
CHRISTI nauicula in suas cymbas pelle-  
xerunt.

Triplex hæc gladiatoria manus, ita stre-  
nuè passim suum munus exercet, vt totam  
illam priscam familiam reuixisse putes. A-  
lii enim veluti noui SECVTORES tanto  
spiritu cum rugiente illo leone gregem Do-  
mini insequuntur, ac cuspide linguæ men-  
dacis, massaque plumbea calumniarum in-  
noxios ecclesiæ præsules ita infestant, vt ne-  
mo quisquam eorum effugere furorem pos-  
sit. Alii tanquam RETIARII & LAQUEA-  
RII tam blandè aperta que facie, sophis-  
mata sua incautis iniiciunt, vt priusquam  
hostem obseruarint, damnabili iam errore  
constricti, irretitique teneantur. Alii in-  
humanorum instar THRECVM ita ad fedi-  
tiones & fundendum sanguinem assueti  
sunt, vt cum Catholicorum copia non da-  
tur, ipsis fratribus suis virulentum mucro-  
nem imprimant.

*Compara-*  
*rio hodie-*  
*narum hæ-*  
*reseon, cum*  
*prisca fa-*  
*miliæ gla-*  
*diorum.*  
*Arma Sc-*  
*cutorum.*

*Retiario-*  
*rum & La-*  
*queariorum*  
*arma.*

*Threces.*

*Essedarj  
& Andabata.*

Alii tanquam ESSEDARII & ANDABATÆ, vel calumniarum plaustris infidentes, vel furoris & insanix equis vecti, imperita ac cæca temeritate in medium veritatis clypeum feruntur, laxisque habenis se & alios in æternam perniciem præcipitant. Tandem his omnibus accedunt quidam veluti

*Myrmillones, Hoplomachi, Samnites.*

MYRMILLONES, HOPIOMACHI & SAMNITES: quorum illis contra veritatem continuum impudentix tegimen, & secundum Apocalypsin *loricæ ferreæ*: His verò acies novis doctrinarum insignibus clara, & scuta magnificæ prædicationis auro cœlata, & galeæ cristatæ, vt respondeant similitudini *locustarum*, quas Iohannes vidit *similes equis paratis in prælium, & super capita habentes coronas aureas, faciesque vt facies hominum*.

*Apocal. 9.*

*Clades animarum per hæreticos.*

Horum omnium cædes, vulnera, cadavera, rapinas, quas in omnibus mundi provinciis quotidie agunt & hactenus egerunt, si quis dextro oculo intueatur, nã ille demum triste ac luctuosum spectaculum videre se fatebitur, omnium quotquot sub sole viuunt oculis deplorandum, & conatu maximo prohibendum. Nam quod olim corporibus hominum in *spectaculo meridiano* accidit: id demum hic animis eorundem & spiritibus maiori feritate contingit, vt rectissimè cum Seneca exclames:

*Epistola 7. Quidquid ante pugnatum est, misericordia fuit, nunc omissis nugis mera homicidia sunt,*

*sunt. Nihil habent quo tegantur, ad idum  
 totis corporibus expositi, nunquam frustra mit-  
 tunt manum: non galea, non scuto repellitur  
 ferrum. quò munimenta? quò artes? omnia ista  
 mortes mera sunt. Manè leonibus & vrsis ho-  
 mines: meridie spectatoribus suis obiciun-  
 tur. Interfectores interfecturis iubentur obii-  
 ci, & victorem in altam detinent cadem. Exi-  
 tus pugnantium mors est. Hæc sunt dum va-  
 cat arena. O veram viuamque spectaculo-  
 rum nostrorum Iconographiam! Quid  
 enim? Hæreticus homo panoplia Diaboli  
 instructus, fraude, mendaciis, technis ac  
 blasphemis vndique oblitus ac tectus, cu-  
 ius oculi nil nisi infernales spirant ignes, lin-  
 gua præsentissimum virus fundit, manus  
 Harpyiarum instar nefario contactu omnia  
 fœdant, quas putas strages edit, quantà vul-  
 nera animabus infligit? Ac tantò quidem  
 magis, quantò fraudulentius omnia hic ge-  
 runtur. Ostendebant amphitheatra suum  
 cuique hostem: qui cordatiores ac robu-  
 stiores erant, propositum sibi antagonistam  
 subigebant, ac suam tutabantur vitam. Ast  
 hîc non hostis, non interfecto, non bel-  
 lum aut pugna, sed pax & statæ induciæ, o-  
 mniaque blandissima & securissima: qui-  
 bus hominum mentes inescatæ, non tan-  
 tum non galea, aut scuto repellunt ferrum,  
 sed obuiio etiam pectore accipiunt, ipsique  
 sibi firmiter imprimunt. O fatalem calami-  
 tatem! quis sine lachrymis tantam stragem*

*Facilius  
 gladiatori,  
 quam hære-  
 tico obfisti-  
 bitur.*

intueatur? Ecce enim, quocunque oculos  
conuertis,

*Sanguine rorat humus, reboat clamoribus  
æther,*

*Sydera casorum sanguine clara rubent.*

*O Luthere caue, Calvine quiesce: reconde*

*Sicam, qui binis corpora tingis aquis.*

*Sauitum satis est: Exhorret vulnera Pha-  
bus,*

*Mergitur infernâ cymba charontis  
aqua.*

*Nec tantum insano peregrinos perditis ense,  
Vestra perit propriâ vita salusq; manu.*

*Schola præ-  
cipua ho-  
dicernorum  
hæresicorū.*

Sed iam operæ pretium puto, ludos quo-  
que præcipuos horum lanistarum com-  
memorare. Quemadmodum enim olim  
gladiatores in familia primum habiti atq;  
postea crescente numero & crebritate edi-  
tionum in ludis quibusdam publicis vsum  
armorum condocerant, & ad pugnam in-  
stituti sunt: ita etiam hæc noua manus in-  
tra priuatos nata parietes, paulò post pu-  
blica facta sua κατὰ γῶνα & πορομαχοτεο-  
φεία nata est, in quibus discit docetque  
quomodo Catholicam veritatem oppu-  
gnet, quo pede sese recipiat, & quomo-  
do obuersa aduersariis in quantulo spatio  
resistat.

*Anabapti-  
sta ferè sine  
ludo.*

Primùmq; intermedii *Anabaptistæ* nulla  
Scholastica disciplina aut theatriali splédore  
clari, in lacunis, cauernis, agris, aut mediis et-  
iâ sæpe syluis discunt, docent, iugulât, quot-  
quot



quot simplicitatis suæ cassibus induerunt.

At Lutherus tanquam sicarius arcticus *Lutheri*  
Saxonia occupata, quatuor sibi ludosillu- *Schola inf-*  
stres constituit, quibus discant omnes, qui *gniores*  
in vicinis postea Hassiæ, Porussiæ, Sue- *quæ not.*  
uiæ, &c. finibus nomine eius verbi DEI ru-  
dibus batuant, hominesque ad mortis iter  
instituant. Ii sunt *Wittenbergensis, Lipsen-*  
*sis, Ienensis*, & tandem *Tubingensis* Acade-  
miæ, virtutibus ita claræ, vt orationem no-  
stram ipsa multitudine sua absterreant.

Iam Zvvinglius & Calvinus facto syn- *Zvvinglii*  
cretismo familiæ suas coniunxerunt, & vt *& Calvinæ*  
latioribus grassari finibus possent, varios *Schola con-*  
hinc inde per Galliam, Germaniam, An- *iunnæ sed*  
gliam, Belgium, ludos aperuerunt, è quibus *larè disper-*  
quanta damna communi patriæ prouene-  
rint, publicè satis constat. Præcipuam autem  
sedem ac veluti arcem imperatoriam in  
*montibus. Himeris* fixerunt, vbi leges præ-  
scribentes & dictata dantes tantum disci-  
pulorum numerum colligunt, vt colonias  
postea aliò quoque mittant, nec vllus Ger-  
maniæ angulus supersit, vbi non aliquis  
huius sectæ tenebrio latitet, qui se data oc-  
casionē tanquam ex insidiis prodat, suo-  
rumq; magistrorum spicula in obuios quos-  
que contorqueat. Hanc tantorum male-  
rum officinam, quis est qui ignorare possit?  
Tu minuta Babylon, Apollineis insignibus  
clara, scriptū habens in fronte nomē myste-  
riū: nega si potes, negate matrē esse abomi-  
nationum

nationum Dipnosophisticarum in omnibus terris : nega te myſteriis tuis , ſacramentariis erroribus tuis , quotquot uſquam familiæ huius ſunt , vel naſcendo peperiffe , vel obſtetricando formaffe , vel nutricando aluiſſe. Tu Hyrcana Tigris vbera admoues Gallis , vt ſpurii potius Caluini & Bezae , quã ſoboles CHRISTI eſſe malint. Tu Britannos , Heluetios , Belgas inſtituis , vt domum reuerſi patria incendia alere , quã pacificæ veritati locum dare pulchrius ducant. Inprimis que hoc deteſtabili ſcelere fœcundus eſt *ludus ille magnus in urbe* , calidus inſtitutione , denſus Tyrociniis , ſtultus peruerſa ſapientia : Inde tanquam ex equo Troiano innumerabiles patriæ incendiarii prodierunt. Hic ſementis vicinarum ditionum , hic meſſis , hic triturationis. O fatales Cellulæ , pingui ſagina fordidae , *quibus cibis corpora impletis inſuccum , vt carius pereant in pœnam* , ſuoque ſanguine fœcudent arenam ! Quã metuo Babylon , ne veniat ſuper te ſanguis omnium , qui à prædicato Euangelio aures præbuerunt ſeducitoribus , malueruntque paucos ſequi cæcos ad perniciem , quã multos oculatos ad ſalutem. Reſipiſce , reſipiſce , *priora opera facito , ne moueatur candelabrum de loco ſuo*. Ablacta infantulos tuos , nec quære præmium obſtetricationis tuæ , ne flagella & tormenta inuenias. Ad perniciem inſtituis , cibosque propinas venenatiſſima errorum toxica.

Nec te falle sapientiæ tuæ persuasione, vano veritatis Ecclesiæque titulo ne tibi impone. Plures sunt sapientiores te, oculatiores, spirituditiores, qui te stultam esse dicunt & conuincunt. Audi mundum audientem Christum: Crede mundo credenti Christo. *Magnum ipse prodigium est, qui mundo credente non credit.* Neque hic Ecclesiæ DEI mos aut genius est, ut rupto quo coepit filo, ad aliam transeat lineam, diuque latitans inter angusta tandem & motibus intestinis referta spelæa concludatur vna est, sancta est, Catholica & Apostolica est: regia est, in sole collocata, mons magnus ab oriente in occidentem protensus, ardentissimis luminibus lucidus.

S. Aug. lib.  
22. de ci-  
uit. Dei c. 8.

Ecclesiastica  
sura.

Tu autem qualis sis cognosce, parentes tuos intuere, facta tua contemplare. Ramus es ab arbore excisus, humore iam cassus, vitaque vacuus: ac nisi redieris ad arborem & interaris, succumque ab radice tractum in flores & fructus conuertas, breui incendio ignis depascendus. Scripturam iactitas, vana est gloriatio: Extra Ecclesiam scripturæ pretextus nullus est, nec potest habere sensum Christi, qui à corpore Christi auulsus adulteræ iungitur, promissionumque sacramentis contradicit. *Augustinum audi, Consentio suo suadentem: Intellectum valde ama, quia & ipse scripturæ sancte, quæ magnatum rerum ante intelligentiam suadent fidem, nisi eas rectè intelligas, utiles tibi esse*

Scriptura  
veneranda  
sio.

Epist. 222.

biessenon possunt. Omnes enim heretici qui eas in autoritate recipiunt, ipsas sibi videntur sectari, cum suos potius sectentur errores: ac per hoc non quod eas contemnant, sed quod eas non intelligant heretici sunt. Agnosce igitur culpam tuam, cerne vlceratua, si quid habes, quod te muniri posse putas, scio totum *Donatisticum* ac *Novatianum* esse, iam dudum voce scriptisque antiquitatis condemnatum, & Anathematizatum. Non credis scio, veni ergo & vide: lege antiquitatem, lege præter multa præclarissimos duos, *Cypriani* & *Augustini de unitate Ecclesiæ libellos*: sed secutura lege, non præscriptura: abundè dubitationi tuæ satisfaciet.

Sed certo scio, me surdo fabulam: ita perplacent sibi homines isti in erroribus suis, pulchrumque ducunt contradicere orbi terrarum, ut videantur magistri orbis terrarum: nec sicam è manibus deponent, donec *Cōstantinus* aliquis pro tribunali iubeat, fractisque threcidicis pacem orbi restituat.

*Vetum ad  
prohibendos  
miseros ab  
heresi.*

Quod utinam breui à vobis experiri liceat, Illustrissimi Cardinales, vosque cæteri sanctissimi Ecclesiarum præfules, fortissimi patriæ defensores ac Principes &c. ne pereant ita homines in æternum consultò. Quanquam stulti sunt ipsi, cæci, non intelligentes magna ex parte, quid vel agant, vel patiantur. Illecti à sicariis spectatum adunt ludos, & priusquam animaduertunt, auribus



ribus oculisque truncati, deinceps nec audire monentes nec cernere ferientes possunt. Quare vestræ hæ partes sunt, qui sanis sensibus superestis, ut succurratis nescientibus ut excitetis dormientes; prohibeatis cæcos à præcipitio, stultos ab incendio, malè sanos à laqueo, omnes à fraude & æterno exitio. Imprimisq; tu æterne Deus, pater luminū & intelligentiæ fons, cõcute hominū istorū corda, ut videant quomodo peregrinètur à te, & diruant ouile tuum. Fac quærāt causas secessionis suæ, an satis iustè insectentur domum tuam, & dum quærunt inueniant veritatem tuam in sanctis tuis & sequantur: fac videant errorem & emendent impietatem, ament quos oderunt, laudent quos condemnarunt, sequantur quos exhorruerunt, & salui fiant qui perierant, &c. August. Vindel. Anno 1601.

---

EPISTOLA XV.

CINTHIUS AL-  
DOBRANDINVS, S. R. E.  
Cardinalis Tit. S. GEORGII,  
&c.

IUSTO CALVINO S.

**A**Dmodum Magnifice & Ornatissime Domine, Paternum S. Dn. N. erga te animum declarare pergunt alteræ S. S. litteræ quas etiam mitto. Quid autem

*Ista secundum  
de Pontificis  
literas hic omissa  
sunt.*

tem & ipse causa tua velim, mallem equidem solidis officiis, quàm verbis ostendere: & ostendam vel non rogatus, ubicunque se eius rei dabit facultas. Sic enim existimare debes, non solum me ex tua ad Catholicam fidem conuersione singulari quodam gaudio affectum, sed etiam statim erga te sic fuisse animatum, ut in te diligendo nemini eorum concedam, quos nosti esse tui amantissimos. Prioribus S. S. litteris ego itidem officii causa comites adiunxeram paucos versiculos, quos vnàtibi redditos arbitror. Ut ut sit, hosce denuò certissimos testes habebis meæ in te propensissimæ voluntatis. Quod reliquum est, à Deo optimo maximo summis precibus contendo, ut quemadmodum mente & animo, sic etiam corpore perpetuo valeas, cui iterum omnia studia atque officia mea lubens deferò ab polliceor. Romæ die 14. Iulii 1601.

---

EPISTOLA XVI.


**CÆSAR BARONIVS SORANVS, S.R.E.**  
Cardinalis, Tit. SS, Nerei &  
Achillei, &c.

IVSTO CALVINO S.

**C**larissime Domine, Accepi literas tuas, ex quibus summum dolorem hausi, quòd  
te,

te, quem hoc tempore, quo itinerite commiseras, rectè valere optaueram, nunc in morbum incidisse intelligam. Equidem summoperè cuperem pluribus verbis te consolari, nisi scirem ea te fortitudine esse, vt à nullo potius, quàm à te alleuationem vllam debeas expectare; cùm omninò confidam, *infirmi-  
tatem hanc non esse ad mortem*, quod olim Dominus noster sororibus Lazari ægrotantis respondit, *sed pro gloria Dei*. Porro cum S.D.N. egi de rebus tuis, qui ea propensione in te est animatus, vt nihil æque desideret, quàm vt omnia tibi cedant felicissimè. Quapropter bono animo esto. etsi enim constitutus sis (vt Paulus ait) *in labore, in ærumna, in vigiliis, in frigore, & nuditate*; confide tamen in Domino, sicut mons Syon, nam ipse opem feret super lectum doloris tui, & auferet à te languores & infirmitates pessimas. Ego verò, quamuis satis notum esse existimem, qua beneuolentia te tuaque negotia sum prosequutus, cupio intelligas, nihil mihi tam graue vnquam posse euenire, quod me ab hoc meo animo valeat auocare. Romæ Pridie

Id. Quint. 1601.



## EPISTOLA XVIII.

*Continens Apologiam priuatam ad parentes & necessarios.*

AMPLISSIMIS,  
REVERENDIS, CLARIS-  
SIMIS ET HUMANISSIMIS, SVIS IN  
Palatinatu parentibus, amicis,  
ac necessariis

IVSTVS CALVINVS VETERA-  
cast. Illuminantem DEI gratiam & per-  
petuam felicitatem.

ET si probè scio, parentes amique in  
Christo dilectissimi, non iucundissimum  
me vobis nuncium allaturum, quòd ab ea fi-  
de & religione, quam ex hisce meis me pa-  
lam amplexum intelligetis, toto quasi cælo,  
& plusquam Vatiniano odio dissidetis: ta-  
men quia ipsi testes estis, pluris faciendum  
iustissimi DEI amorem, conscientiae tran-  
quillitatem, & communem omnium no-  
strum salutem, quàm fluxam aliquam,  
lubricam & perniciosam in erroribus se-  
ctandis concordiam: iusta me ratione im-  
pusum putavi, vt non solum securus famæ,  
manifestissimæ DEI veritati, à quâ longè  
aberrassem, manus darem, sed vobis etiam  
& qui-



& quibusuis, quocunque in me animo affectis, causam meam, si possem, probarem, quæque in me vndique iaciuntur scommata, humaniter declinarem.

Enim verò, quòd tam tragicas aduersum me querelas excitastis, quòd tam sinistra & iniqua passim de me sparsistis, vel ab aliis sparsa temerè credidistis, non possū sine maximo meo dolore meminisse. Sed vt ego iniurias omnes propter Christum voluntaria obliuione libentissimè conteram: sic vos ad medelam vulneris vestri, mea vobis emigratione inflicti cogitate, quæ hic causa agatur, quàm grauis, quàm periculosa, atque omni sollicitudine peragenda.

*Temporis æterni hîc, & non tantum vnius* *Lucretii*  
*horæ* *serba pat-*  
*Ambigitur status, in quo sit mortalibus om-* *lum à suo*  
*nis* *sensu di-*  
*mota.*

*Ætas, post mortem quæ restat cunq; manenda.*

Primum ergo, quod magno hiatu clammatis, me contra diuina & humana iura, contra fidem & conscientiam meam, contra deniq; honestatem & humanitatem omnem, familiam, vocationem, ipsamq; Orthodoxam fidem & Ecclesiam deseruisse: scitote ampullas verborum esse, sed fictiles & fragiles. Quod enim ius diuinum prohibet vsquam, adire Ecclesiam Catholicā, quā symbolo credere iubemur, & ex scriptura domum Dei viuentis, *1. Tim. 3.*  
*columnā & firmamentū veritatis esse didicim?*  
 nonnè

nonne potius omnes paginae & omnes lineae eò respiciunt, ut nos è dispersione ad unitatem colligant, & Christo fabricent Ecclesiam, in qua non sint schismata, sed id ipsum dicant omnes, & sint omnes perfecti in eodem sensu, & in eadem sententia, ut unanimiter & uno ore honorificent Deum & patrem Domini nostri IESU Christi. Neque nunc dicite, incertum adhuc esse, ubi sit Ecclesia, in vestris nean nostris partibus. Aliter Augustinus, non est aperta Ecclesia, inquit, quia non est sub modio, sed super candelabrum, ut luceat

1. Cor. 1. 10.

De Unitat.

Eccles. c. 16.

NB. Aug.

non lesus est,

dictum Do-

mini de ci-

uitate in

monte posi-

ta, Eccles.

applicat.

Matth. 5.

omnibus qui in domo sunt. Et de illa dictum est, non potest ciuitas abscondi, super montem constituta. Sed Donatistis velut operta est, qui audiunt tam lucida & manifesta testimonia quæ illam toto orbe demonstrant: & malunt clausis oculis offendere in montem, quam in eum ascendere: qui cum esset lapis præcisus de monte sine manibus, creuit, & factus est mons ingens, & impleuit vniuersam terram. Iam si pontificum iura pro sacris agnoscitis, profectò inclementer habebimini. Legite librum 5. Decretalium Gregorii, per integra sedecim capita, inuenietis quæ ad hanc causam opportuna sunt. Quibus omnibus si addatis expressum disertumque summi in hisce terris vicarii Christi ad me mandatum, (cuius obedientia mihi instar legum omnium est) quod quæso ius reperiri potest sacrum, consiliis meis vel minima ex parte aduersum? Humana iura quantoperè lasce-

rim, iu-

rim, iudicent rerum periti. Nulla gens est tam fera aut barbara, quæ sine discrimine alterius præsentissima vitare pericula, & longius potius quàm propè ab incendio consistere vetet? Si conuictus in conscientia, fidē vestram erroneam esse, perstitissem tamen apud vos, & turbata pace publica animi sensa passim defendissem, potuissetis ne gratam mei habere præsentiam? potuisset ne ego haberet tutam? ergo præstitit potius *καβέ-  
λέων* abire tranquillè, quàm cum turbis & clamoribus in carceres. Secundo loco fidem & conscientiam meam petitis, putantes vel religionis statuta, vel promissorum conuenta, vel deniq; interioris pectoris dictamina à me neglecta & rupta esse. Quare in re nimium vestris iniquissimis suspicionibus indulgetis. Vsq̃uam ne fides est, quę nō animę immortalitatem propositam habeat, & vel præmia bonorum, vel pœnas malorum operum? potestisne igitur conscientię meæ tam iniqui arbitri esse, vt quam hactenus in vestro errore integram saluamq; iudicastis, nunc in Christi fide læsam caute fiatamque pronunciare audeatis? non non ita impio corde sumus, vt Dei metum tam vili-ter habeamus, & contrà quàm mens seriò credat, cum huius & futuræ vitæ periculo, patrio solo exiles profiteamur. Nemo Cyclops positum in visceribus suis tribunal Dei tam fastuosè euerterit. Fortasse rudera illi sua nesciunt, qui in alieno fundo tam

f  
altas

altas turres non suspicantur. Dominus igitur iudicabit causam meam, & occulta cordium patefaciet, ac dabit unicuique secundum sinceritatem animi sui: cui quæso ne quisquam se humana leuitate præponat, & propterea quod ipse laxiores habet animi habenas, nos nullas habere existimet.

De affectatis honoribus & lucro, familiaris vilisque calumnia est, cum qua non mihi soli sed multis aliis, ac fortè vobis ipsis concertandum. *Augustinus* hanc ipsam inuidiam passus, cum à Manichæis recessisset, & paucis agellulis paternis contemptis, ad DEI liberam seruitutem esset conuersus, Epist. 225. ad Albinam. Ego, inquit, secundum multorum sensum, comparantium semetipsos sibi-  
met ipsis, non diuitias dimisisse, sed ad diuitias videor venisse. Vix enim vigesima particula res mea paterna existimari potest, in comparatione prædiorum Ecclesiæ, quæ nunc ut Dominus existimor possidere. Utinam ergò vos à calumniandi libidine tam remoti, quàm purus est à cupiditate per Dei gratiam animus meus, nunquam mihi istam litè moueretur.

Honestatè & humanitatè erga liberos, sanè dulcissimos mihi, totamque familiam, adeo nihil abieci, ut etiam abiectam resumpserim demùm, & verè induerim, quem admodum ipsi cognosceretis, nisi magis in oculis cor haberetis, quam in corde. Quæ enim maior honestas est, pietate & ordinaria charitate

*August. lib.  
1. contra  
Epist. Par-  
men. cap. 8.*



ritate : quæ autem ordinaria charitas , nisi quæ minora postponit maioribus , & animam magis curat , quàm fortunam. Non ego in morte relinquere debebam filios, quibus per me vitam sæculi huius dederat Dominus , & vitam, quod spero , dabit sæculi futuri. Quæ res etsi multo constat labore , non tamen à me trahi ad otium , nec à vobis debet ad invidiam. Nullus hic humanis affectibus locus, nullus parentum amor, nullus amicorum studiis , nullus periculorum formidini, sed vnica diuini numinis reuerentia , grata veritatis cultura, conueniensque æternitatis metus totam suo arbitrio causam moderatur , nec vel minimum de suo iure remittit: Sanè si quæritis , inficias ire non possum , vehementer hæc consilia mea variis affectibus quassata esse. Nunc enim tua charissime parens , septuagenaria canities succurrebat : nunc matris vnice in me recumbentis fletus , nunc fratrum sororumque anxietas , nunc liberorum & familiæ periculum , nunc amicorum totiusque familiæ quasi labascens fama & existimatio.

Sed quæso vós per Deum, carissima capita, quid facerem? parcerem ne vobis, & mihi non parcerem? parcerem ne voluntatibus vestris, & Deo immorigerus essem? Cauerem ne pericula fortunarum, & me cum liberis meis ac familia in sempiternum exitium præcipitarem? Apagesis profana cura, noxia

Matth. 10.

reuerentia: cum Deo mihi res est, qui potestatem habet animam & corpus perdendi in gehennam. Huic malo cum periculo & famæ iactura seruire, quàm gloriosus detrudi in infernum, ubi est fletus & stridor dentium perpetuus. Pulchrum est periculum ad Deum transfugere: & quod Seneca quoq; iubet. Conscientiæ satisfiat, nihil in famam laboremus: sequatur vel mala, dum benè mereamur.

Clemens in  
Protreptico.  
Seneca.

Neque hunc animum impietati mihi dabit, carissimi, aut leuitati. CHRISTVS sic docuit Matth. 10. qui amat patrem aut matrem plus quàm me, non est me dignus. Moses sic docuit, Deut. 33. qui dixerit patri suo aut matri suæ, nescio vos, & fratribus suis, ignore illos, & nescierunt filios suos, hi custodierunt eloquium tuum, & pactum tuum seruauerunt, iudicia tua ô Jacob, & legem tuam ô Israel.

S. CHRYSOSTOMVS sic docuit hom. 36. in Matth. In omnibus obtemperandum est parentibus, præterquam in iis, quæ pietati officiunt. Et doctrinâ Saluatoris, qui amat patrem, &c. & credentes filios maioris animi facit, & patres remissiores ac leniores, ne ab amore CHRISTI liberos dimouerent, videntes tantas esse ipsius vires, ut facillè possit à parentibus filios eripere.

D. HIERONYMVS sic docuit, Epist. 1. ad Heliodorum: Licet paruulus ex collo pendeat nepos, licet passo crine & scissis vestibus, vbera quibus te nutrierat mater, ostendat, licet in li-

*in limine pater iaceat , per calcatum perge patrem , siccis oculis ad vexillum crucis enola. Solum pietatis genus est , in hac re esse crudelem.*

Denique **AUGUSTINVS** sic docuit Epist. 38. ad Lætum , *qui amat animam suam , perdet eam in isto seculo , in vita æterna inueniet: ita de parentibus rectissimè dicitur , ut qui eos amat , perdat eos , non more parricidarum interficiens , sed spiritali gladio verbi DEI carnalem affectum eorum , quo & seipsos , & eos quos genuerunt , irritamentis huius seculi obligare conantur , piè fidenterque percutiens & occidens , illud in eis viuere faciat , quo fratres sunt , quò cum filiis suis temporalibus , parentes æternos DEVM Ecclesiamque cognoscant. Ecce rapit te studium veritatis cognoscendæ , atque percipiendæ voluntatis DEI in Scripturis sacris. Rapit Euangelicæ prædicationis officium. Dat signum Dominus , ut vigilemus in castris , & ædificemus turrim , de qua hostem sempiternæ vitæ & prospicere & propellere valeamus. Rapit militem CHRISTI tuba cœlestis ad prælium , & retinet mater: Non plane talis , qualis Maccabæorum fuit , nec saltem similis Lacedæmoniis matribus , de quibus memoria traditum est , quod filios suos , ut pro terrena patria sanguinem funderent , multò amplius atque ardentius in certamina bellica , quàm signorum sonitus excitabant. Nam mater quæ te ad discendam vitam remoueri à curis secularibus non permittit , satis ostendit , quemadmodum te ,*

Luc. 14

si opus esset, ad obeundam mortem penitus seculum repudiare permetteret. Sed quid dicit, aut qui allegat? Fortè decem illòs menses, quibus viscera eius onerasti, & dolores parturitio- nis, ac labores educationis? Hoc hoc interfi- ce verbo salutari, hoc perde matris, ut in vi- tam eternam inuenias eam. Hoc memento ut qderis in ea, si diligis eam, si Tyro Christi es, si turris fundamenta posuisti, ne dicant trans- euntes: Hic homo cœpit edificare & non potuit perficere. Carnalis enim affectus est iste, & adhuc veterem hominem sonat. Hunc car- nalem affectum & in nobis & in nostris mili- tia Christiana ut perimamus hortatur, nec tamen ut ingratus sit quisque parentibus, & eadem ipsa beneficia, quibus in vitam hanc e- ditus, susceptus, atque nutritus est, enumerata derideat: seruet potius ubique pietatem, Ha- bent hæc locum, ubi maiora non vocant. Ma- ter Ecclesia mater est matris tue. Hæc nos de Christo concepit, hæc martyrum sanguine par- turivit, hæc in sempiternam lucem peperit, hæc fidei lacte nutrit, cibosq; maiores preparans, quod adhuc paruuli & sine dentibus vagire vul- tis horrescat;

Iam de vocatione & religione vestra, res facilis & expedita est. Etsi enim in ea natus & educatus sum, non tamen propterea in eadem persistere aut mori debui, nisi salu- tarem fuisse demonstraueritis. Nascimur om- nes filii ADAM, nascuntur multi in gen- tilis-



tilissimo, multi in Turcismo, aut Iudaismo, nec tamen in illo rectè persistunt statu, quia aliud est nasci in Ecclesia malignantium, aliud per communionem Catholicæ Ecclesiæ regnum intrare cœlorum. Meminerimus extra repagula nati per ostium intrare ouile, ut sit *grex unus & pastor unus*, & qui persecutores erant cum Saulo, pastores defensoresq; cum Paulo euadant.

Nec leuitas in mutanda sententia vlla est.

*Cum enim non omnes possint habere primas prudentiæ, habeant secundas modestiæ: ut qui non valuerunt omnia impœnitenda credere saltem pœniteant, quæ cognorint credenda non fuisse.* *August. in prolo. Retract.*

Neque ignorare potestis, fœdè multos in adolescentia hallucinari, cùm infirmis adhuc iudiciis, & nulla experientia aut literatura cultis, de re omnium grauissima constituunt, & ad quamcunque sunt Religionem, vel casu, vel necessitate delati, ad eam tanquam ad scopulum adhærescunt, A quorum ego stultitia alienus, maturioris ætatis maturiora consilia sequutus, DEI que ductu melius & felicius agnitam veritatem amplexatus, prioribus erroribus meis æternum vale nunciaui, meamque anchoram in tutissimo Ecclesiæ Catholicæ portu fixi. Iuuante CHRISTO, suadente conscientia, trahente AVEVSTI-

Lib. 6.

NO, aut quicumque author est librorum Hypognosticôn, *Si iactatus curru inanum questionum cadis in fluctus vanæ contentionis, & velut navis deserta gubernaculo per diuersa & incognita littora volueris, nec prorsus ibi prosperè nauigare potes, reuertere, & sede in portu fidei Catholicæ, ubi te nulla possit fluctuosa cogitationis tempestas turbare & mergere.*

Quod tam salutare consilium, quod apostasiæ conuitio suspectum mihi reddere conamini, frustra laboratis. Errores enim relinquere, & ignoratam diu amplexari veritatem, non apostasia, sed necessaria sapientia est. Alioqui Paulus quoque Iudaismo valedicens, & Augustinus Manichæorum castra deferens, non electionis vasa, vel columnæ Ecclesiæ, sed leuissimi transfugæ, & vt vultis, apostatæ nuncupandi essent. Sed tutamur nos illo Cypriani contra Nouatianos: *Non nos ab illis, sed illi à nobis recesserunt. Illi enim diuersa sibi conuenticula statuerunt, illi veritatis caput atque originem reliquerunt, Cathedram Petri, super quam fundata est Ecclesia.* Eodem modo si vos vnitatem Ecclesiæ, quæ teste eodem Cypriano, adulterari non potest, multò minus in Antichristianismum degenerare, firmiter & constanter tenuissetis, nec cum Luthero & Caluino Apostatæ facti essetis, non mihi iam vestrum crimen exprobraretis.

Iam communicato quod vultis me cum aliis

aliis consilio egisse, valdè miror. Quod enim fidem attinet, adhibui sanè in consilium multos, sed quos cautè & sine damno poteram. Consului patres in antiquitate: consului fratres in suis aduersus Catholicos disputationibus: quin & cum multis coram sententias contuli. Nullū tamen aliud ex omnibus iudicium facere potui, quàm quod factò sequutus sum. De profectiois verò, non clanculariæ, sed publicæ, & apertæ, multisq; honestissimis comitibus perspectæ, consilio detegendo, planè estis inconsiderati. Cùm enim *regnum Dei thesaurus sit absconditus in agro, quem repertum homo abscondit, & præ gaudio quod habet super eo, abit, & omnia quaecunque habet vendit, & mercatur agrum illum*: Ego dies noctesque Catholicorum fodiens arua, Thesaurum ibi veritatis defossum reperi, maiorum nostrorum calumniis tanquam grandi lapidum aceruo obrutum. Hunc vt garrulitate perderem aut prostituerem, nihilerat. Quin potius lentè incendendum prudenterque agendum duxi, ne consilio meo deiectus, irrecuperabilem iacturam facerem.

Haftenus ergo nullum apud Deum reatum, nullam infamiam apud bonos mihi conciliaui, nisi qui imperiti rerum arbitri esse volunt. Quod autem vobis conuersionem meam dedecori, & Ecclesiæ scandalo ducitis, profectò plurimum à vero aberratis. Dedecus inurit, qui malè facit. Offendiculum

culum Ecclesiæ parit, qui ad impietatem laccessit. Ego neutrum facio, vtrumque contra. Atque vt breuiter cum Paulo dicam, *optarim omnes esse sicut ego sum*, non cauda mutilos, vt vos ex Æsopolo luditis, sed fide integros, & veritate fortes, & constantia firmos, vt agnoscant vnā sanctā Catholicā & Apostolicā Ecclesiam: extra quam qui vitam finit, non magis saluari potest, quā qui olim diluuii tempore extra Noë arcam vel in montibus, vel arborum cacuminibus refugium quæsiuerunt.

Quocirca carissimi, vt & ipsi lectis Catholicæ fidei propugnatoribus, meum in timore Domini exemplum sequamini, vosq; è dispersione ad vnitatem Catholicā omnium cunctatione abiecta aggregetis, quantum possum ac debeo, per salutem vestram vos obtestor. *Quā in concussis enim documentorum firmamenti omnis Nouatorum vanitas conuincatur, non magnum est etiam tardis ingenio, si tantum patienter aut intente audierint, peruidere. Sed ad sectandam insolitam reuerentiam, usitata & quasi familiaris peruersitatis vinculum abrumpere, maiorum virum est. Quare expergiscimini, carissimi, expergiscimini, spectate lucentem toto orbe manifestissimæ veritatis solem: damnate tenebras, eligite lucem, vt filii lucis sitis, subtrahite collum diabolo, & subdite Christo, qui iudex futurus orbis, beatitudine sempiterna afficiet Ecclesiam, hereticos autem, schismaticos,*

*Aug. crist.*

*137. ad Cel.*




ticos, & reprobos omnes æternis suppliciis  
 mactabit. Nec putate vos ratiunculis vestris,  
 & σεπισμύοις λόγοις, contra hæc tam ma-  
 nifesta & aperta saluos fore. Folia ficulnea  
 sunt: *Et foris sufflantes in puluerem, excitabi-  
 tis terram in oculos vestros*, Iudiciumque vo-  
 bis grauius accerfetes: Tanto quidem gra-  
 uius, quantò à me fideliùs estis moniti. Ser-  
 mo enim hic quem de munere Dei, nouit  
 ipse quanta & pacis & vestri dilectione,  
 deprompsi, testis erit, si nolitis,  
 correctio verò si ve-  
 litis.

*August. 12.  
 Confess. c.  
 16.*



S. AVRE-



S. AVRELII AVGVSTINI

HIPPONENSIS EPISCOPI,  
ET DOCTORIS ECCLESIAE  
præcipui

EPISTOLÆ DVÆ,  
PRÆSENTI ARGVMENTO  
congruentissimæ,&c.

EPISTOLA XLVIII. ad  
Vincentium.

Argumentum Epistolæ.

*Augustinus Vincentio ex heresi Rogatiana, docens se fuisse aliquando eius sententia, ut arbitraretur cum hæreticis nulla vi, sed solo Dei verbo agendum, verum aliorum sententiis & exemplis superatum, mutasse sententiam; & arbitrari leges principum rectè implorari aduersus hostes fidei, modo id fiat animo corrigendi, non studio vindicandi, aliâq; multa contra anabaptismum Donatistarum, & pertinaciam illorum.*

EPISTOLA XLVIII.

*Dilectissimo fratri Vincentio Augustinus.*



CEPI epistolam, quam tuam esse mihi non incredibile visum est. Attulit enim eam, quem Catholicum Christianum esse constaret, qui (ut opinor) mihi mentiri non auderet. Sed si forte non sunt literę tuę, ego ei qui scripsit, rescribendum putavi. Nunc me potius quietis esse avidum & petentem, quam nunc cum me adolescentem viuo adhuc Rogato cui successisti, apud Carthaginem noueras. Sed Donatistę nimium inquieti sunt, quos per ordinatas à Deo potestates cohiberi atq; corrigi, mihi non videtur inutile. Nam de multorum iam correctione gaudemus, qui tam veraciter vnitatem Catholicam tenent atq; defendunt, & à pristino errore se liberatos esse lætantur, ut eos cum magna gratulatione miremur. Qui tamen nescio qua vi consuetudinis nullo modo mutari in melius cogitarent, nisi hoc terrore perculsi, sollicitam mentem ad cõsiderationem veritatis intenderent, ne fortè si non pro iustitia, sed pro perversitate, & præsumptione hominum ipsas temporales molestias, infructuosa, & vana tolerantia pate-

*Dubius ebellarius.*

*33. q. 9. n. 6. m. m.*

*De Verbo Domini sermo. 6.*

*Quatenus cogi ad fidem expediat.*

*Ecclesia la-  
ritudo.*

paterentur, apud Deum postea non inueni-  
rent, nisi debitas pœnas impiorum, qui eius  
tam lenem admonitionem, & paternæ fla-  
gella contemserint. Ac sic ista cogitatione  
dociles facti, non in calumniis & fabulis hu-  
manis, sed in diuinis libris promissam per  
omnes gentes inuenirent Ecclesiam, quam  
suis oculis reddi conspicerent, in quibus &  
CHRISTVM prænunciatum, etiam non vi-  
sum, super cælos esse minimè dubitarent.  
Nunquid nam ego istorum saluti inuidere  
debebam, vt collegas meos ab huiusmodi  
paternæ diligentia reuocarem, per quam fa-  
ctum est, vt multos videamus accusare suam  
pristinam cæcitatem? qui eum super cælos  
exaltatum Christum, etiam non videntes  
credebant: gloriam tamen eius super om-  
nem terram, etiam violenter negabant, cùm  
propheta vtrunque vna sententia tanta ma-  
nifestatione complexus sit, dicens: *Exalta-  
re super cælos Deus, & super omnem terram  
gloriatua.* Istos ergo atroces quondam ini-  
micos nostros, pacem & quietem nostram  
variis violentiarum & insidiarum generi-  
bus infestantes, si sic contemneremus &  
toleraremus, vt nihil omninò, quod ad eos  
terrendos ac corrigendos valere posset, ex-  
cogitaretur & ageretur à nobis, verè malum  
pro malo redderemus.

*Psal. 107. 6.*

*Vtile malè  
instructos  
etiam seu-  
vius ad fi-  
dem perdu-  
cere.*

*Elegans si-  
mile.*

*23. q. 9. ni-  
mum.*

Si enim quisquam inimicum suum peri-  
culosis febribus phreneticum factum, cur-  
rere videret in præceps, nonnè tunc po-  
tius



tius malum pro malo redderet, si eum sic currere permetteret, quàm si corripiendum ligandumque curaret, & tamen tunc ei molestissimus & adversissimus videretur, quando vtilissimus & misericordissimus extitisset? Sed planè salute reparata tantò vberius ei gratias ageret, quanto sibi eum minus percipisse sensisset.

O si possem tibi ostendere, ex ipsis Circumcellionibus, quàm multos iam Catholicos manifestos habeamus, damnantes suam pristinam vitam & miserabilem errorem, quo se arbitrabantur pro Ecclesia Dei facere, quicquid inquieta temeritate faciebant, qui tamen ad hanc sanitatem non perducerentur, nisi legum istarum, quæ tibi displicent vinculis, tanquam phrenetici ligarentur. Quid illud alterum genus morbi grauissimi eorum, qui turbulentam quidem audaciam non habebant, sed quadam vetusta socordia premebantur, dicentes nobis: Verum quidem dicitis, non est quod respondeatur, sed durum est nobis traditionem parentum relinquere: nonnè salubriter regulat temporali molestiarum excutendi erant, vt tanquam de somno lethargico emergerent, & in salutem vnitatis euigilarent? Quàm multi ex ipsis nunc nobiscum gaudentes, pristinum pondus perniciosi sui operis accusant, & fatentur nos sibi molestos esse debuisse; ne tanquàm mortifero som-

*Exempla  
conuersorū  
ex ipsis Cir-  
cumcellio-  
nibus.*

*Exempla a-  
liorum s-  
gnauiorum.*

no,

no, ita morbo veternosæ consuetudinis interirent. At enim quibusdam ista non pro-  
 sunt: nunquid ideo negligenda est medici-  
 na, quia nonnullorum est insanabilis pesti-  
 lentia? Tu non attendis nisi eos qui ita  
 duri sunt, vt nec istam recipiant discipli-  
 nam. De talibus enim scriptum est; *Frustra*  
*flagellavi filios vestros, disciplinam non re-*  
*ceperunt.* Puto tamen quia dilectione non  
 odio flagellati sunt. Sed debes etiam tam  
 multos attendere, de quorum salute gau-  
 demus. Si enim terrentur & non doce-  
 rentur, improba quasi dominatio videretur.  
 Sed rursus si docerentur, & non terrentur,  
 vetustate consuetudinis obdurati ad cape-  
 ssendam viam salutis pigrius mouerentur:  
 quandoquidem multi, quos bene nouimus,  
 reddita sibi ratione & manifesta diuinis  
 testimoniis veritate, respondebant nobis,  
 cupere se in Ecclesiæ Catholicæ communionem  
 transire, sed & violentas perditorum hominum  
 inimicitias formidare, quas quidem pro iustitia,  
 & pro æterna vita vtique contemnere debuerunt.  
 Sed talium infirmitas donec firmi efficiantur  
 sustinenda est, non desperanda. Nec obliuiscendum,  
 quod ipse Dominus adhuc infirmo Petro ait: *Non*  
*potes me modo sequi, sequeris autem postea.* Cum verò ter-  
 rori vtili doctrina salutaris adiungitur, vt non  
 solum tenebras erroris lux veritatis expellat,  
 verum etiam malæ consuetudinis vincula

*Occupatio.*  
*Non omnes*  
*sanantur*  
*eo remedio.*

*Ier. 2. 30.*

*Doctrina*  
*cum terrore*  
*coniungenda.*

*Ioan. 13. 36.*

vincula vis timoris abrumpat, de multorum  
 sicut dixi, salute lætamur, benedicientiū no-  
 biscum, & gratias agentium Deo, quod sua  
 pollicitatione completa, qua reges terræ  
 Christo seruituros esse promisit, sic curauit  
 morbos, sic sanauit infirmos. *Non omnis* *Elegans*  
*qui parcit, amicus est: nec omnis qui verberat,* *sententia.*  
*inimicus. Meliora sunt vulnera amici, quàm*  
*voluntaria oscula inimici. Melius est cum se-* *Prou. 27. 6.*  
*ueritate diligere, quàm cum lenitate decipere.*  
 Vtilius esuriēti panis tollitur, si de cibo se-  
 curus iustitiam negligat, quàm esuriēti pa-  
 nis frangitur, ut iniustitiæ seductus acquies-  
 cat. Et qui phreneticum ligat, & qui lethar-  
 gicum excitat, ambobus molestus ambos  
 amat. Quis nos potest amplius amare, quàm  
 Deus? Et tamen nos non solum docere sua-  
 uiter, verum etiam salubriter terrere non  
 cessat. Fomentis lenibus quibus consolatur,  
 sæpe etiam mordacissimum medicamen-  
 tum tribulationis adiungens, exercet fame  
 patriarchas etiam pios & religiosos, popu-  
 lum contumacem pœnis grauioribus agi-  
 tat. Non aufert ab Apostolo stimulum car-  
 nis tertio rogatus, ut virtutem in infirmitate  
 perficiat. *Diligamus etiam inimicos nostros,* *Gratia Dei*  
 quia hoc iustum est, & hoc præcepit Deus, *tribulatio-*  
*ut simus filii patris nostri, qui in cœlis est, qui* *nibus per-*  
*facit solem suum oriri super bonos & malos, &* *missa.*  
*pluit super iustos & iniustos. Sed sicut ista do-*  
 na eius laudamus, ita etiam flagella eius in  
 eos quos diligit, cogitemus. Putas nemi-

Luc. 14.

Act. 9. 5.

nem debere cogi ad iustitiam, cū legas patrem familiās dixisse seruis: *Quoscunq; inuenieritis, cogite intrare*: cū legas etiā ipsum primò Saulum, postea Paulum, ad cognoscendam & tenendam veritatem, magna violentia Christi cogentis esse compulsum? nisi fortè chariorè putas hominibus esse pecuniam vel qualemlibet possessionem, quàm lucem istam quæ oculis carpitur. Hanc ille cœlesti prostratus voce subitò amissam non recuperavit, nisi cū sanctæ incorporaretur Ecclesiæ. Et putas nullam vim adhibendam esse homini, vt ab erroris perniciæ liberetur? cū ipsum Deum quo nemo nos vtilius diligit certissimis exemplis facere videas, & Christum audias, dicentem, *Nemo venit ad me, nisi quem pater attraxerit*: quod fit in cordibus omnium, qui se ad eum diuinæ iracundiæ timore conuertunt: & noueris aliquando furem auertēdis pecoribus pabulum spargere, & aliquando pastorem flagello ad gregem pecora errantia reuocare. Nonne contumacem ancillam data sibi potestate, Sara potius affligebat? Et utiq; non eam quam superius beneficio suo matrem fecerat, crudeliter oderat, sed in ea superbiam salubriter edomabat. Non autē ignoras, quod istæ duæ mulieres Sara & Agar, & duo filii earum Isaac & Ismaël, pro spiritalibus & carnalibus figurerentur? Et cū legamus ancillam & filium eius à Sara passos graues molestias, Paulus tamen Apostolus dicit, quod ab Ismaële persequu-

Iac. 6. 44.

Gen. 16.

Gal. 4. 24.

Gal. 4. 29.



sequutionem sit passus Isaac. *Sed sicut tunc,*  
 inquit, *ille qui erat secundum carnem, persequē-*  
*batur eum qui erat secundum spiritum, ita &*  
*nunc:* ut qui possunt intelligant, magis Eccle-  
 siam Catholicam persequutionem pati su-  
 perbia & impietate carnalium, quos tempo-  
 ralibus molestiis atq; terroribus emendare  
 conatur. Quicquid ergo facit vera & legiti-  
 ma mater, etiam liasperum amarumq; sentia-  
 tur, non malum pro malo reddit, sed bonum  
 disciplinæ expellendo malum iniquitatis ap-  
 ponit, non odio nocendi, sed dilectione sa-  
 nandi. *Cum boni & mali eadem faciunt, eadem-*  
*que patiuntur, non factis & pœnis, sed causis uti-*  
*que discernendi sunt.* Pharaο populum Dei du-  
 ris laboribus atterebat: Moyses eundem po-  
 pulum impiè agentem duris coërcitionibus  
 affligebat: similia fecerunt, sed non similiter  
 prodesse voluerunt: ille dominatione infla-  
 tus, iste zelo inflammatus est. Iezabel occidit  
 prophetas, Helias occidit pseudopphetas. *3. Reg. 18.*  
 Puto quod diuersa sunt merita facientium, *4. & 40.*  
 & diuersa passorum. Aspice etiam tempora  
 noui testamenti, quando iam ipsa mansuetu-  
 do charitatis nō solū in corde erat seruan-  
 da, verū etiam in luce monstranda, quando  
 Petri gladius in vaginā reuocatur à Christo, *Matt. 26. 52*  
 & ostenditur non debuisse de vagina eximi  
 nec pro Christo. Legimus tamē non solū,  
 quod cæciderunt Iudæi Paulū Apostolum, *Act. 19. 23.*  
 verū etiam q̄ cæciderunt & Græci pro Paulo *& 16. 19.*  
 Apostolo Sosthenē Iudæū. noīne similitudo *Act. 18. 17.*

facti quasi utrosque coniungit, & tamen eos  
 causæ dissimilitudo discernit? *Nempe Deus*  
*Rom. 8. 32. proprio filio suo non pepercit, sed pro nobis om-*  
*Gal. 2. 20. nibus tradidit illū.* Nempe de filio ipso dici-  
 tur? *Qui me dilexit, & tradidit semetipsum pro*  
*me.* Nempe & de Iuda dicitur, *quod introiret*  
*Ioan. 13. 2. in eum satanas, ut traderet Christum.* Cū er-  
 go & pater tradiderit filiū suum, & ipse Chri-  
 stus corpus suum, & Iudas Dominum suum,  
 cur in hac traditione Deus est pius, & homo  
 reus, nisi quia in re vna quam fecerunt, cau-  
 sa non vna est, ob quam fecerūt? Tres cruces  
 in loco vno erant: in vna latro liberandus, in  
 alia latro damnandus, in media Christus al-  
 terū liberaturus, alterū damnaturus. Quid si-  
 milius istis crucibus? Quid dissimili⁹ istis pē-  
*Act. 16. 23. dentibus?* Traditus est Paulus includendus &  
 colligandus. Sed quolibet custode carceris  
 peior est utique satanas, cui tamen ipse Pau-  
*1. Cor. 5. lus tradidit hominem in interitum carnis, ut*  
*spiritus saluus sit in die Domini IESU.* Et hic  
 quid dicimus? Ecce mitiori tradidit crudelis  
 traditor, crudeliori tradidit misericors tra-  
 ditor. Discamus frater in similitudine ope-  
 rum discernere animos operantiū, nec clau-  
 sis oculis calumniemur, & beneuolos pro  
 nocentibus accusemus.

Item cū ait idem Apostolus, *tradidisse se*  
*1. Tim. 1. 20. quosdam satana, ut discerent non blasphemare,*  
 malum pro malo reddidit, an potius malos  
 etiam per malum emendare, bonum opus  
 esse iudicauit? Si semper esset laudabile per-  
 sequutio-

quationem pati, sufficeret Domino dicere,  
*Beati qui persecutionem patiuntur, nec adde-*  
*ret, propter iustitiam.* Item si semper esset cul- 23. q. q. ni-  
 pabile persecutionem facere, non scriptum mum.  
 esset in sanctis libris, *Detrahentem proximo*  
*suo occultè, hunc persequerbar.* Aliquando ergo Psal. 100. 5  
 & qui eam patitur, iniustus est, & qui eam  
 facit, iustus est. Sed planè semper & mali per-  
 secuti sunt bonos, & boni persecuti sunt ma-  
 los. Illi nocendo per iniustitiam, illi consu-  
 lendo per disciplinā. Illi immaniter, illi tem-  
 peranter. Illi seruientes cupiditati, illi cha-  
 ritati. Nam qui trucidat, non considerat,  
 quemadmodum laniet, qui autem curat con-  
 siderat, quemadmodum secet. Ille enim per-  
 sequitur sanitatem, ille putredinem. Occi-  
 derunt impii prophetas, occiderunt impios  
 & prophetæ. Flagellauerunt Iudæi Chri-  
 stum, Iudæos flagellauit & Christus. Traditi  
 sunt Apostoli ab hominibus potestati huma-  
 næ, tradiderunt & Apostoli homines pote-  
 stati satanæ. In his omnibus quid attenditur,  
 nisi quis eorum pro veritate, quis pro ini- NB. Occu-  
 quitate, quis nocendi causa, quis emendan- patio. Quod  
 di. Non inuenitur exemplum in Euangeli- scriptura  
 cis & Apostolicis literis, aliquid petitū a re- non faciat  
 gibus terræ pro Ecclesia, contra inimicos Ec- mentionem  
 clesiæ: quis negat non inueniri? Sed nondum implete  
 implebatur illa prophetia. *Et nunc reges in-*  
*telligite, & erudimini qui indicatis terram, ser-*  
*uite Domino in timore.* Adhuc enim illud im- auxilio se-  
 plebatur, quod in eodem Psalmo paulò supe- cularis.  
Psal. 2. 10. 8

rius dicitur : *Quare fremurunt gentes, & populi meditati sunt inania. Astiterunt reges terre, & principes conuenerunt in unum aduersus Dominum, & aduersus Christum eius.* Veruntamen si facta præterita in propheticiis libris figuræ fuerunt futurorum, in rege illo qui appellabatur Nabuchodonosor, utrumque tempus figuratum est, & quod sub Apostolis habuit, & quod nunc habet Ecclesia. Temporibus itaq; Apostolorum & Martyrum illud implebatur quod figuratum est, quando rex memoratus pios vel iustos cogebat adorare simulachra, & recusantes in flammis mittebat. Nunc autem illud impletur quod paulò post in eodem rege figuratum est, cùm conuersus ad honorandum Deum verum, decreuit in regno suo, *ut quicumque blasphemaret Deum Sidrac, Misac, & Abdenago, pœnis debitis subiaceret.* Prius ergo tempus illius regis significabat priora tempora regum infidelium, quos passi sunt Christiani pro impiis. Posterius verò tempus illius regis, significauit tempora posteriorum regum iam fidelium, quos patiuntur impii pro Christianis. Sed planè in eis, qui sub nomine Christi erant seducti à peruersis, ne fortè oues Christi sint errantes, & ad gregem aliter reuocandæ sint, temperata seueritas & magis mansuetudo seruetur, ut coercitione exiliorum atq; damnorum tribulatione admoneantur considerare, quid & quare patiantur, & discant præponere ruinis

*Dan. 3. 26.*

*N. B. Ecclesia non se-  
per debet  
passi,*



moribus & calumniis hominum scripturas  
 quas legunt. *Leges ad-* Quis enim nostrum, quis ve- *uersus pa-*  
 strum non laudat leges ab Imperatoribus da- *ganos.*  
 tas aduersus sacrificia paganorum? Et certè  
 longè ibi pœna seuerior constituta est, il-  
 lius quippe impietatis capitale supplicium  
 est. De vobis autè corripiendis atq; coërcen-  
 dis habita ratio est, quo potius admonere-  
 mini ab errore discedere, quàm pro scelere  
 puniremini. Potest enim fortassè etià de vo-  
 bis dici, quod ait Apostolus de Iudæis? *testi-* *Rom. 10. 2.*  
*monium illis perhibeo, quia Zelum Dei habent,*  
*sed non secundum scientiam, ignorantes enim*  
*Dei iustitiam & suam volentes constituere, iu-*  
*stitiæ Dei non sunt subiecti.* Quid enim aliud,  
 & vos quàm vestram iustitiam constituere  
 vultis, quando non dicitis iustificari nisi eos  
 qui à vobis potuerunt baptizari? In hac ergò  
 Apostolica sententia, quam de Iudæis protu-  
 lit, hoc distatis à Iudæis, quod vos habetis  
 sacramenta Christiana, quibus illi adhuc  
 carent. Cæterum ad hoc quod ait, *Ignorantes*  
*Dei iustitiam, & suam, volentes constituere, &*  
*quod Zelum Dei habent, sed non secundum sci-*  
*entiam,* pares estis omninò, exceptis dunta-  
 xat illis, quicunque in vobis sunt, scientes  
 quid verum sit, & pro animositate suæ per-  
 uersitatis contra veritatem etiam sibi notis-  
 simam dimicantes.

Horum quippe impietas etiam idolola-  
 triam forsitan superat. Sed quia non facilè  
 conuinci possunt, ( in animo namque latet

hoc malum) omnes tanquam à nobis minus alieni leniori seueritate coërcemini. Et hoc quidem vel de omnibus hæreticis, qui Christianis sacramentis imbuuntur, & à Christi veritate siue vnitæ dissentiunt, vel Donatistis omnibus dixerim Quod autem ad vos attinet, qui non solum cum illis communiter Donatistæ à Donato, verum etiam propriè Rogatistæ à Rogato appellamini, mitiores quidem esse videmini, quia cū Circumcellionum immanissimis gregibus non sæuitis, *sed nulla bestia si neminem vulneret, propterea mansueta dicitur*, quia dentes & ungues non habet. Sæuire vos nolle dicitis, ego non posse arbitror. Ita enim estis numero exigui, vt mouere vos contra aduersarias vobis multitudines non audeatis, etsi cupiatis. Sed ponamus, vos etiam nolle quod non valetis, ponamus vos Euangelicam sententiam, quæ scriptum est: *Si quis tibi voluerit tunicam tollere, & iudicio tecum contendere, dimitte illi & pallium*: sic intelligere, sic tenere, vt persecuentibus vos non solum nulla iniuria, verum etiam nullo iure resistendum putetis: hunc certè intellectum Rogatus autor vester aut non habuit, aut non impleuit: qui de nescio quibus rebus vt dicitis vestris acerrima perseuerantia etiam forensi disceptatione confligit. Cui si diceretur, quis vnquam Apostolorum in causa fidei res suas iudicio publico defendit, sicut tu in Epistola tua posuisti? quis vnquam Apo-

NB.]

Matt. 5. 40.

stolorū

stolorum in causa fidei res alienas inuasit? nullum quidem in diuinis literis huius facti reperiret exemplum, sed tamen forte inueniret aliquam veram defensionem, si veram Ecclesiam retineret, & non sub Ecclesiæ veræ nomine impudenter aliquid possideret. Quod autem pertinet ad terrenarum potestatum iussâ, contra schismaticos aut hæreticos vel imploranda vel exercenda, illi quidem à quibus vos separastis acerrimi fuerunt, & contra vos (quantum audire potuimus) & contra Maximianistas, quod gestorum etiam certis documentis probamus: sed tamen nondum ab eis separati eratis, quando Iuliano Imperatori in sua petitione dixerunt, quod apud eum sola iustitia locum haberet, quem certè apostatam nouerant, & idololatriis deditum sic videbât, vt aut iustitiam esse idololatriam faterentur, aut scelestè mentitos, negare non possent, vt apud eum dicerent solam locum habere iustitiam, apud quem magnum locum cernerent habere idololatriam. Sed fuerit error in verbo, de facto ipso quid dicis? Si nihil iniustum ab imperatore petendum est, cur à Iuliano petatum est, quod iniustum putatum est? An hoc petendum est, vt sua quisque reciperet, non vt aliquem quo ab Imperatore coërceatur, accuset? Interim & in suarum rerum recipiendarū repetitione ab Apostolicis exēplis receditur, quia hoc fecisse nemo inuenitur illorum. Sed tamen cū maiores

*Iulianus  
apostata*

*Cæcilianus  
Episcopus.*

vestri ipsum *Cæcilianum* tunc Ecclesiæ Carthaginensis Episcopū cui tanquā criminoso cōmunicare noluerunt, apud principē *Constantinum*, per Anulinū procōsulem accusauerunt, non res suas amissas repetiuerunt, sed innocentem ( sicut existimamus, & sicut ipse iudiciorū exitus docuit ) calumniosè appetiuerunt. Quo quid sceleratius ab eis fieri potuit? Si autē ( sicut falsò arbitramini ) verè criminosum indicādum terrenis potestatib. tradiderūt, quid nobis obiicitis, q̄ vestrorum præsumptio primitus fecit : quod eos nō argueremus q̄ fecerunt, si non animo inuido & noxio, sed emendandi & corrigendi voluntate fecisset. Vos autem indubitanter arguimus, quibus crimen videtur de inimicis communionis nostræ, Christiano Imperialiquid conqueri, cū libellus à maioribus vestris Anulino proconsuli datus & Constantino Imperatori mittendus, ita supra scriptus sit : *Libellus Ecclesiæ Catholice, criminum Cæciliani, traditus à parte Maiorini.* Illos autem magis hinc arguimus, quia apud Imperatorem vltro Cæcilianum accusauerunt, quem prius apud collegas transmarinos conuincere debuerunt, ipso autem Imperatore longe ordinatius agente, vt episcoporum causam ad se delatā, ad Episcopos mitteret, nec victi pacem cum fratribus habere voluerunt, sed rursus ad eundem Imperatorem venerunt, rursus non Cæcilianum tantum, verū etiam datos sibi Episcopos iudices

*Libellus  
criminum  
Cæciliani:*

*Imperator  
causam E-  
piscoporum  
mittit ad  
Episcopum.*



Iudices apud terrenum regem accusauerunt.  
 Rursus ab alio Episcopali iudicio ad eundem  
 Imperatorem appellauerunt. Nec eo ipso in-  
 ter partes cognoscente atq; iudicante, vel v-  
 nitati, vel paci cedendum esse duxerūt. Quid  
 autem aliud statueret Constantinus aduer-  
 sus Cæcilianum & socios eius, si essent ve-  
 stris maioribus accusantibus victi, quàm  
 quod statuit in eos ipsos, qui cum vltro ac-  
 cusassent? nec ea quæ intendebant, probare  
 potuissent, Noluerunt enim vnitati consen-  
 tire, nec victi. Ille quippe Imperator primus  
 constituit in hac causa, *ut res conuictorum*  
*& vnitati pernicaciter resistentium, sisco ven-*  
*dicarentur.* Sed videlicet si vestris maiori-  
 bus accusantibus atque superantibus con-  
 tra communionem Cæciliani imperator ta-  
 le aliquid decreuisset, prouisores Ecclesiæ,  
 defensores pacis & vnitatis nominari vel-  
 letis. Cum verò in eos qui vltro accusantes  
 nihil probare potuerunt, nec oblato sibi gre-  
 mio pacis, quo corecti exciperentur con-  
 sentire voluerunt, ab imperatoribus talia  
 decernuntur, indignum facinus clamitatur,  
 neminem ad vnitatem esse cogendū malum  
 p̄ malo reddendum nemini esse cōtenditur.  
 Quid est aliud q̄ id quod de vobis quidā scri-  
 psit, *quod volumus sanctū est?* Et nunc nō erat  
 magnum, neq; difficile considerare atq; co-  
 gitare Constantini iudicium atque senten-  
 tiam contra vos vigere, quæ vestris maiori-  
 bus Cæcilianum apud imperatorem totiens  
 accu-

*Hæc eicorā  
 inconstan-  
 tia in eli-  
 gendo &  
 reprobando  
 iudice.*

*22. 9. 9. No-  
 minum.*

*Πάντες  
 ἀντισπé-  
 φει.*

*Hemisti-  
 chium Ty-  
 chonis*

accusantibus, & non conuinentibus, aduersus vos promulgata est: eamq; necessariò si qui ceteros Imperatores, maximè Catholicos Christianos, quoties de vobis aliquid agere vestræ obstinationis necessitas cogit.

*Orbis Christianus huius vel illius prapostiti sceleribus non maculatur.*

Facile erat ista cogitare, vt vobis ipsis aliquando diceretis: Si Cæcilianus vel innocens fuit, vel nocens, & conuinci non potuit, quid in hoc negotio tam longè latèq; diffusa societas Christiana peccauit? Cur orbi Christiano nò licuit ignorare, quod non potuerunt qui accusauerant demonstrare? Cur illi, quos Christus in agro suo, id est in hoc mundo seminauit, & inter zizania crescere vsq; ad messem præcepit: cur tot milia fidelium in omnibus gentibus, quorum multitudinem stellis cœli & arenæ maris Dominus comparauit, quos in semine Abrahæ benedicendos promisit & reddidit, propterea negantur esse Christiani, quia in hac causa, in qua discutienda non in-

*N.B.*

*23. q. q. nimum.*

*1. q. q. nullius.*

terfuerunt, indicibus potius suo periculo indicantibus, quàm victis litigatoribus credere maluerunt? Certè nullius crimen maculat nescientem. Quomodo fideles toto orbe diffusi, crimen traditorum cognoscere poterant, quod accusatores etià si nouerant, tamen eis ostendere non valebant? Hos ergo ab hoc crimine innocentes esse, nempe ipsa ignorantia facillimè ostendit. Cur ergo innocentes falsis criminibus accusantur, quia crimina aliena seu falsa, seu vera nescierunt? Quis locus innocentiae reseruatur, si crimen est proprium, nescire

nescire crimen alienum? Porro si tot gen-  
 tium populos ipsa ignorantia ( sicut dictum  
 est ) innocentes ostendit , quàm magnum  
 crimen est ab istorum innocentium com-  
 munionem separari? Nam & facta nocentium,  
 quæ innocentibus demonstrari, vel ab inno-  
 centibus credi non possunt, non inquinant  
 quenquam, si propter innocentium confor-  
 tium etiam cognita sustinentur. *Non enim*  
*propter malos boni deserendi, sed propter*  
*bonos mali tolerandi sunt* : sicut toleraue-  
 runt propheta, contra quos tanta dicebant,  
 nec communionem sacramentorum illius  
 populi relinquebant: sicut ipse dominus no-  
 centem Iudam vsq; ad condignum eius exi-  
 tum toleravit, & eum sacram Cœnam cum  
 innocentibus communicare permisit: sicut  
 tolerarunt Apostoli eos, qui per invidiam  
 ( quod ipsius Diaboli vitium est ) Christum  
 annunciabant: sicut toleravit Cyprianus  
 collegarum avaritiam, quam secundum A-  
 postolum appellat idololatriam. Postremò  
 quicquid tunc inter illos Episcopos gestum  
 est, etiam si fortè ab aliquibus eorum scie-  
 batur, si non sit acceptio personarum nunc  
 ab omnibus ignoratur. Cur ergo nunc ab o-  
 mnibus pax amatur? Hæc facillimè cogitare  
 possetis, aut fortasse etiam cogitatis, sed me-  
 lius erat, vt amaretis possessiones terrenas,  
 quas timendo perdere cognitę veritati con-  
 sentiretis, quàm vt amaretis vanissimam  
 hominum gloriam, quam vos putatis per-  
 dere,

13. 9. 9 Ni-  
 miam &  
 cap quam  
 magnum.

Communi-  
 orbis non  
 deserenda  
 propter ma-  
 los.

Exempla  
 prophetarū  
 & aliorū.

83. q. 6.  
Vides.

*Exempla  
integrarū  
urbium, à  
Donatistis  
per metum  
pœnarum  
ad Catho-  
licas sepa-  
ratarum.*

*Prima Au-  
gustini sen-  
tentia, de  
non cogen-  
dis hereti-  
cis.*

//dere, si cognitæ veritati consentiretis. Vides  
itaq; iam (vt opinor) non esse considerandū,  
quod quisq; cogitur, sed quale sit illud quo  
cogitur, vtrum bonum an malum: non quo  
quisq; bonus possit esse inuitus, sed timendo  
quod non vult pati, vel relinquit impediē-  
tem animositatem, vel ignoratā compellitur  
cognoscere veritatem, vt timens vel respuat  
falsum, de quo contendebat, vel quærat verū  
quod nesciebat, & volens teneat iam quod  
nolebat. Superfluo hoc fortasse diceretur qui-  
buslibet verbis, si non tam multis ostendere-  
tur exemplis. Non illos aut illos homines,  
sed multas ciuitates videmus fuisse. Donati-  
stas, nūc esse Catholicas, detestari vehemen-  
ter diabolicam separationem, diligere arden-  
ter vnitatem. Quæ tamen timoris huius, qui  
tibi displicet, occasionibus Catholica factæ  
sunt per leges Imperatorum, à Constantino  
apud quem primū vestri vltro Cæcilianum  
accusauerunt, vsq; ad præsentes Imperato-  
res, qui iudiciū illius quem vestri elegerunt,  
quem iudiciis Episcopis prætulerunt, ius-  
tissimè contra vos custodiendum esse decer-  
nunt. His ergo exemplis à collegis meis mihi  
propositis cessi. Nam mea primitus sententiā  
erat, neminem ad vnitatē Christi esse cogen-  
dum, verbo esse agendum, disputatione pu-  
gnandum, ratione vincendum, ne fictos Ca-  
tholicos haberemus, quos apertos hæreticos  
noueramus. Sed hæc opinio mea, nō contra-  
dicentium verbis, sed demonstrantium supe-  
rabatur



rabatur exemplis: nam primò mihi opponebatur ciuitas mea, quæ cùm tota esset in parte Donati, ad vnitatem Catholicam timore legum imperialium cōuersa est, quam nunc videmus ita huius vestræ animositatis perniciem detestari, vt in ea nunquam fuisse credatur. Ita aliæ multæ, quæ mihi nominatim commemorabantur, vt ipsis rebus agnoscerem etiam in hac causa rectè intelligi posse, quod scriptum est: *da sapienti occasionem, & Prou. 9. 9. sapientior erit.* Quàm multi enim quod certò scimus, iam volebant esse Catholici, manifestissima veritate commoti, & offensionē suorum reuerendo quotidie differebant. Quàm multos non veritas (in qua nunquā præsumpsistis) sed obduratæ cōsuetudinis graue vinculum colligebat, vt in eis compleretur diuina illa sententia? *Verbis non emendabitur seruus durus, si enim & intellexerit, non obedi.* Quàm multi propterea putabant veram Ecclesiā esse partē Donati, quia eos ad cognoscendam Catholicam veritatē securitas torpidos, fastidiosos, pigrosq; faciebat. Quàm multis aditum intrandi obserabant rumores maledicorū, qui nescio quid aliud nos in altare Dei ponere iactitabant. Quā multi nihil interesse credētes in qua quisq; parte Christianus sit, ideo permanebāt in parte Donati, quia ibi nati erant, & eos inde discedere, atq; ad Catholicam nemo transire cogebat. His omnib. harum legū terror, quibus promulgandis reges seruiunt Domino in timore, ita profuit,

*Vulgares  
causæ quib.  
multi à Ca-  
tholica vni-  
tate etiam  
hodie, pròh  
dolor, detri-  
nentur.*

*Prou. 19. 18.*

*Nota bene.*

profuit, vt nunc alii dicant, iam hoc volebamus. Sed Deo gratias, qui nobis occasionem præbuit. iamq; faciendi & dilationum morulas amputauit: alii dicant, Hoc esse verū iam sciebamus, sed nescio qua consuetudine tenebamur. Gratias domino, qui vincula nostra dirupit, & nos ad pacis vinculū transtulit. Alii dicant, nesciebamus hic esse veritatem, neceam discere volebamus, sed nos ad eam cognoscendam metus fecit intentos, quod timuimus ne fortè sine vllis rerum æternarum lucris damno rerum temporalium feriremur. Gratias Domino, qui negligentiam nostram stimulo terroris excussit, vt saltem solliciti quæreremus, quod securi nunquam nosse curauimus. Alii dicant, nos falsis rumoribus terrebamur intrare, quos falsos esse nesciremus, si non intraremus: nec intraremus, nisi cogeremur. Gratias Domino, qui trepidationem nostram flagello abstulit, expertos docuit, quā vana & inania de Ecclesia sua mendax fama iactauerit. Hinc iam credimus & illa falsa esse, quæ authores huius hæresis criminati sunt, quādo posteri eorum tam falsa & peiora finxerunt. Alii dicant, putabamus quidem nihil interesse, vbi fidem Christi teneremus: sed gratias Domino, qui nos à diuisione collegit, & hoc vni Deo congruere, vt in vnitatem colatur, ostendit. His ergo dominicis lucris impediendis, ad contradicendum me opponerem collegis meis, ne in montibus & collibus vestris, id est, in tumoribus

moribus superbiæ vestrę, Christi oues errantes in pacis ouile colligerentur, vbi est vnus grex & vnus pastor. Ita sanè huic prouisioni cōtradicare debui, ne res quas dicitis vestras, perderetis, & securi Christum proscriberetis: vt iure Romano testamenta conderetis, & iure diuino patribus conditum testamentum, vbi scriptum est. *In semine tuo benedicentur omnes gētes*, calumniolis criminationibus rumperetis: vt in emptionibus & venditionibus liberos contractus haberetis, & vobis diuidere, quod Christus emit venditus, audereris: vt quod quisq; vestrū cuiquam donasset, valeret, & quod donauit Deus deorū, *à solis ortu vsq; ad occasum vocatis filiis non valeret*, vt de terra corporis vestri in exiliū non mitteremini, & de regno sanguinis sui, *à mari vsq; ad mare*, & à flumine vsq; ad terminos orbis terrę Christum exulem facere conarimini? imò verò *seruiant reges terrę Christo, etiam leges ferendo pro Christo*. Maiores vestri Cæcilianum, & socios eius regibus terrę puniendos falsis criminibus obiecerunt: conuertantur leones ad comminuenda ossa calumniantium, nec Daniel ipse intercedat innocens comprobatus, & de lacu, quo illi pereunt, liberatus. Qui enim parat proximo suo foueam, ipse iustius cadet in eam. Eripe te frater, dum in hac carne viuis, ab ira quę ventura est pertinacibus & superbis. Terror temporalium potestatum, quando veritatem oppugnat, iustis fortibus gloriosa probatio

*Ecclesia la-  
titudo.*

*Regum le-  
ges pro  
Christo.*

*Nota bene.*

Rom. 13. 1.

batio est, infirmis periculosa tentatio, quando autem veritatem prædicat errantib. cordatis utilis admonitio est, & insensatis inutilis afflictio. *Non est tamē potestas nisi à Deo: qui autem resistit potestati, Dei ordinationi resistit. Principes enim nō sunt timori bono operi, sed malo. Vis autem non timere potestatem? Bonum fac, & habebis laudem ex illa.* Siue enim potestas veritati fauens aliquem corrigit, laudem habet ex illa qui fuerit emendatus: siue inimica veritati in aliquem sæuiat, laudem habet ex illa qui victor fuerit coronatus. Tu autē non

NB.

*Ecclesia la-  
titudo a-  
fruitur ex  
scripturis,  
contra he-  
reticorum  
angustias.  
Gen. 26. 4.  
Malac. 1. 11.*

bonum facis, vt timere non debeas potestatem, nisi fortē bonum est sedere, & non aduersus fratrem detrahēre, sed aduersus fratres omnes in omnibus gētibus constitutos, quibus testimonium perhibent Prophete, Christus, Apostoli: cum legitur; *In semine tuo benedicentur omnes gentes: cum legitur à ortu solis vsq; ad occasum sacrificium mundum offertur nomini meo, quoniam glorificatum est nomen meum in gentibus, dicit Dominus.* Audi, dicit Dominus, nō dicit Donatus, aut Rogatus, aut Vincentius, aut Hilarius, aut Ambrosius, aut Augustinus: sed dicit Dominus: cū legitur: *Et benedicentur inter omnes tribus terræ, omnes gentes magnificabunt eum: Benedictus Dominus Deus Israel, qui fecit mirabilia solus: Et benedictum nomen gloriæ eius in æternum, & in seculum seculi: Et replebitur gloria eius omnis terra, fiat fiat.* Et tu sedes Cartennis, & cum decem Rogatistis, qui remansistis, dicis: non fiat, non

*Psal. 71. 27.  
N. 3.*



non fiat, Audis loqui Euangelium; oportebat  
 impleri omnia quæ scripta sunt in lege & Prophe- Inc. 24. 44  
 tis, & Psalmis de me: & tunc aperuit illis sensum,  
 ut intelligerēt scripturas; & dixit eis. Quoniam  
 sic scriptum est, & sic oportebat pati Christū, &  
 resurgere à mortuis tertia die, & prædicari in no-  
 mine eius pœnitentiam & remissionem peccato-  
 rum per omnes gentes, incipientibus ab Hierusa-  
 lem. Legis etiam actus Apostolorum, quem-  
 admodū hoc Euangelium cœperit ab Hieru-  
 salem, vbi primò illos centū viginti Spiritus  
 sanctus impleuit, atq; inde in Iudæam atque  
 Samariam, & in omnes gentes exierit, sicut  
 eis dixerat ascensurus in cœlum; Eritis mihi Act. 18.  
 testes in Hierusalem, & in tota Iudæa & Sama-  
 ria, & usq; in fines terræ: quia in omnem terram  
 exiuit sonus eorum, & in fines orbis terræ verba  
 eorum. Et tu contradicis diuinis testimoniis  
 tanta firmitate roboratis, tanta luce manife-  
 statis, & ad istam præscriptionem Christi hæ-  
 reditatem perducere conaris: ut cū in eius  
 nomine (sicut dixit) p̄dicetur pœnitentia in  
 omnib<sup>9</sup> gentib. quisquis hac fuerit prædica- NB.  
 tione commotus, in qualibet parte orbis ter-  
 rarum, nisi quæsierit & inuenerit latetē in  
 Mauritania Cæsariensi Cartennensem Vin-  
 centiū, aut aliquem ex eius nouē aut decem  
 confortibus, dimitti ei peccata non possint.  
 Quid non audeat typhus morticinę pellicu-  
 læ, quò non se p̄cipitet præsumptio carnis &  
 sanguinis? Hoc cine est bonum opus tuum;  
 propter quod non timeas potestatem? tan-

*Obiectio  
Donatist.  
contra su-  
persora,*

tum scandalum ponis aduersus filium matris tuæ, paruulum scilicet & infirmum, propter quem Christus est mortuus, nondum cibo paterno idoneum, sed adhuc materno lacte nutriendum: & Hilarii libros mihi opponis, uti neges Ecclesiam crescentem in omnibus gentibus usque in finem seculi, quam Deus contra incredulitatem vestram cum iuratione promisit? Et cum essetis infelicissimi, si tunc quando promittebatur resisteretis, nunc etiam cum redditur, contradicitis. Sed historicus doctus magnum aliquid inuenisti, quod contra Dei testimonia proferendum putares. Dicis enim quantum ad totius mundi pertinet partes, modica pars est compensatione totius mundi, in qua fides Christiana nominatur: nec vis attendere, aut te nosse dissimulas, in quam multas iam barbaras nationes tam paruo tempore venerit Euangelium, ut nec inimici Christi dubitare iam possint breui tempore futurum, quod discipulis respondit de seculi fine quærentibus. *Et predicabitur hoc Euangelium in vniuerso orbe, in testimonium omnibus gentibus, & tunc veniet finis.* Nunc & clama & cõtende quantum potes, etiamsi apud Persas & Indos Euangelium prædicetur, ubi quidem iam diu prædicatur, nisi quisquis hoc audierit Cartennas venerit, vel in viciniam Cartennensium, mundari omnino à delictis suis non poterit: ita ne si carueris ista voce, rideri te metuis: & cum ea non careas, fleri te non vis?

Acutum

Acutum autem aliquid videris dicere, cū *NB.*  
*Catholica nomen non ex totius orbis communio-* *Alia obie-*  
*ne interpretaris, sed ex observatione præceptorū* *ctio, de si-*  
*omnium diuinorum, atq; omnium sacramento-* *gnificatio-*  
*rum: quasi nos etiam si fortè hinc sit appel-* *ne vocabulū*  
*lata Catholica, quod totum veraciter teneat,* *Catholici,*  
*cuius veritatis nonnullæ particulæ etiam in* *quæ hodie*  
*diuersis inueniuntur hæresibus, huius nomi-* *nouatorib.*  
*nis testimonio nitamur ad demonstrandum* *Esitatis-*  
*Ecclesiam in omnibus gentibus, & non pro-* *ma.*  
*missis Dei, tam multis tamq; manifestis ora-*  
*culis ipsius veritatis. Sed nempe hoc est to-*  
*tum, quod nobis persuadere conaris, solos*  
*remanisse Rogatistas, qui Catholici rectè* *Attende*  
*appellari possint, ex observatione præcepto-* *lector.*  
*rum omnium diuinorum, atq; omnium sa-*  
*cramentorum; & vos esse solos, in quibus in-* *Luc. 18. 8.*  
*ueniat fidem cum venerit filius hominis. Da ve-*  
*niam, non credimus. Licet enim & hoc au-*  
*deas forsitan dicere, vt in vobis possit inue-*  
*niri fides, quàm se in terra non inuenturum*  
*Dominus dixit, & nō vos in terra, sed in cœ-*  
*lo esse deputandos, nos tamen Apostolus ita* *Galat. 3. 8.*  
*cautos reddidit, vt etiam angelum de cœlo no-*  
*bis aliud euangelizantem, præterquam quod*  
*accepimus, anathema debere esse præceperit.*  
*Quomodo autem confidimus ex diuinis li-* *Ecclesia*  
*teris accepisse nos Christum manifestum, si* *non minus*  
*non inde accepimus & Ecclesiam manife-* *manifesta*  
*stam? Quaslibet quisq; anfas & vncos aduer-* *quàm ipse*  
*sus simplicitatem veritatis intexat, quaslibet* *Christus.*  
*nebulas callidæ falsitatis offundat, sicut ana-*  
*thema*

thema erit, qui annunciauerit Christum neque passum esse, neque tertia die resurrexisse, quoniam in veritate Euangelica accepimus: oportebat Christum pati, & resurgere à mortuis tertia die: *Sic erit anathema quisquis annunciauerit Ecclesiam præter communionem omnium gentium: quia eadem veritate consequenter accepimus, & prædicari in nomine eius poenitentiam & remissionem peccatorum per omnes gentes, incipientibus ab Hierusalē: & inconculsè tenere debemus, quisquis vobis annunciauerit, præterquam quod accepistis anathema sit. Si autē vniuersos Donatistas non audimus, se pro Ecclesia Christi supponētes, quia nullum ꝑ se testimoniū de diuinis libris ꝑferunt, quoid doceant: quanto min⁹ rogo te Rogatistas audire debemus, qui nec illud pro se interpretari conabūtur, qđ scriptum est: *ubi pascis, ubi cubas in meridie?* Si n. hoc loco scripturarum merities Africa intelligenda est, in parte Donati, qđ sub cœli feruentiori plaga est, omnes vos Maximianistæ superabūnt, quorū schisma in Byzantio, & in Tripoli exarsit. Sed confligant cum eis Arzuges, & hoc magis ad se pertinere contendat; Mauritania tñ Cæsariensis, occidentali quam meridiane parti vicinior, quando nec Africā se vult dici, quomodo de meridie gloriabitur? non dico aduersus orbem terrarum, sed aduersus ipsam partem Donati, vnde pars Rogati breuissimum frustū de frusto maiore ꝑcisū est. *Quis autē non impudētissi-**

NB.

Luc. 24.

46. &amp; 47.

Cant. I. 7.

Vulgare

Donati-

starum

Xp̄s qđ

287v.



enè nitatur aliquid in allegoria positū pro se in-  
 terpretari, nisi habeat & manifesta testimonia  
 quorum lumine illustrentur obscura? Quod au-  
 tem omnibus Donatistis dicere solemus,  
 quantò vobis fortius dicimus: si possunt  
 (quod fieri non potest) aliqui habere causam  
 iustam, qua communionem suam separent  
 à communione orbis terrarum, eamq; ap-  
 pellent Ecclesiam Christi, quod se iustè ab  
 omnium gentium communione separaue-  
 rint: vnde scitis in Christiana societate, tam  
 longè latèque diffusa, ne fortè antequam vos  
 separaretis, iam se aliqui iusta causa separa-  
 uerint in longinquissimis terris, vnde ad vos  
 eorum iustitiæ fama non potuerit pèrueni-  
 re? Quomodo in vobis potest esse Ecclesia,  
 potiusq; in illis, qui se priores fortè separaue-  
 runt? Ita fit vt cum hoc nescitis incerti, vobis-  
 metipsis sitis: q; necesse est contingat omni-  
 bus, qui pro sua societate vtūtur testimonio  
 non diuino sed suo. Neq; n. potestis dicere, si  
 hoc cōtigisset, nos latere non posset, cū in  
 Africa ipsa, q; iam partes factæ sint ex parte  
 Donati, si interrogemini non dicatis: præfer-  
 tim quia tantò sibi videntur, qui hoc faciunt  
 iustiores, quantò fuerint pauciores, & utiq;  
 tantò sunt latentiore. Ac p hoc incerti estis,  
 ne fortè aliq pauci iusti & ideo minimè noti,  
 alicubi longè cōtra Africę meridiem, anteq̃  
 pars Donati iustitiam suam à ceterorum ho-  
 minū iniquitate secerneret, se primitus causa  
 b 4 æquis

Contra f-  
 gmentum  
 paucorum  
 iustorum

æquissima separauerint in latere aquilonis, & ipsa sit potius Ecclesia DEI tanquam Sion spiritalis, quæ vos omnes iusta separatione præuenit, multoque præsumptius pro se interpretetur, quod scriptum est. *Mons Sion,*

*Psal. 74. 3.*

*Cant. 1. 7.*

*latere Aquilonis, ciuitas regis magni;* quam pro se interpretatur pars Donati; *ubi pascis, ubi cubas in meridie.* Et tamen vereris, ne cum imperialibus legibus ad vnitatem cogimini, nomen Dei à Iudæis & paganis diutius blasphemetur: quasi nesciant Iudæi quemadmodum primus populus Israël etiam bello delere voluerit duas illas tribus & dimidiam: quæ vltra Iordanem terras acceperant, quando eas putauerunt se ab vnitatem sui populi separasse. Pagani verò magis nos blasphemare possunt de legibus, quas contra idolorum cultores Christiani imperatores tulerunt, & tamen ex eis multi correcti, & ad Deum viuum verumque conuersi sunt, & quotidie

*Nota bene.*

conuertuntur. *Sed planè & Iudæi & pagani, si tam paucos putarent esse Christianos, quam pauci vos estis, qui solos vos Christianos esse perhibetis, nec blasphemare vos dignarentur, sed & nunquam ridere cessarent.* Non timetis ne vobis dicant Iudæi: vbi est quod Paulus vester Ecclesiam vestram intelligit, vbi dictum est;

*Gal. 4. 27.*

*Letare sterilis quæ non parit, erumpe & exclama, quæ non parturis, quoniam multi filii deserte magis quam eius quæ habet virum, præponens multitudinem Christianorum multitudini Iudæorum, si Christi Ecclesia est paucitas*

citas

citas vestra? Hóccine illis dicturi estis : *Ideo  
magis iusti sumus quia pauci sumus* : nec atten-  
 ditis eos responsuros, quotlibet vos esse di-  
 catis, non tamen estis illi, de quibus dictum  
 est, *Multi filii desertæ* : si tam exiguo nume-  
 ro remansistis ?

Hic tu oppositurus es exemplū iusti illius  
 in diluuió, qui cum domo sua solus liberari  
 dignus inuentus est. Vides ergò quàm longè  
 sis adhuc à iustitia? prorsus donec ad septem  
 remaneas, quibust tu sis octauus, iustum te ef-  
 fe non dicimus : si tamen non istam iustitiam  
 sicut dicebam præripuit aliquis ante partem  
 Donati, & cum suis septem iusta aliqua cau-  
 sa commotus, se longè alibi separauit, & à  
 mundi huius diluuió liberauit. Quod cū  
 ignoretis an factum sit, atq; ita vobis inaudi-  
 tum, sicut multis populis Christianorum in  
 longinquis terris constitutorum nomē Do-  
 nati inauditum est, incerti estis vbi sit Eccle-  
 sia. Ibi enim erit, vbi primum forsitan factum  
 est, quod postea vos fecistis, si potuit esse vlla  
 iusta causa, qua vos à communione omnium  
 gentium separare possetis. Nos autem ideò  
 certi sumus, neminem se à communione o-  
 mnium gentium separare iustè potuisse, quia  
 non quisq; nostrū in iustitia sua, sed in scri-  
 pturis diuinis quærit Ecclesiam, & vt pro-  
 missa est, reddi cōspicit. Ipsa est enim de qua  
 dicitur, *sicut lilium in medio spinarum, ita pro-*  
*xima mea in medio filiarum* : quæ nec spinæ  
 dici possent, nisi malignitate morum : nec fi-

*Obiectio  
Donatistarum & ho-  
diernorum  
etiam ha-  
reticorum,  
pro sua pau-  
citate.*

*Cant. 2. 2.*

liæ nisi communione sacramentorum. Ipsa  
 est quæ dicit; *A sinibus terræ ad te clamaui, cum  
 anxietaretur cor meum. Quæ in alio psalmo di-  
 cit; Tedium detinuit me à peccatoribus derelin-  
 quentibus legem tuam: & vidi insensatos & ta-  
 bescebam.* Ipsa est, quæ dicit sponso suo; *Vbi  
 pascis, ubi cubas in meridie, fortè fiam sicut  
 operta super greges sodalium tuorum.* Id est  
 quod alibi dicitur; *dexteram tuam notam fac  
 mihi & eruditos corde in sapientia.* In quibus  
 luce fulgentibus & charitate feruentib⁹ qua-  
 si in meridie requiescis, ne fortè velut opta,  
 id est, occulta & ignorata, irruam non in gre-  
 gem tuum, sed in greges sodalium tuorum id  
 est hæreticorum. Quos ita sodales dicit, sicut  
 ipinas illas filias, propter communionem sa-  
 cramentorū. De quibus alibi dicitur; *Tu verò  
 unanimis meus, & dux meus, & notus meus, qui  
 simul mecum dulces capiebas cibos, in domo Do-  
 mini ambulauimus cum consensu: Veniat mors  
 super illos, & descendant in infernū viuentes, si-  
 cut Dathan & Abiron, impiæ separationis  
 autores.* Ipsa est cui continuò respondetur;  
*Nisi cognoueris temetipsam, ô pulchra inter  
 mulieres, exi tu in vestigiis gregum, & pasce  
 hædos tuos in tabernaculis pastorum.* O re-  
 sponsio dulcissimi sponsi. Nisi cognoueris  
 temetipsam, inquit: Quia utique non potest  
 ciuitas abscondi supra montem constituta: &  
 ideo non es operta, vt incurras in greges so-  
 dalium tuorum. Ego enim sum mons para-  
 tus in cacumine montium, ad quem veni-  
 ent

*Psal. 60. 3.*

*Psal. 11. 2.*

*Psal. 89. 12.*

*Psal. 54.*

*Gen. 1. 2.*

*Ecclesia  
manifestis-  
sima.*

*Mat. 5. 15.*



ent vniuersæ gentes. Nisi ergo cognoueris  
 temetipsam, non in verbis calumniosorum,  
 sed in testimoniis librorum meorum. Nisi  
 cognoueris temetipsam, quia de te dictum est:  
*porrige longius funiculos, & palos validos con-*  
*firma: etiam atq; etiam in dexteram atq; sinistra*  
*extende. Semen enim tuum hereditabit gentes,*  
*& ciuitates quæ desertæ erant inhabitabis.* Vñ est  
 quod metuas, praualebis enim, nec erubescas quod  
 detestabilis fueris. Cōfusionem enim in æternum  
 oblisceris, ignominie viduitatis tuæ non eris  
 memor. Ego enim sum Dominus qui facio te, Do-  
 minus nomen ei. Et qui eruit te, ipse Deus Israel  
 vniuersæ terræ vocabitur. Nisi cognoueris te-  
 metipsam, ô pulchra inter mulieres: quia  
 de te dictum est: *Concupiuit Rex speciem tu-*  
*am:* quia de te dictum est: *pro patribus tuis*  
*nati sunt tibi filii, constitues eos principes super*  
*omnem terram.* Nisi ergo cognoueris temet-  
 ipsam, exitu: non ego te eiicio, sed exi vt di-  
 catur de te: *Ex nobis exierunt, sed non erant*  
*ex nobis.* Exi tu in vestigiis gregum non in  
 vestigiis meis, sed in vestigiis gregum: nec v-  
 nius gregis, sed gregum diuersorum & er-  
 rantium. Et pasce hædos tuos, non sicut Pe-  
 trus, cui dicitur: *pasce oues meas,* sed pasce  
 hædos tuos in tabernaculis pastorum; non  
 in tabernaculo pastoris, vbi est vnus grex &  
 vnus pastor. Cognoscit enim semetipsam,  
 ne hoc ei contingat, quod contingit eis, qui  
 se in illa non cognouerunt. Ipsa est, de cuius  
 paucitate dicitur in comparatione plurimo-  
 rum

*Psalm. 44. 10*

*Ioan. 21. 17*

rum malorum: quia angusta & arcta via est  
quæ ducit ad vitam, & pauci sunt qui ambu-  
lant in ea.

Genes. 22.  
17.

Et rursus ipsa est, de cuius multitudine di-  
citur: *Sic erit semen tuum, sicut stellæ cœli, & si-  
cut arena maris.* Idem quippe fideles sancti &  
boni, & in comparatione plurimorum ma-  
lorum pauci sunt, & per se ipsi multi sunt:  
quia multi filii desertæ, magis quàm ei⁹ quæ

Matt. 8. 11.

habet virū. *Et multi ab oriente & occidente ve-  
nient, & recumbent cum Abraham, Isaac &  
Iacob in regno Celorum: & quia exhibet sibi*

Apo. 7. 9.

*Deus populum abundantem emulatorem bono-  
rum operum. Et multa millia quæ numerare ne-  
mo potest.* videtur in Apocalypsi, ex omni tri-  
bu & lingua in stolis albis palmisque victricibus.

Psalm. 10. 21

Ipsa est quæ aliquando obscuratur, & tanquā  
obnubilatur multitudinem scandalorum, quā-  
do peccatores intendunt arcum, ut sagittent in  
obscura luna rectos corde. Sed etiam tunc in  
suis firmissimis eminet. Et si aliqua in his  
verbis diuinis distributio facienda est, for-  
tasse non frustra dictum sit de semine Abra-  
hæ:

Gen. 22. 17.

*Sicut stellæ cœli, & sicut arena quæ est ad  
oram maris:* ut in stellis cœli pauciores fir-  
miores, clariioresque intelligantur, in arena  
autem maritimi littoris magna multitudo  
infirmorum atque carnalium, quæ aliquan-  
do tranquillitate temporis quieta & libera  
apparet, aliquando autem tribulationum &  
tentationum fluctibus operitur atque tur-  
batur. Tale tunc erat tempus, de quo scri-  
psit

pfit *Hilarius*, vnde putasti inficiandum contra testimonia tot diuina, tanquam perierit Ecclesia de toto orbe terrarū, potes hoc modo dicere, nec tot Ecclesias Galatię tunc fuisse, quando dicebat Apostolus: *O stulti Galatę, quis vos fascinauit, vt cum spiritu caperitis, nunc carne consumemini?* Sic enim calumniaris docto viro, qui tardicordes & timidos grauitur increpabat, quos iterū parturiebat, donec Christus formaretur in eis. Quis enim nescit illo tempore obscuris verbis multos parui sensus fuisse delusos, vt putarent hoc credi ab Arianis, quod etiam ipsi credebant: alios autem timore cessisse & simulatē consensisse, non rectē ingredientiē ad veritatem Euangelii, quibus tu postea correctis sic quē admodū ignotum est, nolles ignosci? prorsus non nosti literas Dei. Lege enim quid de Petro scripserit Paulus, & quid inde etiam senserit Cyprianus, & tibi non displiceat Ecclesię mansuetudo, quę membra Christi dispersa colligit, non collecta dispergit, quam & illi qui tunc firmissimi fuerunt, & verba hęreticorum insidiosa intelligere potuerunt, sed pauci quidem in comparatione cęterorum, sed tamen etiam ipsi quidam pro fide fortiter exulabant, quidam toto orbe latitabant.

*Hilarii locus.*

*Gal. 3. 1.*

*Cypriani locus.*

Ac sic Ecclesia, quę per omnes gentes crescit, in frumentis dominicis conseruata est, & vsque in finem, donec omninō gentes omnes, etiam barbaras teneat, conseruabitur.

bitur. Ipsa est igitur Ecclesia in bono semine, quod seminavit filius hominis, & usque ad messem crescere inter Zizania, prænunciavit. Ager autem mundus est, messis finis est seculi.

Hilarius ergo decem prouinciarum Asiaticarum, aut zizania non triticum arguebat, aut ipsum etiam triticum, quod defectu quodam periclitatur, quanto vehementius, tanto utilius arguendum putabat. Habent enim etiam scripturæ Canonicae hunc arguendi morem; ut tanquam omnibus dicatur, & ad quosdam verbum perueniat, quod etiam

1. Cor. 15. 12.

Apostolus dicit ad Corinthios: *Quomodo dicunt quidam in vobis; quia resurrectio mortuorum non est?* Manifestat utique; non omnes esse tales, veruntamen & tales non extra, sed in eis fuisse testatur: à quibus ne illi seducerentur, qui non ita sentiebant, paulò post monuit, dicens: *Nolite seduci, corrumpunt mores bonos colloquia mala. Sobrii estote iuste & nolite peccare. Ignorantiam enim Dei quidam habent.*

2. Cor. 3. 3.

*Ad reuerentiam vobis loquor. Quod autem dicit: Cum enim sint inter vos emulatio & contentio, nonne estis carnales, & secundum hominem ambulatis?* tanquam omnibus dicit. Et vides quàm sit graue quod dicit. Proinde nisi in ipsa Epistola legeremus: *Gratias ago Deo meo semper pro vobis in gratia Dei, quæ data est vobis in Christo Iesu, quia in omnibus ditati estis in illo; in omni verbo & scientia; sicut testimonium Christi confirmatum est in vobis; ita ut nihil desit vobis in ulla gratia.* Putaremus

1. Cor. 1. 4.

omnes



omnes Corinthios carnales & animales, non percipientes quæ sunt spiritus Dei, contentiosos, emulos, secundum hominẽ ambulantes. Itaque & totus mundus in maligno positus est, propter zizania quæ sunt per totum mundum: & Christus propitiator est peccatorum nostrorum, non tantum nostrorum, sed totius mundi, propter triticum, quod est per totum mundum.

1. Cor. 2. 24.

1. Ioan. 5. 19.

Refrigescet autem charitas multorum propter scandalorum abundantiam, quando magis magisque glorificato Christi nomine congregabuntur in communionem sacramentorum eius etiam peruersi, & perseuerabunt omninò maligni, sed tamẽtquam palea de area Dominica, non nisi vltima ventilatione separandi: non extinguunt isti frumenta Dominica, in eorum quidem comparatione pauca, sed multa per se ipsa, non extinguunt electos Dei congregandos in fine seculi, sicut Euangelium loquitur, à quatuor ventis, à summis cœlorum vsque ad terminos eorum. Ipsorum enim vox est: *Saluum me fac Domine, quomodo defecit sanctus? Quoniam diminutæ sunt veritates à filiis hominum.* De quibus & Dominus dicit inter abundantiam iniquitatis, qui perseuerauerit vsque in finem, hic saluus erit.

Matth. 24.

12.

Psal. 11. 2.

Denique non vnum hominem, sed plures in eodem Psalmo loqui consequentia docent, vbi dicitur: *Tu Domine seruabis nos & custodies nos à generatione hac in æternum,* propter

Psal. 11. 2.

*Luc. 18 8.*

propter hanc enim abundantiam iniquitatis quam Dominus futuram esse prædixit, etiam illud positum est: *Cum venerit filius hominis, putas inueniet fidem in terra?* Dubitatio enim cuncta scientis nostram in illo dubitationem præfigurauit. quando Ecclesia ex multis, de quibus multum sperauit, sæpè decepta. quod aliter quàm credebatur inuenti sunt, sic perturbatur in suis, ut de nullo facile bono aliquid velit credere. Ipsos tamen quorum inuenturus est fidem in terra, per totum agrum cum zizaniis crescere, dubitare fas non est. Ipsa est ergò Ecclesia, quæ intra sagemam dominicam cum malis piscibus natat, à quibus corde semper & moribus separatur atque

*Ephes. 5. 27.*

*discedit, ut exhibeatur viro suo gloriosa, non habens maculam neque rugam.* Corporalem autem separationem in littore maris, hoc est, in fine seculi expectat, corrigens quos potest, tolerans quos corrigere non valet: non tamen propter eorum quos non corrigit iniquitatem, ipsa bonorum deserit unitatem. Noli ergo frater contra diuina tam multa, tam clara, tam indubitata testimonia colligere velle calumnias ex episcoporum scriptis, siue nostrorum sicut Hilarii, siue antequam pars Donati separaretur, ipsius unitatis, sicut Cypriani & Agrippini: primò, quia hoc genus litterarum ab autoritate Canonis distinguendum est. Non enim sic leguntur, tanquam ita ex eis testimonium proferatur, ut contra sentire non liceat, sicubi fortè aliter sapuerint,

*Distinct. 9.  
noli frater.*

*Patrum  
quedam pri-  
uata senten-  
tiæ quomo-  
do accipi-  
ende.*

quam

quàm veritas postulat. In eò quippe numero  
 sumus, vt non dedignemur etiam nobis di-  
 ctum ab Apostolo accipere, *Et si quid aliter* Phil. 3. 18.  
*sapitis, id quoque Deus vobis reuelauit.* Verun-  
 tamen in id quod peruenimus, in eo ambu-  
 lemus, in illa via scilicet, quæ est Christus. *Io.* 14. 6.  
 De qua via ita Psalmus loquitur. *Deus miser-* Psal. 66. 2.  
*reatur nostri, & benedicat nobis, illuminet vul-*  
*tum suum super nos, vt cognoscamus in terra*  
*viam tuam, in omnibus gentibus salutare tuum.*  
 Deinde si sancti Cypriani Episcopi, & glo- Cyprianus.  
 riosi martyris te delectat authoritas, quam  
 quidem sicut dixi, à Canonica authoritate  
 distinguimus, cur in eo te nō delectat, quòd  
 vnitatem orbis terræ atq; omnium gentium,  
 & diligendo tenuit, & disputando defendit:  
 quòd eos qui se tanquam iustos ab ea sepa-  
 rare voluissent, arrogantissimos & superbis-  
 simos iudicauit, irridens eos hoc sibi assume-  
 re, quod nec Apostolis concessit Dominus,  
 vt ante tempus *Chizania* colligerent, aut tanquā *Matt.* 13. 31.  
 ipsis palam ferre, & aream purgare conces-  
 sum sit, paleas conarentur à tritico separare:  
 quòd vnumquemq; peccatis alienis macu-  
 lari non posse monstrauit, quam sibi omnes  
 impiæ seditionis authores solam causam se-  
 parationis assumunt: quòd in eo ipso in quo  
 aliter sapuit, collegas diuersa sentientes, nec  
 iudicandos, nec à iure communionis amō-  
 uendos esse decreuit: quòd in ea ipsa Epi-  
 stola ad Iubaianum quæ in Concilio (cuius  
 ius authoritatem ad rebaptizandum sequi

vos dicitis) primitus recitata est, cum fateatur in præteritum sic esse admissos in Ecclesiam qui fuerant alibi baptizati, ut denuò non baptizarentur, unde illos sine baptismo fuisse arbitratur: tantum tamen ponit utilitatis & salubritatis in pace Ecclesiæ, ut propter illam non eos credat ab Ecclesiæ muneribus separari. Qua in re sicut ingenium tuum noui facillimè perspicias totam causam vestram penitus euersam & extinctam. Si enim sacramenta cum peccatoribus communicando, sicut putatis, perit Ecclesia quæ fuerat in orbe terrarum, nam vos ideo separastis, iam prius tota perierat, cum sicut dicit Cyprianus, in eam sine baptismo admittebantur, ac sic nec ipse Cyprianus habebat, in qua Ecclesia nasceretur, quantò magis multò posterior vester author paterq; Donatus? Si autem illo tempore, cum in eam sine baptismo admittebantur, erat tamen Ecclesia quæ pareret Cyprianum, pareret & Donatū, manifestū est non cōtaminari iustos alienis peccatis, quando cum eis sacramenta communicant. Ac per hoc separationem quā existis ab unitate, qua exultatione possitis abluere non habetis, impleturque in vobis sanctæ scripturæ illud oraculum: *Filius malus ipse se iustum dicit, exitum autem suum non abluit.* Meritis autem Cypriani sic non æquatur, qui propter paria sacramenta nec ipsos hæreticos audet rebaptizare, sicut non æquatur meritis Petri, qui quis non co-



git gentes Iudaizare. Sed illa Petri non tantum claudicatio, verum etiam correctio in scripturis Canonicis continetur. Cyprianus autem sensisse aliter de baptismo, quam forma & consuetudo habebat Ecclesiæ, non in Canonicis, sed in suis & in Concilii literis inuenitur: Correxisse autem istam sententiam non inuenitur: non incongruenter tamen de tali viro existimandum est quod correxerit, & fortasse suppressum sit ab eis, qui hoc errore nimium delectati sunt, & tanto vel patrocínio carere noluerunt: quanquam non desint, qui hoc Cyprianum prorsus non sensisse contendunt, sed sub eius nomine à præsumptoribus atque mendacibus fuisse confictum. Neque enim sic potuit integritas atque notitia literarum, vnius quamlibet illustri Episcopi custodiri, quæadmodum scripturæ Canonica, tot linguarum literis & ordine, & successione celebrationis Ecclesiasticæ custoditur, contra quam tamen non defuerunt, qui sub nominibus Apostolorum multa confingerent. Frustra quidem, quia illa sic commendata, sic celebrata, sic nota est. Verum quid possit aduersus literas, non Canonica authoritate fundatas, etiam hinc demonstravit impiæ conatus audaciæ, quod & aduersus eas quæ tanta notitiæ mole firmatæ sunt, sese erigere non prætermisit. Nos tamen duas ob res non negamus illud sensisse Cyprianum: quod & stylus eius habet quandam propriam faciem qua pos-

*Cyprianus  
an errorem  
de anaba-  
pismo re-  
tractavit.*

sit agnosci: & quòd ibi magis contra vos nostra causa monstratur inuictior, vestraque separationis præsumptio, videlicet ne macularemini peccatis alienis, tota facilitate subuertitur, cùm appareret in literis Cypriani communicata esse cum peccatoribus sacramenta, cùm admissi sunt in Ecclesiam, qui secundum vestram, & sicut vultis, illius sententiam, baptismum nō habebant, & tamen Ecclesiam non perisse, sed in sui generis dignitate per totum orbem sparsa dominica frumenta mansisse. Ac per hoc si perturbati tanquam ad aliquem portum, sic ad auctoritatem Cypriani confugitis, videtis quem illic scopulum vester error offendit. Si autem iam nec illuc confugere audetis, sine villo luctamine naufragatis. Porro autem Cyprianus, aut non sensit omninō quod eum sensisse recitatis: aut hoc postea correxit in regula veritatis: aut hunc quasi nauum sui candidissimi pectoris cooperuit ubere charitatis, dum unitatem Ecclesiæ toto orbe crescentis, & copiosissimè defendit, & perseverantissimè tenuit vinculum pacis. Scriptum est enim: *Charitas cooperit multitudinem peccatorum*. Accessit huc etiam, quòd tanquam sarmentum fructuosissimum, si quid in eo fuerat emendandum, purgavit pater falce passionis. *Sarmentum autem*, ait Dominus, *quod in me facit fructum, purgat illud pater meus, ut maiorem fructum afferat*. Vnde? nisi quia hærens in diffusionem vitis, radicem non deseruit

1. Pet. 4. 8.  
4. Senten.  
distinct. 6.  
Sunt tamē.

Ioan. 15. 2.

feruit vnitatis? *Nam etsi traderet corpus su- 1. Cor. 13. 3.*  
*um ut arderet, charitatem autem non habe-*  
*ret, nihil ei prodesset.* Attende adhuc paulu-  
 lum in literas Cypriani, vt aduertas, quàm  
 inexcusabilem ostenderit, qui se voluerit ab  
 vnitae Ecclesiæ ( quàm Deus in omnibus  
 gentibus promisit & reddidit ) quasi iustitiæ  
 suæ causa separare, magisq; intelligas quàm  
 sit vera sententia paulò ante à me comme-  
 morata: *Filius malus ipse se iustum dicit, exi-*  
*tum autem suum non abluit.* Ponit in qua- *Lib. 4. epist.*  
 dam Epistola sua, quam scripsit ad Anto- 2.  
 nianum, rem quandam satis rei de qua nunc  
 agimus necessariam, sed melius eius verba  
 inserimus. *Antecessores, inquit, nostri qui-*  
*dam de Episcopis isthinc, in prouincia nostra*  
*dandam pacem mœchis non putauerunt, &*  
*in totum pœnitentie locum contra adulteria Verba Cy-*  
*clausērunt: non tamen à Cœpiscoporum suo- priani.*  
*rum collegio recesserunt: aut Catholicæ Eccle-*  
*sie unitatem vel duritiæ, vel censuræ suæ obsti-*  
*natione ruperunt, ut quia apud alios adulte-*  
*riis pax dabatur, qui non dabat, de Ecclesia*  
*separaretur, manente Concordiæ vinculo, &*  
*perseuerante Catholicæ Ecclesiæ indiuiduo sa-*  
*cramento. Actum suum disponit & dirigit*  
*Episcopus unusquisque, rationem propositi sui*  
*Domino redditurus.* Quid ad hæc dicis, fra-  
 ter Vincenti? nempe intueris hunc tantum  
 virum pacificum Episcopum, & fortissi-  
 mum martyrem nihil vehementius fategif-  
 se, quàm ne vnitatis vinculum rumperetur.

Vides eum parturientem, non solum ut paruuli in CHRISTO concepti nascantur, verum etiam ne iam nati, de sinu matris excussi, moriantur, Porro autem ipsam rem, quam contra impios separatores commemorauit, attende.

Si adulteris communicabunt, qui pœnitentibus adulteris pacem dabant, nunquid illi qui hoc non faciebant, collegio maculabantur istorum? Si autem quod veritas habet, & quod Ecclesia meritò tenet rectè pœnitentibus adulteris pax dabatur, illi qui in totum locum pœnitentiæ contra adulteros clauderant, impiè utique agebant, qui membris CHRISTI sanitatem negabant, & clauis Ecclesiæ pulsantibus subtrahebant, & misericordissimæ patientiæ DEI, quæ illos propterea sinebat viuere, ut pœnitendo sanarentur sacrificio cōtriti spiritus, & contribulati cordis oblato, dura crudelitate contra dicebant,

Nec tamen istos misericordes & pacificos, cum eis Christiana sacramenta communicantes, & eos intra vnitatis retia tolerantes, donec ad littus perducti separarentur, tam immanis eorum error & impietas inquinabat, aut si inquinabat, iam tunc Ecclesia malorum communione deleta est, nec erat quæ pareret ipsum Cyprianum. Si autem, quod certum est, permansit ipsa Ecclesia, certum est etiam peccatis alienis



lienis in vnitate CHRISTI neminem posse maculari, non malorum factis consentientem, ne ipsis peccatis communicando polluatur, sed propter societatem bonorum, malos tanquam paleas vsque ad ultimam ventilationem in area Dominica tolerantem.

Quæcùm ita sint, vbi est præsumptio separationis vestræ? Nonne filii mali estis, qui ipsi vos iustos dicitis, exitum autem vestrum non abluitis? Iam si velim & illa commemorare quæ Tychonius homo communionis vestræ scriptis suis inferit, qui magis contra vos pro Ecclesia Catholica scripsit, frustra se ab Afrosum, quasi traditorum communione secernens, quo vno eum Parmenianus suffocat; quid respondere poteritis, nisi quod de vobis idem Tychonius dixit, & ego paulò ante recolui, *quod volumus sanctum est*? scribit enim ille Tychonius homo (vt dixi) vestræ communionis, à ducentis & septuaginta Episcopis vestris Concilium Carthagine celebratum. In quo Concilio per septuaginta & quinque dies postpositis omnibus præteritis, limatam esse sententiam, atque decretam, vt traditoribus immensi criminis reis, si baptizari nollent, pro integris communicaretur.

*Tychonius  
Anatista*

Deuterium etiam Macrinensem Episcopum communionis vestræ, dicit traditorum plebem congregatam, Ecclesiæ miscuisse,

& secundum statuta illius Concilii à ducentis & septuaginta Episcopis vestris facti, fecisse cum traditoribus vnitatem, eique Deuterio post hoc factum iugiter communicasse Donatum: nec solùm huic Deuterio, sed etiam vniuersis Maurorum Episcopis per quadraginta annos, quos dicit vsque ad persecutionem per Macharium factam, traditoribus sine baptismo communicasse. Sed dicis: Quis est iste Tychonius? ille est Tychonius, quem Parmenianus rescribendo compescit, & eum deterret, ne talia scribat, non tamen refellit ea ipsa quæ scribit; sed vno, sicut suprà dixi, eum premit, quod cùm talia diceret de Ecclesia toto orbe diffusa, & quod neminem in eius vnitate macularèt aliena peccata, ab Afrorum se tamen quasi traditorum contagione remouebat, & erat in parte Donati. Posset autè dicere Parmenianus, ista eum omnia esse mentitum: sed sicut idem Tychonius commemorat, adhuc viuebant multi, per quos hæc certissima & apertissima esse ostenderentur. Sed de his taceo, contende Tychonium esse mentitum, ad Cyprianum te reuoco, cuius mentionem ipse fecisti. Prorsus secundum scripta Cypriani, si peccatis alienis in vnitate quisque maculatur, iam ante Cyprianum periit Ecclesia, nec erat vnde existeret ipse Cyprianus. Si autem hoc sentire sacrilegum est, & certum est Ecclesiam permanere, nemo alienis peccatis in eius vnitate maculatur,

tur, frustra filii mali iustos vos esse dicitis, exitum vestrum non abluitis, non purgatis.

Cur ergo, inquis, nos, quæritis? cur sic suscipitis, quos hæreticos dicitis? Vide quàm facile breuiterq; respondeam. Quærimus vos

*Obiectio  
Donati-  
starum.*

quia peristis, vt de inuentis gaudeamus, de quibus perditis dolebamus. Hæreticos autem vos esse dicimus, sed antequam ad pacem Catholicam conuertamini, antequam errore quo irretiti estis exuamini. Cùm autem transitis ad nos, prius vtique relinquitis, quod eratis, ne ad nos hæretici transeat. Baptiza ergo me, inquis. Facerem, si baptizatus non esses, aut si Donati vel Rogati, non CHRISTI baptismo baptizatus esses. *Non*

*Christi vna sacramenta faciunt te hæreticum, sed praua dissensio.* Non propter malum quod processit ex te, negandum est bonum quod remansit in te, quod malo tuo habes,

si non ibi habes, vnde est bonum quod habes. Ex Catholica enim Ecclesia sunt omnia dominica sacramenta, quæ sic habetis & datis quemadmodum habebantur & dabantur etiam priusquam inde exiretis. Non tamen ideo non habetis, quia ibi non estis, vnde sunt quæ habetis. Non in vobis mutamus in quibus nobiscum estis. In multis enim estis nobiscum. Nam & de talibus dictum est. Quoniam in multis erant mecum, sed ea corrigimus in quibus nobiscum non estis, & ea vos hic accipere volumus, quæ non habetis illic vbi estis. Nobiscum autem

*l. q. i. ex Ca-  
tholica*

estis in baptismo, in Symbolo, in cæteris dominicis sacramentis. In spiritu autem unitatis & vinculo pacis, in ipsa denique Catholica Ecclesia nobiscum non estis. Hæc si accipiatis, non tunc aderunt, sed tunc proderunt quæ habetis. Non ergò sicut putatis suscipimus vestros, sed suscipiendo efficiamus nostros, qui recedunt à vobis, ut suscipiantur à nobis. Et ut incipiant esse nostri, prius desinunt esse vestri. Nec nobis coniungi compellimus operarios erroris, quem detestamur, sed ideò nobis illos homines coniungi volumus, ne hoc sint quod de te testamur.

*à Iohanne  
baptizati,  
à Paulo re-  
baptizati.*

Sed baptizavit, inquis, post IOHANNEM PAVLVS Apostolus; nunquid post hæreticum? aut si fortè audes illum amicum sponsi hæreticum dicere, & in unitate Ecclesiæ non fuisse, volo & hoc scribas. Si autem hoc dementissimum est vel sentire, vel dicere, iam tuæ prudentiæ est considerare, quare post Ioannem Paulus Apostolus baptizauerit. Si enim post æqualem, omnes post vos baptizare debetis. Si post maiorem, debes & tu post Rogatum. Si post minorem, debuit post te Rogatus cum presbyter baptizasses. Si autem baptismus qui nunc datur, ideò pariter valet in eis quibus datur, quamuis sint imparis meriti per quos datur, quia Christi est, non eorum à quibus ministratur: puto quod iam intelligas, ideò Paulum dedisse quibusdam baptismum Christi, quia Iohannis bapti-



baptismo fuerant baptizati, non CHRISTI.

IOHANNIS quippe baptismus ille dictus

est, sicut multis locis diuina scriptura testa-

tur, quod & ipse DOMINVS dicit; Ba-

ptismus Iohannis unde erat, de cœlo an ex ho-

minibus? Baptismus autem quem dedit Pe-

trus, non erat Petri, sed CHRISTI, & quem

dedit Paulus, non erat Pauli, sed CHRISTI,

& quem dederunt qui tempore Apostolo-

rum non castè, sed per inuidiam CHRIS-

TVM annunciabant, non erat eorum, sed

CHRISTI. Et quem dederunt qui tempore

CYPRIANI fundos insidiosis fraudibus

rapiebant, vsuris multiplicibus fœnus au-

gebant, non erat eorum sed Christi. Et quia

Christi erat, ideo quamuis non per æquales

daretur eis, tamen quibus dabatur æquali-

ter proderat. Nam si tantò melius quisque

baptizatur, quantò à meliore fuerit bapti-

zatus, non rectè gratias agit Apostolus, quod

neminem Corinthiorum baptizauerit, nisi Cri-

spum & Caium & Stephana domum. Tan-

tò enim melius baptizarentur, quantò erat

Paulus melior, si ab ipso baptizarentur. De-

nique cùm dicit: Ego plantavi, Apollo riga-

uit, videtur significare se Euangelizasse, il-

lum baptizasse, Nunquid melior Apollo,

quàm IOHANNES? Cur ergo post istum

non baptizauit, qui post IOHANNEM bapti-

zauerat, nisi quia iste baptismus per quem-

*Iohannis  
Baptismus  
alius à  
Baptismo  
Christi.  
Act. 21. 18.*

*1. Cor. 2. 14.*

*1. Cor. 3. 6.*

civi-

Gal. 5. 19.

ci videtur, post IOANNEM baptizatum est & post ebriosos non baptizatur. Sed potest & hoc inuidiosè dici, post IOANNEM baptizatum est, & post ebriosos non baptizatur. Melius enim hoc vitium commemoro, quod nec occultare possunt, in quibus regnat, & quàm multi vbique sint, quis vel cæcus ignorat? Et tamen inter opera carnis, *quæ qui agunt, regnum Dei non possidebunt*, etiam hoc ponit Apostolus, ubi etiam hæreses enumerat. *Manifesta autem, inquit, sunt opera Carnis, quæ sunt fornicationes, immunditiæ, luxuria, idolorum seruitus, veneficia, inimicitia, contentiones, emulationes, animositates, dissensiones, hæreses, inuidiæ, ebrietates, comessationes, & his similia, quæ prædico vobis sicut prædixi, quoniam qui talia agunt, regnum DEI non possidebunt.* Hac ergo ratione quamuis baptizatum sit post IOANNEM, non baptizatur post hæreticum: qua ratione quamuis baptizatum sit post IOANNEM, non baptizatur post ebriosum, quoniam & hæreses, & ebrietates in eis operibus sunt, quæ opera qui agunt, regnum Dei non possidebunt. Nonne tibi videtur quasi intolerabiliter indignum, ut cum baptizatum fuerit post eum, *qui non sobriè vinum bibens, sed vinum omnino non bibens*, regno DEI viam parauit, non baptizetur post ebriosum, qui regnum DEI non possidebit? Quid hic respondetur, nisi quia ille baptismus erat IOANNIS, post quem CHRISTI baptismo baptizauit Apostolus: iste au-

tem

tem baptismus CHRISTI est, quo baptizauit  
 ebriosus? Inter IOHANNEM & ebriosum à  
 contrario multum interest: *inter baptismum*  
*Christi & baptismum Iohannis non à contrario:*  
*sed tamen multum interest:* inter Apostolum  
 & ebriolum multum interest: inter bapti-  
 smum CHRISTI, quem dedit Apostolus, &  
 baptismum CHRISTI, quem dedit ebriosus,  
 nihil interest. Sic inter IOHANNEM & hære-  
 ticum, à contrario multum interest, & in-  
 ter baptismum IOHANNIS, & inter ba-  
 ptismum CHRISTI, quem dat hæreticus,  
 non à contrario, sed multum interest. Inter  
 baptismum autem Christi, quem dedit Apo-  
 stolus, & baptismum Christi, quem dat hæ-  
 reticus, nihil interest. Agnoscitur enim sa-  
 cramentorum species æqualis, etiam cum  
 magna differentia est in hominum meritis.  
 Sed da veniam, erravi, quando te volui de  
 ebrioso baptizante conuincere, exciderat  
 mihi cum Rogatista me rem habere, non  
 cum qualiscunque Donatista. Potes enim tu  
 in tam paucis collegis tuis, & in omnibus  
 clericis vestris nullum inuenire forsitan e-  
 briosum. Vos enim estis, qui non ex totius  
 orbis cōmunionē, sed ex obseruatione præ-  
 ceptorum omnium diuinorum atq; omnium  
 sacramentorum tenetis Catholicam fidem:  
 in quibus eam solis inuenturus est, *cū ve-*  
*nerit filius hominis, quando non inueniet fidem*  
*in terra:* quia nec terra estis, nec in terra, sed  
 cœlestes in cœlo habitatis: nec timetis, nec  
 attendi-

NB.

- Iacob. 4. 6.* attenditis, *quia Deus superbis resistit, humilibus autem dat gratiam.* Nec vos Euangelii locus ipse compuigit, ubi Dominus ait:
- Luc. 18. 10.* *Cum venerit filius hominis, putas inueniet fidem in terra?* Continuo quippe tanquam præsciens nonnullos sibi superbè arrogaturos hanc fidem, dixit ad quosdam, qui sibi iusti videbantur, & spernebant cæteros, similitudinem hanc. *Duo quidam ascenderunt in templum orare, unus Phariseus & alter Publicanus, & cætera.* Iam tibi quæ sequuntur, ipse responde. Inspice tamen diligentius ipsos paucos vestros, utrum nullus illic baptizet ebriosus. Tam enim latè vastat hæc pestilentia animas, & tanta libertate dominatur, ut multum mirer, si non etiam vestrum gregiculum penetrauit: quamuis ante ipsum aduentum filii hominis vnus boni pastoris iam vos oues ab hædis separasse iactetis. Audi sanè per me vocem dominicorum frumentorum, in area dominica vsque ad vltimam ventilationem inter paleam laborantium, per totum scilicet mundum, *qua*
- Psal. 112. 3.* *DEVS vocauit terram a solis ortu vsque ad occasum,* ubi etiam pueri laudant Dominum: quicumque vos ex occasione legis huius imperialis, non dilectione corrigendi, sed inimicandi odio persequitur, displicet nobis.

*Ebrietas  
regnabat  
in Africa.*

*Psal. 112. 3.* *DEVS vocauit terram a solis ortu vsque ad occasum,* ubi etiam pueri laudant Dominum: quicumque vos ex occasione legis huius imperialis, non dilectione corrigendi, sed inimicandi odio persequitur, displicet nobis.

Et quamuis res quæque terrena non rectè à quoquam possideri possit, nisi vel iure diuino, quo cuncta iustorum sunt, vel iure



iure humano, quod in potestate regum est terræ: ideoque res vestras falsò appellatis, quas nec iusti possidetis, & secundum leges regum terrenorum amittere iussi estis: Frustraque dicatis, non eis congregandis laborauimus, cùm scriptum legatis: *Labores impiorum iusti edent.* Sed tamen quisquis ex occasione huius legis, quàm reges terræ Christo seruiantes, ad emendandam vestram impietatem promulgauerunt, res proprias vestras cupidè appetit, displicet nobis. Quisquis denique ipsas res pauperum, vel Basilicas congregationum, quas sub nomine Ecclesiæ tenebatis (quæ omninò non debentur nisi ei Ecclesiæ, quæ vera Christi Ecclesia est) non per iustitiam, sed per auaritiam tenet, displicet nobis. Quisquis pro aliquo

34. q. 2.  
quis/qua.  
Basilica sola  
Catholica  
Ecclesia de-  
bentur.

flagitio, vel facinore periculum à vobis suscipit, sicut suscipiuntur, qui (excepto errore quo à nobis separamini) sine crimine apud vos vixerunt, displicet nobis. Sed nec facilè ista monstratis, & si monstretis, nonnullos toleramus, quos corrigere vel punire non possumus, neque propter paleam relinquimus aream Domini, neque propter pisces malos rumpimus retia Domini, neque propter hédos in fine segregandos, deserimus gregem Domini, neque propter vasa facta in contumeliam, migramus de domo Domini. Tu autem frater, quantum mihi videtur, si vanam gloriam hominum non attendas, & insensatorum contemnas opprobrium. qui dictu-

NB.

dicturi sunt : *quare modo destruis quæ prius ædificabas ?* sine dubio transires ad Ecclesiam, quam veram sentire te intelligo, nec huius sententiæ tuæ testimonia longè peto. Tu quippe in eiusdem tuæ Epistolæ principio, cui nunc respondeo, hæc verba posuisti. *Cum optime*, inquis, *nouerim te longè adhuc à fide Christiana sepositum, & studiis olim deditum literarum, quietis & honestatis fuisse cultorem, cumque postea conuersus ad Christianam fidem (ut ex multorum relatione cognoui) disputationibus legalibus operam dares*: Certè si tu ad me illam Epistolam misisti, hæc verba tua sunt. Cum ergo fatearis me conuersum ad Christianam fidem, cum ego nec ad Donatistas, nec ad Rogatistas conuersus sim, sine vlla dubitatione confirmas, & præter Rogatistas, & præter Donatistas esse Christianam fidem. Hæc ergo fides, sicut diximus, in omnibus gentibus dilatatur, quæ secundum Dei testimonium in semine Abrahamæ benedicuntur. Quid igitur adhuc dubitas tenere quod sentis, nisi quia id, quod nunc sentis, vel aliquando non sensisse, vel aliud defendisse confunderis, & *dum erubescis corrigere errorem, non erubescis permanere in errore, quod utique potius erubescendum fuit ?* Hoc est illud quod scriptura non tacuit : *Est confusio adducens peccatum, & est confusio adducens gratiam & gloriam. Confusio adducit peccatum, cum erubescit quisque prauam mutare sententiam, ne aut inconstans putetur,*  
aut

NB.

*Abiicere  
errorem  
laudabile.*

*Eccles. 4. 25*

aut diuersus à seipso iudice teneatur : *ita de-* *Psal. 56. 16.*  
*scendunt in infernum viuentes*, id est, suam per- *Num. 16. 32.*  
 ditionem sentientes, quos Dathan & Abi-  
 ron & Chore hiatu terræ absorpti, tantò an-  
 tè futuros figurauerunt.

Confusio autem adducit gratiam & glo-  
 riam, cùm erubescit quisque de propria ini-  
 quitate, & pœnitendo in melius commuta-  
 tur, quod te facere piget illa perniciofa con-  
 fusione superatum, ne tibi ab hominibus ne-  
 scientibus quid loquantur, obiiciatur illa A- *Gal. 2. 18.*  
 postolica sententia : *Si enim quæ destruxi, hæc*  
*eadem iterum ædifico, prauaricatorem me ipsum*  
*constituo.* Quæ si dici posset etiam in eos qui  
 veritatem correcti prædicant, quàm peruer-  
 si oppugnabant, in ipsum Paulum primitus  
 diceretur, in quo Ecclesiæ Christi magnifi-  
 cabant DEVM, audientes quod euangelizaret  
 fidem, quam aliquando vastabat.

*Contra con-  
 uicium A-  
 postasia.*

Nec quenquam putes ab errore ad veri- *Depœnit.*  
 tatem, vel à quocunque seu magno seu par- *dist. 1. ne-*  
 uo peccato ad correctionem sine pœniten- *minem.*  
 tia posse transire. Sed nimis impudens error  
 est, hinc velle calumniari Ecclesiam, quam  
 tot diuinis testimoniis cõstat esse Ecclesiam  
 Christi, quod alteri tractat illos qui eam de-  
 serant, si hoc ipsum pœnitendo corrigant,  
 aliter illos qui in ea nondum fuerunt, & tunc  
 primùm eius pacem accipiunt, illos amplius  
 humiliando, istos lenius suscipiendo, vtrof-  
 que diligendo, vtrisque sanandis materna  
 charitate seruiendo.

Habes epistolam prolixiorē fortasse, quā velles. Esset autem multò breuior, si te tantū in respondendo cogitarem. Nunc verò etiam si tibi nihil profit, non puto nihil eis profuturam, qui eam legere cum Dei timore, & sine personarum acceptione curauerint, Amen.

S. A V R E L I I  
A V G V S T I N I,

EPISTOLA L. DE CORRE-  
*ctione Donatistarum ad Boni-  
facium.*

A R G V M E N T V M  
E P I S T O L Æ.



V G V S T I N V S Bonifacio viro  
militari de Caesaris comitatu, com-  
monstrans illi Donatistarum hæ-  
resin nihil habere commune cum  
Arriana, & qua moderatione per  
metum legum imperialium heretici possunt ad  
Ecclesiæ societatem reduci, tum de Donatista-  
rum & Circumcellionum immanitate, postre-  
mò de peccato in Spiritum sanctum non remit-  
tendo. Idem argumentum tractauit Epistola  
quadragesima octaua.

LAVDO,





A V D O , & gratulor , & admiror fili  
 dilectissime Bonifaci , quòd inter  
 curas bellorum & armorum vehe-  
 menter desideras ea nosse quæ Dei  
 sunt. Verè hinc te apparet etiam de ipsa vir-  
 tute militari, fidei seruire , quam habes in  
 Christo. Vt ergo breuiter insinuem dile-  
 ctioni tuæ, inter *Arrianorum & Donatista-*  
*rum* quid intersit errorem. *Arriani* patris  
 & filii & Spiritus sancti diuersas substantias  
 esse dicunt. *Donatistæ* autem non hoc di-  
 cunt, sed vnã trinitatis substantiam confi-  
 tentur. Etsi aliqui ipsorum minorem filium  
 esse dixerunt, quàm pater est, eiusdem ta-  
 men substantiæ non negarunt. Plurimi ve-  
 rò in eis hoc se dicunt omninò credere de  
 Patre & Filio , & Spiritu sancto , quod Ca-  
 tholica credit Ecclesia. Nec ipsa cum illis  
 vertitur quæstio , sed de sola communione  
 infelicitè litigant, & contra vnitatem Chri-  
 sti rebelles inimicitias peruersitate sui erro-  
 ris exercent.

*Arriano-  
rum &  
Donatist.  
discrimen*

Aliquando autem sicut audiuius, non-  
 nulli ex ipsis volentes sibi Gothos concilia-  
 re, quando eos vident aliquid posse, dicunt,  
 hoc se credere , quod & illi credunt. Sed  
 maiorum suorum autoritate contincun-  
 tur , quia nec Donatus ipse sic credidisse  
 asseritur , de cuius parte se esse gloriantur.  
 Non te autem ista conturbent fili dilectissi-  
 me : Hæreses enim & scandala futura prædi-  
 cta sunt, vt inter inimicos erudiamur , ac sic

*Hæreses con-  
tinantur  
esse.*

& fides & dilectio nostra possit esse probatior. Fides utique ne ab eis decipiamur, dilectio autem, ut etiam ipsis corrigendis quantum possumus consulamus, non solum instantes ne infirmis noceant, atque ut ab errore nefario liberentur, sed etiam orantes pro eis, ut aperiat Dominus illis sensum, & intelligant scripturas, quia in sanctis libris, ubi manifestatur Dominus Christus, ibi & eius Ecclesia declaratur: isti autem mirabili cœcitate cum ipsum Christum præter scripturas nesciant, eius tamen Ecclesiam non diuinarum literarum autoritate cognoscunt, sed humanarum calumniarum vanitate confingunt.

*Non minus  
ex scriptu-  
ris Ecclesia  
nota, quam  
Christus.*

*Psal. 21. 17.*

*Ecclesiæ &  
vniuersitas  
ordine ex  
scriptura  
exeruitur.*

AGNOSCUNT NOBISCUM CHRISTVM in eo quod legitur: *Foderunt manus meas & pedes meos, dinumerauerunt omnia ossa mea: ipsi vero considerauerunt & conspexerunt me, diuiserunt sibi vestimenta mea, & super vestem meam miserunt sortem, & nolunt agnoscere Ecclesiam in eo quod post paulum sequitur: Commemorabuntur & conuertentur ad Dominum vniuersi fines terræ: Et adorabunt in conspectu eius vniuersæ patriæ gentium: quoniam Domini est regnum, & ipse dominabitur gentium.*

*Psal. 2. 7.*

AGNOSCUNT NOBISCUM CHRISTVM, in eo quod legitur; *Dominus dixit ad me, Filius meus es tu, ego hodie genui te: & nolunt agnoscere Ecclesiam in eo quod sequitur: Postula a me, & dabo tibi gentes hereditatem tuam, & pos-*

& possessionem tuam terminos terræ. Agnos-  
 cunt nobiscum Christum in eo quod ipse  
 Dominus in Euangelio loquitur: Oportebat *Luc. 24. 46.*  
 Christum pati, & resurgere à mortuis tertia  
 die: & nolunt agnoscere Ecclesiam in eo  
 quod sequitur: Et prædicari in nomine eius  
 pœnitentiam & remissionem peccatorum per o-  
 mnes gentes, incipientibus ab Hierusalem.

Et innumerabilia sunt testimonia libro-  
 rum sanctorum, quæ in hunc librum coar-  
 ctare non debui. In quibus sicut apparet Do-  
 minus Christus, siue secundum diuinitatem,  
 quæ æqualis est patri, qui in principio erat *Ioan. 1.*  
 verbum, & verbum erat apud Deum, & Deus  
 erat verbum, siue secundum susceptæ carnis  
 humilitatem, qua verbum caro factum est, & *Multo mi-*  
 habitauit in nobis: sic apparet etiam eius ec- *nus nunc*  
 clesia, non in sola Africa (sicut isti impuden- *in sola Ger-*  
 tissima vanitate delirant) sed toto orbe ter- *mania, in-*  
 rarum diffusa. *glia, aut*  
*Gallia.*

Testimoniis enim diuinis lites suas præ-  
 ferunt, quia in causa Cæciliani quondam  
 Ecclesiæ Carthaginensis episcopi: cui cri-  
 mina obiecerunt, quæ nec potuerunt pro-  
 bare nec possunt, se ab Ecclesia Catholi-  
 ca, hoc est, ab vnitæte omnium gentium di-  
 uiserunt. Quamuis & si vera essent quæ ab  
 eis obiecta sunt Cæciliano, & nobis possent  
 aliquando monstrare, ipsum iam mortuum  
 anathematizaremus: sed tamen Ecclesiam  
 Christi, quæ non litigiosis opinionibus fin-  
 gitur, sed diuinis attestationibus comproba-  
 k 3 batur,

batur, propter quemlibet hominem relin-  
*Psal. 117. 8.* quere non debemus; quia *bonum est confidere in Domino, quàm confidere in homine.* Neque enim, quod sine iniuria innocentia illius dixerim, si peccauit Cæcilianus, ideò hæreditatem suam perdidit Christus.

Facile est homini, seu vera seu falsa de altero homine credere, sed scelerata impudentia est, propter crimina hominis, quæ orbi terrarum non possis ostendere, communionem orbis terrarum velle damnare. Vtrû Cæcilianus à traditoribus diuinorum codicum fuerit ordinatus, nescio, non vidi, ab inimicis eius audiui. Non mihi de lege Dei, non de præconio Prophetarum, non de sanctitate Psalmorum, non de Apostolo Christi, non de Christi eloquio recitatur. Ecclesiam verò toto terrarum orbe diffusam, cui non communicat pars Donati, vniuersarum scripturarum testimonia consona voce proclamant. *In semine tuo benedicentur omnes gentes*, Lex Dei dicit. *Ab ortu solis usque ad occasum sacrificium mundum offertur nomini meo, quoniam glorificatum est nomen meum in gentibus*, per Prophetam dixit Deus. *Dominabitur à mari usque ad mare, & à flumine usque ad terminos orbis terrarum*, per Psalmum Dominus dixit. *Fructificans & crescens in universo mundo*, per Apostolum Dominus dixit. *Eritis mihi testes in Hierusalem, & in tota Iudea, & in Samaria, & usque ad fines terræ*, Filius Dei ore suo dixit.

Cæci-



Cæcilianus Ecclesiæ Carthaginensis episcopus humanis litibus accusatur. Ecclesia CHRISTI in omnibus gentibus constituta, diuinis vocibus commendatur. *Ipsa pietas, veritas, charitas, nos non permittit contra Cæcilianum eorum hominum accipere testimonium, quos in Ecclesia non videmus, cui DEVS perhibet testimonium.* NB. Hostium Ecclesiæ testimonium non admittenda.

*Qui enim diuina testimonia non sequuntur, pondus humani testimonii perdididerunt.* Addo quod Cæciliani causam ipsi ad Imperatoris Constantini iudicium accusando miserunt, imò verò ipsum Cæcilianum post episcopalia iudicia, vbi eum opprimere non potuerunt, ad supradicti Imperatoris examen, pertinacissimis persecutoribus perduxerunt. Et quod in nobis modò reprehendunt, vt decipiant imperitos, dicentes, non debere Christianos contra inimicos CHRISTI aliquid à Christianis Imperatoribus postulare, ipsi priores fecerunt, quod etiam in collatione, quam simul apud Carthaginem habuimus, negare non ausi sunt, imò & gloriari ausi sunt, quod apud Imperatorem maiores eorū criminaliter Cæcilianum fuerint insecuti, insuper addentes mendacium, quod eum illic vicerint, fecerintque damnari. Quomodò ergo nunc ipsi non sunt persecutores, qui eum accusando persequuti sint Cæcilianum, & ab eo fuerint superati, falsam sibi gloriam impudentissimo mendacio arrogare voluerunt,

runt, non solum culpam non putantes, verum etiam pro sua laude iactantes, si probarent Cæcilianum maioribus suis accusantibus fuisse damnatum? Quemadmodum autem in ipsa collatione modis omnibus victi sint, quoniam valde prolixa sunt gesta, & tibi aliis rebus Romanæ paci necessariis occupato, multum est ut legantur, Breuiarium eorum tibi legi forsitan poterit, quod credo habere fratrem, & coepiscopum meum *Optatum*: aut si non habet, potest facillime accipere de Ecclesia Sitiueniensi, quandoquidem liber iste iam sua prolixitate curis tuis forsitan onerosus est. Hoc enim contingit Donatistis, quod accusatoribus sancti Danielis. Sicut enim in illos leones, sic in istos conuersæ sunt leges, quibus innocentem opprimere voluerunt, nisi quod propter misericordiam Christi magis pro eis sunt istæ leges, quæ illis videntur aduersæ, quoniam multi per illas correcti sunt, & quotidie corriguntur; & se esse correctos atque ab illa furiosa perniciæ liberatos gratias agunt. Et qui oderant diligunt, molestasque sibi fuisse saluberrimas leges, quantum in infania detestabantur, tantum recepta sanitate gratulantur, & in residuos cum quibus fuerant perituri, iam simili dilectione nobiscum, ut pariter instemus ne illi pereant, excitantur. Molestus est enim & medicus furenti phrenetico, & pater indisciplinato filio, ille ligando, iste cædendo, sed ambo dili-

*Daniel. 6.*

24.

*Legi contrahereticos Scilitas.*

diligendo. Si autem illos negligent, & per-  
 ire permittant, ista potius mansuetudo fal- *Psal. 31. 9.*  
 sa, crudelis est. Si enim equus & mulus, qui-  
 bus non est intellectus, morsibus & calci-  
 bus resistunt hominibus, à quibus eorum  
 curanda vulnera contrectantur, & cùm in-  
 ter dentes eorum & calces sapè homines  
 periclitentur, & aliquando vexentur, non  
 tamen eos deserunt, donec per dolores &  
 molestias medicinales reuocent ad salutem:  
 quantò magis homo ab homine, & frater à  
 fratre, ne in æternum pereat, non est deserend-  
 us, qui correctus intelligere potest, quan-  
 tum sibi præstabatur beneficium, quando se  
 persecutionem perpeti querebatur? sicut er-  
 go Apostolus dicit; *Infatigabiles cùm tem-* *Gal. 6. 10.*  
*pus habemus operemur bonum ad omnes:* qui  
 possunt Catholicorum præceptorum ser-  
 monibus, qui possunt Catholicorum prin-  
 cipum legibus, partim per eos qui diuinis  
 admonitionibus, partim per eos qui iussis  
 imperialibus parent, omnes ad salutem vo-  
 centur, omnes à perniciæ reuocentur, quia  
 & Imperatores quando pro falsitate con-  
 tra veritatem constituunt malas leges, pro-  
 bantur benè credentes, & coronantur per-  
 seuerantes. Quando autem pro veritate  
 contra falsitatem constituunt bonas leges,  
 terrentur sæuientes & corriguntur intelli-  
 gentes. Quicumque ergò legibus Impera-  
 torum quæ contra veritatem Dei feruntur  
 obtemperare non vult, acquirit grande præ-  
 mium.

*Distinct. 9.*  
*cap. Impera.*  
*& duobus*  
*sequen. &*  
*11. q. 3. Impe-*  
*ratores.*

mium. Quicumque autem legibus Imperatorum, quæ pro DEI veritate feruntur, obtemperare non vult, acquirit grande supplicium. Nam & temporibus Prophetarum omnes Reges qui in populo Dei prohibuerunt, nec euerterunt quæ contra Dei præcepta fuerant instituta, culpantur, & qui prohibuerunt & euerterunt, super aliorum merita laudantur. Et rex *Nabuchodonosor*, cum seruus esset idolorum, constituit sacrilegam legem, ut simulachrum adoraretur, sed eius impiæ constitutioni qui obedire noluerunt, piè fideliterque fecerunt. Idem tamen rex, diuino correctus miraculo, piam & laudabilem legem pro veritate constituit, ut quicumque diceret blasphemiam in Deum, verum *Sidrac*, *Misac*, & *Abednago*, cum domo sua penitus interiret. Hanc legem si qui contempserunt, & id quod fuerat constitutum, meritò perpeSSI sunt, debuerunt dicere, quod isti dicunt, se iustos esse, quia ex lege Regis persecutionem patiebantur: quod utique dicerent, si ita insanirent, sicuti isti insaniunt, qui diuidunt membra Christi, exufflant Sacramenta Christi, & de persecutione gloriantur: quia prohibentur ista facere legibus Imperatorum, quas constituerunt pro vnitatem Christi, & iactant fallaciter innocentiam suam, & quam non possunt à Domino accipere, ab hominibus quærunt martyrum gloriam. Veri autem martyres illi sunt, de quibus Dominus ait;

*Beati*

*Dan. 3. 5.*

*Veri martyres qui.*



Beati qui persecutionem patiuntur propter iustitiam. Non ergo qui propter iniquitatem, & propter Christianæ unitatis impiam divisionem, sed qui propter iustitiam persecutionem patiuntur, hi martyres veri sunt. Nam & Agar passa est persecutionem à Sara, & illa erat sancta quæ faciebat, illa iniqua quæ patiebatur. Nunquid & huic persecutioni, quam passa est Agar, comparandus est sanctus David quem persecutus est iniquus Saul? Valdè utique distat, non quia patiebatur, sed quia propter iustitiam patiebatur. Et ipse Dominus cum latronibus crucifixus est. Sed quos passio iungebat, causa separabat. Idè in Psalmo vox illa intelligenda est verorum martyrum, volentium se discerni à martyribus falsis: *Iudicamur Deus, & discerne causam meam de gente non sancta.* Non dixit, discerne pœnam meam: sed discerne causam meam. Potest enim esse impiorum similis pœna, sed dissimilis est martyrum causa: quorum & illa vox est; *iniuste persecuti sunt me, adiuua me.* Idè se dignum existimavit, qui adiuuaretur iustè, quia illi persequebantur iniuste. Nam si iustè illi persequerentur, non fuerat adiuuandus, sed corrigendus. Si autem putant, quòd nemo possit iustè aliquem persequi, sicut in collatione dixerunt, illam esse veram Ecclesiam, quæ persecutionem patitur, non quæ facit, omitto dicere, quæ superius commemoravi: quia si ita est, ut dicunt, Cæcilianus ad veram

Matth. 5.  
6. 10.

1. Reg. 19.  
2. Z.

Luca 23.  
33.

Psal. 42. B

Psal. 118.

Persecutio  
annota Ecclesie.

veram Ecclesiam pertinebat, quando cum maiores illorum vsque ad Imperatoris iudicium accusando persequabantur. Nos enim dicimus, ideò illum ad veram Ecclesiam pertinuisse, non quia persecutionem patiebatur, sed quia propter iustitiam patiebatur. Illos autem ideò fuisse alienatos ab Ecclesia, non quia persequabantur, sed quia iniuste persequabantur. Nos itaque hoc dicimus. Illi verò si non quærunt causas, quare quisque faciat persecutionem, vel quare patiatur: sed hoc putant esse signum veri Christiani, si persecutionem non faciat, sed patiatur: sine dubio Cæcilianum in ea definitione constituunt, qui non faciebat, sed patiebatur. Maiores autem suos ab ea definitione foras mittunt, qui faciebant, non patiebantur. Sed hoc, vt dixi, omitto: illud dico: si Ecclesia vera ipsa est quæ persecutionem patitur, non quæ facit: quærant ab Apostolo, quam Ecclesiam significabat Sara, quando persecutionem faciebat ancillæ. Liberam quippe matrem nostram, cœlestem Hierusalem, id est veram Dei Ecclesiam, in illa muliere dicit fuisse figuratam, quæ affligebat ancillam. Si autem melius discutiamus, magis illa persequabatur Saram superbiendo, quàm illam Sara coercendo: illa enim dominæ faciebat iniuriam, ista imponebat superbix disciplinam. Deinde quæro, si boni & sancti nemini faciunt persecutionem, sed tantummodo patiuntur: cuius

putant

23. q. 4. Ec-  
clesia.

Gal. 4. 26.

Gen. 16. 4.

putant esse in Psalmo vocem, vbi legitur;  
*Persequar inimicos meos & compræhendam illos,* *Psalm. 17. 38.*  
*& non conuertar donec deficiant?* Si ergo ve-  
 rum dicere vel agnoscere volumus, est per-  
 secutio iniusta, quam faciunt impii Ecclesiæ  
 Christi, & est iusta persecutio, quam faciunt  
 impiis Ecclesiæ Christi. Ista itaque beata est,  
 quæ *persecutionem patitur propter iustitiam,* *Math. 5. 10*  
 illi verò miseri, qui persecutionem patiun-  
 tur propter iniustitiam. Proinde ista perse-  
 quitur diligendo, illi sœuiendo. Ista vt corri-  
 gat, illi vt euertant. Ista vt reuocet ab erro-  
 re, illi vt præcipitent in errorem. Denique  
 ista persequitur inimicos & compræhendit,  
 donec deficiant in vanitate, vt in veritate  
 proficiant. Illi autem retribuentes mala pro  
 bonis, quia eis consulimus ad æternam salu-  
 tem, etiam temporalem nobis conantur au-  
 ferre, sic amantes homicidia, vt in seipsis ea  
 perficiant quando in aliis perpetrare non  
 possunt. Sicut enim charitas laborat Eccle-  
 siæ sic eos ab illa perditione liberare, vt eo-  
 rum nemo moriatur: sic eorum laborat furor,  
 aut nos occidere vt suæ crudelitatis pascant  
 libidinem, aut etiam se ipsos, ne perdidisse  
 videantur occidendorum hominum pote-  
 statem. Qui autem nesciunt consuetudinem  
 illorum, putant eos modo se ipsos occide-  
 re, quando ab eorum insanissima domina-  
 tione per occasionem legum istarum, quæ  
 pro vnitatem sunt constitutæ, tanti populi li-  
 berantur. Qui autem sciunt, & ante ipsas  
 leges

*Prodigiosa  
morta-  
ciditas.*

leges quid facere soleant, non eorum mirantur mortes, sed recordantur mores: maximè quando adhuc cultus fuerat idolorum, ad paganorum celeberrimas solennitates ingentia turbarum agmina veniebant, non vt idola frangerent, sed vt interficerentur à cultoribus idolorum. Nam illud si accepta legitima potestate facere vellent, si quid eis accidisset, possent habere qualemcunque vmbra nomenis martyrum, sed ad hoc solùm veniebant, vt integris idolis ipsi perimerentur.

Nam singuli quique valentissimi iuvenes cultores idolorum, quis quot occideret, ipsis idolis vouere consueuerant. Quidam etiam se trucidandos armatis viatoribus ingeriebant, percussuros eos se, nihil ab eis perimerentur, terribiliter comminantes. Nonnunquam & à iudicibus transeuntibus extorquebant violenter, vt à carnificibus vel ab officio ferirentur. Vnde quidam illos sic illuisse perhibetur, vt eos tanquam percutiendos ligari & dimitti iuberet, atque ita eorum impetum incruentus & illæsus euaderet. Iam verò per abrupta præcipitia, per aquas & flammam occidere se ipsos quotidianus illis ludus fuit. *Hæc enim eos tria moris genera diabolus docuit, vt mori volentes, quando non inueniebant quem terrent, vt eius gladio ferirentur, per saxa se mitterent, aut ignibus gurgitibusque donarent.* Quis autem illos hæc docuisse credendus est, possidens



dens cor eorum, nisi ille qui & Saluatori  
 nostro, vt se de pinna templi præcipitaret,  
 tanquam de lege iugessit? Cuius suggestio-  
 nem à se vtique prohiberent, si magistrum  
 Christum in corde portarent. Sed quia in se  
 diabolo potius dederunt locum, ac sic per-  
 eunt, quemadmodum grex ille porcorum, *Matth. 5. 12*  
 quem de monte in mare turba dæmonum  
 deiecit: aut illis mortibus erepti, pio matris  
 Catholicæ gremio collecti, ita liberantur,  
 quemadmodum est à Domino liberatus,  
 quem pater eius à dæmonio sanandum ob-  
 tulit, dicens: *quod aliquando cadere in aquam, Matth. 17.*  
*aliquando in ignem solet.* Vnde magna in *15.*  
 eos fit misericordia, cum etiam per istas Im-  
 peratorum leges, ab illa secta, vbi per do-  
 ctrinas dæmoniorum mendaciloquorum  
 mala ista didicerunt, prius eripiuntur in-  
 uiti, vt in Catholica postea bonis præceptis  
 & moribus sanentur assueti. Nam multi eo-  
 rum quorum iam in vnitatem Christi, pium fi-  
 dei feruorem charitatemque miramur, cum  
 magna lætitia Deo gratias agunt, quod illo  
 errore caruerunt, vbi mala ista bona putaue-  
 runt: quas gratias modò volentes non age-  
 rent, nisi prius etiam nolentes ab illa nefaria  
 societate discederent. Quid de illis dicamus, *Timore pe-*  
 qui nobis quotidie continentur, quod iam *riculi mul-*  
 olim volebant esse Catholici, sed inter eos *ti à Catho-*  
 habitabant, inter quos id quod volebāt esse, *lica deti-*  
 non poterant per infirmitatem timoris, vbi si *nentur.*  
 vnum verbū pro Catholica dicerent, & ipsi  
 & do-

& domus eorum funditùs euerterétur. Quis est tam demens, qui neget istis debuisse per iussa Imperialia subueniri, vt de tanto eruerentur malo, dum illi quos timebant timere coguntur, & eodē timore, aut etiam ipsi corriguntur, aut certè cū se correctos esse confingunt, correctis parcunt, à quibus antea timebantur. Si autem se ipsos occidere voluerint, ne illi qui liberandi sunt liberentur, & eo modo liberantium terrere pietatem, vt dum timetur, ne quidam perditī pereant, non eruantur perditioni, qui vel iam nolēbant perire, vel coërciti poterant non perire; quid hic agit charitas Christiana, præsertim cū illi, qui suas mortes voluntarias & furiosas minantur, in populorum liberandorum comparatione perpauci sint? Quid agit ergo fraterna dilectio? vtrum dum paucis transitorios ignes metuit caminorum, dimittit omnes æternis ignibus gehennarum: & tam multos vel iam volentes, vel postea non valentes per Catholicam pacē ad vitam venire perpetuam relinquit in interitum sempiternū, cauendo ne quidam voluntario moriātur interitu, qui viuunt ad impedimētum salutis aliorū, quos non permittunt secundū Christi doctrinā viuere, vt eos doceant, quocunq; tēpore secundum consuetudinē doctrinæ diaboliæ ad eas, q̄ in illis modò timētur mortes voluntarias festinare: an potius cōseruat quos potest, & si spōtē pereant quos cōseruare non potest? Vt n. omnes viuant

*Ignis.*

uant ardentem exoptat : sed omnes ne per-  
 cant, plus laborat. Gratias autem Domino,  
 quod & apud nos, non quidem in omnibus,  
 sed valdè in pluribus locis, & per alias Afri-  
 cæ partes, sine vllis istorum infanorum mor-  
 tibus, pax Catholica cucurrit & currit. Ibi  
 autem illa funesta contingunt, vbi est tam  
 furiosum & inutile hominum genus, qui &  
 aliis temporibus eadem facere consueue-  
 runt. Et prius quidem quàm istæ leges à Ca-  
 tholicis Imperatoribus mitterentur, pacis  
 atque vnitatis Christi paulatim doctrina cre-  
 scebat, & in eam quisque sicut discebat &  
 volebat & poterat ex ipsa parte transibat,  
 cùm tamen apud illos perditorum hominum  
 dementissimi greges in diuersis causis quie-  
 tem innocentium perturbarent. Quis non  
 Dominus seruum suum timere compulsus  
 est, si ad illorum patrociniū confugisset?  
 Quis euersori minari saltem audebat? quis  
 consumptorem apothecarum, quis quemli-  
 bet poterat exigere debitorem, auxilium eo-  
 rum defensionemque poscentem, timore fu-  
 stium & incendiū mortisque præsentis?  
 Pessimorum seruorum vt liberi abscederent  
 tabulæ frangebantur, extorta debitoribus  
 chirographa reddebantur. Quicumque dura  
 illorum verba contempserant, durioribus  
 verberibus quod iuebant facere cogeban-  
 tur, innocentium qui eos offenderāt domus  
 aut deponebantur ad solum, aut ignibus cre-  
 mabantur. Quidam patres familiās honesto

*Crudelitas  
 Circumcel-  
 lionum.*

loco nati, & generoso cultu educati, vix viui post eorum cædes ablati sunt, vel vincti ad molam, & eam in gyrum ducere, tanquam iumenta cōtemptibilia verberare adacti sunt. Quod enim de legibus auxilium, à ciuilibus potestatibus aduersus eos aliquid valuit? quis in præsentia eorum officialis anhelauit, quisque quod illi noluiſſent, exactor exegit? Quis eos qui eorum cædibus extincti sunt vindicare tentauit, nisi quod propria de illis pœnas poscebat insania, cum alii prouocandis in se gladiis hominum, quos vt ab eis ferirentur, morte terrebant, alii per varia præcipitia, alii per aquas, alii per ignes, se in mortes voluntarias vsquequaq; mittebant, & animas ferales à se sibi illatis suppliciis proiiciebant? Horrebant ista plurimi in ipsa superstitione hæretica constituti, & cū innocentia suâ sufficere arbitrarentur, quòd sibi talia displicerent, dicebatur eis à Catholicis: Si innocentiam vestram mala ista non pollunt, quomodo dicitis orbem Christianū vel falsis vel certè ignotis Cæciliani peccatis esse pollutum? Quomodo vos nefario scelere, ab vnitæ catholica, tanquam ab area dominica separatis, quæ vsque ad tempus ventilationis necesse est vt habeat & frumentum in horreo recondendū, & paleam ignibus consumendam? Atque ita quibusdam ratio reddebatur, vt aliqui ad vnitatem Catholicam etiam inimicitias perditorum parati sustinere transirent: sed plures, quamuis id vellent,



eostamen homines, quibus tanta fuerat licentia saviendi, inimicos facere non audebant. Nonnulli quippe illos, cum ad nos transissent, crudelissimos passi sunt. Accidit etiam ut apud Carthaginem quendam diaconum suum, nomine MAXIMIANVM, contra Episcopum suum superbientem, quidam Episcoporum eiusdem partis facto schismate & in plebe Carthaginis diuisa parte Donati ordinarent Episcopum contra Episcopum. Quod cum eorum pluribus displiceret, eundem Maximianum cum aliis duodecim, qui eius ordinationi presentes affuerant damnauerunt, cæteris autem ad eandem societatem schismatis pertinentibus, die constituto facultatem redeundi dederunt. Sed postea ex ipsis duodecim quosdam, & ex illis quibus dilatio data fuerat, post diem positum redeunt, propter pacem suam in suis honoribus susceperunt, & quoscunque extra ipsorum communionem damnati baptizauerant, rebaptizare non ausi sunt. Cœpit hoc eorum factum contra illos pro Catholicamultum valere, ut ora eorū penitus clauderentur. Quæ res cum (sicut oportebat) ad sanandos ab schismate animos hominum spargeretur instatius, & quaquā versum poterat Catholicorum sermonibus ac disputationibus monstraretur: eos pro pace Donati & damnatos suos in honorē suum integrum suscepisse; & baptismum quem damnati, vel etiam dilati foris ab Ecclesia eorū dederant,

non ausos fuisse rescindere, & orbi terrarum contrapacem Christi contaminationem (nescio quorum) obiicere peccatorum, & euacuare baptismum in illis quoque Ecclesiis datum, vnde in Africam venit ipsum Evangelium: plurimi confundebantur, & manifestæ veritati erubescerent corrigebantur, solito crebrius, & multò magis vbicunque ab eorum sæuitia respirabat aliquanta libertas. Tum verò illi sic exarserunt; & tantis sunt odiorum stimulis incitati, vt contra eorum insidias atque violentias, & apertissima latrocinia, vix vllæ nostræ communionis Ecclesiæ possent esse securæ, vix vlla via tuta, quæ iter agerent, quicumque aduersus eorum rabiem pacem Catholicam prædicarent, eorumque dementiam perspicua veritate conuincerent. Vsq; adeò prorsus non solum laicis, vel quibuslibet clericis, sed ipsis quoque Episcopis Catholicis, quodam modo proponebatur dura conditio. *Aut enim tacenda erat veritas, aut eorum immanitas perferenda.* Sed si veritas taceretur, non solum nemo fuerat eius silentio liberandus, sed multi etiam illorum seductione perdendi. Si autem veritatis prædicatione furor eorum ad sæuendum prouocaretur; aliquibus liberatis nostrisque firmatis, rursus à sequenda veritate, formido impediret infirmos. Cùm igitur his angustiis affligeretur Ecclesia, quisquis existimat omnia potius sustinenda, quàm Dei  
 // auxilium, vt per Christianos Imperatores  
 ferre-

ferretur, fuisse poscendum, parum attendit //  
 non bonam de hac negligentia reddi potuif- //  
 se rationem. Quod enim dicunt, qui contra <sup>23. q. 4. §</sup>  
 suas impietates leges iustas constitui nolunt: <sup>Ecclesiæ.</sup>  
*non petisse à regibus terræ Apostolos talia, non*  
*considerant aliud fuisse nunc tempus, & omnia*  
 *suis temporibus agi. Quis enim tunc in Chri-*  
*stum crediderat Imperator, qui ei pro pieta-*  
*te contra impietatem leges ferendo seruiret,*  
*quando adhuc illud propheticum comple-*  
*batur: Quare fremuerunt gentes: & populi* <sup>Psal. 2. 1.</sup>  
*meditati sunt inania? Astiterunt reges terræ &*  
*principes conuenerunt in unum aduersus Domi-*  
*num & aduersus Christum eius. Nondum au-*  
*tem agebatur, quod paulò post in eodem*  
*Psalmo dicitur: Et nunc reges intelligite, eru-* <sup>ibid. 6. 10.</sup>  
*dimini qui iudicatis terram: Seruite Domino in*  
*timore, & exultate ei cum tremore. Quomodo*  
*ergo reges Domino seruiunt in timore, nisi*  
*ea, quæ contra iussu Domini fiunt, religiosa*  
*seueritate prohibendo atque plectendo? Ali-*  
*ter enim seruit quia homo est, aliter quia et-*  
*iam rex est: quia homo est, ei seruit viuendo*  
*fideliter, quia verò etiam rex est, seruit leges*  
*iusta præcipientes; & contraria prohiben-*  
*tes, conuenienti vigore sanciendo. Sicut ser-* <sup>4. Reg. 18. 4.</sup>  
*uiuit Ezechias, lucos & templa idolorum, &*  
*illa excelsa quæ contra Dei præcepta fue-*  
*rant constructa, destruendo. Sicut seruiuit* <sup>4. Reg. 23.</sup>  
*Iosias, talia & ipse faciendo. Sicut seruiuit* <sup>6. 4. 5.</sup>  
*rex Niniuitarum, vniuersam ciuitatem ad* <sup>Isa. 3. 6. 6.</sup>  
*placandum Dominum compellendo. Sicut*  
 1 3 serui-

*Daniel. 14.*  
24.

*Dan. 3. 96.*

seruiuit Darius idolum frangendum in potestatem Danieli dando, & inimicos eius leonibus ingerendo. Sicut seruiuit Nabuchodonosor, de quo iam diximus, omnes in regno suo positos à blasphemando Deo lege terribili prohibendo. In hoc ergo seruiunt Domino reges, in quātum sunt reges, cū ea faciunt ad seruiendum illi, quæ nō possunt facere nisi reges. Cū itaq; nondum reges Domino seruirent temporibus Apostolorū, sed adhuc meditarentur inania aduersus Deū, & aduersus Christum eius, vt Prophetarū prædicta omnia complerentur, non vtique tunc possent impietates legibus prohiberi, sed potius exerceri. Sic enim ordo temporum voluebatur, vt & Iudæi occiderent prædicatores Christi, putantes se officium Deo facere, sicut prædixerat Christus, & gentes frēmerent aduersus Christianos, & omnes patientia martyrum vinceret. Postea verò quāmcœpit impleri quod scriptum est: *Et adora-*

*Psal. 71. 11. bunt eum omnes reges terræ, omnes gētes seruiunt illi:* qui mente sobrius regibus dicat. Nolite curare in regno vestro, à quo teneatur vel oppugnetur Ecclesia Domini vestri, non ad vos pertineat in regno vestro, quis velit esse siue religiosus, siue sacrilegus: quibus dici non potest, non ad vos pertineat in regno vestro, quis velit pudicus esse, quis impudicus? Cur enim cū datum sit diuinitus homini *liberum arbitrium*, adulteria legibus puniantur & sacrilegia permittantur? An fidem

non



non seruare leuius est animam Deo, quàm  
 fœminam viro? Aut si ea quæ non contem-  
 ptu, sed ignorantia religionis committun-  
 tur, mitius vindicanda, nunquid idem negli-  
 genda sunt? Melius est quidem, quis dubi-  
 tauerit, ad Deum colendum doctrina homi-  
 nes duci, quàm pœnæ timore vel dolore  
 compelli? Sed non quia isti meliores sunt,  
 ideo illi qui tales non sunt, negligendi sunt.  
 Multis enim profuit (quod experimentis  
 probauimus & probamus) prius timore vel  
 dolore cogi, vt postea possint doceri, aut  
 quod iam verbis didicerant, opere sectari.  
 Proponunt nobis quidam sententiam secu-  
 laris authoris, qui dixit: *Pudore & liberalita-*  
*te liberos retinere, satius credo esse quàm metu.*  
 Hoc quidem verum est, sed sicut meliores  
 sunt, quos dirigit amor, ita plures sunt, quos  
 corrigit timor. Nam vt de isto authore istis  
 respondeatur, apud illum etiam legunt: *Tu*  
*nisi malo coactus, rectè facere nescis.* Porro au-  
 tem scriptura diuina, & propter illos melio-  
 res dixit, *Timor non est in charitate, sed perfe-*  
*cta charitas foràs mittit timorem.* Et propter  
 hos inferiores qui plures sunt, ait: *Verbis*  
*non emendabitur seruus durus, si enim & intel-*  
*lexerit, non obediet.* Cùm dixit, verbis eum  
 non emendari: non eum iussit deferri, sed  
 tacitè admonuit, vnde debeat emendari.  
 Alioquin non diceret: verbis non emenda-  
 bitur, sed tantummodo diceret, non emen-  
 dabitur. Alio quoque loco dicit, non solum

*Obiectio*  
*contra se-*  
*ueritatem*  
*legum im-*  
*perial.*

*Terent in*  
*Adelph.*

*1. Ioan 4. 18.*

*Prou. 29. 19*

Prouer. 23.

14.

Prouer. 13.

24.

Psal. 41. 3.

Philip. 1. 23.

Ioan. 15. 13.

Marc. 1. 16.

Matt. 4. 18.

Act. 9. 4.

seruum, sed etiam *filium indisciplinatum* plagis esse coercendum, & magno fructu. Nam tu quidem, inquit, percutis eum *virga*, animam vero eius liberabis à morte. Et alibi dicit; Qui parcit baculo, odit *filium suum*, Da qui recta fide veròque intellectu, totis animæ suæ viribus dicas: *Sitiuit anima mea ad Deum fontem vinum, quando veniam & apparebo ante faciem Dei*; & huic tali, non solum temporalium pœnarum, vel imperialium legum, sed nec gehennarum timor est necessarius, cui tam desiderabile bonum est adhærere Deo, vt non solum ab illa felicitate alienari, tanquam magnum supplicium perhoreseat, verum etiam differri molestè ferat. Sed tamen antequam dicant boni filii, *Concupiscentiam habemus dissolui, & esse cum Christo*: multi prius tanquam mali serui, & quodammodo improbi fugitiui, ad Dominum suum temporalium flagellorum verberare reuocantur. Quis enim nos potest amplius amare quam Christus, qui animam suam posuit pro omnibus suis? Et tamen cum Petrum & alios Apostolos solo verbo vocasset, Paulum prius Saulum, Ecclesiæ suæ postea magnum ædificatorem, sed horrendum antea vastatorem, non solum voce compescuit, verum etiam potestate prostrauit, atque vt infidelitatis tenebris sæuientem ad desiderandum lumen cordis vrgeret, prius corporis cœcitate percussit. Si pœna illa non esset, non ab ea postmodum sanaretur. Et quando aper-

tis oculis nihil videbat, si eos saluos haberet non ad impositionem manus Ananiæ, vt eorum aperiretur obtutus, tanquam squamas *Alia excerptio.* quibus clausus fuerat inde cecidisse scriptura narraret. *Vbi est quod isti clamare consueuerunt, liberum est credere, vel non credere.* Cui vim Christus intulit? quem coëgit? Ecce habent Paulum Apostolum, agnoscant in eo prius cogentem Christum, & postea docentem: prius ferientem, & postea consolantem. Mirum est autem quomodo ille qui pœna corporis ad Euangelium coactus intrauit: *plus illis omnibus,* qui solo verbo vocati sunt, *in Euangelio laborauit.* Et quæ maior timor compulit ad charitatem, eius perfecta charitas foras misit timorem. Cur ergo non cogeret Ecclesia perditos filios vt redirent, si perditii filii coëgerunt alios vt perirent? Quamuis etiam illos quos non coegerunt, sed tantummodo seduxerunt, si per terribiles, sed salubres leges in eius gremio reuocentur, blandius pia mater amplectitur, & de illis multò amplius, quàm de his quos nunquam perdiderat gratulatur. An non pertinet ad diligentiam pastoralement, etiam illas oues quæ non violenter ereptæ, sed blandè leniterque seductæ: à grege aberrauerint, & ab alienis cœperint possideri, inuentas ad ouile dominicum, si resistere uoluerint, flagellorum terroribus, vel etiam doloribus reuocare: præsertim quoniam si apud fugitiuos & prædones seruos fœcunditate

ditate multiplicentur, plus habet iuris quod in eis *Dominicus Character* agnoscitur, qui in eis quos suscipimus, nec tamen rebaptizamus, minimè violatur? *Sic enim error corrigendus est ovis, ut non in ea corrumpatur signaculum redemptoris.* Neque enim si quisquam regio caractere à signato desertore signetur, & accipiat indulgentiam, atque ille redeat ad militiam, ille autem esse in militia, in qua nondum erat, incipiat, in aliquo eorum character rescinditur, an non potius in ambobus agnoscitur, & honore debito quoniã regius est approbatur? Quia ergo non possunt malũ esse ostendere quo coguntur, nec ad bonum se cogi oportere contendunt, sed à Christo coactum ostendimus Paulũ: imitatur itaq; Ecclesia in istis cogendis Dominũ suum, quæ prius ut neminẽ cogeret expectavit, ut de fide regum atq; gentium prædicatio prophetica compleretur. Etiam hinc enim non absurdè intelligitur illa Apostolica sententia, ubi Paulus beatus dicit: *Parati ulcisci omnem inobedientiam, cùm completa fuerit prior obediẽtia vestra.* Vnde & ipse Dominus ad magnam cœnam suã prius adduci iubet conuiuas, postea cogi. Nam cùm ei serui sui respondissent: *Domine factum est quod iussisti, & adhuc est locus; Exite, inquit, in vias & sepes, & quoscunq; inueneritis, cogite intrare,* In illis ergo qui leniter primò adducti sunt, completa est prior obedientia. In iis autem qui coguntur, inobediẽtia co-

ercetur.

2. Cor. 10.

Luc. 14. 17.

Luc. 14. 23,



ercetur. Nam quid est, *cogite intrare* : cū  
 primò dictum esset, *Adducite*: & responsum  
 esset, *Factum est quod iussisti, & adhuc est locus?*  
 Si miraculorum terroribus cogendos vo-  
 luisset intelligi, magis ad eos, qui prius voca-  
 ti sunt diuina miracula multa facta sunt, ma-  
 ximè ad Iudæos, de quibus dictum est: *Iudæi*  
*signa petunt.* In ipsis quoque gentibus talia  
 temporibus Apostolorum miracula Euan-  
 gelium commendauerunt, vt si talibus cogi  
 iuberentur, priores (vt dixi) potius conuiuæ  
 coacti esse meritò crederentur. Quapropter  
 si potestate, quam per religionem ac fidem  
 regum, tempore quo debuit, diuino mu-  
 nere accepit Ecclesia, hi qui inueniuntur in  
 viis & in sepibus, id est, in hæresib. & schis-  
 matibus coguntur intrare, non quia cogun-  
 tur reprehendant, sed quò cogantur, atten-  
 dant. Conuiuium Domini, vnitas est corpo-  
 ris Christi, non solum in sacramento alta-  
 ris, sed etiam in vinculo pacis. De ipsis sanè  
 possumus verissimè dicere, quod neminem  
 cogant ad bonum. Quoscunque enim co-  
 gunt, non cogunt nisi ad malum. Verunta-  
 men antequam istæ leges, quibus ad conui-  
 uium sanctum coguntur intrare, in Africam  
 mitterentur, nonnullis fratribus videbatur,  
 in quibus & ego eram; quamuis Donatista-  
 rum rabies vsquequaque sæuiret, non esse  
 petendum ab Imperatoribus, vt ipsam hæ-  
 resim iuberent omninò non esse, pœnam  
 constituendo eis, qui in illa esse voluissent,  
 sed hoc

1. Cor. 1. 22.

*Augustini  
 & aliorum  
 sententia  
 prior, de  
 modo agen-  
 di cum hæ-  
 reticis.*

*Lex in hæ-  
reticos.*

sed hoc potius constituerent, ut eorum furiosas violentias non paterentur, qui veritatem Catholicam vel prædicarent loquendo, vel legerent constituendo. Quod eo modo fieri aliquatenus posse arbitramur, si legem piissimæ memoriæ *Theodosii*, quam generaliter in omnes hæreticos promulgavit, ut quisque eorum Episcopus, vel clericus ubilibet esset inuentus, decem libris auri mulctaretur, expressius in Donatistas, qui se negabant hæreticos, ita confirmarent, ut non omnes ea mulcta ferirentur, sed in quorum regionibus aliquas violentias à Clericis, vel à Circumcellionibus, vel populis eorum Ecclesia Catholica pateretur: ut scilicet post protestationem Catholicorum, qui fuissent ista perpeffi, iam cura ordinum ad persolvendam mulctam episcopi siue ministri cæteri tenerentur. Ita enim existimabamus eis territis, & nihil tale facere audentibus, posse liberè doceri & teneri Catholicam veritatem, ut ad eam cogeretur nemo, sed eam qui sine formidine vellet sequeretur, ne falsos & simulatores Catholicos haberemus. Et quamvis aliis fratribus aliud videretur, iam ætate grauioribus, vel multarum ciuitatum & locorum exempla currentibus, ubi firmam & veram Catholicam videbamus, quæ tamen ibi talibus beneficiis Dei constituta esset atque firmata, dum per priorum imperatorum leges ad communionem homines Catholicam cogerentur: obtinui-

mus

mustamen, vt illud potius quod dixi ab Imperatoribus peteretur, decretum est in concilio nostro, legati ad comitatum missi sunt. Sed Dei maior misericordia, qui sciret, harum legum terror & quædam medicinalis molestia quàm multorum esset prauis vel frigidis animis necessaria, & illi duritiæ, quæ verbis emendari non potest, sed tamen aliquantula seueritate disciplinæ potest, id egit vt legati nostri quod susceperant, obtinere non possent. Iam enim nos præueniant ex aliis locis quædam Episcoporum querelæ grauissimæ, qui mala fuerant ab ipsis multa perpeffi, & à suis sedibus exturbati, præcipuè horrenda & incredibilis cædes *Maximiani Episcopi Catholica Ecclesiæ Vagiensis* effecit, vt nostra legatio iam quid ageret, non haberet.

Iam enim lex fuerat promulgata, vt tantæ immanitatis hæresis Donatistarum, cui crudelius parci videbatur, quàm ipsa sæuebat, non tantum violenta esse, sed omnino esse non sineretur impunè: non tamen supplicio capitali propter seruandam etiam circa indignos mansuetudinem Christianam, sed pecuniariis damnis propositis, & in episcopos vel ministros eorum exilio constituto, supradictum quippe Episcopum Vagiensem, quoniam apud ordinarium iudicem dicta inter partes sententia, obtinuerat basilicam, quam illi, cum Catholica esset, inuaserunt, stantem ad altare irruentes horren-

*Lex pecu-  
niaria in  
Donatis-  
tis.*

*Periculum  
Maximiani  
a Donatistis.*

horrendo impetu & furore crudeli, fustibus & huiuscemodi telis, lignis denique eiusdem altaris effractis inmaniter ceciderunt, pugione etiam percusserunt in inguine, quo vulnere sanguis effluens eum exanimem redderet, nisi ei ad vitam maior sauitia eorum profuisset. Nam cum grauiter sauciatum per terram insuper traherent, exundanti venæ pulvis obstrusus sanguine obtinuit, cuius effusione ibat in mortem. Deinde cum ab eis tandem relictum, nostri cum Psalmis auferre tentarent, illi ira ardentiore succensi, eum de portantium manibus abstulerunt, malè mulctatis fugatisque Catholicis, quos ingenti multitudine superabant, & faciliè sauiendo terrebant. Inde in quandam turrem leuatum, iam defecisse arbitrantes, cum ille adhuc viueret, abiecerunt.

Sed quodam molli aggere exceptus, & à quibusdam nocte transeuntibus per lucernam conspectus, agnitus atque collectus, & ad religiosam domum apportatus; adhibita magna cura post multos dies cum ab illa desperatione recreatus esset, occisum eum tamen fama scelere Donatistarum etiam trans mare nunciauerat: quod posteaquam venit & vita eius inopinatissima apparuit, cicatricibus suis, tam multis, tam ingentibus, tam recentibus, non frustra fama mortuum se nunciaſſe monſtrauit. Auxilium ergo petiuit ab Imperatore Christiano, non tam ſui



vlciscendi causa, quàm tuendæ Ecclesiæ sibi  
 creditæ. *Quod si prætermisisset, non eius*  
*fuisse laudanda patientia, sed negligentia*  
*merito culpanda.* Neque enim & Aposto-  
 lus Paulus vitæ suæ transitoria consulebat  
 sed Ecclesiæ DEI, quando contra illos, qui  
 eum occidere conspirauerant, consilium il-  
 lorum Tribuno vt proderetur effecit. Vnde  
 factum est, vt eum ad locum quo fuerat per-  
 ducendus, deduceret miles armatus, ne il-  
 lorum pateretur insidias. Romanas etiam  
 leges implorare minimè dubitauit, *ciuem*  
*Romanum se esse* proclamans, quos tunc af-  
 fligi verberibus non licebat. Itemque ne  
 Iudæis eum interimere cupientibus trade-  
 retur, Cæsaris poposcit auxilium, Romani  
 quidem principis, sed non Christiani. Vbi  
 satis ostendit, quid facere deberent postea  
 C H R I S T I dispensatores, quando impe-  
 ratores Christianos periclitante Ecclesia re-  
 perirent.

Hinc ergo factum est, vt imperator reli-  
 giosus & pius perlatis in notitiam suam tali-  
 bus causis, mallet piissimis legibus illius im-  
 pietatis errorem omninò corrigere, & eos  
 qui contra C H R I S T V M Christi signa por-  
 tarent, ad vnitatem Catholicam terrendo  
 & coërcendo redigere, quam sæuendi  
 tantummodò auferre licentiam, & er-  
 randi ac pereundi relinquere. Iam verò  
 cùm ipsæ leges venissent in Africam, præci-  
 puè illi qui quærebant occasionem, aut sæ-  
 uitiam

*H. L.* uitiam furentium metuebant, aut suos verecundabantur offendere, ad Ecclesiam continuò tranſierunt, multi etiam qui ſola illic à parentibus tradita conſuetudine tenebantur, qualem verò cauſam ipſa hæreſis haberet, nunquam antea cogitauerant, nunquam quærere & conſiderare voluerant; mox ubi cœperunt aduertere, & nihil in ea dignum inuenire, propter quod tanta damna paterentur, ſine vlla difficultate Catholici facti ſunt. Docuit enim eos ſollicitudo, quos negligentes ſecuritas fecerat. Iſtorum autem omnium præcedentiũ authoritatem & perſuaſionem ſecuti ſunt multi, qui minus idonei erant per ſe ipſos intelligere, quod diſtaret inter Donatiſtarum errorem, & Catholicam veritatem: ita cùm magna agmina populorum vera mater in ſinum gaudens reciperet, remaſerunt turbæ duræ, & in illa peſte infelici animoſitate ſiſtentes. Ex his quoque plurimi ſimulando communicauerunt, alii paucitate latuerunt. Sed illi qui ſimulabant paulatim aſſueſcendo, & prædicationem veritatis audiendo, maximè poſt collationem & diſputationem, quæ inter nos & Episcopos eorum apud Carthaginem fuit, ex magna parte correcti ſunt. In quibuſdam verò locis, ubi pertinacior & impacatior præualuit multitudo, cui reſiſtere non poterant pauciores, quorum erat melior de communionem ſententia, aut turbæ authoritati paucorum potentiorum ſubditæ in malam partem,

tem,obtemperarunt, aliquando diutius la-  
 boratum est. Ex his sunt in quibus adhuc  
 laboratur, in quo labore multi Catholici,  
 & maximè episcopi & clerici horrenda &  
 dura perpeffi sunt, quæ commemorare lon-  
 gum est, quando quorundam, & oculi ex-  
 tincti sunt, & cuiusdam episcopi manus &  
 lingua præcisa est: nonnulli etiam trucidati  
 sunt. Taceo crudelissimas cædēs, & domo-  
 rum deprædationes, per nocturnas aggres-  
 siones & incendia, non solum priuatorum  
 habitaculorum, verum etiam Ecclesiarum,  
 in quas flammæ non defuerunt, qui & co-  
 dices dominicos mitterent. Sed nos huius-  
 modi afflictos malis, consequens consola-  
 tus est fructus. Nam vbicunque à perditis  
 ista commissa sunt, ibi feruentius atque per-  
 fectius vnitas Christiana profecit, & vberius  
 laudatur Dominus, quid donare dignatus est,  
 vt serui eius passionibus suis lucrarentur  
 fratres suos, & oues eius mortifero errore  
 dispersas in pacem salutis æternæ suo sangui-  
 ne congregarent. Potens est Dominus & mi-  
 sericors, quem quotidie rogamus, vt etiam  
 cæteris *det pœnitentiam & resipiscant de dia-*  
*boli laqueis, à quo captiui tenentur secundum ip-*  
*sius voluntatem,* qui non quærunt nisi vnde  
 nobis calumpnientur, & retribuunt mala pro  
 bonis: quia nec intelligere nouerunt, quem  
 circa eos animum dilectionemq; seruemus;  
 & quomodo eos velimus secundum Domini  
 præceptū, quod per *Ezechielem* Prophetam

*Donatista-  
 rum im-  
 manitas.*

*1. Tim. 2. 26*

*Psal. 34. 12*

*Ex ec 34. 4.* Pastoribus dedit, *renocare errantes, & perditos inuenire.* Illi autem quod & alibi aliquando diximus, & quod nobis faciunt, sibi non imputant, & quod sibi faciunt, nobis imputant. Quis enim nostrum velit nō solum aliquem illorum perire, verū etiam aliquid perdere? Sed si aliter non meruit pacem habere domus David, nisi *Absalon* filius eius in bello, quod contra patrem gerebat, fuisset extinctus, quamuis magna cura mandauerit suis, ut eum quantum possent viuum saluumque seruarent, ut esset cui pœnitenti paternus affectus ignosceret, quid ei restitit, nisi perditum flere, & sui regni pace acquisita suam mœstitiā consolari? Sic ergo Catholica mater bellantibus aduersus eā quid aliud quàm filiis suis, quia utique ex ipsa magna arbore, quæ ramorum suorum porrectione toto orbe diffunditur, iste in Africa ramusculus fractus est, cum eos charitate parturiat, ut redeant ad radicem, sine qua veram vitam habere non possunt, si aliquorum perditione cæteros tam multos colligit, præsertim quia isti non sicut *Absalon* casu bellico, sed spontaneo magis interitu pereunt, dolorem materni cordis, lenit & sanat tantorum liberatione populorum. Quorū si videas in Christi pace læticias, frequentias, alacritates, & ad hymnos audiendos & canendos, & ad verbum Dei percipiendum celebres hilaresque conuentus, multorumq; in eis cū dolore magno recordationem præteriti erroris, &

cum

NB.



cum gaudio considerationem cognitæ veritatis, & cum indignatione & detestatione mendacium magistrorum, quod modò cognoscant de nostris sacramentis quàm falsa iactauerint: multorum etiam in eis confessiones, quod olim vellent esse Catholici, nec inter homines tanti furoris auderent: horum ergo populorum congregationes per plurimas Africæ regiones, ab illa perditione liberatorū, si sub vno cōspectu videres, tunc diceres, nimix fuisse crudelitatis, si dum timeretur, ne homines desperati & istorū innumerabili multitudini nulla æstimatione comparandi suis & voluntariis ignibus cremarentur, isti in æternum perdendi, & sempiternis ignibus cruciandi relinquerentur. Si enim duo aliqui in vna domo habitarent, quàm certissimè sciremus esse ruituram, nobisque id prænunciantibus nollent credere, atque in ea manere persisterent, si eos inde possemus eruere vel inuitos, quibus iminentem illam ruinam postea demonstraremus; ut redire ulterius sub eius periculum non auderent, puto nisi faceremus, non immeritò crudeles diiudicaremur. Porro si vnus illorum nobis diceret, Quādo intraueritis eruere nos, me ipsum cōtinuò trucidabo: alter autem nec exire quidē inde, nec erui vellet, sed neq; necare se auderet, quid eligeremus, vtrū ambos ruinæ opprimendos relinquere, an vno saltē per misericordiæ nostræ operam

*Elegans simile.*



liberato, alterum non nostra culpa, sed sua potius interire? Nemo est tam infœlix, qui non quid fieri in talibus rebus oporteat, facillimè iudicet. Et de duobus hominibus vno scilicet perduto, & vno liberato similitudinem istam proposui. Quid ergò sentiendum est de quibusdam paucis perditis, & innumerabili multitudine populorum liberatorum? Non enim vel tot sunt illi homines qui sua voluntate peretint, quot liberantur per istas leges ab illa pestifera æternaque pernicië fundi, pagi, vici, castella, municipia, ciuitates. Si autem diligentius rem de qua loquimur cogitemus, puto quod si plurimi essent in domo ruitura, & inde saltem vnus liberari posset, atq; id cum facere conareremur, alii seipsum precipitio necarent, dolorem de cæteris nostrum, de vnus saltem salute cōsolaremur, non tamen ne seipsum alii perderent, perire vniuersos nullo liberato permitteremus. Quid igitur de opere misericordiæ, quod pro vita æterna adipiscenda, & pœna æterna vitanda hominib⁹ debemus impendere, iudicandum est: si pro salute ista non solum temporali, sed etiam breui, ad ipsum tempus exiguum liberanda, sic nos hominibus subuenire, ratio vera & benigna compellit? Quod autem nobis obiiciunt, quod res eorum concupiscamus & auferamus: vtinam Catholici fiant, & non solum quæ dicunt sua, sed etiam nostra in pace nobiscum & charitate possideant. Vsq; adeò au-

tem

2. 7. 4. ipsa  
pietas.

Calumniæ  
auaritia,  
21. q. 7.  
Quod au-  
tem-

tem calumniandi cupiditate cæcatur, ut non attendant, quàm sint inter se contraria, quæ loquuntur. Ipsi certè dicunt, & inuidiosissimè sibi conqueri videntur, quod eos in nostram communionem violento legum imperio coarctamus. Hoc utiq; nullo modo faceremus, si res eorum possidere vellemus. Quis avarus quærit compossessorem? Quis dominandi cupiditatē inflammatus, vel fastu dominationis elatus, desiderat habere cōsortem? Ipsos certè attendant quondam suos, iam nostros socios & fraterna nobis dilectione cōiunctos, quemadmodum sua teneāt, nō solum quæ habebant, sed etiam nostra quæ non habebāt, quæ tamen si pauperum compauperes sumus, & nostra sunt & illorum. Si autem priuatim quæ nobis sufficiant possidemus, nō sunt illa nostra, sed pauperū, quorū pcuracionem quodammodò gerimus, nō proprietatē nobis vsurpatione damnabili vēdicamus. Quicquid ergo nomine Ecclesiarū partis Donati possidebatur, Christiani Imperatores legibus religiosis cū ipsis Ecclesiis ad Catholicam transire iusserunt. Cū ergo nobiscum sint plebes earundem Ecclesiarum nobiscum pauperes, qui ab eisdem posselliunculis alebantur, ipsi potius foris positi, desinant concupiscere aliena, sed intrent in vnitatis societatem, ut pariter gubernemus, non illa tantum quæ dicunt sua, verum etiam quæ dicuntur & nostra. Scriptum est enim; *Omnia vestra sunt, vos autem* 1. Cor. 3. 21.

*Christi, Christus autem Dei.* Sub illo capite in vno eius corpore vnum simus, & de istis talibus rebus faciamus quod scriptum est in actibus Apostolorum; *Erat illis anima vna & cor vnum, & nemo dicebat aliquid propriū, sed erant illis omnia communia.* Amemus quod cantamus; *Ecce quā bonum & quam iocundum, habitare fratres in vnum:* vt sic experiantur & sciant, quā veraciter ad eos clamet mater Catholica, quod scribit B. Apostolus ad Corinthios, *Non quero quæ sunt vestra, sed vos.* Si autem consideremus quod dictum est in libro sapientiæ, *Ideo iusti tulerunt spolia impiorum:* Item quod legitur in Prouerbiis *Thesaurizatur autem iustis diuitie impiorum:* Tunc videbimus non esse quærendum, qui habeant res hæreticorum, sed qui sint in societate iustorum. Scimus quidem illos tantam sibi arrogare iustitiam, vt eam se iactent non solum habere, sed etiam aliis hominibus dare. A se quippe dicunt iustificari eum, quē baptizauerint, vbi nihileis restat, nisi dicere illi qui baptizatur ab eis vt in baptizatorem suum credat. Cur n. non faciat, quando Apostolus dicit: *Credenti in eum qui iustificat impium, deputatur fides eius ad iustitiā.* In ipsum ergo credat, si eū ipse iustificat, vt deputetur fides eius ad iustitiam. Sed puto quod etiam ipsi se ipsos horreant, si tamen ista vel cogitare dignantur. Iustus n. & iustificans non est, nisi Deus. Potest autem & de istis dici q̄ dicit Apostolus de Iudæis, quia *ignorantes Dei iustitiam*

*Psal. 132. 1.*

*2. Cor. 12. 14*

*Sap. 10. 19.*

*Donatistæ  
aliorum  
iustificatores*

*Rom. 4. 5.*

stitiã, & suam volentes constituere, iustitiæ Dei  
 non sunt subiecti. Absit autem vt quisquam  
 nostrum ita se iustum dicat, vt aut suam iu-  
 stitiam velit constituere, id est, quasi à seipso  
 sibi datam, cum dicatur ei: *Quid enim habes*  
*quod non accepisti?* aut sine peccato se esse  
 iactare audeat in hac vita, sicut ipsi in nostra  
 collatione dixerunt, in ea se esse Ecclesiã, quæ  
 iam non habet maculam aut rugam, aut ali-  
 quid huiusmodi; nescientes hoc modo in eis  
 compleri, qui vel post baptismum conti-  
 nuò vel dimissis debitis, quæ demittenda in  
 oratione poscuntur, de hoc exeunt corpo-  
 re: in tota verò Ecclesia tunc futurum, vt sit  
 omninò non habens maculam, aut rugam,  
 aut aliquid eiusmodi, quando dicendum  
 erit: *Vbi est mors victoria tua: Vbi est mors*  
*aculeus tuus? Aculeus enim mortis est pecca-*  
*tum.* In hac autem vita, vbi corpus quod  
 corrumpitur aggrauat animam, si Ecclesia  
 eorum iam talis est, non ergo dicant DEO,  
 quod Dominus non orare docuit: *Dimittite*  
*nobis debita nostra.* Cùm enim in baptismo  
 cuncta dimissa sunt, vt quid hoc poscit Ec-  
 clesia, si iam etiam in hac vita non habet ma-  
 culam, aut rugam, aut aliquid huiusmodi;  
 Contemnant & Apostolum IOANNE M  
 clamantē in Epistola sua; *Si dixerimus quia*  
*peccatum non habemus, nos ipsos seducimus,*  
*& veritas in nobis non est. Si autem confessi*  
*fuerimus peccata nostra, fidelis est & iustus,*  
*qui dimittat nobis peccata, & mundet nos ab*

1. Cor. 4. 7.

Ephes. 5. 27.

Contra  
perfectio-  
nem iusta-  
lem.

1. Ioh. 1. 8.



*omni iniquitate.* Propter hanc spem dicit vniuersa Ecclesia; *Dimitte nobis debita nostra:* vt non superbientes, sed confitentes mundet nos ab omni iniquitate, atq; ita sibi Dominus Christus exhibeat, in illa die gloriosam Ecclesiam non habentem maculam atque rugam, aut aliquid eiusmodi: quam modò mundat lauacro aque in verbo, quia neq; aliquid remanet in baptismo, quod non dimittatur omniū præteritorum peccatorum, si tamen ipse baptismus non frustrà foris habeatur, sed aut intus detur, aut si iam foris datus est, non foris cum illo remaneatur, & quicquid ab eis, qui post acceptū baptismum hic viuunt, infirmitate humana contrahitur quarumcunq; culparū, propter ipsum lauacrum dimittitur. Neque enim aliquid prodest non baptizato dicere: *Dimitte nobis debita nostra.* Ita modò mundat Ecclesiā suam lauacro aquæ in verbo, vt tunc eam sibi exhibeat, non habentem maculam neque rupam, aut aliquid eiusmodi, totā scilicet pulchram atque perfectam, *quando absorbebitur mors in victoriam.* Nunc ergò in quantum viget in nobis, quod ex Deo nati sumus, ex fide viuentes, iusti sumus. In quantum autem reliquias mortalitatis ex Adam trahimus, sine peccato non sumus. Et illud enim verum est, *Qui natus est ex Deo, non peccat,* Et illud verum est, *Si dixerimus quia peccatum non habemus, nos ipsos decipimus, & veritas in nobis non est.* Dominus itaque Christus & iu-

I. Cor. 15.

54.

1. Iob. 2. 9.

1. Iob. 1. 8.



& iustus est & iustificans, nos autem iustificati gratis per gratiam ipsius. *Non autem iustificat nisi corpus suum, quod est Ecclesia.* Et ideò si corpus Christi tollit spolia impiorum, & corpori Christi thesaurizantur diuitiæ impiorum, non debent impii foris remanere, vt calumnientur, sed intrare potius vt iustificentur. Vnde & illud quod de die iudicii scriptum est; *Tunc stabunt iusti in magna constantia aduersus eos, qui se angustiauerunt & abstulerunt labores eorum*, non vtique sic intelligendum est, quia stabit Chananæus aduersus Israël, cùm Chananæi abstulerint labores Israël, sed stabit Nabuthæus aduersus Achab, quoniam labores Nabuthæi abstulit Achab, Chananæus quippe impius, Nabuthæus iustus.

Eodem modo non stabit Paganus aduersus Christianum, qui abstulit labores eius, quando idolorum expoliata vel donata sunt templa: sed stabit Christianus aduersus Paganum qui abstulit labores eius, quando martyrum prostrata sunt corpora. Sic ergo non stabit hæreticus aduersus Catholicum, qui abstulit labores eius, quando præualuerunt leges Catholicorum Imperatorum. Sed stabit Catholicus aduersus hæreticum, qui abstulit labores eius, quando furores præualebunt impiorum Circumcellionum. Ipsa quippe scriptura soluit quæstionem; quæ non ait: Tunc stabunt homines, sed tunc stabunt iusti. Et ideò in magna constantia,

quia in bona conscientia. Iustus autem hic nemo est iustitia sua, id est, tanquam sibi à seipso facta, sed, vt dicit Apostolus, *Sicut unicuique Deus partitus est mensuram fidei.*

*Rom. 12. 3.* Sequitur autem & adiungit? *Sicut enim in uno corpore multa membra habemus, omnia*

*Extra Ec-  
clesiam nemo iustus.*

*autem membra non eundem actum habent: Ita multi unum corpus sumus in* **CHRISTO**: Ac

per hoc nemo poterit esse iustus, quamdiu fuerit ab vnitatem huius corporis separatus.

Quemadmodum enim membrum si præcidatur ab hominis viui corpore, non potest tenere spiritum vitæ: sic homo qui præciditur de **CHRISTI** iusti corpore, nullo modo potest spiritum tenere iustitiæ, etiam si figuram membri teneat, quam sumpsit in corpore. In huius ergo compagem corporis veniant, & labores suos non dominandi cupiditate, sed benè vtendi pietate possideant. Nos autem voluntatem nostram, vt iam dictum est, ab huius cupiditatis sordibus, quolibet inimico iudicante purgamus, quando eos ipsos quorum labores dicuntur, vt nobiscum & illis & nostris in societate Catholica vtantur, quantum valeamus inquirimus. Sed hoc est, inquit,

*Obiectio  
Donatista-  
rum.*

quod nos mouet. *Si iniusti sumus, quare nos queritis?* Quibus respondemus; Quærimus vos iniustos, ne permaneatis iniusti. Quærimus perditos, vt de inuentis gaudere possimus, dicentes: *Mortuus erat frater &*

*Luc. 15. 32.* *renixit, perierat & inuentus est.* Quare ergò  
me

me, inquit, non baptizas, vt abluas me à peccatis? Respondeo; Quia non facio iniuriam characteri Imperatoris, cùm errorem corrigo desertoris.

Quare, inquit, apud te vel pœnitentiam non ago? Imo nisi egeris, saluus esse non poteris. Quomodo enim gaudebis te esse correctum, nisi doleas fuisse peruersum? Quid ergo inquit apud vos, cum ad vos transimus, accipimus? Respondeo: Non quidem accipitis baptismum, qui vobis extra compagem corporis Christi inesse potuit, prodesse non potuit? sed accipitis vnitatem spiritus in vinculo pacis, sine qua nemo poterit videre Deum: & charitatem, quæ sicut scriptum est, *cooperit multitudinem peccatorum.* 1. Pet. 4. 8.

Quod tam magnum bonum, sine quo nec linguas hominum & angelorum, nec scientiam omnium sacramentorum, nec prophetiam, nec tantam fidem, qua montes transferantur, nec omnia quæ possidet homo distributa pauperibus, nec corporis in ignibus passionem prodesse aliquid, Apostolus 1. Cor. 13. 3. testis est: hoc ergo tam magnum bonum, si paruum & nullum putatis, meritò infelicitè erratis, meritò si in vnitatem Catholicam non transitis, peritis. Si ergo, inquit, oportet vt nos extra Ecclesiã & aduersus Ecclesiam fuisse pœniteat, vt salui esse possimus, quomodo post istam pœnitentiã apud vos clerici, veletiam Episcopi permanemus?

Hoc

Hoc non fieret, quoniam reuera, quod fac-  
tendum est, fieri non deberet, nisi pacis ipsius  
compensatione sanaretur. Sed sibi hoc di-  
cant, & multò maximè humiliter doleant,  
qui in tanta morte præcisionis iacent, vt isto  
quodam vulnere matris Catholicæ reuiui-  
fiant. Cùm enim præcisus ramus inseritur,  
fit aliud vulnus in arbore, quo possit recipi  
vt viuat, qui sine vita radicis peribat: Sed  
cum receptus recipienti coaluerit, & vigor  
consequetur, & fructus. Si autem non coa-  
luerit, ille quidem arescit, sed vita arboris  
permanebit. Est enim & tale inserendi genus,  
vt nullo præciso ramo, qui intus est, ille qui  
foris est, inseratur, non tamen nullo sed vel  
leuissimo arboris vulnere. Ita ergo & isti  
cùm ad radicem Catholicam veniunt, nec  
eis quamuis post erroris sui pœnitentiam  
honor clericatus vel Episcopatus aufertur,  
fit quidem aliquid tanquam in cortice ar-  
boris matris contra integritatem seueritatis.  
Veruntamen quia *neque qui plantat est ali-*  
*quid, neque qui rigat,* ad Dei misericordiam  
precibus fuis coalescente inceptorum pace  
ramorum charitas cooperit multitudinem  
peccatorum. Vt enim constitueretur in Ec-  
clesia, ne quisquam post alicuius criminis  
pœnitentiam clericatum accipiat, vel ad cle-  
ricatum redeat, vel in clericatu maneat, non  
desperatione indulgentiæ, sed rigore factum  
est disciplinæ: alioquin contra clauas datas  
Ecclesiæ disputabitur, de quibus dictum est:

1. Cor. 3. 7.

Distinct. 50  
Et consti-  
tuer.

Qua

*Quæ solueritis in terra, soluta erunt & in cœlo. Matt. 16. 19*

Sed ne forsitan etiam de cæteris criminibus spe honoris Ecclesiastici animus intumescens superbè ageret pœnitentiam, seuerissimè placuit, vt post actam de crimine damnabili pœnitentiam, nemo sit clericus, vt desperatione temporalis altitudinis medicina maior & verior esset humilitatis. Nam & sanctus Dauid de criminibus mortiferis pœnitentiam egit, & tamen in honore suo perstitit. Et beatum Petrum, quando amarissimas lachrymas fudit, vtique Dominum negasse pœnituit, & tamen Apostolus mansit.

Sed non ideò superuacua putanda est *Posterior* posteriorum diligentia, qui vbi saluti nihil detrahebatur, humilitati aliquid addiderunt, quo salus tutius muniretur, experti *prioribus* *Stulter a-* *liquod ad-* *dere pos-* *sunt.* *2.3.9.9. pi-* *ccas.* credo aliquorum fictas pœnitentias per affectatas honorum potentias. *Cogunt e-* *nim multas inuenire medicinas, multorum* *experimenta morborum.* Verùm in huiusmodi causis vbi per graues dissensionum scissuras non huius aut illius hominis est periculum, sed populorum strages iacent, detrahendum est aliquid seueritati, vt maioribus malis sanandis charitas sincera subueniat. Habeant ergo isti de præterito destabili errore, sicut Petrus habuit de mendaci timore, amarum dolorem, & veniant ad Ecclesiam Christi veram, hoc est, matrem Catholicam: sint in illa clerici, sint Episco-



piscopi vtiliter, qui contra illam fuerunt  
 hostiliter. Non inuidemus, imò amplecti-  
 mur, optamus, hortamur, & quos in viis  
 aut sepibus inuenimus, intrare cogimus, &  
 sic nondum quibusdam persuademus, quia  
 non res eorum, sed ipsos quærimus. Apo-  
 stolus Petrus, quando Saluatorem negauit  
 & fleuit, & Apostolus mansit, nondum ac-  
 ceperat promissum spiritum sanctum. Sed  
 multò magis isti eum non acceperunt, vbi à  
 corporis compage diuisi, quod solum cor-  
 pus viuificat spiritus sanctus, extra Ecclesiã  
 & contra Ecclesiam, Ecclesiæ sacramenta te-  
 nuerunt, & tanquam ciuili bello nostris cõ-  
 tra nos erectis signis armisque pugnauerunt:  
 veniant, fiat pax in virtute Hierusalem, quæ  
 virtus charitas est. Cui sanctæ ciuitati dictũ  
 est, *Fiat pax in virtute tua, & abundantia*  
*in turribus tuis.* Non se extollant aduersus  
 maternam sollicitudinem, quam pro ipsis &  
 pro tantis populis, quos decipiunt, vel deci-  
 piebant, colligendis & habuit & habet: non  
 superbiant, quia sic eos suscipit: non refe-  
 rant ad elationis suæ malum, quod facit i-  
 ipsa propter pacis bonum. Sic multitudini-  
 bus per schismata & hæreses pereuntibus  
 subuenire consuevit. Hoc displicuit Luci-  
 fero, quia factum est in eis suscipiendis atque  
 sanandis, qui veneno perierant Arriano:  
 & cui displicuit, in tenebras recidit schisma-  
 tis, amisso lumine charitatis. Hoc ergo i-  
 stos ab initio seruauit Africa Catholica ex  
 Episco-

*Psalm. 121. 7.*

Episcoporum sententia , qui in Ecclesia  
 Romana inter Cæcilianum & partem Do-  
 nati iudicauerunt , damnatoque vno quo-  
 dam Donato , qui author schismatis fuisse  
 manifestatus est , cæteros correctos etiam  
 si extra Ecclesiam ordinati essent , in suis ho-  
 noribus suscipiendos esse censuerunt :  
 non quo etiam foris ab vnitae corporis  
 Christi possent habere spiritum sanctum ,  
 sed maximè propter eos , quos foris positi  
 possent decipere , & à susceptione illius mu-  
 neris impedire. Deinde vt etiam ipsorum  
 infirmitas lenius excepta intus sanaretur ,  
 iam nulla pertinacia claudente oculos cor-  
 dis aduersus euidentiam veritatis. Quid au-  
 tem aliud etiam ipsi cogitauerunt , quando  
 Maximianistas , quos in sacrilego , sicut eo-  
 rum concilium indicat , schismate damnaue-  
 rant , & in quorum iam locum alios ordina-  
 uerant , posteaquam viderant ab eis populos  
 non recedere , ne omnes perderent in suis  
 honoribus receperunt , & baptismo quem  
 foris ab eis damnati dederant , nullam con-  
 tradictionem quæstionemque mouerunt ?  
 Quare ergo mirantur , aut queruntur , aut  
 calumniantur , quòd eos sic suscipimus pro  
 vera pace Christi , & non recordantur , quid  
 ipsi fecerint pro vana quæ contra Christum  
 est pace Donati ? Quod eorum factum si  
 contra eos teneatur , & intelligenter assera-  
 tur , quid omninò respondeant , non habe-  
 bunt. Quod autem dicunt , *si peccauimus*  
*in spi-*

*in Spiritum sanctum, quia exufflauimus baptismum vestrum, ut quid nos quaeritis, cum remitti nobis hoc peccatum omninò non possit dicente Domino: Qui peccauerit in Spiritum sanctum, non remittetur ei neque in hoc seculo, neque in futuro: non attendunt, quia secundum istum sensum nemo liberandus est.*

*Mat. 12. 32.*

Quis enim non loquitur aduersus Spiritum sanctum & peccat in eum, siue qui nondum est Christianus, siue qui est hæreticus Arrianus, aut Eunomianus, aut Macedonianus, qui eum dicunt esse creaturam, aut Photinianus, qui eius omninò negat aliquam esse

*\* id est per-  
sonam.*

\* substantiam, sed vnum tantummodò esse Deum patrem: siue alii hæretici, quos commemorare longum est? Nulli ergò istorum liberandi sunt? Aut ipsi Iudæi, quibus Dominus hoc obiecit, si in eum crederent non erant baptizandi? Non enim ait Saluator, in baptismo remittetur: sed, *Non remittetur inquit, neque in hoc seculo, neque in futuro.*

*2. Sent.  
dist. 43.*

Intelligent ergo non omne, sed aliquod significatum esse peccatum in Spiritum sanctum, quod omnino non remittetur. Sicut enim cum dixisset, *Si non venirem, peccatum non haberent:* utique non omne peccatum intelligi voluit, quando quidem pleni erant multis magnisque peccatis; sed aliquod proprium peccatum: quod si non haberent, possent illis omnia dimitti quæ habebant, id est quod in eum venientem non crediderunt: hoc enim non haberent peccatum, si

non

non veniret. Sic etiam cū dixit, *Qui peccauerit in spiritum sanctum*, vel qui verbum dixerit aduersus spiritum sanctum, non utique omne quod in S. S. peccatur facto siue dicto, sed aliquod certum & proprium intelligi voluit. *Hoc est autem duritia cordis usque ad finem huius vitæ, quæ homo recusat in unitate corporis CHRISTI, quod vivificat spiritus sanctus, remissionem accipere peccatorum.* Cū enim dixisset discipulis, *Accipite spiritum sanctum*: continuò subiecit, *si cui dimiseritis peccata, dimittentur ei: Si cui tenueritis, tenebuntur.* Huic ergo dono gratiæ Dei quicumque resisterit & repugnauerit, vel quoquo modo fuerit ab eo alienus, usque in finem huius temporalis vitæ non remittetur ei, neque in hoc seculo neque in futuro. Hoc scilicet tam grande peccatum ut eo teneantur cuncta peccata, quod non probatur ab aliquo esse commissum, nisi cum de corpore exierit. Quamdiu verò hic vivit, eum, sicut dicit Apostolus, *patientia DEI ad pœnitentiam adducit.* Sed si ipse perseverantissima iniquitate, sicut consequenter adiungit Apostolus, *secundum duritiem cordis sui, & cor impœnitens thesaurizat sibi iram in die ire & revelationis iusti iudicii DEI*, non remittetur ei neque in hoc seculo, neque in futuro. Isti autem cum quibus agimus, vel de quibus agimus non sunt desperandi: adhuc enim sunt in corpore: sed non quærant spiritum sanctum,

NE.

Rom. 2. 4.



ctum, nisi in Christi corpore, cuius habent foris sacramentum, sed rem ipsam non tenent intus, cuius est illud sacramentum, & ideo sibi iudicium manducant & bibunt. Vnus enim panis sacramentum est vnitatis; quoniam sicut Apostolus dicit: *Vnus panis, unum corpus multi sumus*, Proinde Ecclesia Catholica sola corpus est Christi, cuius ille caput est Saluator corporis sui, Extra hoc corpus neminem viuificat spiritus sanctus, quia, sicut ipse dicit Apostolus: *Charitas DEI diffusa est in cordibus nostris per spiritum sanctum, qui datus est nobis*. Non est autem particeps diuinæ charitatis qui hostis est vnitatis. Non habent itaque spiritum sanctum, qui sunt extra Ecclesiam. De illis quippe scriptum est; *Qui seipso segregant animales spiritum non habentes*. Sed nec ille eum percipit, qui fictus est in Ecclesia, quoniam deinde scriptum est; *Sanctus enim spiritus discipline effugiet fictum*. Qui ergo vult habere spiritum sanctum, caueat foris ab Ecclesia remanere, caueat in eam simulatè intrare. Aut si iam talis intrauit, caueat in eadem simulatione persistere, vt veraciter coalescat arbori vitæ.

*Epilogus.*

Prolixum tibi librum derexi, & tuis fortasse occupationibus onerosum. Si ergò potuerit tibi vel partibus legi, dabit tibi Dominus intellectum, vt habeas quid respondeas eis corrigendis atque sanandis, quos  
etiam

*1. Cor. 10. 17*

*Sola Catho-  
lica Eccle-  
sia corpus  
Christi,  
Eccl.  
Rom. 5. 5.*

*Attende le-  
ctur.*

*Iuda. 6. 2.*

*Sapient. 1. 5.*

etiam tibi ipsi tanquam fideli filio, mater Ecclesia ubi potueris, & quomodo potueris, siue ipse loquendo & respondendo, siue ad doctores Ecclesiæ perducendo, in adiutorio Domini corrigendos sanandosque commendat.

## S. AVGVSTINVS CONTRA EPISTOLAM Manichæi cap. 5.

**V**Ideamus quid me doceat *Manichæus*, & potissimum illum consideremus librum, quem *Fundamenti epistolam* dicitis, ubi totum penè quod creditis continetur. Ipsa enim nobis illo tempore mileris, quando lecta est, inclinati ducebamur à vobis, Certè sic incipit: *Manichæus Apostolus Iesu Christi, providentia DEI Patris. Hæc sunt salubria verba, de perenni ac vino fonte.* Iam cum bcñâ cōscientiâ, si placet attendite quid quæram. Non credo istum esse Apostolum CHRISTI, quæso ne succenseatis, & maledicere incipiat. Nostis enim me statuisse, nihil à vobis prolatum temerè credere. Quæro ergo quis sit ille Manichæus? Respondebitis, Apostolus CHRISTI. Non credo. Iam quid dicas aut facias non habebis: *Prophetam.*

*Qui cum Elia, Esaiâ, & Iohanne Baptista comparandus sit. Alii etiam nomina ista ambitiosa sibi non arrogant: tamen & potestatem & surpant, & à suis non minoris fiunt.*

*Faciât quæso lector collationem nouatorum nostrorum cum Manichæo, Videbit, quam belle Aug. Grosq; redarguat. Sic inter Nouatores Lutherus se Euangelistam Iesu Christi esse gloriatus est: item Apostolam et*

NE

bis: promittebas enim scientiam veritatis, & nunc quod nescio cogis vt credam. Euangelium fortè mihi lecturus es, & inde Manichæi personam tentabis asserere. Si ergo inuenires aliquem, qui Euangelio nondum credit, quid faceres dicenti tibi, non credo? EGO VERÒ EVANGELIO NON CREDEREM, NISI ME ECCLESIAE CATHOLICAE COMMOVERET AUTHORITY.

*Sic nunc  
obtemperemus  
matris  
Catholicae  
dicenti.  
Noli credere  
re Lutheri,  
Caluino.  
Mennoni,  
&c.*

NB.

*Vide ergò  
quàm mi-  
serè Noua-  
tores dicti  
superius  
Augustini  
torquere  
soleant.*

Quibus ergò obtemperaui dicentibus, Credite Euangelio, cur eis non obtemperem dicentibus mihi, Noli credere Manichæo? Elige quid velis. Si dixeris, Crede Catholicis, ipsi me monent vt nullam fidem accommodem vobis. Quapropter non possum illis credens, nisi tibi non credere. Si dixeris, Noli catholicis credere, non rectè facies per Euangelium me cogere ad Manichæi fidem, quia ipsi Euangelio catholicis prædicantibus credidi. Si autem dixeris. Rectè credidisti Catholicis laudantibus Euangelium, sed non rectè illis credidisti vituperantibus Manichæum: vsque adèd me stultum putas, vt nulla reddita ratione, quod vis credam quod non vis non credam? Multò quippe iustius & cautius facio, si catholicis, quoniam semel credidi, ad te non transeo, nisi me non credere iusseris, sed manifestissimè ac apertissimè scire aliquid feceris. Quocirca si mihi rationem redditurus es, dimitte Euangelium. Si ad Euangelium te tenes, ego ad eos me teneam, quibus præcipientibus Euangelio

gelio

gelio credidi: & his iubentibus tibi omninò non credam. Quod si fortè in Euangelio aliquid apertissimum de Manichæi apostolatu inuenire potueris, infirmabis mihi Catholicorum authoritatem, qui iubent vt tibi non credam. *Qua infirmata, iam nec Euangelio credere potero*, quia per eos illi crediderim, ita nihil apud me valebit, quicquid inde protuleris. Quapropter si nihil manifestum de Manichæi apostolatu in Euangelio reperitur, Catholicis potius credam, quàm tibi. Si autem inde aliquid manifestum pro Manichæo legeris, nec illis, nec tibi: illis, quia de te mihi mentiti sunt: tibi autem, quia eam scripturam mihi profers, cui per illos credideram, qui mihi mentiti sunt. Sed absit vt ego Euangelio non credam. Illi enim credens, non inuenio quomodo possim etiam tibi credere, &c.

*Infirmata  
Catholica  
Ecclesia  
authoritate  
neque ipsi  
Euangelio  
tutum cre-  
dere.*

F I N I S.











6.1/K



